

قلوب حائرة

فيروز شبانة

الكتاب : قلوب حائرة
الكاتبة : فيروز شبانة
التدقيق اللغوي : هند محمود
رقم الإيداع : ١١٤٠٨ - ٢٠١٩
تصميم الغلاف : شيماء صلاح

المدير العام: محمد قاسم

جميع الحقوق محفوظة

وأي اقتباس أو تقليد، أو إعادة طبع، أو نشر دون موافقة قانونية مكتوبة يعرض صاحبه للمساءلة القانونية، والآراء والمادة الواردة وحقوق الملكية الفكرية بالكتاب خاصة بالمؤلف فقط لا غير.

العنوان: 6 ش احمد عبد الرحيم - الملك فيصل - جيزة

موبايل: 01003002847

البريد الإلكتروني: mkbookstor@gmail.com

قلوب حائرة

رواية

فيروز شبانة



Publishing
Distribution

المقدمة

لا يزال البعض يتعامل مع الآخر بنظام طبقيّ عقيم عفا عليه
الدهر، ولكن تأتي المواقف لتعلمك بخطئك، ولتحاول إصلاح
ما أفسدته.

فهل في وقتها ستستطيع الإصلاح حقاً؟!

(١)

في أحد الأحياء الشعبية التي تمتاز ببساطة الطراز، وأيضاً بساطة الإنسان، والذي رغم الظروف التي أنهكته فإنه لا يزال يعافر في الحياة، ولا تزال البسمة ترتسم على شفثيه رغم معاناته اليومية من ضيق الرزق وقلة الخدمات المتوفرة لأصحاب الحرف البسيطة، يقطن العم (محمود) وأسرته. الابنة الكبرى (إسراء)، تبلغ من العمر عشرين عاماً، في المعهد الفني التجاري، هي متوسطة الجمال، ولكنها طيبة القلب.

والصغرى (ظلال)، في السابعة عشرة من عمرها، في الصف الثاني الثانوي، تبدو كالبدرة ليلة تمامه في استدارته، هي بيضاء، ولكن براءتها سر جمالها. والابن (فاروق)، أنهى الدبلوم، يُساعد والده في النجارة، في الثانية والعشرين من عمره، وهو قمحاوي البشرة.

وأما زوجة العم (محمود)، فإنها تحاول بكل عناء أن تُدبّر حال الأسرة واحتياجاتها بأقل القليل حتى لا تزيد من معاناة زوجها. وعلى الجانب الآخر..

توجد أسرة فاحشة الثراء، الأب هو (البنهاوي)، صاحب أعرق شركات التصدير والاستيراد، يمتلك فروعاً مِصر وخارجها. الابن الأكبر (ظافر)، ذو ثلاثين عاماً، وهو شارّد في الخارج لا يُحب القدوم إلى القاهرة، ولذلك فإنه يُدير الشركات بالخارج، وهو وسيم وطويل وعريض، وهذا ما يزيد من غروره على عكس أخيه الأصغر.

الابن الأصغر (حمزة)، وهو ملتزمٌ أخلاقياً، في الخامسة والعشرين من عمره، يُفضّله والده عن أخيه الأكبر لالتزامه وعقليته رغم صغر سنه، أما الأخ الأكبر فهو أهوج، حتى إنه تزوّج بأجنبية من أصول عربية بالخارج.

ولذلك، فقد كتب الأب معظم الشركات للابن الأصغر، لتعقُّله، فقد خشي أن يبعثر الأخ الأكبر كل هذا على ملذاته ونزواته، ووصى ولده (حمزة) على إخوته، بالأخذ حقهم وأن يُعطيهم ما يريدونه، إذ كان بذلك فقط يحفظ المال والشركات من الضياع مع ابنه الأصغر.

و(حمزة) شابٌ وسيم، ولكنه ضئيل الحجم نوعاً ما، فهو ليس بفارعٍ في الطول ولكنه قصير بعض الشيء.

يوجد لدي (البنهاوي) أيضاً ابنتان، الكبرى في الخامسة والثلاثين ومنتزوجة، والصغرى في الحادية والعشرين من عمرها، وقد تخرّجت في مدارس اللغات والجامعه الأمريكية، وتعيش حياتها كما تشاء بين «الديسكوهات» والأصدقاء، لا أحد يبالي بها، فالجميع لديه عمله المنغمس فيه.

نرجع إلى العائلة البسيطة..

تستيقظ (ظلال) وهي لا تزال في فراشها بجانب أختها، والتي تُحاول إيقاظها بتلملٌ وتأفف: يوه يا ظلال، عندي متأخر النهارده، سيبيني أناام شوية أنا ضابطة المنبه، وقومي إنتِ الحقي مدرستك.

(ظلال) تتنهد: حاضر، يا بختك! مش احنا كل يوم من الصبح مدرسة وبعد كده دايرين عالدرس كعب داير، ارحمنا برحمتك يا رب.

(إسراء) بمزاح تضرب أختها بالسادة: قومي يا بت، على حته يوم يتيم بروح فيه متأخرة هتحدسديني عليه!

(ظلال): ما إنتِ مبتخدش دروس زيي.

(إسراء) تضربها: قومي يا بت من هنا هقتلك!

وتستيقظ (ظلال) لتذهب إلى الحمام وتتوضأ لتؤدي فرض ربها، ثم ترتدي ملابس المدرسة وتستأذن والدتها في الذهاب إلى المدرسة وأنها ستتأخر ليلاً لأن معها كتبَ الدروس وستخرج من المدرسة إلى الدروس مباشرة، ولن تعود إلا في التاسعة ليلاً بعد الانتهاء من جميع دروسها، وتطلب منها ألا تقلق عليها.

ولكن قلب الأم، فتقول الأم بأسى: يعني مفيش وقت فاضي تيجي تاكلي لقمة؟! هتفضلي كده على لحم بطنك من الصبح!

(ظلال) تُطمئنّها: عملت سندوتشين معايا، متقلقيش.

أمها وهي تُخرج بعض النقود من صدرها: طب خدي دول، لو جعتي اشترى أي حاجة أو اركبي توك توك لو تعبتي.

(ظلال) تحتضنها: حاضر يا أحلى أم في الدنيا.

ثم تذهب إلى مدرستها، وهناك تقابل أصدقاءها.

(رنا) تسأل (ظلال): جبتي مادة الفيزياء معاك؟

(ظلال): ليه إن شاء الله؟ مفيش درس النهارده.

(رنا) بتعجب: إنتِ مفتحتيش الفيس؟ الأستاذ نبّه إن فيه درس الساعة تسعة.

(ظلال) بضيق: كمان! ده إيه الهم ده! يعني هنفضل في الطاحونة دي لامتي، نطلع من الدرس ده للدس ده، حاجة تشل! طب مش رايحة.

(رنا) باستسلام: إنتِ حرة، بس ده امتحان، وهيحدد مستوى الي يستني والي يمشي، إنتِ مش مذاكرة؟

(ظلال): لا مذاكرة، ما هو كان امبارح الامتحان واتأجل، خلاص هاجي وأمري لله.

وظلت (ظلال) في هذه الطاحونة من هنا إلى هنا، حتى أنهت دروسها.

بعض الأصدقاء: احنا هناخد تاكسي، مش قادرين، والبيت بعيد.

وجمعوا المبلغ من بعضهم، فبيوتهم بجانب بعضها.

(ظلال) باستسلام: يعني هتسيبوني أمشي لوحدي للبيت! مش هتوصلوني؟!

الجميع: لاااا، بيتك بعيد عننا خالص، مش قادرين والله.

فرضخت (ظلال) واستسلمت، لتسير في ليالي الشتاء الكاحلة والبرد الشديد، فقد

قضت على النقود ولم يعد لديها أي نقود لتأخذ تاكسي أو حتى «توك توك».

وفي أثناء سيرها منكمشة على نفسها من البرد، اعترضها بعض الشباب.

(شاب ١): القمر ماشي لوحده ليه؟

(شاب ٢): هو مش القمر المفروض ينور لنا في الظلمة دي؟

(شاب ٣): متيجي يا جميل معانا ونحلي لك بقك الي عاوز يتاكل ده.

ويجذبها إليه، لتحاول إبعاده وتنهرهم: ابعدوا عني! حرام عليكم، ملكومش إخوات بنات!

(شاب ١): إنتِ هتعملي علينا شريفة أبت؟! في بت محترمة تمشي في الوقت

المتأخر ده إلا إذا كانت لا مؤاخذة...

لتمد يدها عليه: اخرس!

ليمسك يدها: إنتِ اتهبتي! والله لأوريك!

ويجذبها بشدة وهي تصيح ولا مجيب، فالشوارع خالية كأن سكانها هجروها، لتخرج سيارة من العدم تُسلط عليهم الضوء ويخرج صاحبها ذو الحجم الضئيل ويُشهر مسدسه الذي يظل دائماً في (التابلوه) بالسيارة، إذ في أحيانٍ يكون معه نقود كثيرة ويخشى السرقة.

هو يعلم أن القوة غير متكافئة، ولكنه يحاول إنقاذها من براثن هذه الذئاب البشرية، فيُغلق الجميع عينيه من أثر الضوء، وينطلقون بعد سماع صوت المسدس، فقد ظنوا أنه شرطي أو ما شابه.

تركوها تبكي، لتجري عليه وتُلقي بنفسها في أحضانه وهي في حالة انهيار تام، ففوجئ برّد فعلها ولم يعلم ما يفعل معها، ولكنه أخذ يُربّت على كتفها وظهرها كي تهدأ، لتستعيد رباطة جأشها مرةً أخرى وتتراجع وتمسح عينيها بيديها كالأطفال، وتشكره كثيراً على ما فعله معها، فلولاه لأخذها هؤلاء الكلاب وضاعت بعدها.

(حمزة) بابتسامة عذبة: بتشكريني على إيه، ده أقل شيء ممكن أعمله.
(ظلال): إزاي! إنت عرّضت حياتك للخطر، كان ممكن يضربوك.
فيضحك: عشان قصير يعني!

(ظلال) بإحراج: لا مش قصدي، ما الحال من بعضه، بس هما كتير والكثرة تغلب الشجاعة، أنا متشكرة جداً، غيرك كان مشي ولا سأل.
(حمزة): ده يبقي مش راجل اللي يعمل كده ويسيب بنت ضعيفة محتاجة مساعدة!

(ظلال): طب أنا ماشية بقي.

فجذبها من يدها: ماشية رايحة فين؟!

لتلتفت وتتنظر إلى موضع يدها، فتركها ورفع يده: أنا آسف مش قصدي! بس الوقت اتأخر، تعالي أوصلك.

نظرت إليه بريية، فحدثها: بعد اللي عملته ولسه مش واثقة فيا؟ أنا بس خايف يقابلوك تاني، وساعتها مش هقدر أنقذك.

فخافت وتلفتت حولها، ودخلت مسرعةً إلى السيارة: يلا بسرعة من هنا يا اسمك إيه.

ليضحك على ردِّ فعلها: حاضر، اسمي حمزة، وإنِتي؟
(ظلال): اسمي ظلال.

(حمزة): الله! اسم غريب وجديد، أول مره أسمعته.

(ظلال): والله وأنا! معرفش أبويا كان بيعمل ظُليَّة لواحد وأنا اتولدت،
فسماني ظلال.

(حمزة) مستفسراً: معلش، إيه الظُّليَّة دي؟

(ظلال): ظُليَّة! مش عارف الظُّليَّة؟! زي الشمسية كده، بتظلُّ عليك من
الشمس.

(حمزة): آااه! ظُليَّة! معلش أصل فهمي على قدي!

(ظلال): ماشي، اكسر من هنا بقى، بس كده، هنزل هنا بقى، بيتنا أول الشارع

ده اللي فيه الغسيل، لحسن حد يشوفني، سلام بقى يا حمزة، ومتشكرة جدًّا.

وجرت إلى بيتها تُخبئُ رأسها بكتابها من الشتاء الذي هطل، ولكنها تركت

(حمزة) يشعر بمشاعر لم يعهدها من قبل، لأول مرة يجد مخلوقَةً يحتويها

بأحضانها ويشعر أنها تشعر بالأمان معه، وأنه هو المسئول عنها وعن أمانها،

شعورٌ غريب!

ولكن، هل هي أيضًا شعرت بهذا أم أنه مجرد عابر سبيل أنقذها؟!!

(٢)

ذهبت (ظلال) مسرعةً إلى بيتها، فقابلتها والدتها بانزعاج: أتأخرت كده ليه يا بت؟! وأنا بلالي هنا وأقول يا ترى يا هل ترى! ده أبوك لو كان جه هو وأخوك كانوا قطعوا رقبتك، لولا عندهم شغل في الورشة. (ظلال) تطمئن والدتها: اهدي بس وهحكي لك كل اللي حصل. وأخذت تقص على والدتها ما حدث، والمرأة تلطم أحياناً وتصك صدرها أحياناً أخرى.

ثم أخذتها بحضنها: الحمد لله إن ربنا ستر المرة دي، اوعي تقولي لحد الكلام ده، لو أبوك عرف هيقعدك من الدروس والمدرسة. (ظلال): لا يا ماما! أنا عاوزة أكمل تعليمي.

أم (فاروق): يبقى تكفي على الخبر ماجور، ولو لقيتي درس متأخر بناقصه يغور، متروحيش، إنت فاهمة؟!

(ظلال): هحاول بس مقدرش، بتبقي حاجات مهمة هتفوتني، بس هحاول مارجعش لوحدي وأشوف اللي قريبين من هنا وأوفر فلوس أقدر أرجع معاهم بتاكسي.

أم (فاروق): أما نشوف، ربنا يستر!

ودخلت (ظلال) إلى غرفتها، فوجدت أختها على الفراش، فنادتها وسألتها عن سبب التأخير، ولكن (ظلال) كانت في عالم آخر.

أخذت تتذكر حينما كانت بأحضانه، وتنهر نفسها عما فعلته، وتحدث نفسها: هيقول عليا إيه دلوقتي؟! معقول في شاب لسه بالأخلاق دي! يضحي بنفسه عشاني! ده ممكن كانوا قتلوه بسببي، ومع إنه مش طويل وعريض زي شباب النفخ كان عنده شجاعة ودمه حامي وعنده غيرة أكثر منهم، مش زي الشباب الزبالة اللي قابلوني.

(إسراء) تصفق أمام وجهها: في إيه يا بنت؟! بكلمك وإنت في عالم تاني!

(ظلال): هااااااه... أنا هنا أهو!

(إسراء): هااااا وهنا أهو! بديها بدري قوي!

(ظلال): تقصدي إيه؟! ما هو اللي معرفش يقول عدس.

(إسراء): طب قولي يا أم العريف في إيه.

(ظلال): هقول لك، بس متجيبش سيرة لحد بتاتاً.

وقصّت على أختها ما حدث، فاحتضنتها: يا حبيبتي! الحمد لله إن ربنا سلم،

وربنا يجازيه خير الجدد ده، من غيره منعرفش دلوقت كان جرى لك إيه.

(ظلال) بهيام: فعلاً كتر خير، من غيره معرفش كنت عملت إيه.

وأحست أختها بشرودها: طيب يا اختي، إنتِ وقعتي ولا الهوا رماك؟

(ظلال): لا والله موقعتش، محدش وقعني.

فتضحك (إسراء) على سذاجة أختها (ظلال): ماشي، غيّرني هدمك المبلولة

لتبردي، وتعالني ادقي تحت الغطاء.

وفعلاً نفذت (ظلال) ما قالتها (إسراء) لها، ولكنها توضأت أولاً لتصلي صلواتها

التي لم تصلها بعد، ثم دخلت إلى فراشها وتدثرت بغطائها وهي تحمق في

السقف، فاستعادت حديثها مع (حمزة)، وتذكرت عندما ألقّت بنفسها في

أحضانها.

لتُخرجها أختها من تفكيرها: احنا مش هنعلم النهارده؟!

نظرت إليها (ظلال): هااا، حاضر، هنام أهو.

وخبأت وجهها بسرعة في الفراش وتدثرت بالغطاء.

أما (حمزة) فقد ذهب إلى الفيلا، ليجد والده ينتظره.

(البنهاوي) مستنكراً: إيه يا حمزة التأخير ده كله؟! قلقنتني عليك!

(حمزة) بعد أن قبل يد والده: أبداً يا حبيبي، عشان الشتا بس والطريق،

متشغلش بالك.

(البنهاوي): عملت إيه في الصفقة؟

(حمزة): متقلقش، كله تمام، عيب ده أنا تربيتك يا باشا، مضوا وبالشروط

بتاعتنا كمان.

(البنهاوي) باستغراب: إزاي ده؟! ده كانوا مصممين يخفضوا السعر.

(حمزة): عيب يا باشا، مش عارف قدرات ابنك! ده أنا كنت هغلي السعر

كمان، بس إنتَ عارف كلمتي واحدة.
احتضنه أبوه: ربنا يبارك لي فيك يا حمزة، فعلاً اختياري في محله، إنتَ قد
المسئولية، مش أخوك اللي بيتصرّح في أوروبا.
(حمزة): ظافر برضه ليه في الشغل هناك، هو هلاس شوية، لكنه ماسك فروع
بره وماشية زي الساعة وبيتابع معايا لحظة بلحظة، ولولاه مكانتش الشركة
وصلت إلى العالمية.

(البنهاوي): أنا عارف إنه في الشغل جد وميعرفش أبوه، عشان كده كاتب
له اللي هناك يمشييه زي ما كتبت لك اللي هنا، وعشان تمشوه من غيري، لكن
برضه في الهلس ملوش مثيل، وشوية يتجوز ويطلق ولا بيعمل إيه تاني، الله
أعلم! وإنتَ مش ناوي تتجوز بنت عمك؟ عمك سايبها أمانة في رقبتنا، ومكتوبة
ليك من صغرها.

(حمزة): يا بابا إنتَ عارف، (بنان) زي أختي بالضبط، وأنا حالياً مبفكرش
في الزواج.

(البنهاوي): يعني إيه زي أختك؟! أنا قلت بنان ليك وإنتَ لبنان، خلصت،
ومش عاوز فيها كلام.

(حمزة) وقد خشي على والده لمرضه الشديد: طب اهدا بس، أنا مبفكرش
حالياً في الزواج، لما أضبط شغلي وأحس إني عملت اللي عاوزه نبقى نتكلم في
الزواج، وهي لسه في تانية كلية لحد أما تخلص فيها فرج.

(البنهاوي): إنتَ بتاخديني على قد عقلي يا ولد!
(حمزة): العفو يا بابا، بس مش وقته، هي لسه صغيرة، والموضوع ده لسه
بدري عليه.

(البنهاوي): ماشي، وصلني لأوضتي.

(حمزة) بإذعان: حاضر.

وأدخله إلى فراشه ودثره ثم أطفأ الضوء، وإذا به وهو خارج يصطدم بـ(بنان).
(بنان): إنتَ لسه جاي! اتأخرت كده ليه؟

(حمزة): إنتَ مالك يا حشرية! إن شاء الله أبات بره حتى، مالك إنتَ! خشي
نامي.

(بنان): الله! متزُقش، ده إنت رزل!

فحرَّك يده أمامها لتهويشها: والله لو ما اتلميتي لبالكوع في وشك.
فجرت من أمامه.

(حمزة) بتعصّب: بت حشرية! مالها أتأخر ولا مجيش من أصله، كانت وليّة
أمري!

ودخل إلى حجرته، فخلع ملابسه وتمدد على فراشه، وعقد ذراعيه خلف رأسه
مستنداً عليهما، وأخذ يفكر في تلك التي اندفعت إلى أحضانه، ليشعر الشعور
نفسه الذي انتابه وقتها، فأغلق عينيه مُفكراً بها، وابتسم وهو يتذكر حديثها،
ونطقَ باسمها على شفّتيه: ظلال! ماذا فعلتِ بي أيتها الطفلة البرينة؟!

في فرع ألمانيا..

جلس (ظافر) في مكتبه، وإذا يتصل به أحدهم.

ردّاً عليه (ظافر): سافرت برضه وماعتبرتش لكلامي! أوكي، شكراً يا حبيبي،
معلش تعبتك معايا.

(زاهر): لا تعب ولا حاجة، إنت تؤمر، إنت عارف ليا معارف في المطارات
كثير.

(ظافر): عارف، وعشان كده بتقل عليك شوية، معلش بقى استحملني، ذنبك
إنك صاحبي.

(زاهر): أحلى صاحب في الدنيا، هنتقابل على البار بالليل.

(ظافر): أكيد، هخلص الشغل وأروح، وأنا ليا مكان تاني غيره!

وأغلق وهو يجز على أسنانه: ماشي يا بنت الـ... إما وريتك! بتستغفليني! مجرد
ما أمشي تسافري، مفكراني أهبل وبريالة، إما وريتك، بس أرجع لك!

ودخلت السكرتيرة، وبمجرد حديثها وجدت ثوراً هائجاً أمامها يثور بأعلى
صوته: مش عاوز زفت دلوقت!، فخرجت مذعورةً من طريقته، إذ عند ثورته
لا يعرف من أمامه.

تناول مفاتيحه بعصبية وأخذ المعطف الخاص به بيده واضعاً إياه على كتفه
وانطلق إلى البار، ليجد صديقه الذي استغرب قدومه.

(زاهر) بعد الترحيب بصديقه: إيه يا ابني! مش قلت هتخلص الشغل وتيجي؟
(ظافر): مش قادر، بنت الـ... فوّرت دمي، إنت عارف، لو كانت هناك كنت رجعت ميونخ حالاً وجبتها من شعرها، مفكراني كروديا وبتستغفلي، أقولها مفيش سفر، ولا أكني قلت حاجة، وتنفذ كلامها ومتعرّفنيش.
(زاهر): ما تطلقها وتخلص.

(ظافر): بالسهولة دي؟! أما أعرفها مين هو ظافر الأول الي لعبت معاه.
(زاهر): أنا خايف عليك من تهورك ده، احنا مش في مصر وفلوس أبوك، هامياك ومركزه، احنا في ألمانيا، وهي كمان من بلجيكا، كل بلد ولها قوانينها، طلقها وسيبها وخلص عشان متعملكش مشاكل.

(ظافر): مش أنا اللي يتقال له كده، ولا يتعمل معاه كده!
(زاهر): إنت دماغك أنشَف من الظلط يا صاحبي ومفيش فائدة في تهورك، كلما أقول لما تكبر هتعقل ألاقك تتهور أكثر.

(ظافر): سيبك إنت، شوف لنا حاجة تروقنا.
وهكذا هي حياة (ظافر) بالخارج، لذلك يخشى والده من تهوُّره هذا، أما في العمل، فهو صارمٌ ولا يُشَقُّ له غبار.

(٣)

عادت (ظلال) إلى حياتها اليومية، حيث المدرّسة والدروس، ولكن الجديد الذي طرأ عليها هو ذلك المجهول الذي خرج لها من العدم لتحتضنه وهي لا تعرفه ولا تعرف عنه شيئاً، مجرد اسم، (حمزة) فقط. لا تعرف لماذا هي دائماً التفكير به رغم انقضاء فترة كبيرة على الحادثة، ولكنها تريد رؤيته ولا تعرف كيف السبيل إلى ذلك، فاستسلمت لحالها وتركت الأمور لمولاهما يُدبّرها كيف يشاء.

أما (حمزة)، فقد انشغل هذه الفترة بالعمل، ولكنه كان دائم التفكير في تلك الطفلة التي خطفت قلبه قبل عقله، وعندما أفاق من أعماله، كان يحاول يومياً أن يذهب إلى ذلك الشارع الذي قابلها فيه، ولكن لا سبيل إلى رؤيتها، فظن أن مواعيد الدرس اختلفت أو أنها تركت ذاك المدرّس، حتى واتته فكرة، فلم لا؟! هو يعرف طريق بيتها، ومن الممكن أن ينتظرها عند قارعة الطريق كما أوصلها في تلك المرة السابقة، وعندما يراها يذهب إليها ويحدّثها.

وبالفعل، ذهب إلى هناك، ركن سيارته وظلّ قابلاً بها ينتظر فقط، ولكنها لم تأت، فعاد خائب الرجاء، ولكنه لم ييأس، إذ ربما لم يكن لديها درس في هذا اليوم، لذا قرر أن يُعاود الكرة غداً وبعد غدٍ حتى يراها، فبالتأكيد سيأتي اليوم الذي يراها فيه.

وبالفعل، أتى هذا اليوم، حين وجدها تقترب من السيارة، فخرج أمامها فجأة، لتسقط الكتب من يدها، كادت أن تُصدر صوتاً، إلا أنه وضع يده على فمها وحاول تهدئتها.

(حمزة): أنا حمزة يا ظلال، متخافيش هتفضحين!

هدأت قليلاً، فنزع يده من على فمها، لتجحظ عيناها وتتفوّه باسمه: حمزة!
إنّت إيه اللي جابك هنا؟!

(حمزة) وهو ينظر بعينيها: وحشتيني!

فغرّت فاهها، ثم تداركت وخجلت من كلماته وأخفضت عينيها، فأقام رأسها بإصبعه ونظر بعينيها: إيه؟ موحشتكيش؟ أمشي!

تفوّهت بعفوية: لاااا!

ثم تداركت ما قالت، فجزّت بأسنانها على شفيتها، ثم نظرت إليه: أنا ماشية لحسن حد يشوفني.

(حمزة) وهو يجذبها من يدها قبل أن تسير من أمامه: طب ادخلي في العربية شوية، أنا مشبعتش منك لسه، عاوز أقعد معاك، عاوز أكلم معاك. فجحظت عينها وتلعثمت: لاااا مقدرش! لو أبويا أو أخويا شافونا هيموتوني، أنا ماشية، مش هقدر يا حمزة.

فاستسلم لقرارها: وأنا مريضينش إن حد يثديك بسببي.

نظرت إليه بهيام لمدة، ثم تداركت نفسها وبسرعة: أنا ماشية بقى. (حمزة): هشوقك تاني؟

وهي تبتعد وتنظر إليه: مش عارفة!

ثم جرت، في حين أخذ يتتبعها بناظريه وهي تعدو مسرعةً وقلبه مُعلّق بها، وكأنها أخذت قلبه معها وتركت صدره خاويًا، فأخذ يتنفس الصعداء ويُهَمِّم: ماذا فعلت بي أيتها الطفلة البريئة؟! لقد حركت قلبًا كان ساكنًا بلا حراك. وأغمض عينيه، ثم استيقظ من غفلته بعد مدة على صوت بوق سيارة تعدو بجانبه مسرعة، فدخل إلى سيارته عائداً إلى منزله، ولا يزال الشوق والحنين يعتصرانه، ولكن ماذا يفعل، إن حدث والده في شيء كهذا فرما يحدث له مكروه أو يغضب عليه أو... أو...

أخذت تتسارع الأفكار السيئة في عقله وتمر أحداثها أمام عينيه، فنفض هذه الفكرة عن رأسه: لا لا! لا يمكن أقول لبابا حاجة عن الموضوع ده، لحسن يروح فيها ولا يميشيني من البيت، ده لسه متخانق معايا عشان أتجوز (بنان) بنت عمي، ولو كلمته في موضوع ظلال هيرفض، ومش بعيد يجوّزي (بنان) غصب عننا احنا الاتين وفي أسرع وقت، لا يمكن أقول له أبداً! بس أعمل إيه؟! أنا مبقتش قادر أعيش من غيرها، في تفكيري كل لحظة وكل ثانية، وأعتقد هي كمان بتبادلني الشعور ده.

ثم تمخّصت في رأسه فكرة، ليقول: لم لا؟ سأفعلها ونرى، فلن أخسر شيئاً، وربما أخرج منها كسباناً!

وبالفعل، عقد العزم على رؤيتها، ولكن هذه المرة، سيُحدّثها ولن يقبل منها الرفض، فذهب إلى ذلك المكان ينتظرها، وحين رآته تلعثمت: مش هينفع اللي بتعمله ده يا حمزة!

(حمزة) دون تردد وهو ينظر بعينيهما: ادخلي في العربية.

لتشهق (ظلال): لا طبعاً! حد يشوفني!

فقاطعها (حمزة) وبصرامة: بقول لك ادخلي العربية حالاً، مبخير كيش، أنا بأمرك!

فأحسّت أنها عاجزة عن الرد أمامه، وكأن لسانها قد شلّ أو أكلته القطة، فلم تعرف كيف حرّكت قدميها ودخلت إلى السيارة لينطلق بعدها، فاستفاقت من غفلتها وصرخت به وأمسكت بيده: نزلني يا حمزة الله يخليك!
وكادت تبيكي.

(حمزة) وقد أحسّ بقلقها فحاول تهدئتها وأوقف السيارة: يا بنتي اهدي، أنا مش هعمل لك حاجة والله! أنا بس عاوز أكلمك في موضوع.

فهدأت وأدركت أنها ما زالت تُمسك بيده، فتركتها بخجل: قول عاوز إيه.

(حمزة) بيتسم: وأنا هعرف أتكلم مع التكشيرة دي؟! فين ضحكة البقرة الضاحكة؟

فضحكت بصوت عالٍ ثم خجلت من صوتها ووضعت يداً على شفّتيها الورديتين، والأخرى ضربته بها: بقى أنا بقرة يا حمزة؟!

(حمزة) بابتسامته العذبة التي تأسرها: أحلى بقرة شافتها عيوني!

فخجلت وحاولت أن تُداري خجلها بسؤال: طب إنت عاوز إيه مني؟

(حمزة): يعني مش عارفة؟!

(ظلال) بخجل خافضة رأسها: لا مش عارفة!

فرفع رأسها إليه بإصبعه: طب عيني في عينك كده.

(ظلال) بخجل: قول بقى!

فباغتها (حمزة) بردّه: ب ح ب ك!

فجحظت عيناها ونطقت بسرعة: رُوّحني يا حمزة بسرعة أو نزلني!

(حمزة) مُهدّداً إياها: ظلال، أنا بحبك فعلاً، ومش قادر أفكر في حد غيرك،

وغرضي شريف على فكرة، أنا عاوز أتجوزك.

(٤)

تهلّلت أساريها ثم تراجعت: تتجوزني ازاي؟! أنا لسه في تانية ثانوي، أهلي مش هيرضوا، أنا لسه صغيرة.

(حمزة): المهم إنتِ عندي، لو موافقة سيبني الباقي عليا.

(ظلال) بفرع: هتعمل إيه؟

(حمزة) بابتسامه: إنتِ مالك يا حشرية! ده كلام رجالة ملكيش فيه.

(ظلال): بقى كده! طب أنا مش موافقة بقى.

(حمزة) وهو ينظر إليها نصف نظرة ويبدأ في إدارة محرك السيارة: مين دي

اللي مش موافقة؟! عينيكِ قالت كل اللي عاوزه.

فأخفضتهما من خجلها واعتدلت بجلستها، ليقود السيارة ويعود بها إلى المكان

الذي أخذها منه، فرجعت إلى بيتها وهي في حالة هيام، حتى إنها لم تأخذ بالها

من والدتها الواقفة واتجهت إلى حجرتها مباشرة.

تبعتها والدتها بنظراتٍ حائرة وهي تضرب كفاً على كف: عوّض عليا عوّض

الصابرين يا رب! البت دي مالها؟ صبرني يا رب!

ثم دخلت الأم عليهما في حجرتهما: على فكرة، خالكم هينقل مصر قريب هو

وولاده وهيسيبوا المنصورة.

(ظلال): خالنا مين؟

أم (فاروق): خالك جابر، هو آه مبيجيش من بعد إصابته في الجيش وطلوعه

المعاش المبكر من زمان، بس عياله جالهم شغل في القاهرة، وقالوا ينقلوا كلهم

وييجوا هنا.

(إسراء): با مرحاب يا مرحاب! أنا أصلا مشوفتهوش من زماان.

أم (فاروق): ما هو من يوم ستك ما ماتت لا يروح ولا بيجي، بس من وقت

للتاني بيتصل بيا يتظمن.

(إسراء): طب إيه المطلوب منا دوقتي؟

والدتها: ولا حاجة، أنا بقول لكم عشان أما ييجوا هيقوا ملخومين في النقل،

فهنغمهم وتبقوا معايا، مش تخلعوا!

قامت (إسراء) تحتضن والدتها: احنا وش ذلك يا ست الكل؟!

والدتها: إنتم ذلك نفسه، وبتسيبوني معكوكة لوحدي.

(ظلال): نوعدك هنتعك معاي، بس يبقى يوم مفيهوش دروس.

والدتها: اللي هو امتي ده؟! هو حد بيشوفك، ده كل يوم دروس!

(ظلال): يعني أعمل إيه بقى، أسقط ولا أسقط!

والدتها: امشي غوري إنتِ وهي، أنا غلطانة، عوّض عليا عوض الصابرين يا رب!

(إسراء) بابتسامة: خلاص، أنا هأجّر يومها من المعهد وأبقى معاك، بس

بلغيني قبلها عشان أوصّي البنات صاحباتي يصوروا اللي هيفوتني.

والدتها: ماشي حبيبتي.

ثم أزاحت (ظلال) بيدها: وإنتِ غوري من وشي.

(ظلال): الله! ليه كده طاء!

فظرت إليها والدتها بغیظٍ وتركتها ثم انصرفت.

(ظلال) تستند على أختها: أنا بدأت أشك إني لقيطة.

فظرت إليها أختها باستغراب، لتومئ (ظلال) برأسها: أيوه، لقوني على باب

جامع وعطفوا عليا وربوني.

فضحكت (إسراء): لا والله!

(ظلال): مش شايقة أمك بتزقني وهي ماشية وبتعاملني ازاي.

(إسراء) تنظر إلى أختها: إنما تعالي، إنتِ كنتِ داخله مش شايقة قدامك، مالك

يا بت؟

(ظلال) بضحكة: مالي في البنك.

(إسراء) بتعجب: لا والله! إنتِ حيلتك ربع جنيه أصلاً! ماشي ماشي، مسيري

هعرف.

(ظلال) بتلعثم: تعرفي إيه بس، مفيش حاجة، يعني هيبقي في إيه، سيبيني

بقي متعطلينيش، ورايا مذاكرة كتييرة خالص.

(إسراء) تنظر إليها: ماشي يا مجتهدة، بكرة نقعد جنب الحيط ونسمع الزيت.

في ألمانيا..

(ظافر) لصديقه (زاهر): أنا مسافر النهارده، وظبطت الشغل، بس ابقى تابع كده معايا لو في أي مشكلة تقدر تحلها، إنت ليك اتصالات هنا كبيرة.

(زاهر): إنت تؤمر متقلقش، بس بلاش تهور.

(ظافر): ده أنا هطلع روح أمها، بتكسر كلامي، أما أشوف أنا ولا هي، مفكراني سوسن، أمشي من هنا وتجري هي على أمها وأنا قايل لها متسافرش.

(زاهر): يا عم طلقها واخلص.

(ظافر): إنت مش عارفني ولا إيه، أسيب حد علم عليا؟!

(زاهر): أنا نصحتك كتير وإنت كده هتضيع نفسك.

(ظافر): أظن رجعت دلوقت.

(زاهر): آه، في المطار بلغوني بوصولها.

(ظافر): طبعًا مضبطة، ما هي عارفة مش هقدر أتحرك من هنا عشان الشغل إلا النهارده، ماشي ماشي، حسابها تفل معايا قوي.

(زاهر): أنا تعبت من الكلام معاك، سلام.

(ظافر): أشوف وشك بخير يا صاحبي.

(زاهر): يا ريت بلاش تهور.

(ظافر): ربنا يسهل.

(زاهر) بضحك: مش مطمئن لك!

(ظافر) بضحك: ليه يا جدع؟! مصاحب دراكولا!

وسافر (ظافر).

دخل (ظافر) إلى منزله، فوجدها قابعة على «الفوتيه» ترتشف من الكأس وتشاهد التلفاز، وعندما رأته تركت الكأس وتوجهت إليه تحتضنه: تقبرني

حياتي، ليش طولت ها القد؟!

(ظافر) بخبث: إيه؟ وحشتك للدرجة دي!

(مادلين): إيه، كتير كتير، ما تطول علي مرة تاني.

(ظافر): لا، باين عليك فضلتي هنا لوحك تعدي الساعات لحد ما جيت.

(مادلين) بتلعثم: إيه حياتي، حتى اتصلت بيبي وإمي وخبرتهم ما بقدر سافر، وزعلوا كتير عن جد.

وهنا لم يتمالك أعصابه وضربها كفاً أفقدها توازنها، فسقطت على الأرض.

(مادلين): ليش ظافر تعمل هيك؟!

(ظافر): بتستكرديني يا بت! بتقرطسيني وتقولي لي قاعدة مستنيك وإنت

سافرتي لأمك وأبوك!

(مادلين): أنا! لاااا مين قال هيك!

(ظافر): إنت لسه هتنطقي! قدامي.

وهمم بضربها، فجرت من أمامه وأغلقت على نفسها، ليهيج أكثر ويخبط: افتحي

بقول لك، لو كسرت هقتلك!

(مادلين): ظافر بليز! أمي خبرتني إنها مريضة وناطرتني.

(ظافر) وهو يجز على أسنانه: وجوزك منبه مفيش سفر، ماتصلتيش ليه؟

مفكراني مش هعرف؟!

(مادلين): خفت بحكي معك تعيط علي، إنت خابر إمي هونيك ببلجيكا

وحدها لأنها لبنانية وبيي من بلجيكا، ما قدرت أتركها لحالها وخفت أتصل

ما توافق.

(ظافر): وتكسري كلامي، مفكراني قرطاس مش هعرف! ماشي، أنا هوريك،

هتشوفي مني وش عمرك مشوفتيه.

وتركها وصفق الباب خلفه ليهدأ بدلاً من أن يقتلها، أما هي فقد تناولت هاتفها

لتتصل بوالدتها: مو قلت لك إله عيون بكل مكان.

والدتها: إيه شو بيعمل؟

(مادلين): شو بيعمل! ما بتعرفي ظافر! إيضر بني.

والدتها: العمى، شو! يمد يده، وليش ما تركتي الضيعة وجيتينا ببلجيكا، هو

مفكر ما إلك أهل؟ كيف بيضربك هالا الزلثة؟!

(مادلين): ما بتعرفي ليش ما تركته؟ إبحه!

والدتها: العمى! قطع هالا الحب يلي مضيعك، خلصنا بقى ما تشتكي، ولو مد

يده بتيجي فوراً، ماله إلياس ابن خالك، زلثة يفرح، مو هالا الزلثة كل إشي ضرب

ضرب!

(مادلين): ما بعرف شو بعمل، بحبه مامي.

والدتها: حمارة، ما بتعرفي شو مصلحتك، لو فكر يمد يده مره تاني بتتصلي وباجي
بفرجيه شو مفكر نفسه، ما بيعرف بيك شو بيعمل، وإله إتصالات بألمانيا.
(مادلين): لا مامي، ما تخبري بيي بليز، أنا بيرجع بهديه وبعذر له.
والدتها: العمى! شو هاي البنت، بتجيب لي جلطة!
وأغلقت الخط مع ابنتها.
(إلياس): شو عمتي؟ صوتك لهونيك!
(سوزي): هاد الزلمة ما بعرف شو بعمل معه.
(إلياس): شو؟!
(سوزي): ظافر زوج مادلين.
(إلياس): هاي اختيارها، شو بنعمل،
(سوزي): إيه شو بنعمل!

(٥)

رجع (ظافر) إلى بيته، وكانت هي قابعةً في حين هو لا يطيق النظر إليها، فقامت مسرعةً إليه: ما بدك تصفى؟ والله بحبك وما بقدر على زعلك ولا بعدك.

حاولت أن تُشبَّ على قدميها وتتعلق به، إلا أنه أبعد يديها وتركها وجلس على «الفوتيه» واضعًا ساقًا على ساق، ثم أخرج غليونه لينفثَ به غضبه ويتأفف، فلم تياس منه، وأتت على قدميه فتمددت ولفت يديها حول عنقه متشبثةً به.

(ظافر): وبعدين معاي؟!!

(مادلين): آسفة حياتي، ما عادت تتكرر.

(ظافر) ينظر إليها بعدم تصديق.

(مادلين): والله بحلف لك، ما فيني أعمل هيك مرة تاني، بليز ظافر، خلصنا بقى، ما تنطرنى هيك، والله بحبك.

فحملها على ذراعيه إلى حجرتهما.

(مادلين): تُقبرني حياتي.

وينظر إليها: بس لو عملتيها تاني هروِّحك لأمك في تلاجة، إنتِ فاهمة؟

نظرت إليه بصدمة وجحظت عيناها، فردَّد بصوتٍ مرعب: فالله فاهمة؟

(مادلين): إيه فهمت عليك، ماني غبية.

فابتسم: أما نشوف.

وأغلق الباب بقدمه خلفه، ثم وضعها على الفراش برفقٍ وأخذ يخلع قميصه ويفتح أزراره، وإذا بهاتفه يرن، فأجاب عليه الهاتف وتغيَّر لونه، وقال بحدةٍ للمتصل إنه ليس لديه الوقت، ثم أغلق الهاتف.

نظرت إليه (مادلين) بريية: شو؟

(ظافر): مفيش حاجة.

(مادلين) وقفت أمامه: لا ظافر، أنا سمعت، مين هاي البننت؟

(ظافر): يووووه! ما قلنا ولا حاجة.

ففزعت من صوته وحاولت تخفيف الأمر واحتضانه: خلاص حبيبي، ما تعصب عليّ!

حملها مرةً أخرى، فهي تستطيع امتصاص غضبه، بل وإشعال النيران بداخله وبعدها تنام على ذراعه، حاول نزع ذراعه من تحتها وجلس على الفراش، ثم أشعل غليونه ونظر إليها وهي نائمة بجانبه كالملاك.

تذكر ذلك الهاتف، والذي كان لفتاة عرفها في الحانة وأخذها إلى الفندق ليقضي معها ليلة ثم تركها، اتصلت به تعنفه، فكان ردُّ فعله أنعفَ معها، مما دعاه إلى أن يبتسم في غرور، إذ لا تستطيع أنثى مقاومته، فهو المسيطر دائماً!

أما عند (ظلال)..

استيقظت كعادتها إلى مدرستها، ولكن هذا اليوم مميز، فهو يوم انتقال خالها وأولاده إلى القاهرة، ولكن (ظلال) تنحّت عن المسؤولية وتركت أختها تقوم بها كاملةً مع والدتها في هذه الزيارة.

حضر الخال والأولاد، وسلموا على من في البيت، سلّم (أحمد) على (إسراء) وأطال النظر حين كانت أمها تعرفه بها، كانت (إسراء) تخجل من نظراته، فأخفضت رأسها وابتسم لخبيلها، لتذهب مسرعةً لتعد الطعام وتأتي به.

تناول الجميع الطعام، ومن وقت إلى آخر كانت ترفع (إسراء) رأسها بعيداً عن طبقها الذي لم تستطع تناول أي شيء منه بسبب نظرات (أحمد) المُسلّطة عليها، فتخجل وتخفضها مرةً أخرى بطبقها، وهكذا استمرت الحال حتى تناول الجميع الطعام، وأمرتها والدتها بأن تنظف المكان وتُدخل الأشياء إلى المطبخ.

فأخذت بعضاً من الصحون ودخلت مسرعةً إلى المطبخ، وهمّ (أحمد) بأخذ بعض الأشياء كمساعدة لها، ولكن نهرته عمته، وأمرته بأن يترك كل شيء وأن (إسراء) ستقوم بذلك، وأن عليه ألا يشغل باله، ولكنه تحجج بأنه يريد كوب ماء من الداخل.

ذهب إليها، فوضع ما بيده، لتلتفت وبيدها كوب فوق من يدها، فشهقت، ولكن كانت سرعة استجابة (أحمد) للحدث أسرع، وأخفض يده ليلتقطه قبل أن يقع، فأغمضت عينيها.

(أحمد): مش تحاسبي! ماسكة ديل قطة!

(إسراء): لا، بس اتخضيت.

(أحمد): ليه؟ شكلي وحش قوي كده شبه العفريت!

(إسراء): لا مش قصدي، بس متوقعتش وجودك هنا.

فاقترب منها: وفيها إيه؟ وجودي بيوتِّرك؟

فابتعدت وأنقذها صوت أمها: الشاي يا إسراء!

ردت: حاضر يا ماما.

فابتعدت مبتسماً وعاد إلى الموجودين في الصالة، فوضعت يديها على قلبها الذي كاد يخرج من بين الضلوع حتى إنها كانت تخاف أن يسمع صوت دقاته أو يصل صوته إلى القابعين بالخارج.

استيقظت من كل هذا وصنعت الشاي ثم ذهبت به، فقام (أحمد) مسرعاً ليتناول منها الشاي وقبض على يديها، فخجلت ونظرت إليه، وسحبت يديها من تحت يديه وجرت مسرعةً إلى حجرتها، ليتبعها بنظراته ويجد نفسه واقفاً بالصينية.

أيقظته عمته من غفلته: حط الصنية عنك يا ابني.

(أحمد) وقد استيقظ: هااااا اه اه! اتفضلوا الشاي.

وجلس معهم ولكنه ليس معهم، بل مع تلك المتوارية خلف بابها والتي سرقت قلبه معها، لا يدري لماذا، فهي كبقية الفتيات بل أقل جمالاً منهن، ولكن القلب وما يريد، فتلك تحكّماته.

جلس يفكر كيف يراها، هل ينادي عليها لتأتي؟ لاااا لااا، فهذه فكرة مستبعدة، وأخذ يحدث نفسه: هل أقتحم عليها خلوتها وأعنفها؟ كيف تتركني وحدي وتذهب هكذا؟

ثم نفصّ هذه الأفكار، وانتشلت عمته من هذه الأفكار البائسة لتسأله عن أحواله وعن مجال عمله.

ردّ عليها بعد استفاقة من الأفكار: هااااا اه! أنا معايا معهد حاسبات ومعلومات، وشغال في شركة هنا يا عمتي، قريبة منكم.

عمته: خلاص، يبقى تحوّد عليا على طول وإنّ راجع، مش تمشي وتقول عدولي،

لو حتى تيجي تتغدى معنا.

(أحمد): ربنا يخليك يا عمتي.

ثم وجدته يتلفت عله يجدها متوارية هنا أو هناك، وحين لاحظت ذلك سألته:
مالك يا ابني؟ بتدور على حاجة؟
(أحمد) بتوتر وقد انكشف أمره: لاااا أبداً، هدور على إيه! آه، هو الحمام
فين؟

عمته: جوه يا ابني، جنب أوضة البنات، والمطبخ اللي روح تيجب مية منه.
فأحس (أحمد) أن خطته أفلحت وهم بالقيام، ليستوقفه أخوه (ياسر) الأصغر:
إيه يا ابو حميد، على فين العزم إن شاء الله؟
وقد فهم أخاه، (أحمد) بضيق: اتلم يا بارد!
(ياسر): الله يسهل له يا عم!
فنظر إليه بضيق، وكان لا يسمع حوارهما غيرهما.

أبوهما: في حاجة يا أحمد؟

(أحمد): لا أبداً، ده أنا داخل الحمام بس.

(ياسر) يجذب قميص (أحمد): حمام برضه يا كداب؟! مش عارف إن الكذب
حرام!

فنظر إليه: والله لو ماتلميت لأقتلك.

(ياسر) ينظر إليه: تقتل أخوك يا قاسي!

فاستشاط (أحمد) منه وتركه، في حين أخذ (ياسر) يضحك عليه.

دخل (أحمد) يستكشف الغرف، ففتح عليها فجأة، فشهقت وهي تحاول أخذ
طرحتها التي بحانبيها وتلملم بها شعرها المنسدل.
(أحمد) وقد أحس بإحراجها: أنا آسف...

ولم يكمل، لتلاحقه: في إيه يا بني آدم إنت؟! حد يدخل على حد كده بدون
استئذان؟! مش فيه باب تخبط قبل ما تدخل!

فاقترب منها وهي تحاول النهوض من فراشها: ما خلصنا وقلنا آسفين، هو أنا
فتحت عليك باب الحمام! ثم أنا فكرته الحمام فدخلت.

فنظرت إليه بغیظ: لا وبجح كمان!

فاقترب أكثر: تصدقي إنك عاوزه...!

فجحظت عيناها: إنتَ هتعمل إيه؟!

فتراجع: ولا حاجة!

ففظرت إليه: ثم إنتَ قاعد تبص لي طول القعدة ليه؟

فابتسم: وإنتَ إيه عرفك؟

فجحظت لأنها فهمت ما يرمي إليه، فلاحقها: هاااا! مقلتيش، عرفتي مين يا أم

لسانين؟

فاستشاطت وقويت لتقف أمامه: أكيد مش زي ما تقصد، أنا كل ما برفع عيني

ألايك مركز عليا، ده كل الموضوع.

فعقد ساعديه: وأنا كمان، زي ما بتبصي لي ببص لك، فيها حاجة دي؟

ثم أخفض رأسه وهمس بأذنيها: بنت عمتي ووحشاني.

فتراجع، لتقع على فراشها الذي خلفها: إنتَ قليل الأدب! اتفضل أخرج بره!

فهمَّ بالخروج، والتفت نحوها وأشار برأسه إلى الخارج: مش ناوية تخرجي

شوية؟ أظن عيب تسيبي خالك ومرات خالك وولاد خالك اللي مشوفتهمش

من زمن.

لترُد بحدة: ملكش دعوة!

وكاد يغلق الباب مرة أخرى ويتجه إليها، ولكنه سمع صوتًا يقترب فخرج

مسرعًا، فضحكت عليه: جتك خيبة في هبلك!

وظلت تضحك على فراشها، لتدخل (ظلال) وتجدها هكذا: مالك يا إسرائ؟

اتجننتي؟ بتضحك لوحديك!

وتجسُّها: طبيعية مش سخنة! في إيه؟

(إسرائ): مفيش، افتكرت نكتة.

(ظلال): طب ما تضحكينا معاك.

(إسرائ): لا، أصلها بايخة.

(ظلال) تضرب كفاً على كف.

(إسرائ): المهم، شوفتي خالك ومراته والثنائي المرح الي معاه.

(ظلال): لاااا، طالما فيها ثنائي مرح ونكتة بايخة بنضحك عليها، في إيه يا بت؟

هو أنا هفضل زي الأطرش في الزفة كده!

(٦)

حاولت (إسراء) عدم إعطاء أهمية للموضوع: متكبريش الموضوع، دي حاجة تافهة.

(ظلال): ده هو موضوع كبير أصلاً شكله كده، ولازم أرسى على الدور، في إيه؟ حد منهم رذل عليك؟ قولي لي وأنا أطلع أجيب رقبته.

(إسراء) بضحك: هدي خُلقك يا أبو سريع، إيه ده يا شيرس، تصدقي إنتِ فنجرية بقی ولو حد بصلك هيُعماً عليك!

(ظلال): آه والله، إنتِ بتقولي فيها، نفسي أنشف كده زي بقية البنات وأبقى قوية، لكن أختك خيبة خالص، لا بتصد ولا بترد وبتغرق في شبر مية.

(إسراء) بتفهم: خليك كده أحسن، على الفطرة، مش زي البنات الخبيثة، دي ميزة فيك على فكرة.

(ظلال) بتأفف: بس ساعات بحس إنهم بيعاملوني إني هبله أو جاية من كوكب تاني، عشان بحب البساطة والعفوية واللي في قلبي على لساني.

(إسراء) تحتضن أختها: ودي أحلى حاجة فيك يا هبله، متضيعهاش منك.

فحزنت (ظلال): حتى إنتِ بتقولي لي يا هبله!

فحاولت (إسراء) تدارك ما قالت والتخفيف عن أختها: ماقصدش والله حبيبتي، إنتِ ست العاقلين كمان.

(ظلال) منتهزة الفرصة: مش هتقولي لي على اللي حصل بقى؟

فقصت (إسراء) بعد إلحاح أختها ما حدث.

لتضع (ظلال) يدها على فمها وتشهق مما سمعت: ده جريء قوي! ازاى يدخل عليك أوسطك كده؟!

(إسراء) بتضجر: إنسان متخلف، عملي إيه بقى.

(ظلال) بضحك: بس شكله وقع على بوزه من أول نظرة!

وتضحك ليرتفع صوتها.

لتستفز (إسراء): يقع ولا يروح في داهية حتى ميهمنيش، واد ثقيل، واسكتي بقى متترفزيش عشان كان هاین عليا أديله بالبوكس في وشه.

(ظلال) بمزاح: يا خطر إنت!

فنزرت إليها أختها بغيظ، لتجد صوت والدتها يستدعيهما لتُسَلِّما على خالهما وأبنائه.

(إسراء) وهي تضرب بقدميها الأرض: يوووو! مش عاوزه أشوفه.

(ظلال) تهدأها: معلش، يلا عشان ماما متزعلش.

وفعلًا خرجتا لتجدا عيني (أحمد) مسلطتين عليها كعادته، فأخفضت رأسها وحاولت تجنبه متجهةً إلى خالها تودعه وزوجته، ولكن والدتها أمرتها أن تسلم على (أحمد) و(ياسر)، وقد ظنت أنها قد انتهت.

فاتجهت تسلم عليه متجهمه، ليخفض رأسه ويهمس بأذنيها: افردى وشك، بتودعيني بالشكل ده بدل ما تضحكي في وشي! وما آجي تاني يا ريت متحبسبش نفسك في أوزتك.

فنزرت إليه بغيظ، وبصوت هامس لا يسمعه غيرهما: يا ريت أما تيجي تاني تعرفني قبلها، عشان مجيش البيت يومها.

وسحبت يدها من يده وانطلقت إلى غرفتها، ليتبعها هو بنظراته وابتسامته العذبة، ثم وجد أخاه يضربه ليوقطه: ماتيلا يا عم بقى!

وأنت (ظلال) لتسلم، فهمس لها (ياسر): هو القمر بيطلع الساعة كام؟!

نظرت إليه (ظلال): مع طلوع روحك إن شاء الله!

فضحك بصوت عالٍ حتى نظر إليه الجميع، فأخرجت (ظلال) وجرت إلى حجرتها ودخلتها ثم أغلقت خلفها الباب، ونظرت إلى أختها: إيه السافل اللي بره ده؟!

(إسراء) بتساؤل: مين فيهم؟

(ظلال): سي زفت الصغير، بيقول لي القمر بيطلع الساعة كام، قلت له مع طلوع روحك إن شاء الله، ضحك قوي وكسفني.

فأومأت (إسراء) برأسها: ياسر! هي أيام بيضا هنشوفها من أولها، بس ياسر ده حته عيل ثانوي عامة، إنما المشكلة في اللوح الكبير، مستفز فعلاً، قال افردى

وشك، إنت مالك أساسًا، هي خلقتي كده، أغيرها؟! ثقيل، ثقيل... من هنا لبكرة. (ظلال) باستنكار: طب والله شكله محترم وطول بعرض، مش زي السافل

الصغير.

(إسراء) بضحك: السافل الصغير! هو بقى لقب خلاص؟! ثم أحمد محترم!
ما هو اللي معرفش يقول عدس، سيبك سيبك، المهم خلصنا منهم حاليًا ويا
رب ما تتكرر.

(ظلال) لتستفز أختها: ده أكيد هيبقى فيه رد للعزومة، ومرات خالك وخالك
هيعزمونا.

(إسراء) باستنكار: لالا لالا ميحلموش! مع نفسهم بقى، أروح له بنفسي، ده
بُعدَه!

نامت الفتاتان ولا تدري كل واحدة منهما ماذا يُخبئ لها الغد، لتستيقظ كل
واحدة وتذهب في طريقها، مَنْ تذهب إلى مدرستها ومن تذهب إلى معهدها.
فوجد (إسراء) تسير مندفعة لأنها تأخرت، وتحاول وضع بعض الأشياء في
حقيبتها، لتصطم بأحدهم ويقع منها المحمول، لتجتوا وتلتقطه وتزيح عنه
التراب بتأفف، فوجدت من يجلس معها يلتقطه ويلامس يديها، فجذبتها بسرعة
وهي تحاول النهوض، فقالت متهكمة: متشكرة جدًا والله، ده لو انكسر لكنت
هدفعك تمنه، مش تفتح!

ونظرت إليه فوجدته (أحمد)، فحفظت عيناها: يوووه! إنت تاني! أنا ما
صدقت خلصت منك، هتنط لي في كل حته زي فرقع لوز.
فنظر إليها بغضب: فرقع لوز! ما تحترمي نفسك يا بت بدل ما أقص لك لسانك
اللي عاوز قطعه ده.

فنظرت إليه بغيظ: لما أنا لساني عاوز قطعه يا بارد، بتطاردني ليه؟!
(أحمد) باستفزاز: متديش لنفسك يا ماما حجم أكبر من حجمك، إيه بطاردك
دي؟! أظن سمعتيني وأنا بقول شغلي جنبكم بشارعين، وقلت أخرم من هنا
أسهل، ثم بيتنا بعديكم بمحطتين، يعني بتمشاهم وبخرم عشان أسهل على
نفسي المشوار، مش بطاردك زي ما إنت فاهمة!

(إسراء) بعدم اكتراث: طب احتفظ بخط سيرك لنفسك يا بابا، وسع بقى
عشان اتأخرت.

وأزاحت بيدها في إهمال، فجذب يدها بقوة، فتملمت منه: إيه؟! إيدي سيبني!
ده مش لسانك بس اللي عاوز قطعه، ده إيدك كمان!

ليقول: ده إنتِ عاوزة إعادة تربية من أول جديد، وعلى إيدي إن شاء الله.
فنزرت إليه وقد استشاطت منه غيظًا: أنا متريية غصب عنك وأحسن منك،
ومش إنتِ - مشيرةً بإصبعها نحوه في استنكار - اللي هتيجي تربيني، روح ري
نفسك الأول، عن إذنك يا بابا، وكمان مفيش عن إذنك.
فمالَ على أذنها: هنشوف!

فنزرت إليه باستشاطه ومشت تضرب بقدميها بالأرض كالأطفال، ليتبعها
بناظريه ويضرب كفاً على كف: آه يا مجنونة! أما نشوف كلام مين اللي هيمشي.
وذهب إلى عمله، وذهبت هي إلى معهدها متأخرة.

قرعت الباب وفتحت، وجدت المعيد الذي تعشقه لوسامته وابتسامته، ولكن
هذه المرة كان متجهماً وعبس الوجهه.

عنفها على تأخيرها لأنه لا يسمح لأحد أن يدخل بعده، فرجعت مرةً أخرى
وجلست بالخارج تبكي، فهذا من تعشقه يفعل بها هكذا!
حتى انتهت المحاضرة، ودخلت بعد أن خرجَ فالتقت عيناها الدامعتان بعينيه،
إلا أنه لم يُعرها اهتمامًا.

دخلت إلى صديقتها مروة، فقالت لها (مروة) وقد وجدت عينيها حمرًاوين:
مالك يا بت؟ فيك إيه؟ حد مات؟

(إسراء) تهز رأسها بالنفي وتجيّب: يعني مشوفتيش اللي عمله.
فأشاحت بيدها: يا اختي ما أنا ياما اتهزأت منه، ولا أنا اللي جتتي نحسّت من
التهزيء، تاخدي ساندوتش؟

(إسراء) وهي تنظر إليها: إنتِ مبتبيليش حشر؟! إيه يا شيخة، هتتنفجري
في مرة فينا!

(مروة) وهي تنظر إليها: حقودة! ده عز، إيش فهمك إنتِ يا معصصة.
(إسراء) بغیظ: سيبنا لك المفهومية.

(مروة) بعد عن أخرجت صديقتها من حالتها: بصي حبيبتي، إنتِ عارفة إنك
أعز أصدقائي وبحبك جدًّا ولا لأ؟

(إسراء) بانتباه: طبعا يا مروة، إنتِ زي أختي.

(مروة) باستطراد وقد تجرأت لقول هذا: سيبك من كمال المعيد، عمره

لا بص لك ولا هيبص لك، وإنّ عارفة غنه مغرور وبيحب بس لمة البنات حواليه.

(إسراء) بتفهمك مش بإيدي يا مروة، بحبه! بس حتى مهمهوش دموعي لما شافني ولا همه يبهدلني قدام الدفعة.

(مروة) بانتصار: عشان أقول لك إنه مبيهموش غير نفسه بس، وشايف نفسه تقوليش أسر ياسين!

فضحكت عليها (إسراء): ده آخرك يعني، أسر! إن جيتي للحق هو أحلى من أسر بمراحل.

(مروة) بتحدّ: لا يا اختي، أسر أحلى، واد سمارة وكنيش كده.

فضحكت (إسراء) على صديقتها، رغم وزنها الكبير فإن دمها خفيف وتُخرج أي أحد من حالته.

استطردت (مروة): هما ضيقوا الكراسي ولا إيه؟!

(إسراء) بضحك: آه، كشّت من الساعة!

(مروة) تستطرد: طب ابعتي هاتي الونش يطلعني، أنا لزقت في الكرسي! في حين لم تحتمل (إسراء) الوقوف من كثرة الضحك حتى كادت تسقط أرضاً وهي تشد في صديقتها.

(مروة) تعاني ويستفزها ضحك (إسراء): اوعي يا بت يا خيبة، أنا هكسره، ولا قشروه من عليا.

وبعد وصلة الضحك هذه، استطاعت (مروة) الخروج بالسلامة من ذلك الكرسي اللعين.

(إسراء) تنظر إلى ساعتها: يلا بسرعة بدل ما ننطرد، اصطبحت بوش مين بس يا ربي! هو مفيش غيره بغاوته، أحمد ابن خالي.

(مروة) وقد سمعت الاسم: مين ده يا بت؟ تعرفي شباب من ورايا!

(إسراء) بتجاهل: يا اختي اسكتي شباب إيه، بلا نيلة، حتة فلاح جاي قال هيربيني قال، وهو اللي عاوز يرييه.

(مروة): لاااااا، شكل الموضوع كبيبير كبيبير ولازمين ولا بد أعرف، عريس يابوي، طُخه و متموتوش يابوي، ما تدهوني لفة.

فضحكت (إسراء) على صديقتها التي تحول كل شيءٍ إلى ضحك: طب يلا وفي الطريق هحكي لك.

وفعلًا قصّت عليها ما حدث، لتجد (مروة) جاحظة العينين: يالهو بالي يا امه! ده أنا حبيته، ما تسلفيلي ابن خالك يابت.

(إسراء) بغیظ: استلفيه يا اختي ومرتجعیهوش.

(مروة) بغضب: والله إنتِ خايبة، عندك ابن خال زي ده وتروحي تبصي لكمال المعفن!

(إسراء): بقى كمال أبو عيون زرقا معفن وأحمد اللي... ليك حق، ما إنتِ آخرك أسر، يلا عشان أنا اتخنقت منكم إنتِ وظلال، هي كمان تقول لي ده محترم وطول بعرض، عُمِّي دول ولا إيه حكايتهم؟! ده لو آخر راجل في الكون مش هبص له، قال يقطع لساني وإيدي قال، جاه قطع إيده المتخلف ده.

أما (ظلال)، فقد ذهبت كعادتها إلى مدرستها وخرجت لتجد بعض الصبية يعاكسون ويشاكسون البنات، فوجدت منهم (ياسر)، إذ إن مدرسته قريبة منها، فحاولت التخفي حتى لا يلاحظها ثم ذهبت مسرعةً إلى دروسها، لتجد (حمزة) ينتظرها كعادته.

(ظلال) بخوف: أرجوك يا حمزة، متجيش هنا ثاني، أنا خيفة حد يشوفنا ويقول لأبويا هيموتني.

(حمزة): مش قادر يا ظلال أبعد عنك، مش هنكر، حاولت بس مقدرتش، إنتِ شاغلة تفكيري في كل لحظة بتخيلك، أنا قررت آجي أتقدم لوالدك واللي يحصل يحصل.

فلطمت على وجهها: يا نهار مش فايت! تتقدم لي ازاي؟! إنتِ فين وأنا فين، ويقولوا عرفتك ازاي!

(حمزة): ميهمنيش كل ده، المهم تبقي معايا.

ونظر بعينها، ثم تابع: ظلال هسألك لآخر مرة، إنتِ عوزاني ولا لأ؟ لو عوزاني هعمل المستحيل، ولو مش عوزاني...

فوضعت يدها على شفثيه: لاااااااا!

فأغمض عينيه وسحبت يدها، ليقول: خلااص، يبقى تسيبيني أتصرف، وإن شاء

الله ربنا يقدرني وأقنعهم.
نظرت إليه (ظلال) بعينين منكسرتين: خائفة يا حمزة ميوافقوش وكده، يبقي
انقطع آخر أمل.
(حمزة) ناظرًا بعينها: متخافيش يا حبييتي، مش هسيبك مهما حصل.

(٧)

ذهبت (ظلال) إلى بيتها كالمُخدَّرة، وفي الوقت نفسه تحسُّ بتوتر شديد، تناديه والدتها فلا تسمع ولا ترى، وتدخل حجرتها والدتها تضرب كفاً على كفاً وتتعجب من حال ابنتها هذه الفترة، وقد أحسَّت بالقلق عليها.

دخلت إليها وطلبت من (إسراء) الخروج بعض الوقت من الغرفة لأنها تريد الانفراد بـ(ظلال) لمحدثتها في أمر هام، فأطاعتها (إسراء) دون تردد لأنها رأت علامات القلق على وجه والدتها فلم ترغب في أن تستفيض معها بالحديث.

نظرت (ظلال) إلى والدتها بتعجب بعد خروج أختها: خير يا ماما؟ في حاجة؟ أمها تجذبها إليها: إنت اللي فيه إيه؟ من فترة مش على بعضك، وداخلة سرحانة، في إيه يا بت؟ والله قسماً عظماً لو ما قلتي الحقيقة لأقول لأبوك وأخوك وهما يتصرفوا معاك!

(ظلال) تسقط على قدم والدتها: بالله عليك يا ماما متقوليلهموش حاجة وأنا هحكي لك كل حاجة.

وفعلاً، جلست بجانب والدتها وقصَّت عليها كل ما حدث. لتجيبها أمها: لما هو شاريك وببيحك، ما جاش اتقدِّم من ساعتها وقاعد يلف ويدور عليكِ ليه؟

(ظلال) بتلعثم: والله يا ماما هو عاوز يبجي، لكن أنا اللي خايفة لو جه أبويا ميوافقش ويقول له صغيرة ولا يقول عرفتها منين ويضربني، أنا خايفة جداً يا ماما، بس والله هو عاوز يبجي، مش بيلعب بيا ولا حاجة، ده محترم جداً وببيحني والله.

فأخذتها الأم بحضنها لتعمل على تهدأتها، فكذلك الأم دائماً تعمل على احتواء ابنتها وطمأننتها بدلاً من أن تخرج من عبائتها وتتعمد الكذب عليها إذا عنفتها. وبعد أن استكانت (ظلال) بأحضان أمها، باغتتها بردها: خليه يبجي وملكيش دعوة، وبلاش تقابليه تاني.

(ظلال) بخوف: بس بابا...

والدتها بتفهم: ملكيش دعوة، أنا هتصرف وأفهمه وأشكر في حمزة.

فقبَّلتها (ظلال) بفرح: متشكرة جداً يا ماما، أنا بحبك قوي يا ماما.
 فاستشاطت الأم: خلاص اتهدِّي بقي، أما أشوف هقول لأبوك إيه.
 وتركتها، لتدخل بعدها (إسراء): هو فيه إيه بالضبط؟ ومالك فرحانة كده ليه،
 ده شكل أمك وهي داخلة قلت هسمع ضرب نار، إيه سحرتي لأمك يا بت؟!
 (ظلال) بفرح: طب اقعدِي وهحكي لك، وقصَّت لها ما حدث، فبحضت عيني
 أختها وبتعجب: اااه يا سهنة! بقي إنتِ يا مفعوسة يطلع منك كل ده وأنا
 اللي بقول ساذجة وعلى نياتها وهبلة، طلع أنا اللي هبلة، اوعدنا يا رب، ناس
 ليها حمزة وناس موعودة بالمتخلفين عقلياً، مكتوب على وشي جاذب للمتخلفين!
 (ظلال) وقد أدركت ما ترمي إليه أختها: والله أحمد ابن خالك عسول، مش
 زي التحفه الثاني لقيته بيعاكس البنات بتاعة المدرسة.
 (إسراء): وإيه جابه عندك.

(ظلال) بعدم فهم وتقلب شفيتها: أنا عارفة يا اختي، قلة أدب.
 (إسراء) وقد تذكرت ما حدث مع (أحمد) وقول أختها عنه: بقي سي أحمد
 عسول؟ ما إنتِ نايمة في العسل ومتعرفيش.
 (ظلال) بتعجب: طلع لك في الحلم؟!

(إسراء) بضيق: حلم إيه إنتِ كمان، لا طبعاً، قابلته الصبح.
 (ظلال) باستغراب: إنتم لحقتوا تاخدوا مواعيد من بعض!
 (إسراء) بغضب: تصدقي أنا غلطانة إني بكلم واحدة زيك.
 وغطت وجهها، لتنزح (ظلال) الغطاء: طب فهميني بس.
 فقصت عليها ما حدث، لتضحك (ظلال): والله عسل، تستاهلي.
 فخبطتها (إسراء) بالوسادة وأخذت تسبها، في حين أخذت (ظلال) تضحك لأنها
 استطاعت إغاضتها.

ونامت الفتاتان وكل واحدة بحال، مَن تحلم بالمستقبل مع حبيبها ومن تحلم
 بالمستحيل مع من لا يُدرِك وجودها وتُهمل من أحبها.
 فمن سيتحقق حلمه يا ترى؟

أما عند (حمزة)، بعد أن أعطى لأبيه التقرير اليومي، تشاجر مع (بنان) ومع

أخته الصغيرة، واتصل ليطمئن على الكبرى وأولادها وزوجها، فهو حنون على الجميع، ثم اتصل بأخيه لإنجاز بعض الأعمال والتنسيق بين عملٍ هنا وهناك، ثم اطمأن على أخيه وزوجته، وحثه على النزول ليرى أباه، فهو مريض ويخشى أن توافيه المنية وهو لم يره.

ولكن رد (ظافر) كان عكس التوقعات: إنتَ الخير والبركة يا حمزة وحبیب أبوك، أنا مطمئن طول ما إنتَ موجود معاه وعارف إنه بيحبك. (حمزة) وقد أحسَّ من أخيه بالحزن: ويحبك إنتَ كمان يا ظافر، هو بس بيكره الهلس بتاعك.

(ظافر) محاولاً إنهاء الملکامة: ماشي حبيبي، عاوز حاجة؟ (حمزة) وقد علم أنه لا جدوى من الكلام، بل إنه سيزيد حزن أخيه: لا يا حبيبي، أشوفك طيب وبخير.

ثم ذهب إلى غرفته يُفكر ماذا سيفعل، هل سيتزوج (ظلال) دون علم أبيه؟ وكيف الحال إذا علم بعد زواجه؟ وإلى متى سيُخفي عنه؟ وماذا سيفعل إن علم وأصرَّ على أن يطلقها؟

فاستبعد الفكرة: لا لا، لن أطلقها، وماذا عن بنان إذا أصرَّ على تزويجنا؟ هل ستفهم الموضوع أم ماذا سيحدث؟ هل أنا أناني؟ ولكنني أنا من سأزوج، وهذه من أحبا قلبي وتحركت لها مشاعري. وغلبه النوم من التفكير.

أما (ظافر)، فاستند على ذراعيه يفكر في كلام أخيه: بيحبني! عمري ما شوفت منه الحب ده، دايماً قاسي عليا، عمره ما قال لي كلمة واحدة حلوة لو عملت حاجة كويسة، كان يبص بطرف عينه وبس وكأني نكرة، لدرجة إنه خلاني أكره أعمل حاجة كويسة في حياتي عشان مشوفش النظرة دي، وبقيت أتعمد أعاند معاه وما صدقت إني كبرت وسافرت أمسك الشغل هنا عشان مشوفهوش، بتفكرني بيه يا حمزة ليه؟!

ودفع بالأشياء الموجودة على الكومودينو المجاور للفراش، لتأتي زوجته مسرعة: تقبرني حبيبي، كيفك؟ شو ياللي حصل؟

(ظافر) بحدة: مفيش مفيش، شيلي الحاجات دي، أنا خارج.
وتناول المعطف بيده ليضعه على كتفه، فنظرت إليه: شوها الحكي؟ كيف تخرج
بها الوقت؟
فنظر إليها نظرةً مرعبة: وإنّ مالك؟ إنّ نسيّتي نفسك؟ هتحكمني عليا ولا
إيه.
لتأخر عن مواجهته ويمر من أمامها ويصفق الباب خلفه.

أما عند (أحمد)، فالحال مختلفة، فقد ذهب إلى أبيه وأمه في حجرتهما ليحدثهما
بأمر هام.
والده: خير يا حبيبي.
(أحمد): خير يا بابا، أنا عاوز أتجوز.
والده: إنّ بتقول إيه يا ابني؟! إنّ لسه ماسك الشغل وممعكش حتى تمن
دبلة، وأنا اللي بعثته في المنصورة جبت لكم بيه البيت ده ثلاث أدوار، دور لنا
ودور لك ودور لأخوك، وكده ده اللي أقدر عليه.
(أحمد): وأنا قلت لك هتجوز بكرة! ده ربط كلام بس عشان العروسة
متطيرش مني، لكن على ما تخلص دراستها ونتخطب وكده لسه فترة.
والدته بتعجب: ومين دي اللي عرفتها بسرعة كده؟
(أحمد) بابتسامة: إسرائ بنت عمّتي.
والده باستحسان: يا زين ما اخترت، البت شكلها مؤدب.
والدته بفرح: وشاطرة، ده هي اللي بتساعد أمها، بس على طول كده؟ إيه
سحرت لك؟
(أحمد): لا سحر ولا حاجة يا ست الكل، زي ما بتقولي كده شاطرة ومؤدبة،
وبنت عمّتي ومش هتقل عليا في المصاريف.
والده بعد تفكير: طب سيب الموضوع ده عليا وهكلم أختي وهي مبتدليش
طلب.
فاحتضنه (أحمد): متشكر قوي يا بابا.
فنظرت إليه أمه: شوف الواد، قال شاطرة ومؤدبة قال!

(٨)

اقتنع والد (ظلال) أخيراً أن يقابل (حمزة) ويعلم ما يريده، علَّه شاب فرصة كما تقول له زوجته ويخف أحد الأحمال عليه، وطلب منها أن تجعله يأتي إلى المنزل ليتعرفوا عليه.

فرحت وكادت تعلقو بالزراغيط، ليوقفها بإشارة منه: في إيه يا ولية يا هبله؟! هتفضحين، هو لسه حصل حاجة!

أم (ظلال): يوه يا اخويا من فرحتي! ربنا يتمم بخير، البت دي غلبانة وطيبة وعلى نياتها.

فرد عليها زوجها: طب يلا شيلي الأكل واعملي كوباية شاي حبر، منك لله صدعتيني وأنا جاي مصدع أصلا.

فنهضت مسرعة: حاضر يا اخويا.

وجرت تنادي (ظلال)، لتخرج إليها مسرعة بتخوف، أحسَّت والدتها بخوفها فطمأنتها: متخافيش يا بت، أبوك وافق يشوفه، خليه يبجي.

وقبل أن تجيب (ظلال)، أسكتهم صوت والدها الذي يصيح: فين الشاي يا ولية؟ إيه الشاي الجملي ده؟!!

فجرت الأم على المطبخ وهي تصيح: حاضر يا اخويا هو!!!!.

ودخلت (ظلال) فرحانة وسعيدة، لتتنظر إليها (إسراء): خير يا حبيبتي، ما هو مبقاش على الحجر غيرك.

(ظلال) بفرحة عارمة: بابا وافق يقابل حمزة.

فقامت (إسراء) تحتضن أختها وتبارك لها وتتمنى لها أن يُتم الله لها بالخير، لتنام الفتاتان وتستيقظان كل إلى حال سبيلها كعادتهما.

أما (إسراء) فوجدت (أحمد) يقابلها بابتسامته ويُلقبها عليها السلام وكأنه ينتظر قدومها ليراها قبل ذهابه إلى عمله، فزفرت بالضيق: لا والله ده كثير!

إنْت فاضي يا ابني؟ مش لاقى حد غيري ترزُل عليه؟! والله لو ما اتلمّيت يا أحمد واتعدلت وبطلت حركاتك دي اللي مش هتجيب نتيجة، لأقول لماما وإنْت حُر.

فهمس لها بلطف في أذنها: هي زمانها عرفت.

فجحظت عيناها: يعني إيه مش فاهمة؟!
فضحك وهو يمشي ويصيح مشيراً إليها: بكرة تكبري وتفهمي.
وهي تصيح وتبدل بقدميها في الأرض: يا بابا ابي على رزالتك.
فازدادت ضحكاته عليها، وذهبت هي مسرعة إلى معهدها.
وجدت أم (فاروق) الهاتف يرن، فالتقطت السماعة لتجد أباها يهاتفها،
فاستغربت وردت: خير يا اخويا فيك حاجة؟
أخوها بضحك: بلاش أطمئن على أختي؟!
فضحكت: سألت عليك العافية يا اخويا، ماتحرمش منك، بس أصلي استغربت،
الوقت بدري قوي، إيه اللي مصحيك حالاً؟ إنت تعبان؟ ألبس وأجيلك؟
فأجابها أخوها: هنعمل إيه في ابن أخوك؟
فاستغربت: مين؟ أحمد ولا ياسر؟
فأجابها: أحمد يا ستي، من ساعة ما شاف إسرائ وهو هابلني أنا وأمه، وعاوز
يتقدم لها قبل ما حد يسبقه.
ففرحت أم (إسرائ): يا ألف نهار أبيض! وأنا في ديك الساعة لما أجوز إسرائ
لأحمد، ده أنا أجييها بشوارها لحد البيت.
ففرح أخوها بردها، ولكن ازداد قلقه وتراجع: بس...
فحاولت طمأنته: بس إيه يا اخويا، هو احنا بيننا بس، اللي معاك يا اخويا
ونكمل، والمليان يكب على الفاضي، ده احنا أهل، عيب عليك والله أزعل.
ففرح أخوها: طمئني قلبي ربنا يطمئن قلبك، إنت عارفة الواد لسه ماسك
الشغل وعامل جمعيات بمرتبه، بس شقته الحمد لله موجودة وجاهزة، ده
ربنا كرمنا بالبيت اللي جوزك جابه متفصل علينا، شقة لينا وشقة لأحمد وشقة
لياسر.
فدعت لزوجها: مش أبو فاروق ربنا يكرمه ويبارك لنا فيه هو قال كده، عنده
ولدين هيتحتاج لهم بدل ما يلف ويدوخ لهم على شقق، واستلقت البيت من
واحد كان مسافر ويبيعه وهيجيب في حته ألافراكة من بتوع الناس الجامدة،
وخده منه برخص التراب عشان كان صاحبه وله جمایل عليه.
فدعا له أخوها: ربنا يبارك له يا رب، بس جوزك هيوافق؟

فحاولت طمأنته: جوزي طيب وغبان، هو حمقي شوية بس ابن حلال، اطمن هكلمه، واللي فيه الخير يقدمه ربنا.

وأغلقت الخط وحدثت نفسها: وبعدين في الحوسة السوداء دي! ده أنا لسه قايلة له على ظلال، الراجل هيلحقها مينين ولا مينين، بالاس، أنا أول ما يصحى أطسها في وشه وهو لسه مفاقش، ميحطش منطق.

وتضحك على كلامها: والله أنا خايفه لحسن أنا اللي محطش منطق من اللي هيعمله فيا، وآجي في الفيس يقولوا المرحومة كانت بتضحك وهما بيغسلوها، يلا العمر واحد والرب واحد!

واستيقظ زوجها لتقابله بقنبلتها الموقوتة قبل أن يستوعب: أحمد عاوز يتجوز إسرائ.

فحاول استيعاب الكلمات: أحمد مين وإسرائ مين؟

فحاولت إفهامه: أحمد ابن أخويا وإسرائ بنتك يا راجل.

فجذبها من يدها: إنتِ إيه حكايتك معايا بالضبط؟! سايبك تشتغلي خاطبة ولا بتوفقي راسين في الحلال!

فحاولت نزع يدها منه: يوووه! رزق وجه للبنات، وجواز البنات ستره، مبتشوفش الخطف والحاجات اللي بتحصل؟! ثم إسرائ خلاص قربت تخلص، وأنا قلت لك هتقوم تتجوز، ده بيحجزها بس لحسن حد يسبقه، وبعد كده خطوبة وبعدها الجواز، وإنتِ عارف حالهم من حالنا، لا تعايرني ولا أعايرك، ده الهم طايلني وطايلك.

أبو (فاروق): إيه بلاعة الأمثال اللي فتحتها في وشي على الصبح دي، غوري حضري الفطار، ولية سَوّ بصحيح.

فجرت لتحضر الإفطار وهو ذهب إلى الحمام ليستفيق، ثم حضرت بالطعام: هااا، إيه رأيك؟ الواد أحمد أخلاق ومترني، ده تربية أخويا وطول بعرض، والبس إسرائ غلبانة وحظها قليل، مش جميلة قوي زي أختها.

فرد والدها: بس مش قرده، ما هي حلوة وكويسة وألف مين يتمناها.

فردت عليه: يعني لا هي حلوة قوي ولا وحشة قوي، وبصراحة مش هلاقي زي أحمد لها، اتوظف وله شقته وشكله حبها، وعارفين أخويا، ومراته غلبانة وطيبة

مش زي الحمامات اللي بنسمع عنهم، هالا، قلت إيه؟
فرد بضيق: ربنا يسهل، مش كله مرة واحدة، أما نخلص من الغريب الأول، أما
القريب في إيدنا في أي وقت نقول له تعالى هيبجي.
فأيدت رأيه: صح يا اخويا عين العقل.
فرد عليها: طب قومي اعلمي الشاي وشوفي المحروس ابنك مقامش فتح الورشه
ليه.

فردت بغیظ: الواد جاي يا حبة عين أمه متأخر من الورشة على ما خلص، إنت
مش سيبتته وجيت امبارح، انزل إنت افتحها وسيبه يريح شوية، هو بيسهر
لوقت متأخر فيها.

فاستغرب من ردها: شوف الولية! ماشي، دلعي فيه يا اختي لما هتبوظيه.
فأشاحت بيدها، فاغتاظ هو: والله! عاوزة تضريني على كبر! يظهر نسيتي عُلق
زمان وعوزاني أفكرك بيها!

فنظرت إليه: يلا خد المفاتيح وروح لأكل عيشك، ربنا يرزقك برزقنا.
فابتسم: ماشي، عشان خاطر الدعوة دي بس.

أما (ظلال)، فبعد انتهاء دروسها وجدت (حمزة) بانتظارها.
وحدثته: أمي عرفت كل حاجة وقالت لأبويا، وقال تروح تقابله.
(حمزة): وأنا كنت جاي عشان أقول لك تاخدي موعد من والدك، خلاص
شوفي بكرة، لو مناسب آجي لكم بعد العشا وكلميني على الرقم ده.
وأعطاها الكارت الخاص به، فنظرت إلى الكارت: حاضر، هي إسراء أختي اللي
معها موبايل، كانت بتعمل تريكو وحوشت واشترته، هبقى أكلّمك منه أقول
لك.

فضحك (حمزة): لا خدي الموبايل ده بشريحتة ومعايا رقمه.
وأخرجه من السيارة وأعطاه لها: ابقني كلميني منه.
فابتعدت: لا مآقدرش، لو أبويا شافه يموتني ويقول جفته منين.
فهمس إليها: قولي له جوزي جابهولي.

فأغمضت عينيها وشعرت برجفة خفيفة تزلزل جسدها الصغير، ثم استفاقت

لتبتعد: لا يا حمزة، مآقدرش، لما نتخطب رسمي، لكن دلوقت مآقدرش. فابتسم لها: خلاص، بكرة هجيبه وأديهولك قدامهم. وكادت تمشي، لتجد (ياسر) ابن خالها: الله الله! بقى أنا هتطلعني روحي، وماسكة في روح واحد تاني!

اغتاظت منه: إنتَ إيه اللي بتقوله ده. جذبها من يدها: مين ده يا بت؟ ليجد قبضةً حديديةً تجذب يده من عليها بقوة، وهي يد (حمزة) لتبعده عنها، فهو رغم ضآلته يملك الحزام الاسود في الكاراتيه.

لفَّ يد (ياسر) خلفه، وجز على أسنانه: لو قربت من خطيبتني تاني يبقى تقول على روحك يا رحمن يا رحيم!

فتوجع (ياسر): خطيبتك مينين يا عم؟! (ظلال) بثقة: أيوه خطيبته، وماما وبابا عارفين، وقالوا لي أقول له يبجي يقابل بابا بكرة ويخطبني.

فحاول (ياسر) التئصل من (حمزة)، ولكن لا محالة: خلاص يا عم مكنتش أعرف، ربنا يهني سعيد بسعيدة.

فتركه (حمزة) وأبعده، وحاولت (ظلال) تهدئته، فهو دائماً رقيق ولأول مرة ترى عصبيته.

(حمزة) وكأن شيئاً لم يكن: خلاص حصل خير، بس نرفزني لما مد إيده عليك، يلا روحي، وعلى معادنا اتصلي بلغيني.

فنظرت إليه بتفهّم: حاضر.

وذهبت إلى والدتها تقصُّ عليها ما حدث.

والدتها تطمئنّها: حصل خير، بس هيروح يقول لخالك ومش عاوزين شوشرة قبل الموضوع ما يتم، أنا عارفة ياسر مش طالع لأخوه ليه! عالعموم، هكلم أبوك لو المعاد مناسب تبليغيه، بس لما يرجع من الورشة عشان منطولش وحد تاني يشوفكم.

فأومأت (ظلال) برأسها متفهمة.

فيا ترى، ما الذي سيحدث في اللقاء؟

وهل سيقنع (حمزة) والد (ظلال) بزواجهما؟

(٩)

عندما قدم العم (محمود) تلقّفته زوجته بما حدث، وأن (حمزة) أعطاهما الكارت الذي به رقمه لثُهاثفه عليه وتخبره بالموعد. ليستشيط الرجل: ازاى يعنى تكلمه، وأنا كيس جوافة هنا؟! لتجيبه منكرة حديثه، لا يا أخويا، لا عاش ولا كان اللي يقول عليك كده ده، حتى كان بيديها موبايل تتصل منه وبنتك رفضت. ليجيبها: طب هاتي الكارت، وبكرة لما ابنك يصحى ويحصلني على الورشة أبقى أخليه يتصل لي بالرقم من موبايله. لتذهب مسرعة إلى (ظلال) وتأخذ منها الكارت تعطيه لزوجها. فأجابها: روعي بقى حضري لي لقمة لحسن واقع من الصبح على كعوب رجلي، والآخر نطلب من ده فلوس يقول أما تخلص، والأسعار بتغلى في اليوم عشر مرات، يعنى أتفق مع حد وأروح أشتري ألقياها الضعف، آجي أكلمه يقول لي أنا مالي مش بينا اتفاق، وبقت عيشة ما يعلم بيها إلا ربنا، مبيجوش إلا عالغبان. فحاولت زوجته التخفيف عنه: معلش يا اخويا، بكرة تتعدل، والعبد في التفكير والرب في التدبير، ويمكن جوازة ظلال دي تشيل وتخف الحمل عنك، دي بتقول غني قوي. طب وموضوع إسراء هتعمل فيه إيه عشان أرد على أخويا. فاستشاط مرة أخرى: ما تهمني يا ولية بقى، مش لما نخلص من جوازة نشوف الثانية، ولو إن البت ظلال صغيرة قوي، دي لسه ١٧ سنة. فأجابته بسرعة: يعنى هي هتقوم تجوز حالا! مش على ما يبجي ونتفق، ونبقى نكتب لما تتم ١٨، وأهو يتجوزها ويصرف عليها في الجامعة ويخف عنا الحمل. فقاطعها: خلاص، لما نخلص من موضوعها ونتفق ونعرف راسنا من رجلينا نبقى نشوف ابن أخوك، أهو متلقح في بيتهم مش هيحمض. فتحدثت بصوتٍ خافت: يا ستير، عمرك ما تريحني أبداً! فنهرا: بتقولي إيه؟! فأجابته: ولا حاجة، هقوم أحضر لك الأكل على ما تأخذ حمامك عشان جسمك يرتاح.

وأخفضت صوتها: لو مكنتش خلقي وحمقي كده وبتقفش.
ليتحدث هو بصوت عالٍ: اللهم طوِّك يا روح، مش هنبطل برطمة بقى!

وفي اليوم التالي، ذهب كعادته إلى الورشة في الصباح، وعندما استيقظ (فاروق) تناول إفطاره بسرعة وذهب إلى أبيه (محمود)، فأخبره والده أن يتصل بهذا الرقم.

(فاروق) باستظراف: مين ده يا حاج؟ إنت تعرف ناس أكابر كده مين؟ ده إنت آخرك عم عبد العاطي النقاش.

ليرد عليه أبوه: إنت هستظرف يا روح أمك! اخلص ياد واتصل.

فرد مسرعاً: حاضر بتصل أهو، في إيه مالك بنكشك يا حاج.

واتصل وأعطاه الموبايل، ليتحدث (محمود): ألووووو.

فرد (حمزة): أيوه مين معايا؟

وقبل أن يرد (محمود)، دخلت السكرتيرة إلى (حمزة)، فنهرها: أنا مش قلت باقي الكراتين تتحول للمخازن وتتعدم؟ إنتم عاوزين تدمروا سمعة الشركة اللي بنيتها؟!

السكرتيرة بحذر: بس أستاذ أشرف اللي قال نستنى شوية على ما يكلمك.

(حمزة) بضيق: يستنى إيه ويهيب إيه، أنا قلت تتلم وتتعدم، مش عشان شوية ملايين أخسر سمعتي وأهدد الشركة، اللي قلته يتنفذ، وأشرف أنا ليا تصرف تاني معاه.

السكرتيرة باستسلام: حاضر يا فندم.

ثم تذكر التليفون: آسف معلش، مين معايا؟

ليستفيع أبو (ظلال) بعد سماعه الكلام: أنا أبو ظلال يا باشا.

(حمزة) بترحيب: أهلاً وسهلاً يا عمي، يا ترى ظلال عرضت عليك الأمر؟

(محمود) بسرعة: أه طبعاً، بنتي مبتخييش علينا حاجة أبداً، ومنتظرينك تشرفنا بعد العشا بأذن الله.

(حمزة): الشرف ليا يا عمي.

وأغلق معه الخط، ثم سرح (محمود) ليهزه ولده: هالال في إيه ما تفهمني؟

(محمود): ده واحد عاوز يخطب ظلال.

(فاروق): ظلال المفجوعة يا آبه.

(محمود): بس إنت ادعي يسلك الموضوع، ده بيه كبير قوي، ما إنت لو سمعت اللي سمعته، ده عاوز يعدم طلبيات مملين، يبقى هو معاه كام، والله وباضت لك في القفص يا ظلال لو الواد ده طلع من نصيبك، عاوزين نقفل بدري ونطلع نستحمى ونجهز، واجري قول لأمك تجيب ساقع وتجهز فاكهة، عاوزين حاجة تشرف، خد الفلوس دي ادھالها وتجيب فرخة وتعمل عشا حلو كده.

(فاروق) باستسلام: أوامرك يا حاج.

ومشى تاركًا والده يقول: أهى دي الجوازات اللي تشرف ولا بلاش، مش مستعجلالي على ابن أخوها، ما هو موجود هيروح فين.

وجاء وقت اللقاء، وتجهز الجميع وفي انتظار (حمزة) وأهله، ولكن حينما فتح (محمود) لم يجد سوى (حمزة)، فلم يأخذ بباله، ربما لأنها المرة الأولى، وعندما يتم الاتفاق يحضرهم جميعًا.

وجلس (حمزة) ليتحدث: أنا يشرفني يا عمي إني أطلب إيد ظلال من حضرتك. (محمود) بسرعة: الشرف ليا أنا يا ابني.

(حمزة) يستطرد: يمكن حضرتك متعرفنيش، أنا حمزة البنهاوي، صاحب سلسله شركات ومطاعم (البنهاوي).

فظهرت على (فاروق) علامات التعجب والاندھاش: إنت البنهاوي اللي إعلاناته في التلفزيون وعلى النت بتكعبل فيها؟

(حمزة) أوما برأسه: أيوه، أنا البنهاوي بتاع الإعلانات.

(فاروق) باستغراب: وجاي تخطب ظلال أختي! ده بيطلع في إعلاناتك مُرَز. (حمزة) بتفهم: بس مع الأسف محسيتش مع أي واحدة بالي حسيته مع

ظلال، يمكن برائتها وطبيعتها وتلقائيتها هي السبب.

(محمود) ينتشله من كل هذا: وأهلك فين يا ابني؟

ليفكر (حمزة) بعض الوقت، ثم أجاب: والدي متقاعد ومريض، عشان كده كتب لي كل حاجة هنا وأمّني عليها بعد وفاته أعطي لأخواتي حقوقهم، وأنا

حملت الأمانة دي، وأخويا ماسك فروع أوروبا ومبينزلش مصر ومتجوز أجنبية هناك، ووالدي مش هيقدر يتحرك بسبب المرض، وأظن أنا شخصية معروفة، وده الكارت بتاعي، لو مش مصدقني اسأل عني في شركاتي. ودخلت (ظلال) وفي يدها العصير، ليلتقطه (حمزة) منها، فقال أبوها: لا عصير إيه، حضروا العشا.

(حمزة) باستحياء: لا والله ملوش لزوم، ده أنا هستأذن عشان والدي، ومعاكم الكارت اسألوا عني وردوا عليا. ليحلف (محمود): والله أبدًا، لازم تتعشى معانا، ولا احنا مش قد المقام ومش هنقدر نقوم معاك بالواجب؟! (حمزة) وقد حاصره والدها: لا ازاي، قد المقام ونص كمان، وأنا مش هوقع حلفانك.

وحضروا العشاء، ليتناول (محمود) و(فاروق) و(حمزة) العشاء معًا ويتجادبوا أطراف الحديث، وكلما تحدث (حمزة) انبهر (محمود) أكثر وأكثر. استطرد (حمزة): هو طبعا عندنا فيلا فيها والدي، بس أنا عندي شقة فخمة جنب مقر الشركة الرئيسي، عشان لو متأخر أو مُجهد برتاح فيها، وفيها كل شيء، أنا مصممها على أحدث طراز وجايب الأثاث من باريس، ودي اللي هتجوز فيها عشان تبقى براحتها. فدعا له (محمود): ربنا يزيدك من نعيمه يا ابني، احنا اتشرفنا بمعرفتك جدًا، وخير إن شاء الله، انتظر مني تليفون.

وقبل أن يودعه، طلب (حمزة) من والد (ظلال) أن يعطيها الموبايل هدية منه، ويستسمحه أن يتصل بها للاطمئنان عليها، وأيضا لو أمكنه أن يوصلها عندما يكون الدرس متأخرًا، لأنه يخشى تكرار ما حدث. فوافق الأب لأنه أحس أن (حمزة) شخصية ملتزمة ومحترمة وسيأمن على ابنته معه، وهذا ما يتمناه الأب لابنته حقًا.

نادى الأب على (ظلال) لتأخذ الموبايل من (حمزة)، وأوما لها برأسه دليلًا على الموافقة، لتخفض رأسها بخجل: متشكرة قوي. ليسلم عليها ويهمس بأذنها: تشحني البطارية دايماً ويبقى مفتوح، مش علوز

أتصل ألاقيه مقفول، مفهوم؟
فأومأت برأسها بتفهم: حاضر.
فاستطرد: هبقى أتصل بـ بيكٍ آخذ مواعيد دروسك.
فأجابته: حاضر.
فقال: يلا سلام.
لتجيبه: حاضر.
فابتسم: أنا بقولك سلام.
فاستفاقت: هالاه هالاه سلام.
ورحل (حمزة) على أمل اتصال والدها به.

بعد أن رحل (حمزة)، دخلت (ظلال) لتُخْرِجِ الهاتف من صندوقه وتمسكه بيدها وتنبهر به، فوجدته يرن بيدها، كادت تلقيه أرضاً من الخضة لولا أنها تداركت ذلك.

نظرت إليه: هو بيتفتح؟ أرد ازاى عليه؟
فقد شاهدت اسمه مدون على الشاشة، لتأتي (إسراء) تفتحه وتقول: عدي الجمال، وتاتش كمان، الله يرحم! حطيه بقى على ودنك.
فردت: أيوه.

(حمزة) يباغتها: وحشتيني!
فألقت به على الفراش.

استغربت (إسراء): في إيه؟ لسعك تعبان!
لتناوله مرةً أخرى، فوجدته يتحدث: روحتي فين؟
(ظلال) بتلعثم: هالاه أنا هنا موجودة.

فابتسم: أمال مبرديش ليه؟

فردت بصوت خافت: حمزة بلاش الكلام ده عشان بتخض.

فضحك: بتتخضي عشان بقولك وحشتيني! أمال المفروض أقول لك هقتلك؟!

(ظلال) بتلعثم: لا، بس أنا جسمي بيسيب وبرتعش لما بتقول لي كده.

فضحك: خلاص، لما أكلمك تاني هقول لك (وحش... ..) وأقفل، وأتصل أكملها

وأقول لك (...تيني).

فضحكت (ظلال): لا مش قوي كده يعني.

(حمزة) بجدية: المهم قولي لي مواعيد دروسك عشان آجي لك أوصلك أو أبعت لك السواق لو مش فاضي.

(ظلال) بإحراج: مش لازم يا حمزة، مش عاوزة اتعبك.

(حمزة) بعصبية: هاللى قلنا إيه؟ نسمع الكلام ونقول حاضر، الموضوع ده مفروغ منه عشان ميحصلش زي يوم ما شوفتك.

فأحست بضيقه وعصبيته: حاضر متزعزعلش.

وأعطته مواعيد دروسها حتى يجعل سائقاً من الشركة يتفرغ لإيصالها.

أما عند (أحمد) مستشيطاً بحجرتة، ليخرج إلى والديه بالصالة: عمتي مردتش عليكم؟ هما مش موافقين ولا إيه؟

وكان (ياسر) موجوداً: تلاقيهم ملخومين في جوازة البت ظلال.

أصلي شوفتها مع واحد وكنت هضربه، بس قلت الطيب أحسن، وقالت إن أهلها عارفين وإنها بتديه معاد عشان رايح يتقدم لها.

(أحمد) بضيق: طب وأنا مش أولى؟ ده أنا ابن أخوها.

(ياسر): هو إنتَ عاوز ظلال؟

(أحمد) بضيق: لاا يا غبي، عاوز إسراء، وأبوك كلم عمته ومردوش.

(ياسر): يمكن قالوا يخلصوا واحدة واحدة، اصبر وخليك ثقيل، التقل صنعة.

(أحمد): تصدق إني غلطان إني بكلمك، وحضرتك يا بابا رأيك إيه؟ مش أنا أولى الأول ثم إسراء الكبيرة، المفروض إن الأول جوازتنا.

(محمد) لتهدئته: زي ما قال لك أخوك، يمكن بيخلصوا ظلال جايز الموضوع كان قبلك، اصبر وأنا هبقى أكلم أختي وأشوف الوضع.

ثم اتصل بأخته، وبعد السلامات: خير يا أختي، مردتيش عليا في موضوع أحمد. أم (فاروق): والله ما عارفة أقول لك إيه، بس دلوقتي في واحد متقدم لظلال،

وبنخلص موضوعه عشان غريب، لكن احنا أهل وياً بعض، وأنا مش هلاقي زي أحمد لإسراء، طمنه يا حبيبي، بس نخلص من اللي احنا فيه وهقول لك.

ليتفهم أخوها: ماشي يا اختي.
وقصّ لابنه ما حدث، ليزفر بضيقٍ ويدخل إلى حجرته.

وفي الصباح، قابل (إسراء) كعادته، لتزفر بضيق: ربنا يصبرني!
فمال عليها: مش كنا احنا أولى؟
فلم تفهم ما يقول وتركته وذهبت: عاوز إيه المجنون ده، مخه لاسع أساسًا!
وأيضًا (ظلال) وجدت سيارةً تنتظرها وخرج رجل كبير.
(عم مرسى): حضرتك الآنسة ظلال.
(ظلال) باستغراب: أيوه أنا، مين حضرتك؟ وعاوز مني إيه؟
(عم مرسى): حمزة بيه باعطني ليك أبقى تحت أمرك طول اليوم.
وقبل أن تتلفظ (ظلال) قال: اتفضلي، السيارة أهي منتظراكي.
لتجد (حمزة) يتصل: جالك عم مرسى؟
(ظلال): مش قلت الدروس بس؟ ليه المدرسة كمان؟
(حمزة): مش عاوز كلام كثير، هو هيبقى معاكي من الصبح لحد أما تروحي،
يلا سلام عشان سايق ومعايا تليفون انتظار.
وقبل أن تتلفظ أغلق الخط، لتزفر: إيه ده؟ كله أوامر عنده كده؟ مفيش تفاهم!
يا ترى، هل ستم زيجة (ظلال) و(حمزة) أم سيحدث أمر يفسد فرحتهما؟
وهل سيتزوج (أحمد) بـ(إسراء) أم سيظل (كمال) يشغل بالها؟

(١٠)

استسلمت (ظلال) لما قاله (حمزة)، فهي تعلم أنه يخشى عليها تكرار ما حدث بالأمس القريب، لذلك لم تُجادله فيما قال وذهبت إلى مدرستها ودروسها، وعندما توجهت إلى السيارة بعد آخر درس كما تركتها، فوجئت بسيارة أخرى ولكنها تعلمها جيداً، فهي سيارة (حمزة)، ليفتح لها الباب ويشير إليها بالدخول.

(ظلال) وكأنه لا يهمها مجيئه: تعبت نفسك وجيت ليه؟ ما هو عم مرسي بيوصلني.

لينظر إليها ويمسك الهاتف: إيه مش عاوزاني أتصل لك بيه؟ ألف وأرجع؟ لتسرع (ظلال) بالرد: لاااااا مش قصدي! بس مش عاوزة أعطلك.

فأجابها (حمزة) بابتسامته الهادئة العذبة التي تسحرها: هو أنا اشتكيت لك! ومال عليها فغمز لها: مش جعانة؟ تيجي نتعشى سوا؟

لتصرخ في وجهه: لااا طبعاً! أروح معاك فين وأتعشى إيه! روّحني يا حمزة. ليغضب هو الآخر ويزفر بضيق: في إيه يا ظلال؟! هو أنا بقول لك هاخذك شقة مفروشة، ده مكان عام، ثم أنا مش جيت البيت وأبوك خد كل بياناتي يسأل عني، ولو عاوزاني أكتب عليك حالاً أنا موافق، أنا مش بلعب بيك، ولو كنت من دول فالأساليب كتير، وأولها يوم ما كنت ضعيفة وخلصتك من الشباب الي كانوا هيخطفوك، كان ممكن أستغل الموقف، لكن أنا مش كده، على العموم براحتك، يلا أروحك.

لتنظر إليه ببراءتها: أنا آسفة يا حمزة، مش قصدي كل ده، أنا عارفة إنك كويس ومحترم وجاد، وإلا مكانوش أهلي وثقوا فيك، بس احنا ناس شعبيين وسمعتنا رأس مالنا، إنت مش شوفت ياسر لما شافني عمل إيه، أنا مش عاوزة حد يتكلم عليا، وإنت مش ترضاها لي.

ليغمض عينيه ويخلل أصابعه في خصلات شعره ثم يرفعه فترتد بعض الشعيرات المتناثرة، في حين تنظر هي إلى رد فعله وما سيقول، فأجاب تساؤلها بنظرة مطولة: حاضر يا ست ظلال، بس تسمحي لي أنزل أشتري لنا ساندوتشين لأنني

على لحم بطني من الصبح وكنت ناوي أتعشى معاك؟
لتلاحقه: وازاي تسيب نفسك من غير أكل لحد دلوقتي؟!

فابتسم: يعني إنتِ أكلتي؟

فأخففت رأسها ثم نظرت إليه مرة أخرى: الصراحة لأ، هو ساندوتش كلته في
الفسحة تصبيرة على ما أروّح.

فنظر إليها وفعل كما فعلت: وازاي تسيبي نفسك من غير أكل لدلوقتي؟!

فشعرت أنه يُقلدها فضحكت: يعني بتردها لي واحدة بواحدة!

فنظر إليها: الصراحة آاااه! يلا بقى نخطف لنا حاجة سريعة على ما قُسم.
فضحكت وأجابته: ماشي.

وبالفعل، اشترى وجبتين سريعتين ساختين، فتناولت منه واحدة، وأخذ هو
ينظر إليها، ليجد بعض الكاتشب على جنب شفيتها، فمسحه بإصبعه والتهمه،
فأحست بالخجل من أفعاله هذه.

فقالت بخجل: يلا بقى عشان اتأخرت.

فأجابها: أوامر يا قمر، أمرك يمشي.

فابتسمت بخجل وأخففت رأسها، ليتوجه بها إلى حيث مسكنها ويودعها
بابتسامة ساحرة: هتوحشيني، قولي لأبوك ينجز وميتأخرش في الرد.

لتذهب إلى شقتها وتدق الباب بفرحة عارمة.

ففتحت والدتها: في إيه يا بت؟ الصبر!

فوجدتها فرحةً بصورةٍ مقلقة، فاستغربت الأم وسألها عن سبب فرحتها، لتجيبها
بما حدث، فتضايقت الأم: لا ما ينفعش كده، الناس تقول إيه علينا؟! خليه يصبر
على ما أبوك يرد ويبقى فيه خطوبة رسمي، إنما كده الناس تاكل وشنا وتقول
سايبيها على حل شعرها.

فزفرت (ظلال) وتحدثت بضيق: ليه بتقولي كده؟! هو مش جه لحد هنا
ومستعد يكتب عليا من دلوقت بس بابا يوافق، يعني غرضه شريف مش يلعب
بيننا.

فاحتضنتها أمها: عارفة يا حبيتي، وربي يعلم قلبي اتفتح له من ساعة ما دخل
البيت، بس كلام الناس كثير ومبيرحمش، ومش هنروح نكلم كل واحد ونفهمه،

ولأحد يجيب سيرتك قدام أبوك بحاجة بطالة، فأبوك يتنزف ويفركش الجوازة، أنا هكلم أبوك يسأل بسرعة عشان نخلص ونعمل الخطوبة، وعلى ما تخلصي نكتب الكتاب وإنتم أحرار.

فاقتنعت (ظلال): حاضر يا ماما، هقول له كفاية عم مرسي بيوصلني وهو يخف من مجيئه شوية على ما تحصل الخطوبة.

وبالفعل، اتصلت به وقصت له ما حدث، فتفهم الأمر ولكنه أصر على أن ينتظرها فقط في الأيام المتأخرة ليطمئن عليها، ووافقت. وعندما حضر الأب، تلقفته زوجته بالأخبار لتشير عليه بالإسراع في السؤال عليه والتأكد مما قال. (محمود): ماشي يا ست المستعجلة، كان عندي شغل في الورشة مفضيتش، هروح بكرة أسأل، ولو تمام نقول له ييجي يخطبها، بس حته أهله مسافرين وأبوه عيان مبيتحركش دي قلقاني.

لتبدد زوجته مخاوفه: مش شايفه بيه قد الدنيا وعريته بتسد الشارع، أكيد طبعاً عايشين في بلاد بره، وتلاقي أبوه يا كبدي مكسح، هيجيبه متشال يعني ويحرجه قدامنا؟!

(محمود): ماشي، أما أشوف آخرتها في المشي وراك.

أم (فاروق): آخرتها خير إن شاء الله، ده شيء يفرح وشكله ابن ناس ونضيف كده، والله قلبي انفتح له لما شوفته.

(محمود): طب اجري انجزي وهاتي لي لقمة، لحسن بسقط من التعب. فردت بسرعة وهي تجري: حاضر يا اخويا.

أما (ظلال)، فدخلت إلى حجرتها لتجد أختها شاردة، فنسيت ما بها وحدثها: مالك يا سوسو؟

فانتبعت إليها: أنا! مفيش، مالي؟

فردت (ظلال) بإنكار: لأ في وفي كمان!

(إسراء): سيبك مني، مالك فيه إيه؟

لتقص عليها ما حدث من (حمزة) ومن والدتها.

(إسراء) في غيظ: الله الله! إيه الرومانسية دي، ناس لها هوت دوج وناس

ساندوتشات فول بالعافية، اشمعنى أنا اللي حظي كده! أكونش أنا اللي فقيرة، ولا سي أحمد ده كمان اللي كل يوم أتكعبل فيه، والنهارده مفهمتش بيقول إيه، زي ما يكون مخاوي ولا بيقول طلاسّم، ربنا يريحنى منه في جيّة قطر سواقه أبيضش ويطلع من قضانه وييجي ياكله.

(ظلال) باستنكار: يااااا إيه ده اللي بتقوليه؟! وهتطلي له القطر لحد هنا ييجي ياكله يا مفتريه، والله خسارة فيك! يلا ننام بقى، أنا خلاص من الصبح لما صدعت.

(إسراء) بتعجب: من إيه يا أختي؟! من ركوب العربية العشرة متر! (ظلال): لأ، من كتر الدروس والشرح، تعبت صدعت من هنا لهنّا، هو أنا مكنة!

(إسراء) بزّهق: طب نامي نامي. وفي الصباح أعيّدت الكرّة مرّة أخرى، وجدت (ظلال) السيارة أمام المنزل و(عم مرسي) بها ينتظرها.

أما (إسراء)، حاولت النزول مبكرة أو متأخرة، فلا بد أن تجد (أحمد) يمر ويسلم عليها ويضايقها بابتسامته، وهذه المرة وهو يمر ويسلم وينظر إليها، خبطت به إحداهن، فتأسف لها، لتقول له: مش تحاسب يا اسمك إيه؟! (أحمد) بتوتر: معلش، أنا آسف مأقصدش.

فردت الفتاة: ولا يهملك، حصل خير. فكانت الفتاة تنظر إليه، في حين أنه ينظر إلى (إسراء)، والتي كانت تنظر إليهما ثم أدارت له ظهرها ومشت بعيداً، وهو ترك الفتاة التي تحادثه وذهب إلى عمله، أما (إسراء) فذهبت إلى معهدّها، لتلاقي صديقتها. صديقتها: مالك ضاربة بوز ليه؟

للتعصب (إسراء): الله يكرمك سيبيني في حالي، أنا مش طايقة نفسي وعايضة أولع في أحدهم.

فردت صديقتها: يا واد يا خطر إنت، في إيه بجد؟ فقصت لها ما حدث: أنا مش عارفة النبي آدم ده واقف لي بالعرض في زوري ليه، ومش عارفة مستحمل نفسه ازاي، واد بارد! أنزل بدري ولا متأخر ألقاه

مستيني، تعبت واتخنت منه، ولا ما صدق الحيوان البت خبطت فيه وهاتك
يا رغي، واد زبالة!

صديقتها لتغيظها: وإنّ مالك؟ ولا غيرانة؟!
(إسراء): أغير على ده! إنت هبلة ولا إيه! ده لو آخر واحد في الدنيا، لو
يهودوني مليون جنيه عليه، ما أوافق بيه، اسكتي بقي، كمال جاي، ده أنا جاية
من بدري عشانه يعني، عشان ميعملش فيا زي المرة الي فاتت.
صديقتها وهي تعلم: ااه يا اختي، فاهمة فاهمة.

في بيت (أحمد).

(أحمد) لأهله: مش المفروض برضه نرد العزومة بتاعه عمتي؟
أبوه في استحسان: آه والله يا ابني، عندك حق، إيه رأيك يا أم أحمد؟
أمه: آه والله يا ابني، أنا مبحبش جميلة عليا من حد، خلاص نعزمهم الجمعة
الجاية، أهي بتبقى أجازة والكل موجود.
وفعلا، اتصل أخوها ليعزمها هي وزوجها والأولاد، فوافقت ورجبت.
فماذا سيحدث في العزيمة؟
وماذا سيفعل (محمود) بعد أن سأل عن (حمزة)؟

(١١)

انتظرت أم (فاروق) زوجها لتخبره بالعزيمة، فرحب هو الآخر، فاستطردت لتسأله عما سيفعل بموضوع (ظلال).

ليجيبها بعد تفكير مليء: بصراحة، أنا سألت على الشاب، مفيهوش غلطة، ومليونير والناس كلها بتشكر فيه وفي أخلاقه، بس برضه قلقان.

فأجابته بسرعة: من إيه بقى؟

ليجيبها عن تخوفاته: لا في أهل له شوفناهم ولا أي حد، يعني كله مسافر وأبوه عاجز، طب ما يعزمننا نروح له.

لتبُدد مخاوفه: يمكن أبوه ممنوع عنه الزيارة ولا حاجة ولا عشان ميحرجهوش، ده مهما كان بيه كبير ويرقد الرقدة دي بيصعب على الواحد نفسه.

فأوماً برأسه في اقتناع: عندك حق يا أم فاروق، ربنا ما يورينا رقدته.

فدعت له: بعيد الشر عنك يا أبو فاروق، هقول للبنات عن العزومة عشان يجهزوا أنفسهم.

ودخلت تخبرهم، لتقول (ظلال): عندي دروس يا ماما، هحاول أخلص وآجي لكم، أنا عارفة البيت، جنب المدرس بتاعي، شوفت (ياسر) طالع منه مرة.

فتفهمت الأم الأمر.

أما (إسراء) فنهضت بسرعة: لا أنا مش عاوزه أروح هناك.

لتنظر إليها أمها باستغراب: ليه بقى إن شاء الله؟!

(إسراء) بتلعثم: مفيش، هو كده، مش عاوزه أروح.

أمها بغضب: يا سلام! وأروح أنا وأبوكِ وخلص! يقولوا إيه، مش طايقينهم؟! ما هما جم كلهم عندنا.

(إسراء) بغضب: يا ستي مليش نفس أروح، هو أخوكِ ولا أخويا.

لتغضب الأم وتحسم الأمر: شوفي بقى، هتروحي ورجلك فوق رقبتك، إيه المياعة دي!

وتركتها وانصرفت، لتنظر (إسراء) إلى أختها التي تخفي ابتسامتها، فقدفتها بالوسادة: فرحانة إنتِ وخلعتي عندي دروس، وأمك هتصحينا من بدري ويلا

نساعد مرات خالك دي لوحدها معندهاش بنات تساعدنا، عارفة أنا القصة دي، كان يوم مطلعوش ملامح يوم ما جم القاهرة. و(ظلال) تحبس ضحكها ولكنها لم تستطع، فانفجرت ضحكاً من مشهد أختها وهي تكلم نفسها بطريقة مضحكة.

وفي يوم العزيمة، استيقظت الأم وأيقظت بناتها وزوجها للفطور وحتى يتجهزوا للذهاب إلى العزيمة. زوجها: أنا رايح الورشة أنا وفاروق، وابقى قولي لأخوك يبجي يقعد معايا هناك ونيجي على الغدا، وإنّ روي بالبنات. فأجابته أم (فاروق): هروح أنا و(إسراء) نساعد أم أحمد، لكن (ظلال) هتخلص دروسها وتيجي علينا. فوافق الرجل.

وبالفعل، ذهب كلُّ إلى حال سبيله وتبقت (ظلال) بالبيت، لتتصل بـ(حمزة) وتسأله: إنّت بتعمل إيه؟

ليثناءب: هو مش النهارده الجمعة؟! إيه مصحيك بدري كده؟ فردت: بدري إيه! دي قربت على الحادية عشرة، قوم عشان صلاة الجمعة، وأنا عندي دروس.

(حمزة): أبعث لك العربية؟

(ظلال): لأ، ده الدروس جنبنا هنا وبدري، وبعدها معزومة عند خالي.

فاستشاط: مش الولد الي ضربته ده ابن خالك؟! متروحيش!

فحزنت وأجابته: مينفعش، أمي وأختي وكلنا معزومين، أنا قلت لهم هخلص وآجي أتعدى وأمشي، والله هروح أنغدى وأرجع على طول.

فأزال خصلاته شعره المتناثرة ورد عليها: طب ما تيجي نتغدى سوا.

فشهقت: لااا طبعا مينفعش!

فغضب مرة أخرى: خلاص، تروحي تاكلي وتنزلي جري، وإياه الولد ده يكلمك وتردي عليه.

فأجابته: حاضر، بس متتعصبش كده.

فأجابها بزهق: مش هتعصب، اقفلي بقى.
فحزنت: شوفت! متعصب أهو.
وكادت تبكي، فلانَ لسماع صوتها: خلاص يا ظلال، قلت مش متعصب يا حبيبتي،
يلا روحي عشان دروسك، متتأخريش.

أما عند الخال، فقد أخبرته أخته أن يذهب ليتسلى مع زوجها إلى حين الغداء،
فوافق وذهب.

أما أم (فاروق) وأم (أحمد) فذهبتا إلى المطبخ مع (إسراء) لتجهيز الطعام،
والتي كانت تخرج بعض الأشياء على السفرة أو تأتي ببعض الأكواب من الصالة.
وفي أثناء خروجها مندفعة كان (أحمد) قد استيقظ ووضع المنشفة على كتفه
للذهاب إلى الحمام، ليتلقفها بين أحضانه ويمسك منها الأواني قبل إفلاتها بإحدى
يديه وأيضاً يسندها والأخرى حول وسطها قبل وقوعها.

حاولت أن تتشبث به حتى لا تقع، ثم اعتدلت وكلمته بخفوت حتى لا يسمع
أحد: خلاص وسع، مش تفتح وإنّ ماشي وتأخذ بالك؟!

ليبتسم: ده أنا برضه اللي أفتح وآخد بالي، ولا إنتِ اللي واخدة في وشك!
لتنظر إليه وتذهب غاضبة وتحدث نفسها: هو يوم باين من أوله! عديه على
خير يا رب بدل ما أصور قتيل.

دخل ليتوضأ وذهب إليهم في المطبخ: عاوزه حاجة يا ماما؟ أنا نازل أصلي، ازيك
يا عمتي؟

فردت عمته: إن شاء الله، تسلم يا حبيبي.

أما أمه فردت عليه: لا يا حبيبي، أعوزك طيب.

وانطلق إلى صلاته، ثم عاد ليحدها بالبلكونة، فذهب إليها.

كادت تدخل فمنعها بيده، لتنظر إليه: وبعدين معاك بقى؟!

(أحمد) باصرار: كنت عاوز أوضح لك لما البنت خبِطت فيا...

ولم يكمل، لتباغته: مبهمنيش، بتبرر لي ليه؟!

(أحمد) بضيق: عشان بصتي لي بصة معجبتنيش، وأنا مش كده ولا زي ما
إنّ فاهمة، أنا اعتذرت، وهي اللي كانت بتجر كلام.

فتباغثته: لو صحيح محترم زي ما بتقول كنت قطمت معاها لكر، كلكم صنف واحد ما بتصدقوا.

ليمسكها من ذراعها بغیظ: هو في إيه؟! من ساعة ما شوفتيني نازلة هجوم عليا، و كأنك عرفاني من زمن، مع إنك متعرفيش حاجة عني. لتتاوه منه: آي! سيب إيدي.

أدرك هذا فتركها: أنا آسف، بس إنت الصراحة تستفزي بلد.

فسألته: إنت مالك بيا يا أخي؟! عاوز مني إيه؟

فصعقها بردّه: عاوزك حلاي، عاوزك مراقي!

فجحظت عيناها ولم تستطع الرد، وكأنها لُجمت، ثم استيقظت من الصدمة: ده لما تكون آخر راجل في الكون والبشرية كلها انقرضت، مش هوافق.

وهمّت بالخروج، ليمسك ذراعها بقوة: ليه بقى إن شاء الله؟! ناقص إيد ولا رجل!

فنزطت إلى موضع يده: سيب إيدي لو سمحت، قلت لك ده مستحيل.

فنظر إليها بغیظ: وأنا بقى بقول لك ده قريب قوي.

فنزعت يده وتركته ودخلت وهي مستشيطة وكادت تخرج منها نيران مستعرة. أتى الجميع، وتناولوا الغداء، وبعدها قامت (إسراء) لتدخل الطعام كما أمرتها والدتها ولتُعد الشاي، في حين جلس الكبار في الصالون.

أما (أحمد) فساعدها في إدخال الأطباق، لتلتفت إليه وتجز على أسنانها: ممكن تروح تقعد وأنا هشيل؟ مش عاوزة مساعدة منك.

(أحمد) بيتسم ابتسامته التي تجعلها تستشيط غيظًا: الحق عليا، خلاص هعمل الشاي.

فطفح بها الكيل: أنا هتنيل أعمله، اتفضل من غير مطرود.

(أحمد): وأنا مقدرش أسيبك تتنيلي لوحدك، نتنيل سوا، الملافظ سعد يا عبال.

فتركت ما بيدها ووضعت يدها بوسطها: يعني هو مفيش فائدة فيك؟! أصوت وأقول لهم بيتحشرش بيا وأخلي أبويا وأخويا يعجنوك؟!

(أحمد) لاستفزازها: وأهون عليكِ أتعجن؟

فترد بغیظ: تصدق آه!

وهمت برفع صوتها، فكنتم فمها قبل أن يخرج صوتها وهي تحاول إخراج صوتها وهو يكتمها: إنتِ مجنونة يا بت ولا إيه؟! يخربيت جنانك! أنا ماشي، جاتك القرف، البسي بقى في الشغل كله، وأنا شاي سكر خفيف. فرمته بقطعة قماش كانت بيدها: غور جاتك القرف! ده إيه الوقعة الهباب دي، لا عزومتين كمان وهولع في خالي نفسه عشان خلفه.

تحدث أبو (أحمد): أختي كلمتك في موضوع إسراء وأحمد يا أبو فاروق؟ (محمود): آه طبعًا، واحنا عندنا أعلى من أحمد، ده زي فاروق يا راجل، وأنا هنسى وقففتك جنبني أما جيت المنصورة ومليش متوى، واديتني شقة في بيتكم وجوزتني أختك، إنت مش صاحبي بس، إنت أخويا! لولا أكل العيش وإني اتنقلت هنا من زمان وفتحت ورشتي، لكن عمري ما أنسى وقففتك جنبني. أبو (أحمد): متقولش كده، إنت جدد من يومك، ولولا شوفت مجدعتك لما خدت علقه عشان تدافع عن أختي من شوية الشباب اللي عاكسوها ومهمكش كترتهم، حسيت إنك جدد وعندك نخوة وشهامة مش في أي حد، وعشان كده أمنتك على أختي.

(محمود): ربنا يديم المعروف بينا، هو بس موضوع ظلال عاوز أخلص منه، إنما احنا أهل ويا بعضينا.

أبو (أحمد) بسرعة: طب نقرأ الفاتحة، واحنا مش هنختلف سوا، بس نريح الواد.

أبو (فاروق): ولا تزعل، نقرأ الفاتحة.

زوجته: طب مش نقول للبت؟

أبو (فاروق): هو في قول بعد قولي يا ولية؟! فرقعت زرغوظة.

(إسراء) بالداخل: يا ربه كان صويت ويصوتوا عليا ويريحوني منه.

فدخل ياخذ منها الشاي: مبروك يا حياقي.

فاندهشت: على إيه؟!

ليصعقها بهذا الخبر غير المتوقع، فوقفَت مشدوهة فاعرة فاهها.
فباغتها: أنا قلت كده، الفرحة هتفقدك النطق.
وتركها على حالها، لتجري بعدها وتنظر إلى أمها لتشدها بجانبها وهي تحدثها:
إنتم ازاي تقرأو فاتحتي من غير ما تقولوا.
فغمزت لها أمها: عدي الليلة بدل ما أبوك يولع فيك، مفيش قول بعد قوله.
فاستكانت وهي في قمة غضبها ولم تطق ذلك الناظر إليها.
فماذا سيحدث يا ترى؟

(١٢)

رجع الجميع إلى المنزل و(إسراء) لا ترى أمامها من الضيق، لتجد أختها بالغرفة، فصفقت الباب خلفها، لتنفوه (ظلال): شكلها والعة... ولم تكمل، إذ وجدت قبلة موقوتة أمامها: بنت إنت، أنا مش ناقصاكي ولا طايقة نفسي، ونفسي أرتكب جريمة ومش لاقية غيرك في وشي، اتقي شري الساعة دي أحسن لك!

(ظلال) تنتبه لأختها بجدية: في إيه يا سوسو؟ مالك؟ أول مرة أشوفك كده. لترمي على فراشها وتنفجر باكية، فذهبت إليها أختها وربتت على كتفها وأقامتها: في إيه؟ أول مرة أشوفك كده! أحمد عمل لك حاجة؟ فارمت بأحضان أختها: بابا قرأ فاتحتي على أحمد البارد مع خالي، وبدون حتى ما يسألني رأيك إيه في الجوازة المهيبة دي! تقوليش هو اللي هيجوز مش أنا. فحاولت أختها تهدئتها: يا ستي دي قراءة فاتحة، هو جوز هولك! والله الواد كويس ومحترم ويحبك، ما تجربي يمكن تحبيه، ولو محببتهوش قولي مش موافقة، اخترعي أي حجة، يمكن يطلع بخيل ولا أي عيب فيه، وساعتها محدش هيقول لك لا.

(إسراء): ازاي يعني؟! هو في كده! بهيمة مليش رأي! ازاي بابا يحيني كده وأكني مش موجودة، ده كله عشان يرد الجميل لخالي على اللي عمله معاه زمان، يقوم يضحى بيا؟! (ظلال): وليه متقوليش إنه واثق في تربية أحمد وإنه راجل هيحافظ عليك، ولو لقاها عكس كده أكيد مش هيوافق تكملوا.

فاقتنعت برأي أختها: تفتكري كده؟ ممكن بابا يرفض يكمل الجوازة لو أنا قلت له مش عاوزه؟ (ظلال) لتهدئتها: أكيد طبعاً حبيبتي، بابا غرضه مصلحتنا. (إسراء) تباغتتها: يعني لو رفض حمزة، هتعلمي إيه؟ ففزعت (ظلال): تفي من بقلك، لأ، إن شاء الله يوافق، بس لو رفض هعمل إيه يعني، أنا مسلمهاها لله، واللي عاوزه ربنا هيكون، عمري ما اعترضت على قضائه

وهو دائماً يعمل لي الخير.

فاحتضنتها أختها: أكيد حبيبتي، إنتِ تستاهلي كل خير، وآسفة إني انفعلت عليك، ربنا يخليك ليا.

فاحتضنتها (ظلال): ويخليك ليا حبيبتي.

فدخلت الأم في هذا الوضع: ربنا يشفي! في إيه؟ طقم الحنية الي على غفلة ده، ما كنت سامعة زعيق من شوية.

فقامت (إسراء) أمام والدتها: يعني يرضي مين ده اللي عمله بابا؟! ازاى يوافق من غير ما يستشيرني؟! هو مين هيجوز!

فكتمت الأم فم (إسراء): اتلمي يا بت بدل ما أبوك يبجي يرنك علقه، إنتِ عاوزه تكسري كلامه وتصغريه قدام الرجالة؟! هو خالك حرجه ومقدرش يفلص، وده كلام رجاله.

(إسراء) بتعجب: بس كان استنى يقول لهم هاخذ رأي الجاموسة الي هتتجوز، مش ساحبني زي الدبيحة للمدبح.

الأم: أما إنتِ عليكِ تشبيهات! إيه الزريبة الي دخلتها دي، بهيمة وجاموسة! روحي يا بت نامي مش فايقة لك، وإياك الكلام ده تقوليه لأبوك، هو مخه صعيدي ولما بيتربس يلا السلامة، خلينا عايشين في سلام يا بنتي، إنتِ مش عارفة أبوك يعني، بدل ما تخليه يحلف بالطلاق، وإنتِ عارفاه.

فرأفت بحال أمها: حاضر يا ماما، مش هتكلم.

وذهبت إلى فراشها تتدثر، وأغلقت الأم الأضواء وتركت الفتاتين نائميتين لا تدري كل واحدة منهما كيف سيكون مصيرها.

وفي الصباح، كادت (ظلال) تخرج، ليستوقفها والدها: أنا هكلم حمزة النهارده ونشوف الموضوع هيرسى على إيه.

فأومأت برأسها وخرجت.

أما (إسراء) فقد حاولت تجاهل نظرات والدها وإليها وخرجت مسرعة، لتقابل (أحمد) وهي لا تطيق النظر إليه.

فنظر إليها: طب قولي صباح الخير حتى!

فنظرت إليه: ممكن متتكلمش معايا خالص.

(أحمد) باستفهام: طب ليه طالا! ده احنا اتقرأت فاتحتنا رسمي.
فجزت على أسنانها: يعني إنت عارف إني مش طيقاك ورايح تتقدم لي يا بارد!
فاقترب منها: إذا كنت بسمح لك زمان تتكلمي على مزاجك، دلوقت في حدود
متخطيهاش، عشان هبقي زوجك ولازم تحترمي زوجك يا آنسة يا مهذبة.
فحاولت التحدث: زوج مين؟! إنت...
ولم تكمل: أنا لسه مخلصتش كلامي.

وبصوت حاد لتتوقف عن الكلام: أنا لو مش واثق إنك هتحبيني مكنتش خطيت
الخطوة دي، ثم إنت إيه الي مش عاجبك فيا، ولا عاوزه واد فافي سيس من
بتوع اليومين دول الي مسقطين بنطالوناتهم؟!
(إسراء): لأ طبعًا، مش عاوزه من دول، بس أنا مبجكبش.
(أحمد): وإنت تعرفيني مينين عشان تحبيني؟!
(إسراء): أهو إنت الي قلت، أعرفك مينين عشان أحبك؟!
فمال عليها وهمس بأذنها: يبقى لازم تعرفيني الأول!
وتركها وذهب.

لتضرب كفًا على كف: والله ما شوفت برود أكثر من كده! الواد ده هيجيب لي
جلطة وأنا في عز شبابي، أمال لو اتجوزته، هيجيب لي شلل رباعي؟! منك لله يا
بابا عالي عملته فيا.

لتدخل محاضرتها، وتجد آخر غير (كمال).
فمالت على صديقتها: أمال فين كمال؟
فأجابتها: عقبال عندك كانت خطوبته امبارح، وشكله خربها ومقدرش يقوم
الصبح ونام قتيل، ودخل البيه بداله.
لتصدم صدمة عمرها، فقد أصبحت كالإسفنج تتلقى الصدمات وتمتصها، لتنظر
إليها صديقتها: مالك؟ لهو إنت كان عندك أمل فيه لسه؟!
(إسراء) بنفي وبحزن: لأ، بس أنا كمان اتقرأت فاتحتي امبارح.
فصدمت صديقتها ووبختها: يا جبانة، ومتقوليش!
(إسراء): مش لما أعرف أنا الأول.
فأجابتها صديقتها بسخرية: إيه فزورة؟!

(إسراء): آه، أبويا عملها لي مفاجأة.

فمالت عليها: ومين سعيد الحظ؟ عأحمد؟

فضحكت على أسلوب صاحبته: أيوه يا اختي، ومقابلني الصبح يديني كورس في الأخلاق والزوجة الصالحة.

فمالت عليها صديقتها: لأ مينفعش بالهمس كده، بعد الهابة دي نروح الكافيتريا نزرع لنا سنكوتشين نتقوّت بيهم وتقولي لي ما عندك، كلي آذان صاغية. لتصحّبها وتقص عليها ما حدث.

فردت صديقتها: والله الولد ده كويس وبيحبك وشاريكي، واحدة تقول لخطيبها بارد! كويس إنه مألافكيش جوزين أقلام يعدلوك.

(إسراء): مين ده! والله كنت صوّت ولميت عليه أمه لا إله إلا الله وقلت بيتحرش بيا وعجنوه وطحنوه.

فضحكت صديقتها: قادرة وقوية ومفترية! جايبة القوة دي مينين يا بت؟! ده إنت شبر واقطع، ده أنا اللي طول بعرض لو قال لي كلمة بس هطّب ساكتة، يدي الحلق لبي بلا ودان!

(إسراء): أقلعهولك يا حبيبتني، والفردتين كمان.

فأجابته صديقتها: مع الأسف، القلب وما يريد!

لتستأذنها (إسراء): أنا ماشيه بقى لحسن حمزة جاي اليوم، وهشوف لو ماما عاوزه حاجة أجيبها أو أعملها، لأن ظلال إيدها في المية الباردة وكل حاجة دروس دروس.

أما (ظلال)، فأنهت دروسها لتجد (حمزة) منتظرها ليصطحبها معه إلى بيتها لأن أباهما أخبره أنه سينتظره اليوم، فذهبت معه بعد محايلة خوفاً من أن يراهما أحد معاً.

ولكن (حمزة) أوضح لها أنه سيذهب معها إلى البيت، فما المشكلة، واقتنعت أخيراً، ليذهبها معاً ويستقبلهما والدها وينظر إلى (ظلال) التي تجري إلى الداخل بسبب نظراته.

أما (حمزة) ففهم نظرات والدها: متلومهاش هي، والله ما كانت عاوزه ترجع

معايا، أنا اللي أصريت لأني جاي البيت، وعشان كده يا ريت نعمل الخطوبة
عشان تبقى حاجة رسمي وتبطل الرعب اللي هي فيه، وساعات بتبقى متأخرة
وأقول لها أعزمك مترضاش، فلو رسمي والناس عارفة هيبقى مفيش مشكلة.

ليبعاته والدها: بس هتبقى خطوبة من غير أهلك؟

(حمزة) بتلعثم: ما أنا قلت لحضرتك اللي فيها، وأكد سألته وعرفت إن
ظافر في ألمانيا ووالدي قعيد، وتأكدت من صدق كلامي، وإلا مكنتش بعت
لي النهارده.

ليومئ (محمود) برأسه: فعلاً يا ابني، ومشوفتش حد اتكلم وحش في حقك، كل
الناس شكرت فيك، خلاص يا ابني، على بركة الله، نتفق ونقرأ الفاتحة.

(حمزة): مش هنختلف، أنا عاوز ظلال بس، من غير شنطة هدومها، أنا
شقتي جاهزة، واللي عاوزاه هجيبه، حتى لو عاوزة تغير العفش كله.

(محمود): لا يا ابني ده إنت قلت جايه من بره، يبقى نقرأ الفاتحة.

(حمزة): طب والخطوبة؟

(محمود): أنا بقول تبقى عائلية هنا، والفرح يبقى في قاعة، عشان في دراسة
لسه.

(حمزة) مجيباً: وأنا تحت أمرك في أي شيء، ولو عاوزة الفستان والكوافير
وكل شيء يبجيلها البيت، أنا مسئول عن كل شيء.

ففرح (محمود): خلاص اتفقنا، ونعمل خطوبة أختها كمان، حتى لو هيلبسوا
الدبل.

(حمزة): وأنا هبعت الجواهرجي بتاع العيلة تنقي اللي عاوزاه، ولو طنط
عاوزه حاجة تاخدها.

فجحظت عين الأم.

ليستطرد: ودبل أختها كمان هدية من عندي للعروسين.

(محمود) بنفي: لا يا ابني، ده كثير قوي!

(حمزة): مفيش حاجة تكثر على ظلال، أنا فعلاً بحبها وشاريها وبخاف عليها،
وعمرك ما هتندم إنك اديتني بنتك، وبكرة تعرف.

(محمود) بتفهم: عارف يا ابني، سيماهم في وجوههم.

لتنهض الأم: يلا يا إسراء نجهز العشاء.
فاستحي (حمزة): مش كل مرة أتعبكم!
الأم: تعبك راحة يا حبيبي والله يا ابني، إنتَ محبتك زي ولادي بالضبط.
وانصرفت لتُفرِح أخاها بالخبر السار وتعد العشاء.
فماذا سيحدث بعد ذلك يا ترى؟

(١٣)

تركت الأم البنات يجهزن العشاء، وانطلقت تُفَرِّح أخاها وتخبره أن
(حمزة) يريد إهداء (إسراء) و(أحمد) الشبكة، ففرح أخوها بعد أن قصت
عليه كل شيء، ليعلق الخط ويخبر (أحمد) ويفرحه.
ولكن رد فعل (أحمد) كان عكس التوقعات، فقد زفر بضيق: يعني إيه يهاديني
بالشبكة؟! مستقل بيا!

وذهب إلى غرفته وهو يكاد يختنق وأغلق عليه الباب.
أما عند (ظلال)، بعد أن ذهب (حمزة)، جاءت (إسراء) تحدث والدتها: يعني
إيه بالمرّة أنا أتخطب مع ظلال؟! هو إنتم ليه مش عاوزين تفهموني، جوازة
غضب ومستكترين عليا أقول رأيي في أي شيء! هو أنا مش بنتكم ولا جايني
من الملجأ، ليه مستكترين عليا الفرحة اللي بتتمناها كل بنت.

لتجلسها أمها بجانبها وتربت على كتفها: بصي يا ابنتي، مش هكدب عليك، أنا ما
صدقت أحمد يتقدم لك، إنتِ حظك من الجمال مش زي أختك.

ف نظرت إليها (إسراء) باستغراب: في إيه يا حاجة؟! شايفاني شمبانزي!

فتراجعت الأم: لا يا حبيبتني، بس جمالك مش اللي هو يجيب مليونير زي حمزة
على بوزه، شوفتي إنتِ قربتي تخلصي معهد ولا حد سأل فيك، وأنا خايفة
تعنسي زي بنت أبلتك فتحية، شايفة قربت على أربعين ولسه مجاش عدلها،
وكانت بتبغدد على ده وده في شبابها، ده أنا أكبر منها بشوية صغيرة ومعايا
شباب، فأنا خايفة عليك يفوتك القطر يا حبيبتني، مش هستحملها.

(إسراء) بضيق: يا ماما ده نصيب، وهي نصيبها لسه مجاش، يعني كانت
اتجوزت وخلفت واتطلقت وجات جرة عيالها؟!

أمها: كان يبقى أحسن بدل ما يقولوا عنست.

ف نظرت إليها (إسراء) باستغراب: منطوق عجيب!

ونهضت، لتجلسها أمها وتشدها من يدها: بقولك إيه، ابن خالك واد زي الفل،
متطيريهوش من إيدك لهكون قاطمة رقبتك، إنتِ فاهمة؟!

فاستسلمت وبضيق: خلاص فاهمة.

وأخذت تتحدث بخفوت: سي زفت ده كمان اللي طالع لي في المقدر جديد. وذهبت لتأوي إلى فراشها وتتمني لو حجرة (أحمد) يقع سقفها عليه وتتخلص منه نهائيًا.

لتستيقظ في الصباح وتذهب إلى معهدا، ولكن يقابلها (أحمد) وهو واجم، فتستغرب من منظره، فيباغتها: أبوك فوق؟ فأومأت برأسها إيجابًا، فأشار إليها برأسه وجذبها من ذراعها: طب قدامي نروح له.

فشدت ذراعها منه: في إيه؟! ما تروح له إنت، وأنا مالي؟! أنا هتأخر على المعهد. فنهرها وسبَّ بالمعهد وتعصَّب، وحين وجدته في قمة غضبه استجابت له، ومشيت معه توصله إلى أبيها، فهي لم تره هكذا من قبل. وفتحت والدتها الباب: في إيه يا بت؟ رجعتي ليه؟ فوجدت (أحمد) خلفها، فرحبت به وأدخلته.

(أحمد) باستعجال: معلش يا عمتي، نادي عمي محمود عشان عندي شغل. فذهبت المرأة على عجالة لتنادي زوجها. أما (إسراء) فنظرت إليه: يعني إنت مستعجل عشان الشغل وأنا طظ في المعهد؟!!

(أحمد) ينظر إليها: لأن الشغل ده اللي هياكلنا، أما معهدك ده ميلزمنيش، ومتعفرتينيش أكثر منا متعفرت، عشان أما بأتضايق مبعرفش بقول إيه! وجاء الأب ورحب به: خير يا ابني؟ فيه إيه؟

(أحمد): يعني إيه خطيب ظلال عاوز يهادينا بالشبكة؟! مفكر اشترانا بفلوسه وأنا فوق البيعة؟! وازاي متردش عليه وتقول له أحمد عمره ما يقبل كده؟! شوف يا عمي، أنا آه لسه في بداية حياتي، ومغشيتكوش وعارفين إمكانياتي كويس، ولو أطول أجيब لها حته من السما هجيبها، لكن أنا محكوم بإمكانياتي، ولازم مرااتي تعيش على قدي وتراعي الكلام ده، ولو إمكانياتي دبلة صفيح، أنا شاريتها من حر مالي، تلبسها وهي مبسوة بيها أكثر من ذهب تلبسه وأنا مش تعبان فيه، أنا بقدركم جدًّا يا عمي، بس إنتم رخصتوني قدامه جدًّا!

(محمود) وهو ينظر إليه بفخر: فعلاً أبوك ربِّي راجل، ويا ابني لا رخصناك

ولا شيء، الرجل عرض كثر خيره، واحنا قلنا له لأ، ودي حاجة براحتكم،
تقبلوا ترفضوا محدش هيغصبكم، متضايقش نفسك كده وتاخذ كل حاجة على
أعصابك، وربنا يتمم لكم بخير يا ابني.
(أحمد) يستطرد: وأنا كنت عامل جمعية وقبضتها، وهجيب بيها الدبل، وإن
شاء الله ربنا هيرزقني وأجيب لها كل حاجة.
واستأذن، وهي نزلت أيضاً لتلحق معهداها.
وتنظر إليه: كل الغاغة دي عشان كده! أقرع ونزهي.
ليجذبها من ذراعها على السلم: لما تكلمي خطيبك يبقى باحترام أكثر من كده،
ولو أهلك معلموكيش، أعلمك أنا.
وترك ذراعها بقوة وأكمل الدرج بسرعة، لتمسك مكان قبضته وتتأفف: يا رب
تموت!

ذهبت إلى المعهد وقابلت (مروة) صديقتها: إيه يا بت، نموسيتك فحلقي.
(إسراء) وتمسك ذراعها: سيبيني في حالي، كفاية اللي أنا فيه.
(مروة) باستغراب: ماسكة ذراعك ليه؟ حادثة؟
(إسراء) بسخرية: اااه، عدى عليا قطر الصعيد.
(مروة) باستهزاء: وإيه اللي ودّاك لقطر الصعيد؟!
(إسراء) تضحك: هو جالي لحد البيت!
لتتعجب (مروة): هو صنف المدعوق الحشيش اللي بتشربيه اليومين دول اسمه
إيه؟ عاوزه أجربه، أصله صنف عالي قوي.
(إسراء): اتريقي يا اختي اتريقي، اسمه أحمد.
فتهيم (مروة) وتشبك يديها: اااه! الحب كله.
واستفاقت: عمل إيه أبو زيد الهلالي خليفة؟
فضحكت (إسراء): الاتنين سوا! هو يا أبو زيد الهلالي يا الزناتي خليفة، ده شخص
وده شخص ثاني.
فأجابت (مروة): هو اتنين في واحد، شامبو وبلسم مع بعض، المهم انجزي، وانا
محاضرة.

فقصت لها ما حدث، فازداد إعجابها به: راجل يا واد، والله خسارة فيك، ما

تجبييه وحطيه في قفص نتفرج بس وممنوع اللمس، والله مش هعمل فيه حاجة.

فضحكت (إسراء) على أسلوب صديقتها: إنتِ عمرك ما تبقي جد أبدًا!
(مروة): ده أنا أكش لو بقيت جد!

أرسل (حمزة) الجواهرجيّ الخاص بالعائلة إلى (ظلال) لتختار ما يحلو لها، وطبعًا، أبي (أحمد) أن يأخذ أي شيء على سبيل الهدية، واعترض بشدة ولم يُثنيه أحد عن قراره، وأخذ (إسراء) ووالدته ووالدتها لتختار دبلّة خفيفةً وخاتماً يناسبان إمكانياته، وتفهم الجميع الوضع، ما عدا (إسراء) التي تفعل ما يُطلب منها على مَصْض، وذهبت مع والدتها لتؤجر فستانًا ولوازم الخِطبة. أما (ظلال)، فقد أخذها (حمزة) في وقتٍ آخر مع والدتها لتشتري ما يحلو لها، وكانت في قمة سعادتها.

وجاء الموعد المحدد للخِطبة بالمنزل، فقد فضّلوا أن تكون عائليةً لأن الفتاتين ما زالتا في فترة الدراسة، وأتى (حمزة) بمفرده، أما (أحمد) فجاء ومعه عائلته، وتمت الخِطبة واستمتعوا.

واقترح (حمزة) أن يعزم (إسراء) و(أحمد) و(ظلال) لإكمال الحفل في مطعم فاخر، فوافق (أحمد) على مَضض، وفي أثناء وجودهم بالسيارة اقترح (حمزة) أن ينزل الجميع على الكورنيش بعض الشيء. وفي أثناء سير كل ثنائي بجهة..

(أحمد) يحدث (إسراء): أنا عارف إنك متعرفينيش ولا اتعاملتي معايا، بس أنا واثق إنك لما تعاشريني هتفهميني وتحبيني.

ف نظرت إليه بضيق: وإنتِ واثق كده ليه؟

فأمسكَ ياقة قميصه بثقة: قدرات يا بنتي، إش فهمك إنتِ!

فَتَحَّت نظرها عنه إلى الجانب الآخر ونظرت إلى النيل، ليجدها تحتضن نفسها من البرد، فخلع جاكيت البدلة ليضعه على كتفها، فرفضت بشدة ونهرته: مش عاوزة!

ليعنفاها: إنتِ بتترعشي، بلاش عند في كل حاجة.

أما (ظلال)، ففستانها له كاب وضعه (حمزة) لها قبل النزول، وفي أثناء مرور بعض الشباب أمام (إسراء) و(أحمد).

شاب يستظرف: ما تسيب لنا المُرَّة ساعة ومُنجهك.

ليستشيط (أحمد) ويناوله بوكسًا يوقعه، فيأتي الآخرا، ولكن (حمزة) يأتي مسرعًا ويساعد (أحمد) ويجري الشباب من أمامهم، فتنظر له (إسراء) بضيق: لازم تتهور يعني! عجبك الفضايح دي! هو الكلام بيلزق؟! ما هو كان ماشي وخلص.

فجحظت عيناه: ليه؟! ماشية مع سوسن! تسمحي لما أعمل حاجة متعقبيش عليها تاني!

وبعدما ذهبوا إلى مطعم، و(إسراء) و(أحمد) في قمة غضبهما، أما (حمزة) فيلاطف (ظلال) ويتحدث معها وكأنه لا يوجد بالكون غيرهما، ليري من بعيد (بنان) قادمة.

فيقوم: مش كفاية كده؟ اسبقوني على العربية وأنا هحصلكم.

فاستغرب الجميع موقفه، ولكن لم يُعقب أحد.

وبالفعل، دفع الفاتورة وانصرف قبل أن تراه (بنان)، حتى لا تقول لوالده وينكشف الأمر قبل أن يتم.

فماذا سيحدث؟ وهل رآته (بنان) أم لم تره؟

(١٤)

لمَحَت (بنان) (حمزة) وهو يطير مسرعًا من المطعم، فحاولت أن تنادي عليه فلم يستجِب، ولكنها استغربت مجيئه، فهي تعلم أنه من العمل إلى الفيلا ولا يذهب إلى أي مكان، ولكنها ظنت أنه ربما تأخر به الوقت وكان جائعًا فجاء إلى هنا، ولم تأخذ الموضوع بعين الاعتبار، إذ كانت معها صديقاتها يلهينها.

أما هو، فحمد ربه أنها لم ترَه مع (ظلال) وتفوضه أمام العائلة، فلو تطرَّق الخبر إلى مسامع الأب ربما عنفه وحتمَّ عليه إلغاء الزيجة، فهو لا يريد أن يعرف أحد حتى تتم الزيجة على خير، فلن يقبل التنازل عن (ظلال) بهذه السهولة. وأخذ الجميع بسيارته وذهب لإيصالهم إلى المنزل، ثم رجع هو إلى والده يطمئن عليه ويخبره بحال العمل ككل يوم، ليشعره أنه معه خطوة بخطوة ويستشيرَه في بعض المواقف والأشياء التي تقابله في العمل.

أما (بنان)، فقد رجعت متأخرة وكان قد نام، لتدخل فتتجادل مع أخت (حمزة) الصغرى وتتذكر وجود (حمزة) بالمطعم وتخبرها، لتستغرب وجوده ليلاً بمطعم، ربما في الغداء ولكن ليلاً، لماذا؟! وليس معه وفد للعمل! ولكنهما نسيتا الموضوع وتسامرتا معًا.

أصبح (حمزة) ينتظر (ظلال) إن كان الوقت متأخرًا، ويعزمها على العشاء أحيانًا، ويذهب أحيانًا أخرى عندهم فيجلس بضعة من الوقت مع أسرته، وكذلك (أحمد)، أحيانًا يأتي ولكنه لا يجد وجهًا يسُرُّه من (إسراء). وفي إحدى المرات، تصادف وجود (حمزة) و(أحمد) في الوقت نفسه، ليسأل (حمزة) (أحمد) عن عمله وتخصصه.

فيجيب (أحمد): أنا مسيبتش كورسات ولا دورات إلا كنت راشق فيها، وبقيت أحسن من أي خبير أجنبي، وأقدر بعون الله أعمل أجدع سيستم لأكبر شركة، بس بلدنا بقى مش بتاعة تخصصات ومبتديناش حقنا.

فانتبه (حمزة): طب ليه محاولتش تشتغل في مجالك ده في أي شركة كبيرة

وتعرض دوراتك وكورساتك؟

(أحمد): أصلي غاوي فقر بعيد عنك! ما أكيد روحك، بس ببصوا لمنظري ويرفضوا، قلت مبدهاش، أي حاجة تقضي الغرض.

(حمزة) بجدية: طب ما تيجي تشتغل معايا.

(أحمد) بسرعة: متشكر جداً، أنا مرتاح كده.

وجاءت (ظلال)، فقد كانت بالداخل، أما (إسراء) فتتابع الحديث، لتنهره فيما بينهما: تصدق إنك فقري فعلاً! الراجل عارض عليك وظيفة لما عرف قيمتك، هو هيجب عليك! ما هو مش هيديك إلا لو اشتغلت.

(أحمد) باعتزاز: لأ، كرامتي فوق كل اعتبار.

(إسراء): يا ابني دي فرصة عمرك، تثبت نفسك وفي مجالك، لو زي ما بتقول متمكن قوي وتعمل اللي ما يعمل، على فكرة أنا مش بكلمك عشان خطيبتك، لو أي حد كنت هنصحك كده، دي فرصة متتكش.

(أحمد): يعني رأيك عشان الكورسات وكده عرض عليا الشغل، مش مساعدة يعني؟

(إسراء): يا ابني افهم، الناس اللي زي دي لو مأخذتش من وراك تُقلك دهب مش هتشغلك، ده الدقيقة بفلوس عندهم.

(أحمد) بتعفف: لا أنا أتحرج!

فذهبت (إسراء) إلى (حمزة): معاك كارت يا حمزة؟ عشان لما أحمد ييجي لك ميستناش وكده ويدخلوه.

فقال (حمزة): قوي قوي.

وأخرجه من سترته وأعطاها إياه، لتذهب إلى (أحمد): اتفضل.

لينهرها: ليه عملي كده؟! يقول ما صدق!

(إسراء) بغیظ: يقول اللي يقوله، الحق عليا، قلت أعمل فيك جميلة، خيرًا تعمل شرًا تلقى!

وانتهت الجلسة وذهب كلُّ إلى حاله.

ليعرض (أحمد) الأمر على أسرته، فيستحسن والده ووالدته ما فعلته (إسراء): والله خير ما فعلت.

هكذا قال الأب، أما الأم فقالت: والله البت دي طلعت جدعة، روح يا ابني وربنا يبارك لك، يمكن تكون فاتحة خير ووش البت إسرائ حلو عليك. فاستسلم (أحمد) لما قالاه: خلاص، أنا بكرة هروح شغلي أستأذن وأطلع على شركة حمزة.

ونام يفكر؛ هل فعلاً ما فعلته (إسرائ) عين الصواب كما قالوا أم سينظر إليه (حمزة) أنه انتهازي؟ ولكنه استسلم للنوم ورمى أحماله على الله. ليذهب في الصباح الباكر ويجد (إسرائ) تخرج كعادتها مسرعة، فيعترض طريقها دون أن تأخذ بالها، فتلفت إلى من يقول صباح الخير. وتنظر إليه قائلةً باقتضاب: صباح النور.

وتهم بالسير، ليجذبها من ذراعها ويستوقفها ويهرش بأصابعه في رأسه: على فكرة أنا هروح أستأذن من الشغل وأروح لحمزة.

ف نظرت إليه نظرة خاطفة وتحدثت على عجل: أوك، بالتوفيق. وذهبت مسرعةً من أمامه، ليتعجب ويضرب كفًا على كفٍ من تصرفاتها، ثم يذهب إلى شركة (حمزة) ليعطي السكرتيرة الكارت، فأدخلته فوراً كما نبّه (حمزة) عليها.

دخل (أحمد) وكان (حمزة) معه (كمال) المحامي صديقه ويعمل معه بالشركة، ليقوم (حمزة) لتحية (أحمد) ويعرفه بـ(كمال). ثم يستأذن (كمال): خلاص، زي ما اتفقنا بقي. (حمزة) بتفهم: أوك خلاص.

ويجلس (أحمد)، وقبل أن يتفوه ويعطي (حمزة) ملفه، قاطعه (حمزة): دي إجراءات تعيينك، ٥٠٠٠ ج في الشهر كبداية كويس، وإنّ وشغلك معانا، كل ما تجتهد أكثر ورؤساءك يثنوا عليك، مرتبك هيزيد.

(أحمد) بخجل: بس ده كثير قوي! (حمزة) بابتسامة: لا كثير ولا حاجة، روح استكمل إجراءات تعيينك وخذ الورق معاك للسكرتارية، هتعرفك كل شيء والمكان اللي هتبقى فيه. (أحمد) بتفهم: حاضر.

ثم ذهب مع السكرتيرة، والتي سلمته إلى آخر، وهذا إلى ذاك، ليصل إلى مكانه

وهو منبهر بهذا الصرح العملاق من الداخل، فلم يكن يتوقع أنه بهذا الحجم الضخم، وبدأ بالفعل عمله وتفهم نظام العمل، وقرر أن يستقيل من العمل الآخر، فلا داعي له الآن، فهذا ما سيوصله إلى أن يتزوج بأسرع وقت بدلاً من انتظار سنوات وسنوات ولا يعلم إذا ما كان سيستطيع تديير أمره أم لا، أما الآن، ها قد أصبح كل شيء ميسراً.

ليذهب إلى أهله: أخيراً طاقة القدر اتفتحت لي! ده الشغل اللي كنت بتمناه فعلاً وفي مجال تخصصي وحاجات عالمية كمان، مش أي حاجة، أنا فرحان قوي! والده: طب اشكر خطيبتك، هي السبب.

(أحمد) بتفهم: فعلاً، لولا اللي عملته كنت طيرت كل ده مني، أنا هجيب لها هدية وأروح أبشرها وأشكرها لأني كنت قليل الذوق معاها شوية. الأم: ماشي يا عنيا، ما هي لها الهدايا والشكر. فقيل يدها: وإنّ قبل الكل يا ست الكل.

فقبلته: تسلم يا حبيبي.

وذهب إلى (إسراء)، لتقبله ككل مرة، وتقف تسأله: تشرب إيه؟

فجذبها بجانبه: أنا آسف.

فنظرت إليه: على إيه؟!

فهرش برأسه: عشان كنت قليل الذوق شوية لما جبتي الكارت من حمزة وزعقت معاك، أنا آسف ومتشكر، اتفضلي.

(إسراء) تنظر إلى ما بيده: إيه ده؟

(أحمد): هدية بسيطة، وإن شاء الله مع أول مرتب هجيب لك حاجة كويسة.

(إسراء) تعطيها له: متشكرة، مش عاوزه حاجة.

فزفر بضيق: الله! أنا جبته وخلص، أولّع فيها يعني!

(إسراء) بضيق: إنت حر، ارميها، ولع فيها، أنا مباحدش هدايا من حد.

(أحمد) باستغراب: هو أنا حد؟! أنا خطيبك يا هبله!

(إسراء): متشتمش، أهو قلت، خطيبي، وإيه يعني خطيبي؟! أقبل منك بتاع

إيه!

(أحمد) بتعجب: آه والله، ده أنا حيا الله خطيبك يا شيخة، معلش مكنتش واخد بالي والله، المرة الجاية هاخد بالي! ده أنا أستاهل ضرب الجزمة إني عبرتك والله!

فقامت، ليستأذن هو الآخر ويعطي الهدية لعتمته: دي ليك يا جميلة عشان تتعطري لأونكل محمود كده.

فضربته في صدره: يوه! جاتك إيه يا أحمد! إنت رايح فين؟ ما تقعد.

ولكنه استأذن منها وذهب، ودخلت الأم إلى ابنتها ويدها زجاجة العطر: إنتِ مش هتلايمها بقى!؟

لتأخذ (ظلال) الزجاجة وتفتحها: الله! ريحتها حلوة جدًّا! جبتيا منين يا ماما؟ بابا جابها لك؟

فظطرت الأم إلى (إسراء): أسألي المعدولة أختك.

(إسراء) بغیظ: أنا عاوزة أنام.

لتمشي الأم، فتنظر (ظلال) إلى أختها: في إيه؟

لتبكي (إسراء): مبطيقوش، أعمل إيه! حاجة غصب عني، دمه تقيل على قلبي، حتى وهو بيهزر مش متقبلاه، حاسة إنه مفروض عليا، مخنوقة! يمكن لو كان في فرصة للرفض أو القبول كنت حبيته، بس نظام الفرض اللي فرضوه عليا خلوني كرهته.

فأخذتها (ظلال) بحضنها: طب اهدي حبيتي، ربنا يهديك ويصلح حالك، حاولي تدي له وتدي لنفسك فرصة، يمكن تحبيه، والله واد جدع ومحترم، حتى (حمزة) بيشكر فيه وفي أخلاقه.

(إسراء) بتفهم: عارفة ومتأكدة من كده، بس مش بالعا، واقف في زوري بالعرض، مش هاضماه، مش متقبلاه كزوج، ممكن أخ، صديق... لكن زوج!

لأ!

لتهدئها أختها.

انقضت الدراسة، وصمم (حمزة) على كتب الكتاب والزواج من (ظلال)، وأن تكمل دراستها معه، وسيتكفل بكل شيء ويأتي بالخدم لها والمدرسين إلى البيت،

أما عن أبيه، فقد قال إنه ذهب عند أخيه في رحلة علاج طويلة ربما لا يعود، وربما سيذهب (حمزة) و(ظلال) إليه زيارة في الخارج بعد الزواج، هكذا قال لهم (حمزة).
وأيضاً تحجج، إنه رجل معروف، وستكون الأضواء والصحافة عليه لو عمل فرحاً كبيراً، لذلك فالفرح سيكون بقاعة عادية وليست بمكان فخم حتى لا يُفتضح أمره، وقرر الأب كتب كتاب (إسراء) معهما أيضاً.
فماذا تخبئ لهم الأيام يا ترى؟

(١٥)

عندما تطرق إلى مسامع (إسراء) هذا الخبر التعيس، انفطر قلبها مرة أخرى، وذهبت مسرعة إلى والدها: هو أنا دائماً فوق البيعة؟ ليه بتعاملوني كده؟! بالمرة مع ظلال نعمل لإسراء! إنت أكيد مش أب ولا يمكن تكون أبويا! ليعطي لها كفاً يوقعها أرضاً: هي حصّلت يا بت تقولي لي أنا الكلام ده؟! وينظر إلى زوجته: دي آخرة دلحك فيهم، بقى دي تربيتك يا هانم! جاية تقبل أدبها على أبوها، طب قسماً بالله لو كان معاه يدخل، لكنك دخلتك إنت كمان وخلصت منك ومن عارك! ماله أحمد يا بت؟! سايقة العوج عليه ليه؟! أنا ملاحظ ومتابع، مش أهبل وبريالة، وشايف دلحك عليه، والواد ساكت وشاريك، وإنّ ولا طمران فيكِ وبتبترتي على النعمة إلى في إيدك. وجذبها من يدها والشرر يتطاير من عينيه وينظر بعينها: إنتِ تعرفي حد تاني يا فاجرة؟!

فتلعثمت وارتعدت أوصالها: لا والله ما أعرف حد، أنا... بس... فقطاعها: يبقى عملي اللي أنا شايفه في صالحك، البنات ملهاش الاعتراض، لحسن يمين بالله أكون جايب خبرك. فأخذتها أمها بأحضانها وجذبتهأ منه: لا دي إسراء متقدرش تكسر كلمتك يا أبو فاروق، ده إنتِ الخير والبركة ومحدث له قول بعد قولك. فتحدث بغضب: خلاص، غوروا من خلقتي، فورتوا دمي، عاوزة تصغرنى قدام الناس بعد ما اتفقت، يقولوا عليا عيل وبريالة، أنا! عشان أبقى لبانة في بقّ الناس ويقولوا عيل بيرجع في كلامه، غوروا من خلقتي! قالها بصوتٍ أروعها وجعلهما تجريان كالفران من أمامه، ليجلس على فراشه ويخرج غليونه لينفث فيه غضبه عله يهدأ بعد هذا التوتر المزعج الذي سببته ابنته له.

أما الأم، فأخذت ابنتها لتهدي من روعها بعد تعنيف والدها لها، وأيضاً لتعلمها بخطئها بما تفوهت به مع أبيها بهذه الوقاحة، وأنها ربما لو طرحت فكرتها بأدب كان استجاب لها، ولكن طريقتها زادت حالة الاحتقان بينهما، فاعتذرت

(إسراء) لوالدتها على طريقة الكلام هذه، وبررت هذا بحالتها النفسية، وأنها لا تحب (أحمد) وكأنه مفروض عليها، لتفهمها أمها أن الحب يأتي بعد الزواج بال عشرة الطيبة بين الزوجين، وأنها عندما تتعامل معه كزوج بعد زواجها ستفهم ما تقوله والدتها، لأنها تعلم تربية (أحمد)، فقد نشأ بقرية وتعلم بها الأخلاق الحميدة على يد أبيه، فهي تعلم تربية أخيها لـ (أحمد) جيداً، غير (ياسر) تماماً، لأن أخاها كان قد مرض وأهمل في تربية (ياسر)، أما (أحمد) فهو من يقف دائماً بجانب أسرته ويتحمل المسؤولية، فالرجل بأخلاقه ونشأته السليمة ورعايته لأهله، فمن ليس به خيرٌ في أهله ليس به خيرٌ في أحد، فقد قال رسول الله: «خيركم خيركم لأهله، وأنا خيركم لأهلي».

لتهدأ (إسراء) بعض الشيء بعد حديثها مع والدتها، ولأنها لا تريد زيادة الأمر سوءاً، فقد رأت ما فعله أبوها، فقد كاد أن يقتلها.

ودخلت على أختها وعيناها حمراوان كأنهما كأسان من الدماء، لتفزع (ظلال) وتلقي بالمحمول الذي تحادث به (حمزة): في إيه يا إسراء؟ مالك حبيبتى؟ (إسراء) لتطمئن أختها: مفيش حاجة، ده رمش دخل في عيني.

(ظلال) بتعجب: رمش إيه وزفت إيه؟! أنا سامعة زعيق أبوك بره معاك.

فألقت بنفسها على فراشها تبكي: محدش قادر يفهمني، أعمل إيه بس يا ربي؟! أنتحر وأخلصكم مني!

ليأتي بعدها يوم الفرح، والفتاتان عند الكوافير متزينتان بأحلى الثياب، ويأتي العريسان بسيارات تصطحبهما، والجميع يحسد الفتاتان على العريسان، فرغم جمال (ظلال)، فإن (حمزة) رجل مقتدر مليونير والجميع يتمنى مثله لأبنته أما (إسراء)، رغم أن (أحمد) فقير، فإنه طول بعرض وسيم ولديه شقة ووظيفة وتتمناه أي فتاة من الوسط نفسه، ويحسدون (إسراء) على نظره إليها وتفضيله إياها على غيرها رغم أن معه بالعمل أجمل منها بمراحل، ولكن القلب وما يريد، لا يملك من أمره شيئاً، لا يعرف لماذا هذه بالذات، هل لأنها لا تعطي له وجهاً؟! فأحياناً القط يحب من يناكفه، أم سكن حبها قلبه من النظرة الأولى دون سابق إنذار؟!!

وفي الحفل، كتب كتاب الأختين، واستمتع (حمزة) و(ظلال) بالرقص، أما (إسراء) فرفضت، وكان (أحمد) يرقص مع أصدقائه ويلاحظ (إسراء) وهي حزينة في الكوشة وتتنظر إلى أختها السعيدة بزواجها من حبيبها (حمزة)، فيتهدد ويرجع يتناغم مع أصدقائه.

انقضى الحفل، وذهبت (إسراء) مع (أحمد) يوصلها إلى بيتها، وعلى الباب باغتها بقوله: مالك يا إسراء؟ حاسك مش سعيدة!

فكنمت دموعها: أنا... أبدأ، مش سعيدة ازاي، ده اليوم اللي بتتمناه كل بنت. فنظر بعينها: مش حاسك!

فنظرت إليه: ازاي بقى؟!

(أحمد) باستنكار: مش عارف، بس حاسس بحاجة غريبة فيك، أنا عارف إني مباحيش كثير، عشان الدراسة زي ما قلتِ وشغلي واخذ وقتي وماتعرفناش كويس، بس لما تعرفيني أنا واثق هتحبينيز فردت باقتصاب: إن شاء الله.

فنظر إليها بسبب ردها واستطرد: مش هتقولي لي اتفضل؟

(إسراء): محدش هنا، راحوا يوصلوا ظلال.

فهمس لها بأذنها: على فكرة أنا جوزك ولسه جاين من الفرحة طازة.

فابتعدت: برضه، لسه يا دوب كتب كتاب.

فزفر: ماشي يا إسراء! اتفضلي واقفلي على نفسك على ما يبجوا، سلام.

وجرى على الدرج، أما (حمزة) فقد اصطحب (ظلال) إلى شقتهم بصحبة الأهل الذين ودعوهم، ثم تركوهم وتمنوا لهما مستقبلاً مشرقاً معاً.

ليحمل (حمزة) (ظلال) بطريقة فجائية، فتفزع وتقول: اخس عليك يا حمزة، خضتني!

فرد: سلامتك من الخضه يا قلبي.

وأنزلها بالداخل، ليحتضنها: ياااه يا ظلال، فاكرة الحضن ده لما جريتني عليا يوم الحادثة اللي اتعرفت عليك فيها؟

فنظرت إليه: فاكرة، معرفش عملت كده ازاي، بس حسيت ساعتها إنك إنت اللي قادر تحميني وإن أماني في حضنك إنت بس.

فرد عليها: وأنا كمان، كان أول مرة أحس إني مسئول عن حد بالشكل ده، وإنه مربوط فيا، بقيت مش عاوزك تسيبيني، ومن ساعتها قررت تبقي بتاعتي أنا بس، حتى لو هخطفك من أهلك لو مرضيوش بالجواز دي.

فأخرجت ونظرت إلى الأسفل، فأقام وجهها بأصابعه: يلا بقى، اقلعي الفستان المنفوش ده، مش عارف أحضنك!

فجحظت عيناها: لا، أقلعه إيه؟!

فنظر إليها: أمال هتنامي بيه؟!

فقالته: لا، اتديّر يا اخويا.

فاستوعب ما تقول: اتديّر وأخويا! الاتنين في جملة واحدة! ثم اتديّر دي انقرضت من التلاتينات، عثرتي عليها في أنهي متحف دي؟! دي من الحفريات يا ظلال! فضحكت على كلماته: خلاص لف، بلاش اتديّر.

فحدثها بخبث: خلاص، هقعد وأحط إيدي على وشي.

ففهمت ما يرمي إليه: لا يا اخويا، أنا مش هبلة، وتفتح صوابك وتشوف!

فضحك على طريقتها العفوية الطفولية: خلاص، خشي الحمام أهو وغيري براحتك، بس متأخريش.

وأعطاها قميص نوم، فأخذت تنظر وتقلب فيه وتجحظ عيناها: أنا ألبس ده؟! مش ممكن!

فنظر إليها: ليه مش جوزك؟! وأنا بقول لك اخرجي بيه! ده احنا في حجرة النوم!

فردت بخجل: لااااا أكسف!

فمئلاً أنه قد انتابه الضيق منها: وبعدين بقى، هنفضل على كده كتير؟! خشي غيري قلت.

فأخذته منه وجرت مفزوعة من طريقتة، ليضحك ويضرب كفًا على كفٍ مما تفعله به: هتجنني البت دي! أنا متجوز طفلة فعلاً، بس أعمل إيه، بحبها!

وارتدى ترنجه، ثم خرجت هي، فتحاول أن تشد من الأسفل فينزل من الأعلى، وترفع من الأعلى فيقصر من الأسفل!

لتقول له: لا، أنا هخش أغيره!

فجذبها وحملها: والله ماهو راجع!، وقبَّلها، لتغوص معه في هذه الدنيا الجديدة التي يصحبها فيها وهي عاجزة عن المقاومة، فقط سلّمت نفسها لتياره، فسبحاً معاً دون مقاومة.

ليذهب الجميع لرؤيتهما في اليوم التالي، ومعهم (إسراء) و(أحمد) الذي أحضر معه طبقاً من الشيكولاته للعروسين، وانفردت الأم بابنتها لتعلم منها التفاصيل وتطمئن عليها، فوجدت ابنتها في غاية السعادة، ودعت لها وتمنّت لأختها وأخيها السعادة أيضاً.

أما (أحمد)، فمال على (إسراء): عقبالنا أما يبجو يباركوا لنا زي حمزة وظلال. ففزعت ونظرت إليه دون رد، فعلم ما ترمي له نظرتها، وكأنها تتمنى عدم حدوث هذا اليوم وألا يكون قريباً، فهي لا تقول وتتمنى أن يكون إحساسه خاطئاً ويكذب إحساسه، فإن لم تكن تريده، فلماذا لا تصرح بهذا، وكان سيتقبل الأمر أو يقنعها ويحاول أن تعطيه فرصة، فإن أبت فسيتكرها، ولكنها اكتفت بالنظر إليه فقط، هذا ما تفعله ولا يفهم، أهي رافضة أم موافقة، ويتمنى أن تخيب ظنه.

ثم انصرف الجميع متمنين لـ(ظلال) حياة سعيدة وإخوتها أيضاً.
ماذا تتوقعون في الأحداث القادمة؟

(١٦)

انتظمت الحياة بين (ظلال) و(حمزة)، وتعوّدت على أنه لا يبيت يومياً، فإما مسافر كما يقول لها، ليبيت في الفيلا مع والده كي لا تشعر بأي شيء، أو أنه منهمك في العمل إلى وقت متأخر ويبيت بشقته المجاورة لعمله كما يقول لوالده، فهكذا أقلم كذبه بين الطرفين كي لا يشعر أحد بكذبه. حتى عاد يوماً ووجد (ظلال) بالحمام تتأوه، فجرى عليها ليسندها ووجدها تتهاوى بين ذراعيه ولا يعرف ما السبب، فحملها إلى الفراش. وبقلق: مالك حبيبتى؟ فيك إيه؟

وحاول إفاقتها واستدعى الطبيب، فطمأنه عليها وأنها بخير، وأنه مجرد إغماء بسبب الحمل، ويجب عمل بعض الفحوصات والتحاليل للتأكد من سلامة الأم والجنين.

فطار (حمزة) وكأنه يحلق بالسماء ويمسك النجوم بيديه، ليقود الطبيب إلى الخارج ويعود إليها يحتضنها: أخيراً هبقي أب! أنا طائر من الفرحة والسعادة! وكأنه وجد غايته ومبتغاه، إذ إن هذا الطفل هو الوسيلة الوحيدة لكسب ود أبيه وجعله يبارك هذه الزيجة، ويجب كتم الخبر حتى يولد هذا الطفل، فلا مجال للعودة بعدها.

ولكن ربما لو علم الآن يحاول إجهاضها ويرغمني على طلاقها، هكذا تلاحقت الأفكار في رأس (حمزة)، ولكن الآن هو سعيد وفرح بهذا الخبر ولا يريد أن يعكر صفوه أي شيء آخر.

ليجد من يهزه، وهي (ظلال): إيه يا حمزة؟ رُحت فين؟ فانتبه من شروده: لا يا حبيبتى هروح فين، أنا أقدر أروح في حته والقمر معايا! أنا لا بد جنبك يا جميل، مش عاوز شقاوة وعفرتة، عندك الخدامين، ولو عاوزة غيرهم أجيب لك، وإنتم تنام باشا في السرير متتحركش لحد ما يشرف ولي العهد، ده أنا منتظره على نار!

لتنظر إليه وتتأمله: بجد يا حمزة مبسوط إننا هنخلف؟ (حمزة) بتعجب: مبسوط! إلا مبسوط! مبسوط دي أقل شيء ممكن يتقال،

أنا هطير من الفرحة.

ثم تداركت ما قالتة مسبقًا: أنام إيه وبتاع إيه، إنت ناسي إني داخلة ثانوية؟! ولا ناوي تقعدني في البيت ومأكملش زي ما وعدتني؟! وأعلنت عن تكشيرة بوجهها، لبيتسم لها: لا حبييتي، طبعًا أنا وعدتك، وكل المدرسين هيجوا لحد عندك، وأحسن ناس متخصصة كمان، وبدل الواحد عشرة لو عاوزه.

فضحكت: ليه يعني؟! هاخذ الدكتوراه في الثانوية!
فضحك هو الآخر: خلاص، نخليهم تسعة.
وضحكا معًا.

أما عند (إسراء)، فقد جاء (أحمد)، فهو قلما يأتي لضيق الوقت وعمله الذي يجتهد فيه لينول استحسان مرؤوسيه ويتدرج في السلم الوظيفي، وينول مرتبًا أكبر حتى يستطيع أن يتزوج في أقرب وقت، فهو يمت نفسه بالعمل. ولكنه عندما يأتي إلى (إسراء) يتمنى أن يجدها تقابله بابتسامة تُعينه على تحمل المشاق بدلًا من تعنيفه دائمًا، ويتحمل لأنه يحبها، وهذه المرة كان أبوها وأخوها في العمل، وأمها نامت لأنها تشعر بالصداع، فاستقبلته (إسراء) كعادتها وأدخلته الصالون: على فكرة، بابا وفاروق مش هنا، وماما نائمة مصدعة. فاقترب منها، لتبتعد: وده معناه إيه؟ أمشي يعني؟ فتلعثمت: لأ ما قصدش، بس ميصحش.

فاقترب أكثر: على فكرة أنا جوزك، وقريب جدًا هتبقي في بيتي. فجحظت عيناها ونظرت إليه بسبب وقع الكلمة عليها، ليلاحظ ذلك فيبتسم: إنت مفكرانا ده آخرنا ولا إيه؟! مش في دُخلة بعد كتب الكتاب ولا لغوها على أيامنا؟!!

فحاولت أن تتفوه، ولكنها كالملجمة: هااااا أنا رايحة أعمل لك شاي. لتحاول الهرب من أمامه، فيجذب يدها لترتطم بصدرة، فتحاول الابتعاد فيُحكّم قبضته على خصرها، لتتململ منه: أحمد، مينفعش اللي بتعمله ده، سييني لو سمحت.

فنهزته أمه: اتلم يا واد، والله ما إنت فاهم حاجة!
(ياسر) بهزار: العب! شغل الحموات ابتدى، شوفي يا أم أحمد، المزة بتاعتي
تعاملها كويس وتحطها في عنيك، مش هقبل شغل الحموات ده معايا أبداً،
انسي.

فردت الأم: تعرف تتلهي إنت ومُزتك يا ساقط!
(ياسر) وهو يحاول تفادي والدته: طب ليه كده طال يا أم حمادة؟! ليه
القسوة ليه؟! ده أنا بحبك، حتى أسألي أبو حمادة.
(محمد) لإنهاء الحديث: ولد، كل وإنْت ساكت، مش فايقين لك.
وبعد الانتهاء من تناول الطعام، قال له والده أن يحمل الطعام إلى الداخل لأن
والدته مريضة ولا تستطيع السير إلا قليلاً.

فنظر إلى والدته: حاضر يا ست الحبايب يا حبيبة.
فضحكت عليه: ماشي، يلا روح يا آخرة صبري.
أما (أحمد)، فيفكر فيما فعلته (إسراء)، أهو رفض لي أم أنها فتاة متحفظة بعض
الشيء؟! ولكنني زوجها، لم أفعل معها شيئاً حراماً أو يغضب الله، أهي تفهم
الزواج والشرع خطأ؟! فأنا لم أحاول غير تقبيلها لإضفاء روح الألفة بيننا، فهي
مجرد أشهر وتصبح زوجتي بالفعل وفي بيتي، ولا بد أن أكسر هذا الحاجز بيننا،
ولكن لم أتوقع رد فعلها العنيف هذا، وهذا ما يقلقني، فهل أتركها ولا أذهب
إليها لتأديبها وعقاباً لها حتى تشعر بالجرم الذي فعلته بحقي أم سيكون هذا
وفق هواها وترتاح مني؟ سأنتظر فترةً ولن أذهب، علها تشعر أنني تضايقت
مما تفعله معي وحتى تُغيّر طريقتها هذه.

وبالفعل، نفذ ذلك ولم يذهب هناك حتى تجاوز الشهر، و(إسراء) لم تتحدث
إليه لتسأله عن عدم قدومه، وكأنها لا تشعر بغيبابه.

ولكن والدتها هي من شعرت بذلك، لتستدعيها وتستجوبها وكأنه تحقيق:
اجلسي يا إسراء، أحمد مبيجيش ليه؟ إنت زعلتية؟ ده بقاله أكثر من شهر، عمره
ما عملها!

(إسراء) بتمويه: تلاقيه مشغول في الشغل بتاعه، ما إنت عارفة، واكل كل
وقته.

الأم: ما هو واكل وقته على طول، بس ببيجي يشقر، مش يقطع رجله خالص!
أكيد عملتي له حاجة!
(إسراء) بضيق: هعمل له إيه يعني؟! هو شغل.
الأم: طب تتصلي بيه ييجي يتغدى معنا؟
(إسراء) تزفر: وده وقته؟! مين هيقعد يعمل في الأكل؟!
الأم: إنت اللي هتعمليه، واتصلي حالاً بلغيه.
فماذا ستفعل (إسراء) في هذه الورطة؟
فقد ارتاحت هذه الفترة منه، لم تريد والدتها إرجاع المياه إلى مجاريها؟
وما رد فعل (أحمد) عليها؟

(١٧)

اتصلت (إسراء) بـ(أحمد) مجبرة، فلا خيار لديها، حتى لا تشعر والدتها بجرم ما فعلت به وتعنفها، وعندما رأى اسمها ينير الهاتف تهللت أساريره من فرط الفرحه، ولكنه تدارك نفسه حتى لا يظهر لها، وحاول أن يرسم الجدية على وجهه وهو يتحدث إليها.

لتقول: السلام عليكم.

فيرد عليها السلام بجدية، ويستطرد: إنتِ لسه فاكرة إن ليك زوج وجاية تسألني؟!!

(إسراء) حتى لا تظهر شيئاً أمام والدتها: دي ماما فكرت إنك زعلان ومش مصدقة إنك مشغول ومصممة أتصل بيك أعزمك على الغدا.

فهم الموقف، واستعاد حزنه لأنه تصور أنها هي من شعرت به أخيراً وأدركت خطأها وحاولت إصلاح ما فعلت.

فأوما برأسه: اااه، يعني عمتي اللي قالت لك؟

فأجابت مسرعة: ااه طبعاً، أمال إنتِ فاكريه؟!!

فأجاب: لا معلش، قولي لها مشغول.

فتحدثت (إسراء) بسرعة لوالدتها: أهو شوفتي؟ بيقول لك مشغول.

فخطفت الأم الهاتف من يد ابنتها: والله لو ما جيت لأزعلك منك!

(أحمد) باستسلام: وأنا مقدرش على زعلك يا عمتي، بس اعفيني من الأكل، هاجي أبص عليكم وأمشي.

فأصرت الأم ولكنه أجابها: إنتِ عارفة أمي وأبويا بعافية وبيبقوا لوحدهم، وبحب أتناول معاهم الطعام وأساعدهم.

فتفهمت الأم موقفه: طب يا ابني بس متقطعش بيننا كده، هو أنا مش زي أمك ومن حقي أطمئن عليك؟!!

(أحمد): طبعاً يا عمتي، إنتِ غالية عندي جدّاً، وهاجي لك حاضر بعد الشغل.

وبالفعل، بعد انتهاء عمله ذهب إلى عمته، ففتحت (إسراء)، وبعد السلام:

اتفضل، أمي جوه في الصالون.

فدخل وقبّل يدها فاحتضنته: ده إنت يا واد غلاوتك من غلاوة فاروق وأكثر. وجلس وجلس (إسراء) بجانبه، ولم ينظر إليها، بل وجّه نظره إلى عمته، فهو قادم من أجلها فقط، حتى أن (إسراء) سألته أن تعد له العصير، لكنه لم يلتفت لها أو يجيب عليها، فسكتت.

ظل يحدث عمته واستأذن وانصرف دون النظر لـ(إسراء) أو السؤال عنها، وأحست الأم بشيء بينهما ولكنها لا يفصحان عنه، وهو يتعمد أن يشعرها بجرم ما فعلت معه وأن تشعر به، فهذه هي طريقته في الوصول إلى ذلك، فهل سينجح؟

وذهب إلى أهله وأحست والدته بالوجوم على وجهه، فسألته: مالك يا أحمد؟ وتأخرت ليه؟

(أحمد) يُطمئننها: أبداً يا أمي، رُحت بصيت على عمتي.

أمه وتعوج فمها: عمتهك ااه، طيب!

فحاول التمويه: أكلتي بقى ولا مستنياني؟ والله ما رضيت أتغدى من غيرك. وقبّل يدها، لتقبله: وأنا أقدر أكلها من غيرك ولا تبقى ليها طعم! خُش غير وأنا هحضّر الأكل.

(أحمد) بجديّة: لاا يا عسل، إنتّ تقعد باشا والأكل بييجي لك لحد عندك، أنا هغير وأدخل أحضره.

أمه: لا يا حبيبي، إنتّ لسه جاي تعبان.

(أحمد) بابتسامة: قولي لي إنك خايفة أحرقة، متخافيش.

ودخل ليخلع ملابسه وينطلق إلى المطبخ، فهو يعلم أن والدته تعاني من ألم المفاصل ولا تستطيع النهوض لوقتٍ طويل، وليس لديها ابنة تساعدّها، و(ياسر) يرهقها أكثر وعبئ عليها.

وبالفعل، أحضر الطعام وتناول معهم ولم يُظهر شيئاً بل استترّد: أنا الحمد لله دخلي من الشركة بقى كبير، وعملت جمعيات وبقى معايا مبلغ أقدر أجيب العفش، وحييت أقول لكم قبل ما أبلغ عمي محمود، عشان نشترى العفش ونقدم الزواج، طالما ربنا كرمني مفيش داعي للتأخير.

أبوه بفرح: على بركة الله يا حبيبي.

أمه تدعو له: ربنا يوسع رزقك يا ابني وييسر لك حالك.

فقبل يدها: فعلاً يا أمي، محتاج دعوتك دي.

ودخل ليفكر، هل قراره صحيح؟ هل هذه الزيجة موفقة؟ هو يحبها ويحس بمشاعر تجاهها لم يحسها مع إحداهن من قبل منذ أن رآها، وربما تجاهلها وعدم مبادلتها المشاعر هما السبب في تمسكه بها، ولكنه أحس يوم أن حاول تقبيلها أنها تحس به، ولكن يوجد سد منيع يحجبها عنه، وهو يحب المغامرة والمخاطرة ويريد عبور هذا السد واجتيازه والوصول إلى قلبها، ولكنه يخشى أن يكون تقديره خاطئاً للأمر وتستمر هكذا معه حتى بعد الزواج، ولكنه نفض هذه الفكرة عنه، كلا، ستحبني رغماً عنها!

وذهب إلى عمه (محمود) يتفق معه للذهاب لاختيار الأثاث، فرحّب الرجل وبارك، فأثابها بوجود وأجهزتها، ويتبقى أثاثه هو، واتفقوا على يوم يذهبوا فيه جميعاً، فأصبحت أمه وأمها تسيران تتفرجان وهو وهي خلفهما.

كانت الفرحة تغمر الأمهات، أما (إسراء) فلا تشعر بالبهجة ولا حتى تريد الاشتراك بالاختيار، وكأنه ليس أثاثها، فتضايق (أحمد) ولم يُفصح، وبدأوا التجهيز للزفاف، وبالفعل تم الزفاف وحضرت (ظلال) وهي حامل وتكاد تنفجر ومعها (حمزة)، وأخذ العريس عروسه ودخلا شقتهما.

ليحاول الاقتراب منها، فتنتفض، فيغمض عينيه: متخافيش يا إسراء، مش هعمل لك حاجة، إنتِ هنا معززة مكرمة لحد ما تحسي بالألفة معايا ومش هضغط عليك.

فظرت إليه باستغراب وارتدت قميصها وتدثرت بالغطاء في آخر الفراش، لينظر إليها وينام على الطرف الآخر.

لتستيقظ في الصباح، تشعر بثقل عليها، فتجد ذراعه فُتُرحَج وتزيلها وتنهض. فهل ستستمر الحال هكذا؟ وهل ستستمر الزيجة أم ستنتهي قبل أن تبدأ؟ وما الذي سيتعرض له الزوجين من مشاكل؟ وهل ستعصف بزواجهما؟

أما (ظلال)، فعادت مع (حمزة)، فهي في الشهور الأخيرة ومُتعبَة للغاية،

وأيضًا تواظب مع مدرسيها على المذاكرة، وتحاول تخطي هذا العام والحق بالامتحانات قبل الولادة.

أما (أحمد)، فعاد من عمله ليجد والدته متعبة ولا تستطيع النهوض، حاول مساعدتها فرفضت، فذهب إلى (إسراء).

(أحمد): أمي تعبانة جدًّا، ابقى انزلي شوفيها لو محتاجة حاجة وساعديها. لتنظر إليه: أيوه بقى، قول إنك اتجوزتني عشان أبقى خدامة للست والدتك. فظنر إليها مطولا: اتجوزتك عشان تبقي خدامة للست والدتي! لا يا إسراء، ماتجوزتكيش عشان تبقي خدامة للست والدتي، أنا زي ما باعتبار عمتي زي والدتي، باعتبار والدتي زي والدتك، لو لقيتي والدتك تعبانة مش هتساعديها؟! وعلى العموم، شكرًا يا بنت الأصول.

وتجاهلها وانصرف، فتباغته: رايح فين؟

ليلتفت إليها: رايح أخدم أمي اللي تعبت في تربيتي عشان أنا مجبتكيش خدامة ليها.

وذهب إلى والدته يخدمها ويقول لها: النهارده بقى عاوزين نرجع أيام زمان وأعمل لك الأكل وناكل سوا.

لتشعر أمه به: ومراتك؟!

(أحمد) بابتسامة: ما أنا كل يوم معاها، النهارده براءة، أجازة بقى عشان متزهقش مني.

فتقبله أمه: وإنّ يتزهق منك يا حبيبي!

بالفعل، جهز الغداء وتناوله مع والدته.

أما (إسراء)، فجلست على الفراش تلوم نفسها: أنا إيه اللي عملته ده؟! كنت فعلاً قليلة الذوق جدًّا.

وعزمت أمرها على فعل شيء للتخفيف من فعلها.

وفي اليوم التالي، نزلت (إسراء) إلى حماتها، فاستغربت السيدة ولكن قابلتها ببشاشة، لتبادلها (إسراء) الابتسامة: إنت عاوزة إيه أعملهوك؟

أم (أحمد): لا يا حبيبي، إنت لسه عروسة!

(إسراء) تضحك: عروسة إيه بقى، أنا بقالي شهر!

فتبتسم الأم: لسه عروسة.

فتبتسم (إسراء): طب يلا بقى على الشغل، عرفيني وملكيش دعوة، والنهارده هنعمل الأكل هنا وناكل سوا، ولا مش عوزانا ناكل سوا؟!
الأم بفرح: لا ازاي طبعا عاوزة.

وذهبت معها تريها المطبخ وما به من أشياء، وتعرفها على محتوياته، فتقوم (إسراء) بعمل اللازم وإعداد الطعام، وأيضاً ترتيب الشقة ومسحها ووضع رائحة عطرة بها من معطر لديها.

وعندما دخل (أحمد) ليسلم على والدته كعادته، شمَّ العطر وهو يشبه ما عندهما بشقتهم، وأيضاً الشقة نظيفة جداً ورائحة طعام شهية، فدخل المطبخ لأمه ليجد (إسراء).

ومن خلف أذنها وجدّت من يهمس: إيه اللي نزلك؟ امشي اطلعي فوق!

لتلتفت له وتتلعثم: أأأأأأأأأأ!

فأجابها بحدة: قلت امشي اطلعي فوق، مش هكررها.

فماذا سيحدث؟، هل ستفارق الأمور؟ وهل بلغ (أحمد) آخره أم ماذا سيحدث؟

(١٨)

انتفضت (إسراء) من طريقته، فهو لم يُعنفها أو يتعامل معها هكذا من قبل، فأثرت الصمت والنظر إليه ثم تركته وانطلقت إلى شقتها، لتسمع والدته صوت الباب وهو يغلق فتقوم وتجد (أحمد).

فتنظر إليه: إنتَ جيت يا حبيبي! حضري يلا يا إسراء الأكل على ما جوزك يغير هدمه...

فقاطعها: إسراء فوق يا ماما.

فأخبرته والدته أن يذهب ليُبدل ملابسه وينادي عليها.

فنظر إلى أمه وتعجب: وأنادي عليها ليه؟

فأخبرته والدته بما حدث، وأن (إسراء) قد رتبت الشقة ومسحتها وأعدت الطعام، وأيضاً أحضرت مرهماً ودلكت به ركبتيها، وأجلستها على الفراش وغطتها، وأنها فتاة طيبة.

فقاطعها: خلاص، هي مش عملته، هناكل وخلص، هي تاكل فوق.

أمه: مينفعش يا ابني، هي معملمتش أكل فوق، هي عملته هنا، ناكل سوا! اطلع نادي عليها.

حاول مقاطعتها فلم تُمهله وواصلت إلحاحها، فذهب ليبدل ملابسه ودون النظر إليها: أمي بتقول لك انزلي عشان تاكلي.

فنظرت إليه: مش عاوزه أكل.

فالتفت إليها: مش إنتِ اللي نزلتي وقلتِ لها هتاكلوا سوا، يلا! أنا جاي على آخري ومش ناقص وجع دماغ!

فوقفت أمامه (إسراء): وأنا قلت لك مش هنزل!

فجذبها من ذراعها وجزَّ على أسنانه: يعني إيه مش نازلة؟! مش إنتِ اللي قلتِ ولا غضبتك!

فنظرت إليه: وأنا مش تحت أمرك، اطلعي، انزلي... أنا مش الجارية اللي اشترتها! والتفتت، لتنصرف هي فيجذبها من ذراعها ويضربها كفاً، فصدمت لفعلته وتحجرت الدموع بمقلتيها.

فاستطرد: إذا كان أهلك معلموكيش تتعاملي ازاي مع جوزك ومتعرفيش حقوق الزوج، أنا هربيك من أول وجديد!

فتركته لتذهب إلى الفراش وهي تبكي: وأنا مش نازلة معاك! ليذهب خلفها ويحملها، وهي مندهشة من فعلته وتردد: ابعدي عني! عاوز مني إيه؟!

ليذهب بها إلى الحمام: اغسلي وشك وحصيليني، لحسن والله هتشوفي مني وش عمرك ما شوفتيه، وهيبقى ملكيش عيش معايا تاني! وانصرف متجاهلاً إياها، ففعلت مثلما قال ونزلت أعدت الطعام وأنهت كل شيء.

كان قد سعد إلى شقته، فذهبت بعدما أنهت كل شيء، وجدته جالساً على الفراش، فخلعت ثيابها وارتدت قميص نومها وأسدت شعرها البني اللون عينيها، فهو ما يميزها، شعرها الطويل الناعم البني مع بشرتها البرونزية القوقازية وملامحها الصغيرة.

لينظر إليها ثم ينظر إلى الأوراق معه قبل أن تراه، ثم يرسم الجدية: اعلمي لي شاي.

فنظرت إليه: ما أنا لسه عاملة تحت، مقعدتش ليه تشرب معاهم؟

فقاطعها: مزاجي أشربه هنا، في بيتي، عندك مانع؟!

فلم تجب، ليردد بصوت عال: بقول عندك مانع؟!

لتجري إلى المطبخ، فأعدت الشاي وأحضرته إليه وأتت لتجلس على الفراش، فلحقها بالكلام: عاوز نعناع.

فنظرت إليه: طب مقلتش ليه وأنا جوه؟!

فاقترب منها: معرفش إن مراتي بعد شهر من الجواز متعرفش إن جوزها بيحبه بنعناع.

ويتفحص فيها، فخجلت من نظراته وأخفضت عينيها: ما هو إنت اللي كنت بتعمله، أعرف منين يعني؟! أنا مبشربوش.

وذهبت فأحضرت إليه النعناع.

وبعدها: أنا هنام شوية عشان راجع الشغل في الساعة الثامنة.

فظنرت إليه بتعجب: وليه بقى إن شاء الله راجع الشغل؟!
فجلس على الفراش: والله صاحب الشغل طلبنا في الساعة الثامنة في اجتماع،
أقول له أنا آسف مش هقدر آجي أصلي مأخذتش الإذن من مراتي ومش عارف
هتسمح لي أخرج في الوقت ده ولا لأ؟!
فضحكت لأسلوبه: لأ طبعًا، أنا مأقصدش كده، بس استغربت، أول مرة يعني
يطلبوكم بالليل.
فظنر إليها قبل أن يغوص في الفراش ويتدثر بالغطاء: والله لو مش مصدقاني،
كلمي أختك واسألها.
فزعزعت الفراش من عليه: إنت ليه كل كلمة أقولها مش طايقها وبتحملها أكثر
من معنة؟!
فجذبها إليه: إنت عاوزه إيه في ليلتك دي؟! خلصي!
فحاولت الابتعاد واستكانت: مش عاوزه حاجة.
وأعطت له ظهرها، لينظر إليها ويتأفف ويستدير هو الآخر للجهة الأخرى.
استيقظ على الوقت، وبسرعة حاول ارتداء ملابسسه والنزول مسرعًا، وذهب إلى
الاجتماع.

التقى (حمزة) برؤساء الأقسام وبعض الموظفين في اجتماع مغلق لدراسة بعض
الأشياء، وقد نسي (حمزة) هاتفه مفتوحًا، ليجد زوجته، كاد يغلقه ولكنه يعلم
أنها في الشهر الأخير وربما يكون حدث لها شيئًا.
فتناول الهاتف وتحدث بضيق: في إيه؟ أنا في اجتماع!
(ظلال) بتعب: بولد يا حمزة! الحقني!
(حمزة) بتوتر: ازاي؟! إنت في أول التاسع!
(ظلال) بضيق: أهو اللي حصل، اخلص وتعالى، هموووت!
فاعتذر عن إكمال الاجتماع، ولحقه (أحمد) ليستفسر: خير؟ في حاجة؟
(حمزة) وهو يسرع: ظلال بتولد وشكلها تعبان جدًّا!
فبادره (أحمد): طب أنا هجيب حماتي وإسراء وأحصلك على المستشفى، على
تليفونات، لما توصل عرّفني اسم المستشفى.

فرد (حمزة) بسرعة: حاضر حاضر.

وذهب مسرعاً إليها، حملها ووضعها بالسيارة وهي تصيح: مش قادرة! هموووت يا حمزة!

(حمزة) وقلبه يتقطع عليها: بعد الشر عليكِ حبيبتي، إن شاء الله ولي العهد هيشرف وتبقي بخير إنتِ وهو.

واتصل بـ(أحمد) يخبره باسم المستشفى، والذي كان قد وصل إلى حماته لتجهز نفسها وأخذها معه، فانتظرتة عند أخيها حتى يذهب ليخبر (إسراء). وعندما دخل عليها: أنا هاخذ والدتك ونروح المستشفى.

فقاطعته قبل أن يكمل: أمي مالها؟ فيها إيه؟

(أحمد) باستغراب: يا ستي أمك كويسة وتحت مع أخوها أهي.

(إسراء) باستغراب: أمال رايحة المستشفى ليه؟!

(أحمد) بنفاد صبر: ما هو لو صبرتي كنت كملت لك! ظلال بتولد، اتصلت بحمزة وهو في الاجتماع ولغاه وقام جري.

فانهارت بالبكاء: يا حبيبتي يا ظلال! أنا هلبس وآجي معاكم، مش هقدر أستنى. وبدأت بخلع الروب لارتداء ملابسها على عجلة، فحاول تهدئتها عندما شاهد حالها، وجذبها إليه ومسح دموعها: يا حبيبتي اطمني، هي بخير، وحمزة مطمئني من المستشفى لما وصلوا، والدكاترة قالوا كويسة، خليكِ وكفاية ماما.

فتحدثت بانھیار: مش هقدر أستحمل يا أحمد، دي أختي اللي مليش غيرها!

فتفهم: عارف حبيبتي، بس اطمني، هتكون بخير إن شاء الله.

واحتضنها، لتسكن بين أحضانه وتهدأ، فيقيمها أمامه عندما شعر بسكونها ليتأملها، فخرجت من نظراته، فأقام رأسها إليه وقبلها، لتشعر بمشاعر غريبة لم تعدها معه من قبل، ليستفيقا بعدها وينظر إليها: الحمد لله على السلامة! فنظرت إليه: وأنا كنت مسافرة؟!

فرد عليها: سفر بعيد جداً، أبعد مما تتخيلي.

ثم تذكّر: البنت!

فاستغربت: بت مين؟!

(أحمد) بضحك: ظلال، نستيتها؟!

فلامت نفسها: يا خير!

فكيف لها أن تنساها، لتقول: هلبس حالا.
(أحمد): بسرعة، هستناك تحت مع عمتي.

وبالفعل، ذهبوا إلى المستشفى.

وجدوا (حمزة) يتحدث مع دكتور (عاصم): خير يا حمزة؟ فيه شيء؟ الوالد
تعبان؟

(حمزة): الحمد لله يا دكتور، بابا بخير، لو في حاجة حضرتك أول واحد
هتعرف، إنت الطبيب المعالج له.

فاستغرب (عاصم): أمال في إيه؟ حد من اخواتك؟

(حمزة): لأ، مراقي بتولد.

فاستغرب الطبيب: مراتك! إنت اتجوزت؟! كده من غير ما تعزمني!

(حمزة): معلش، الموضوع جه فجأة، وكان على الضيق، أستأذن حضرتك لأن
أهل زوجتي جم.

وتركه والرجل ينظر ويستغرب.

وبعد مدة، خرجت (ظلال) إلى الغرفة والطفل إلى الحضانة، لأنه جاء مبكرًا عن
موعه، وأهلها حولها يطمئنونها عليه، وهي تبكي لأنه ليس بجوارها.

(حمزة) يطمئنها: أنا شوفته، زي العسل، ومنسجم في الحضانة بلبوص
بالامبرز، وشبهي على فكرة، يظهر إنك بتحبيني جدًا.

(ظلال): ما إنت عارف إني بحبك جدًا، بس أنا عاوزة أشوفه!

(أحمد): شوية بس أما ترتاحي وهشيلك لحد هناك تشوفيه.

وبالفعل، ذهبت لتراه وتلمس يده الصغيرة التي تخرج من جزء دائري مفتوح
في الصوبة الزجاجية التي يقبع بها، ثم ارتاحت وذهبت إلى حجرتها لتنام، أما

والدتها، فلم تتركها وآثرت البقاء مع ابنتها.

أما (إسراء) و(أحمد)، فقد ذهبا إلى بيتهما، ليدخلا شقتهما، فبدأت (إسراء) في
خلع ملابسها، لتجده يحاوطها بيديه: مش كفاية استضافة بقي؟!

فخجلت وأخفضت عينيها، ليكمل: منفسكيش تبقي أم إنت كمان؟ مغيرتيش
من أختك.

ففهمت المغزي، ليقبلها وتستسلم له أخيراً، فحملها ليبدأ معها زيجتهما.
وفي اليوم التالي، استيقظت فوجدته يحيطها وكأنه يخشى أن تهرب منه،
فابتسمت ونزعت يده عنها بهدوء حتى لا توقظه، وذهبت إلى الحمام، وبعدها
إلى المطبخ.

ليشعر هو بها ويذهب وراءها فيحيطها بذراعيه: إيه صحاك بدري كده؟!
(إسراء): عارفة إن ماما مبتحبش أكل المستشفيات ولا اللي بره، لأن حمزة
أكيد مش هيسيبها ويجيب لها وهتتخرج، وبتتعب من أكل بره، فقلت أعمل
لها أكل بيتي وتوصلني وإنّ ماشي.

فوافق على طلبها: طب هدخل الحمام على ما تخلصي وتعملي لنا الفطار
والشاي، لحسن صاحي مصدع.

فنظرت إليه بخضة: سلامتك حبيبي! فيك إيه؟!

فابتسم: مفيش حبيبتني، شوية صداع بس.

فهل ستظل الحياة هكذا؟

وماذا سيحدث لـ(حمزة) و(ظلال) بعد أن أنجبت المولود الذي يتمناه؟

(١٩)

أخذ (أحمد) زوجته إلى المستشفى في طريقه، لتعطي الطعام لوالدتها وتطمئن على أختها، وظلت الحال هكذا حتى خرجت (ظلال) من المستشفى وذهبت بوليدها إلى شقتها، حاولت أن تستأنف دراستها، فقد أحضر لها دادة للطفل تراعيه غير الخدم حتى تتفرغ لدراستها، فلم يعد الوقت يحتمل، وبالفعل داومت (ظلال) على مذاكرتها وامتحنت بالثانوية.

أما (ظافر)، فكان يجلس كعادته مع صديقه بالبار.

ليجد من تتقدم نحوه، (ظافر) بضيق: يووووه!

صديقه بتعجب: مالك؟!!

(ظافر) بعدم اهتمام: البنت اللي جاية دي، رافقتها يومين وزهقت، هي بقى

مش سايباني، تيجي الشركة وأقول لهم يمشوها، تتصل ومأردش.

صديقه: هي مين دي أصلاً؟!!

(ظافر): بنت من أصول عربية.

وجاءت (كارولين) نحوه: أنا بهاتفك وما بترد عليّ، وبريدك في موضوع ضروري.

(ظافر) بعدم اكتراث: خير!

(كارولين): ممكن على انفراد؟

(ظافر): ده صاحبي ومبخيش عنه حاجة، قولي.

(كارولين): أنا حامل.

(ظافر): ألف مبروك، بس أنا مالي؟!!

(كارولين) باستغراب: ده ابنك اللي ببطني!

فانتفض (ظافر): نعم يا حلوة! اللعبة دي تلعبها على غيري، لأن لعبتك

مفقوسة، شوفي يا ماما جبتيه من مين وناسيه.

(كارولين) وكادت تبكي: والله ما بعرف غيرك!

(ظافر) بضيق: بنت إنت، أنا من الآخر مبخلفش، فروحي ارمي بلاك على

غيري، فاهمة! ودلوقتي امشي من وشي.

فذهبت (كارولين) تجر أذيال الخيبة وليس أمامها إلا الإجهاض بعد إنكاره

للطفل، ليلتفت إلى صديقه: مفكراني أهبل!
صديقه: تلاقىها كانت عاوزة قرشين وجاية تبتزك.
(ظافر) بضحك: متعرفنيش، وقعت مع من لا يرحم.

أما في فيلا (البنهاوي).
(البنهاوي) ينادي على ابنته (ناهد) الكبرى، فتجيبه فيستطرد: اتصلي
بالدكتور، معاد الشيك آب، يشوف ضغط وسكر وياخد العينات يحللها في
المعمل عنده في المستشفى كالعادة.
(ناهد) دون تردد: حاضر يا بابا، أنا فاكرة والله يا حبيبي، وجاية عشان كده
النهارده، واتصلت بالدكتور.
ليأتي الطبيب على الفور ويسلم على (ناهد)، لتقوده إلى غرفة والدها.
الطبيب: أخبار العجوز بتاعنا إيه؟
(البنهاوي): كبرنا يا دكتور بقى.
الطبيب: بس أنا زعلان منك، بقى دي عشره العمر، ابنك يتجوز ولا تقوليش
ولا أحضر الفرحة!
(البنهاوي): إنت لسه فاكرا! يعني أنا اللي حضرت، ما إنت عارف ظافر، هاجر
ومش بيرجع، واتجوز واحدة ولا نعرفها ولا شوفناها ولا حضرنا فرحه.
الطبيب: لا أنا باتكلم عن حمزة.
(البنهاوي): آاه! أكيد أما يتجوز هعزمك...
فقاطعه: دي مراته خلفت، هتعزمني في فرح ابنه بقى!
فاعتدل الرجل: مين اتجوز وخلف؟!
الطبيب: حمزة! لقيته مع مراته في المستشفى وبتولد، الكلام ده من فترة.
فاستشاط الرجل ولم يُبين لصديقه: طب شوف شغلك وخذ العينات.
الطبيب: إنت ضغطك عالي جدًّا! ليه كده؟! خف من التوتر ده، قوت لك مئة
مرة.
فلم يعقب الرجل، وخرج الطبيب بعد عمل اللازم.

اما عند (أحمد)، دخل المنزل متأماً.

فقابلته (إسراء) بلهفة: مالك يا أحمد؟ في إيه؟

وتسنده إلى الفراش.

(أحمد) وهو يحاول إخفاء الألم الذي يعتصره: بخير حبيبتى، متقلقيش.

(إسراء) بضيق: ازاي يعني مألقلش وأنا شايفاك كده؟! طيب نروح المستشفى؟

(أحمد) لطمأنتها: مفيش لزوم، هستريح شوية وهبقى كويس.

فدثرته في الفراش ودخلت المطبخ، لتسمعه بعد فترة يصيح بألم، فجرّت عليه: لا

مش هينفع كده! هقول لياسر يوقف تاكسي ونروح المستشفى.

وفعلا نفذت ما قالت.

وهو ظل يتألم إلى أن وصلوا المستشفى، لتقابل الطبيب وتترجاه يكشف عليه،

وبعد الفحص.

الطبيب: دي زائدة، ولازم يخش العمليات، فيه خطورة على حياته لو استنى.

فصّعت (إسراء): طيب دخله بسرعة يا دكتور، أرجوك!

ودخل (أحمد) العمليات، وكان (ياسر) و(إسراء) بالخارج، واتصلت (إسراء)

بأمها باكية: الحقيني يا ماما، أحمد في العمليات!

فضربت المرأة على صدرها: كفا الله الشر، ماله أحمد؟

(إسراء) وهي تبكي: بيعمل الزائدة، والدكتور بيقول الحالة خطيرة.

أمها بسرعة: طيب أنا جبالك مع فاروق حالا.

واتصلت بـ(فاروق) ليأتي لإيصالها إلى المستشفى، وأيضاً اتصلت بـ(ظلال)

تخبرها.

لتقول لها: طيب هقول لحمزة ونيجي لكم حالا.

وبالفعل، هاتفت (حمزة) ليأتي لأخذها والذهاب إلى (أحمد) في المستشفى،

وتجمع الجميع في المستشفى إلى جانب (إسراء).

اختفى (حمزة) لفترة ثم عاد: أنا حاسبت المستشفى خلاص.

(إسراء): ليه بس كده؟! أنا دفعت اللي معايا تحت الحساب وقلت لهم

هجييه أما أطمئن عليه.

(حمزة) بتفهم: الجيب واحد، المهم سلامة أحمد عندنا، وأنا اتصلت بالشركة

يدوه إجازة أسبوعين ويجددوها لو لسه تعبان.

(إسراء) بامتنان: مش عارفة أقول لك إيه، كتر خيرك، وربنا يخليك لنا.
(حمزة): على إيه! احنا أهل.

ليخرج (أحمد) إلى العناية، فطمأنهم الطبيب عليه، وأخذ (حمزة) (ظلال) وأمها و(فاروق) ليوصلهم إلى البيت، وبعدها ذهب بـ(ظلال) إلى شقتها واستأذنها لأن وراءه عمل وألا تنتظره، حتى يستطيع الذهاب إلى الفيلا عند والده.

وعندما ذهب كعادته ليخبره عن العمل، قال له أن يغلق الباب ويتقدم.

ففعل (حمزة): خير يا حاج؟

(البنهاوي): جوازك من بنان الشهر الجاي، أظن مفيش حجة ولا داعي للتأخير.

(حمزة): بس هي لسالها سنة وتخلص.

(البنهاوي): وإيه المانع؟ هي هتعمل إيه؟ بتروح كليتها والخدم هنا بيعملوا كل حاجة.

(حمزة): أنا مش هتجوز بنان يا بابا!

(البنهاوي) يصدمه: طبعًا، عشان اتجوزت من ورا أبوك، ومش كده بس، ده إنت خلفت كمان! كنت مستني لحد امتي وتبلغني إن ليا حفيد؟ لما يتجوز هو كمان!

(حمزة) محاولًا الاستفاقة من الصدمة بمعرفة والده: إنت عرفت ازاي؟ وامتي؟!

(البنهاوي) بعدم اهتمام: مش مهم، المهم إني عرفت إن ابني اللي كنت فاكراه دراعي اليمين واستأمنته على مالي وعلى كل شيء طعني في ظهري! البنت اللي ملهاش أصل دي ومعرفش جبتها منين، تطلقها!

(حمزة) بغضب: مش ممكن! وابني!

(البنهاوي): هتجيبه، بنان تربيته، ويبقى وسطينا، يعني نرمي لحمنا! وجوازك من بنان بأسرع وقت.

(حمزة) بأسف: أنا آسف، لأول مرة هكسر كلامك، لا هطلق، ولا هتجوز

بنان.

وتركه وذهب، ليمسك الرجل قلبه وينادي (ناهد)، والتي اصطدمت بأخيها وهو خارج من الفيلا، وطلعت مسرعةً على صوت أبيها، لتجده مُلقَى على الفراش.

(ناهد) بصدمة: بابا.. بابا.. مالك؟!!

ثم اتصلت بالطبيب ليرسل سيارة الإسعاف.

وأيضاً اتصلت بزوجها (نادر): الحقني يا نادر.

وهي تبكي.

(نادر) باستفسار: مالك يا ناهد؟ في إيه؟ حد حصله حاجة؟!!

(ناهد) على عجل: تعالي بسرعة على المستشفى، أنا طلبت الإسعاف وزمانه

جاي، بابا تعبان جداً!

(نادر) محاولاً أن يُهدئ زوجته: طب اهدي وأنا هحصلك، كلمتي حمزة؟

(ناهد) وقد أفقدتها الصدمة كل شيء: لأ، أنا كلمت الإسعاف وإنْت بس.

(نادر): خلاص أنا هكلمه يبجي على المستشفى، متقلقيش، على ما توصلي

كلنا هنكون في انتظارك.

واتصل بـ(حمزة)، ليرد عليه: في إيه يا نادر؟

(نادر): أبوك تعب جداً ونقلته الإسعاف المستشفى.

(حمزة) بصدمة: إيه؟! طيب أنا جاي حالا.

(٢٠)

انتظر (نادر) في بهو المستشفى ليستقبل زوجته، واتصل بـ(حمزة) حتى يسرع، حتى حضرت زوجته مع سيارة الإسعاف التي أقلت والدها. وعندما وصلت، كان جميع الأطباء ينتظرون قدومه مع الطبيب المعالج له صاحب المستشفى أول الموجودين.

وعندما رأته (ناهد) ترجمته: أرجوك يا دكتور، بابا مبینطقش! فوضع إصبعه على رقبة المريض: النبض ضعيف جداً، على الانعاش بسرعة، ويتركب له الأجهزة.

وأخذه الأطباء بسرعة وهو يُهدئ فيها، وارتمت في أحضان زوجها ليحاول التخفيف عنها وربت على كتفها.

وهي تصرخ: حمزة فين؟! مجاش ليه لحد دلوقت؟!

(نادر) بسرعة: والله كلمته وقال جاي بسرعة، واتصلت بيه تاني مقفول.

(ناهد) وقد تذكرت: وظافر! هيفضل إيدته في الميئة الباردة كده؟! مش يبجي يشوف أبوه اللي بيموت ده! رن عليه.

فرن على (ظافر) وأغلق، ليتصل هو.

(ظافر): خير يا نادر؟ في إيه؟

فأخذت منه (ناهد) الهاتف: خير إيه وزفت إيه! أبوك بيموت يا ظافر.

وأخذت تبكي، لياخذ منها (نادر) الهاتف ويجلسها: معلش يا ظافر، إنت عارف ناهد متعلقة بأبوك ازاي، إنت مش هتيجي ولا إيه؟ أبوك تعبان جداً!

(ظافر) وهو يغمض عينيه بأسى: مش حمزة موجود؟

(نادر): حمزة معرفش أتأخر ليه، متصل بيه من ساعة وقال لي جاي بسرعة، ومن ساعتها موبايله مقفول.

(ظافر): طب أما يوصل خليه يرن عليا.

(نادر): يعني مش ناوي تيجي؟! أبوك النبض ضعيف وبيخلص!

(ظافر): ربنا يسهل، بس طمنوني أول بأول.

ثم حضر الطبيب: شدي حيلك يا ابنتي، البقاء لله!

لله في عمي البنهاوي!

(نادر): لله الأمر من قبل ومن بعد، معلش، اعذر ناهد، في عالم تاني مش حاسة بنفسها.

(هاني) أخذ (نادر) على جانب: طيب أنا عاوزك بره شوية. فخرج ليخبره بالحادث، لِيُصَدِّمَ صدمة عمره ويذهب لرؤية (حمزة)، الذي لا تُرَى ملامحه من أثر الحادث، ونظر إلى (هاني): وأنا أعمل إيه وأنا لوحدي؟! فاتصل بـ(ظافر).

(ظافر) بخضة: في إيه يا نادر؟

(نادر): بلا في إيه بلا نيلة! أبوك مات، وأخوك متلقح في الحجرة بيموت، وأختك مُغَمَى عليها، وأنا لوحدي في وسط العكة السودا دي! (ظافر) بغضب: خلااص أنا جاي، هعمل تطبيقات بسيطة وأحجز على أول طيارة.

أما (ظافر)، فقد استدعى (بهاء)، محامي دولي ثقة لديه وصديقه وابن خاله ويعمل معه.

(بهاء) قدم بسرعة: في إيه يا ظافر؟

(ظافر) وهو يختنق: والدي اتوفي، وحمزة بين الحياة والموت في المستشفى. (بهاء) بحزن: لا إله إلا الله! البقاء لله!

(ظافر) وقد قاطعه: المهم دلوقت، أنا مش عارف الوضع هيبقى إيه، إنت عارف احنا عاملين إيه في حالة رجوعي فجأة لمصر أو معرفتش أرجع، أنا عامل لك توكيل بكل شيء عشان لو هتصفي بدالي الشركات وتبعت على حسابي في مصر، مش عاوز أوصيك، وعاوزك قد الثقة.

(بهاء): إنت يعني مش واخد ورق عليا عشان مش واثق، مع إنك تعرفني.

(ظافر): أنا مبعثقش في صوابع إيدي، بس أنا عارف إنك جدع وصاحب عمري، بس الحرص واجب، والفلوس بتغير النفوس، وأنا مش عاوز أسيبك لها تغيرك.

(بهاء): وأنا هعرفك إني قد الثقة دي.

(ظافر): لوتس كان هيموت على الشركة، بدل ما حد يصطاد في الميَّة العكرة وينزل السعر، هو كان عارض أكثر من تمنها بس أسيبها، قول له أنا موافق،

بس ده لما أنزل وأشوف الوضع وأديك الأوك، ودلوقت أنا هسافر، السكرتيرة
حجزت أول طائرة متجهة لمصر من برلين، وهكلم مراقي أبلغها وأنا مسافر.
وسلم عليه واتجه إلى المطار، وفي الطريق كلم زوجته.

(ظافر): حبيبي أنا مسافر حالا مصر.

زوجته: شو هاد؟! ليش ما خبرتني ظافر؟ كنت إجيت معك، عم بتهاتفني وإنّ
مسافر؟! وشو أنا مو زوجتك، كنت بروح أسلم على البابا.

(ظافر): مفيش وقت، والذي اتوفي، وأخويا عمل حادثه، مش فاضي آجي
آخدك وأروح مطار فرانكفورت، هنا أقرب ليا لبرلين.

ففزعت من الخبر: شو يا اللي عم بتقوله؟ البابا مات! شو ها الخبرية! أوك
حبيبي، كان نفسي بكون معك.

(ظافر): معلش، هضبط أموري وأبعث لك.

زوجته: شو تضبط أمورك وبتبع لي، إنّ مو راجع لهون تاني؟

(ظافر) بعصية: أنا معرفش إيه اللي مستنيني هناك، أما أشوف أبقى أبلغك.
وأغلق الخط.

لتتصل بوالدتها: إمي، شوفتي اللي عم بيحصل!

أمها: شو؟

وقصت على أمها ما حدث.

أمها: شو هاد؟ وبده ياخدك تقيمي بمصر؟ أنا ما عم بسمح لك، يكفي هون
بتاجي بطلوع الروح، بس على الأقل أنا ممكن باجي إلك، هاد ما بيحصل ولو
صمم برفع قضية وتاخدي نصف أملاكه، هاد حقك، لكن ما بتركك إله ياخدك

مصر ويعمل ما بدو فيك، وهون اليأس بيدوب بالتراب اللي بتسير عليه.

(مادلين): شو هاد ماما؟! عم بتقدري البلا قبل ما بيعق، أكيد بيخلص وبيرجع
هون، هون شغله.

أمها: بنشوف، لكن لا بد ناخذ حذرنا.

وأغلقت مع ابنتها.

وذهب (ظافر) إلى مصر وإلى المستشفى، لترمي أخته الصغيرة والكبيرة بأحضانه
(بنان) بعيدة بعض الشيء وتنظر إليهم.

(ناهد): شوفت اللي حصلنا!
(ظافر) ويغلق عينيه: خلاص يا ناهد، كل حاجة هتبقى تمام، أنا موجود دلوقت.

ليخرج الطبيب ويجد (ظافر): الحمد لله على السلامة.
(ظافر): الله يسلمك، ممكن إجراءات المستشفى تخلص بسرعة عشان ندفن الوالد؟ وأخبار حمزة إيه؟
الطبيب يأخذه بعيداً: مأكذبش عليك، الحالة حرجة وفيه خطورة عليه، وممكن يعيش عاجز لو قدر له الحياة.
تحجرت الدموع بمقلتيه، ف جذب الطبيب وهمس له بأذنه: اعمل أي شيء عشان يعيش.

ابتعد الطبيب وهو مقدر حالته: من غير ما تقول، حمزة ابني، وبنحاول أنا والدكاترة كلهم.

وأق (هاني) فاحتضن صديقه: ازيك يا وحش؟ كفارة يا راجل!
(ظافر): أخبار التحقيق إيه؟

(هاني): مأكذبش عليك، معظم الشهود أكدوا إن حمزة غلطان، والراجل مكانش يقدر يعمل حاجة، والنيابة حاولت تستفسر من حمزة، فعملهم إشارة إنه هو اللي غلطان.

(ظافر): أوك، يعني مش تعمد أو مقصودة؟

(هاني): لا مش مدبر، ده راجل غلبان، واتحرينا عنه، وهو خطأ فقط.
(ظافر): خلاص سيبوه.

(هاني): فعلاً، بنعمل إجراءات إخلاء سبيله.

(ظافر): مش هوصيك، خبر حادثة حمزة ميوصلش للإعلام والسوشيال ميديا، لحد أما أضبط الأمور، وإلا هنخسر خسارة كبيرة جداً.
(هاني): من غير ما تقول، وجبناه هنا ومحدث يعرف.

(ظافر): وحتى دفنة والدي هنعجل بيها، ونقول إن حمزة مسافر، وأنا اللي هنا.

(هاني): أوك، ربنا معاك ويقويك.

ثم استأذن (ظافر) منهم ليدخل إلى أخيه.
وجلس بجانبه يحدثه: يعني لما أشوفك بعد الغيبة دي، ألاقيك كده!
فهل سيستفيق (حمزة) ويحدث أخاه؟
أم ماذا سيحدث في الأيام القادمة؟

(٢١)

وجَدَ (ظافر) أخاه يحاول جاهداً فتح عينيه بصعوبةٍ بالغةٍ وسط الدماء التي غطت وجهه من أثر الجروح والضمادات. يُقْبِلُ عليه بلهفة: حمزة، سلامتكَ حبيبي ألف سلامة. فلم يَسْتَطِعِ النطق إلا بعد عناءٍ شديد، ثم نطق أول حرفين من اسم ولده: إس... إس...

(ظافر) بتعجب: عاوز إيه قول لي؟ مش فاهم!

ثم فقد الحياة وليس النطق فقط!

فحملَ (ظافر) به وصرخ: حمزة! فوق! متسبينيش لوحدي، قوم إنت كويس! وجهش بالبكاء، ثم مسح دموعه وجرى ليستدعي الطبيب محاولة منه بنكران فقد أخيه.

ليأتي الطبيب على الفور ويغطي وجه (حمزة): البقاء لله! فوقف في شموخ وخلل أصابعه بخصلات شعره وأغمض عينيه محاولاً التفكير، ثم استعاد رباطة جأشه واقترَب من الطبيب: مش عاوز الخبر يتسرب بره الحجرة دي، وإلا...

الطبيب بخوف: خلاص براحتك، هنقله التلاجة وهنقل الحجرة باعتبار إنه هنا وممنوع حد يدخلها غيري، بس أسبوع مش أكثر، دي مسؤولية، بس لازم أطلع شهادة وفاة، لازم إجراء اتنا تمشي قانوني، ميخلصكش أتجازي أو تتقفل المستشفى.

(ظافر) بتفهم: أوك بس مفيش مخلوق يعرف، وتبقى في أضيق الحدود، وأنا هتفاهم مع هاني يديني فرصة مع الإعلام أسبوع، وإلا كل شيء هينهار، وده ميخلصكش.

الطبيب بتفهم للوضع: أنا فاهم كل ده، ولمعزة والدك عندي طاواعتك. ثم خرج (ظافر) إلى إخوته: مفيش داعي من وجودنا هنا، يلا عشان الدفن والجنائز للوالد.

(ناهد): وحمزة؟

(ظافر) بعصبية: هتعملي هنا إيه؟! مفيش زيارات، يلا على البيت عشان اللي هيبجوا يعزوا، ولو حد سأل على حمزة، مسافر، مفهوم! فنظروا إليه، ليردد: أنا بقول مفهوموم! كله برعب: مفهوم مفهوم! وذهبوا معه جميعاً ونقلوا الجثمان للدفن، وتمت المراسم، وكلُّ من سأل عن (حمزة) فهو مسافر. وفي اليوم التالي، ذهب (ظافر) إلى الشركة وطلب عقد مؤتمر صحفي على نطاق موسع لكل المحطات الفضائية ونقل بالتلفاز.

أما (ظلال)، فكانت تتصل بـ(حمزة) ولا مجيب، فالهاتف مغلق لأنه كسر بالحادث.

وفي أثناء مشاهدتها التلفاز وبينما هي تقلب، وجدت أحدهم يتحدث ويغطي عليه صحفيين كثر، وسمعت اسم (حمزة) يتردد أنه سافر، وأن (ظافر) من استلم الفرع بمصر، لكنها لم تفهم شيئاً ولم تأخذ ببالها، واتصلت بـ(أحمد) لتسأل عن صحته، وإذا ما كان يعرف أحداً بالشركة ليسأل عن (حمزة)، لأنه لا يُجيب. فأجابها (أحمد) على الفور: حاضر، هتصل بكمال، ده رئيس الشؤون القانونية في الشركة وصاحب حمزة.

وبالفعل اتصل، ليباغته (كمال) بخبر سفر (حمزة) المفاجئ واستلام أخيه الشركة مكانه، فاستغرب لهذه الخبرية ولم يعقب، واتصل على الفور بـ(ظلال) ليخبرها.

لتنهار: ازاى يعني؟! هيسافر فجأة وميقوليش! طب مفيش تليفونات في البلد دي يعني يقولي؟! يسبيني مع ابنه كده ولا حس ولا خبر! لما بيسافر بيقولي، إما مش هيسافر فجأة وكمان يمسك بداله أخوه ويسبيني هنا، مش ممكن! وأنا هفضل بقى كده مش عارفة هو فين لحد أما يفتكر إنه له زوجة ويتصل؟! ماشي يا حمزة!

وأغلقت مع (أحمد) وهي غاضبة منه، لتتوالى الأيام و(ظافر) يضبط الأوضاع

بالشركة حتى يتسنى له الإعلان عن وفاه أخيه، ووقتها تكون الأمور قد استقرت بالعمل.

ليأتي له أحد العاملين بالشركة ببعض الملفات التي طلبها، ويحاول أن يفهمه. فاستشاط (ظافر) ورمى بالملفات وأمسكه من ياقته: إنت بتفهم مين يلا؟! أنا كل كبيرة وصغيرة في الشركة دي كان عندي علم بيها، وأنا اللي كنت ممشيها وبدي الأوامر لحمزة، تيجي إنت يا حته عيل تفهمني؟! ده أنا أفهم أبوك واللي خلفوك!

الشاب: أنا آسف والله ماقصدش!

(ظافر) بغضب: الشركة دي اتبنت على إيدي قبل ما تتولد يا روح أمك، إنت فاهم!

يلم الشاب الملفات التي ألقاها (ظافر): فاهم، فاهم حضرتك.

وخرج الشاب، ليكلم السكرتيرة: احنا هنشوف أيام سودا! واستدعاها (ظافر) فجرت إليه، فباغتها: في إيه يا اختي إنت كمان؟! ماشية على قشر بيض، هستناك ساعة! فردت عليه قائلة: والله أبداً، أنا...

وقبل أن تكمل حديثها.

(ظافر): إنت هتحي معايا! اجري بلغي رؤساء الأقسام وأعضاء مجلس الإدارة باجتماع طارئ.

وهي واجمة دون حراك، لباغتها: يلا اجري!

فاستفقت وجرت بسرعة حتى كادت تقع وقلبا يتوقف، ونفذت ما قاله. ليجتمع بهم: لازم تفهموا إني أعرف كل كبيرة وصغيرة هنا، والشركة دي اتبنت على أكتافي من قبل حمزة ما يمسكها، وأنا اللي كنت بمشيها من ألمانيا، عشان اللي هيلعب بديله أو يحوّر معايا هيشوف مني أيام سودا، مفهوووووم!

و ضرب على المائدة التي يجلسون عليها، لينتفضوا: مفهوم، يا فندم.

وأنتهى الاجتماع ثم ذهب إلى القिला.

لتقابلة (ناهد): أأمهم يحضروا الغدا؟

فأوقفها بإشارة منه: مليش نفس، كلوا إنتم.

ودلف إلى حجرة أبيه وأغلقها عليه، ثم وقف في وسطها ودار بناظره في أركانها، وجلس على فراش والده يتلمسه ويتحسس ويلقي بنفسه عليه، وتحجرت الدموع بمقلتيه وهو يسأل ولا مجيب: ليه؟! ليه بعدتني عنك؟! ليه دائماً كنت محسسي إني السبب في موتها؟! وأنا الوحيد اللي اتأثرت بسبب فراقها وكانت غالية عندي زيك بالضبط!
وأغمض عينيه ليتذكر الحادث الأليم لوالدته.

[فلاش باك]

رجع الأب من العمل، فوجد (ظافر) يتحدث مع والدته بغضب: بس أنا عاوز أروح النادي وإنّ وعدتيني!
الأم: مش قادرة يا ظافر النهارده.
الأب بحزم: خلاص بقى، ماما تعبانة النهارده، وهي لسه والدة أختك الصغيرة، مش هتقدر تنزل بيها.
فحزن وبكى، لتحتضنه: خلاص هسيب حمزة وأخته مع ناهد أختهم والدة وأخذك النادي، بس وصلنا بقى.
فرد (البنهاوي): إنّ اللي مدلعه دائماً ومبتفضيلوش طلب.
وأخذهم بالسيارة وتوقف بعيداً عن الزحام المروري، فنزل (ظافر) وانطلق، لتجري والدته خلفه خوفاً عليه، فأتت سيارة مسرعة وأطاحت بها.
رأى (ظافر) هذا ووقف مشدوهاً من الدماء تغطي والدته وهي بلا حراك، وجلس بجانبها يبكي، ليجد والده فينهره: إنّ السبب! إنّ السبب!

[الرجوع من الفلاش باك]

فاستفاق (ظافر): ليه كده؟! كنت منتظر ك تاخدني في حضنك كل السنين دي، حرمتني منك وكنت في أشد الحاجة لك!
لتأتي أخته (ناهد) وتناديه: ظافر.
فاستعاد شدته: في حاجة؟

فاقتربت منه: حبيبي متعملش في نفسك كده، أنا حاسة بيك...
فقاطعها: وإنّ شايفاني بشد في شعري ولا برفس في الأرض!
وتركها وهو يقول: مش عاوز حد يبجي ورايا، عاوز أبقى لوحدي.
ودخل إلى حجرة (حمزة) المجاورة، وأخرج مجموعة مفاتيح من جيبه أعطها
له (هاني)، فهي من الأشياء التي كانت مع (حمزة).
لينظر إليها: سيبنتي ليه يا حمزة؟! حتى إنت كنت محتاجك جدّا معايا في الفترة
دي!

ونظر إلى المفاتيح، فتذكر أحدهم فهو مميز، وتذكر يوم أعطاه لـ(حمزة)
ليستريح في شقة مجاورة للشركة حتى لا يحتك بوالده، إذ كانت هذه الشقة
لـ(حمزة) يذاكر بها مع أصدقائه حتى يكون تحت عين أبيه ويمر عليه كل حين،
وبعدها كانت ليرتاح بها بين فترات العمل.
فالتقط (ظافر) سلسلة المفاتيح مرةً أخرى بجيبه، وفي اليوم التالي ذهب إلى
الشركة كعادته.

أما (ظلال)، فقد اتصلت بـ(أحمد) ليأتي لها بعنوان الفيلا، فرمما وجدت أحدهم
تسأله، وبالفعل حدّث (كمال) وأحضر لها العنوان.
ذهبت إلى هناك تسأل عن (حمزة)، فأجابها الحارس أنه قد سافر، ومنعها من
الدخول وطردها، ورأتها (ناهد) فسألت الحارس.
الحارس: يظهر حمزة بيه كان بيعطف عليها، كانت بتسأل عليه وقلت لها
مسافر.

(ناهد): أوك، متدخلش الأشكال دي الفيلا، منضمناهاش تكون حرامية ولا
حاجة.

أما (ظلال)، فرجعت إلى شقتها لا حول لها ولا قوة، وأما (ظافر)، فبعد انتهاء
العمل وهو يخرج مفاتيح سيارته، وجد مفاتيح (حمزة): فعلاً أنا محتاج أبقى
لوحدي عشان أفكر كويس في اللي جاي.

عند (ظلال)..

الدادة: أنا نازلة السوبر ماركت أشتري حاجات.

(ظلال): أوك دادة، متتأخريش.

الدادة: هوا.

وبعدما خرجت الدادة، كانت (ظلال) تشاهد إلى التلفاز بالصالة، لتجد من يفتح الباب.

ف نظرت: إنت جيتي يا دادة؟

وجدت (ظافر) يدلف من الباب، وهي بقميص نومها!

ف نظر إليها بتعجب: إنت مين يا بت؟ وإيه جابك هنا؟

(ظلال) وقد أفقدتها الصدمة وعيها: إنت اللي مين؟ وازاي تدخل هنا؟

ثم نظرت إلى نفسها بقميصها العاري وجرت إلى الحجرة وصاحت: حرامي.. حرامي!

وأغلقت على نفسها وارتردت عباءة بسرعة واحتضنت ابنها.

وهو يقرع الباب بقوة: افتحي لأكسره على نافوخك!

وهي ترتعد بالداخل: تكسر مين يا حيوان؟! أنا هجيب لك البوليس!

(ظافر) وقد اغتاظ: أنا حيوان يا حيوانة! طب أنا هوريك الحيوان هيعمل في

أمك إيه، أما نزلتك بملاية وجبت لك بوليس الآداب يشيلك! الواد حمزة كان

بيعط من ورانا ولا إيه؟! وراسم لي توب الدين والورع!

في كانت هي تسب وتلعن بالداخل: إنت هتتكلم في حمزة! ده برقيتك.

(ظافر): طبعًا، ما هو مظبتك وعيشة عمر أهلك ما يحلموا بيها.

ثم كسر الباب، لتجد نفسها بمواجهة هذا الوحش الكاسر.

فماذا سيحدث؟

(٢٢)

وجدت (ظلال) نفسها بمفردها هي ووليدها أمام هذا الغول الذي يتأهب لالتهامها، ولكنه وجدها تعصر وليدها من الخوف عليه وتحتضنه بشدة، فنظر إلى الطفل لبرهة وتذكر حرمانه من أن يكون له طفل.

ثم استعاد وعيه ونظر إليها بغضب: بقى أنا حيوان!
ثم أخذها من ياقتها الخلفية وهي تحتضن وليدها محاولة التملص منه، وهي تشبه النملة التي يمسكها فيل.

فحاولت التحدث: إنت ماسك فار! سييني يا متوحش!
كاد يضحك على التشبيه واستطرد: لأ عرسة!
فحاولت معه مرة أخرى: طب اسمعني!
فأجابها: مبسمعش.

(ظلال) بغضب: ليه؟ أطرش؟!

فضربها على رأسها: احترمي نفسك، والله لولا ابنك كنت رميتك من البلكونة.
فغضبت وبعبسية: ليه؟ مفيش قانون في البلد؟!
(ظافر) بسخرية: قانون إيه يا أم قانون، أنا القانون.
فحاولت استمالته مرة أخرى: طب افهمني.
وهو يصم أذنيه عنها: مبفهمش.

فقالت بغضب: فعلاً شكلك ميفهمش.

فألقي بها خارج الشقة: ماشي يا غبية، والله لولا ابنك اللي مصبرني عليك.
فخبطت على الباب: طب هات هدومي.

فرد: ملكيش حاجة هنا، تخرجي زي ما جيتي.

فغضبت: والله إنت حيوان! فعلا عمري ما شوفت حرامي يطرد أصحاب الشقة ويقعد هو.

ففتح ليجدها تجري على السلم: ماشي يا بنت ال... نفذتي بجلدك، كنت هخنقك!
ودخل ليجلس: قال جاي أرتاح قال، عكرت مزاجي بنت ال...! بس ازاى حمزة يعمل كده؟! مش ممكن!

ووجد الباب يدق مرة أخرى، ليقف مُستحلفًا لها: والله لو إنتِ تاني ما هتعتدي من تحت إيدي سليمة!
ليفتح ويجد امرأة مسنة.
(ظافر) بتعجب: إنتِ مين إنتِ كمان؟ هو الواد ده مبيعتقش، من طفلة لست كبيرة!
السيدة: أنا الدادة.
(ظافر) بضيق: خلاص مش عاوزين، هنقفل الشقة، حسابك كام؟
ليعطي لها حسابها وتمشي.

ثم دخل مرة أخرى وجلس على الأريكة وأرجع رأسه وأغمض عينيه: يا ترى وراك إيه يا حمزة تاني مخبيه عليا؟! وأبويا كان يقول عليا صايح وبتاع نسوان، يبجي يتفرج، من شباه أخاه فما ظلم.
ويضحك: طلعت مية من تحت تب، بير غويط ملوش قرار، وأنا اللي كنت مفكر هرتاح هنا، دي الفيلا أرحم! أنا أقفل وأمشي، بدل ما ألاقي مصايب تانية، وأنا اكتفيت النهارده، وعشان أضبط خبر موت حمزة بعد استقرار الأمور والأوضاع في الشركة، مهلة الأسبوع انتهت.

أما (ظلال)، فقد أوقفت تاكسي وذهبت إلى أمها، وقالت للسائق أن ينتظرها حتى تأتي بالمال وتدفعه له، وبالفعل سعدت وأخذت من أمها النقود فأعطتها للسائق وصعدت مرة أخرى.
لتجد الطبيب يخرج من غرفه والدها.
ويحدثهم: دي جلطة ولازم يتنقل المستشفى فورًا، وطبعًا لازم مستشفى خاصة حتى يستطيعوا إنقاذه.
أم (فاروق): طب مفيش أي علاج؟ إنتِ شايف الحال!
الطبيب بأسف: مع الأسف، الحالة خطيرة، بس هكتب لكم على حقنة لازم تتجاب من الصيدلية فورًا وياخذها.
(فاروق) بسرعة: ماشي يا دكتور، اكتبها وهروح أجيها فورًا.
وانصرف الطبيب ومعه (فاروق).

(ظلال) باستغراب: في إيه يا ماما؟!

والدتها تجلس باكية: أبوك اتخانق مع زبون، وإنّ عارفة عصبيته، وطب ساكت، جابه فاروق هنا جري وجينا دكتور.

ثم نظرت إلى ابنتها: وإنّ جاية بعبايتك كده ليه؟ وإيه موضوع الفلوس اللي طلبتيها؟ أنا كنت مش فايقة أسألك عشان الدكتور كان مع أبوك.

(ظلال) وقد آثرت أن تصمت، فماذا ستقول وسط هذه الكارثة: مفيش، كنت قلقانة عليكم، نزلت جري ونسيت الفلوس، فجيت بتاكس، وقفته وخذت منك حاسبه.

أما بتعجب: قلبك حاسس يا حبيبتى، روجي إنّ عشان ابنك.

(ظلال) وجحظت عينيها: هالها!!! أروح فين؟ والمجنون!

أما باستغراب: مجنون إيه؟!

(ظلال) وقد أدركت ما قالت: أقصد أروح فين وأسيبكم لوحكم وأنا مجنونة. أما: عشان جوزك.

(ظلال): وهو فين جوزي ده! فص ملح وداب، ولا بيتصل حتى، قال يعني مفيش شبكة في الدولة اللي فيها، ولا مش معاه تمن المكاملة، اسكتي يا ماما وخليني ساكتة.

فرأت والدتها (إسلام) على يديها: طب خشي يا ابنتي نيمى الواد جوه في السرير، وخشي لأبوك ومتحسسيهوش بحاجة، كفاية اللي هو فيه.

فتفهمت (ظلال) الموقف وأومات بالإيجاب: حاضر يا ماما، من غير ما تقولي. ودخلت وضعت طفلها على الفراش ونظرت له وهي بجانبه: يا ترى مصيرنا إيه يا ابني؟! أبوك ومش عارفين طريقه، وشوفت أما روحت أسأل كرشونا، ولا المجنون اللي جه مشانا من شقتنا، وخايفة أروح ألاقيه، ولا يعمل فيا حاجة أنا وإنّ، وخايفة أقول لماما، كفاية اللي هما فيه، وإسراء جوزها لسه مفاقش من العملية، هحملهم همي ليه، كل واحد له همه اللي مكفيه وزيادة، لينا رب اسمه الكريم يا ابني!

ودخلت إلى والدها فقبلت يده وبكت على نومته هذه دون حراك أو حتى كلام، وجاء (فاروق) مسرعًا: أنا جيت معايا ممرضة من المستوصف اللي جنبنا

تديه الحقنة.

وبالفعل أعطته الحقنة وأعطهاها مبلغاً وانصرفت.

الأم: ودي هتخففه يا ابني ويقوم؟

(فاروق): وإنا إش عرفني، هو أنا دكتور! أنا عملت اللي قالي عليه، وأدينا قاعدين، أما نشوف هيحصل إيه.

والتفت إلى (ظلال): وإنتِ، جوزك رجع؟

(ظلال) وهي تخمض عينيها وتتنهد: ولا حس ولا خبر، كإنه اختفى!

الأم لـ (فاروق): اتصل بأختك قول لها، لتزعل إن معرفناش.

(ظلال): كفاية اللي هي فيه يا ماما، وأحمد لسه، هنحملها حمل على حملها، يعني هتيجي تعمل إيه، وكمان تسيب جوزها.

الأم: يا بت هتزعلي، وأختك قماصة.

(ظلال): خلاص، إنتِ حرة.

وقامت لابنها الذي يبكي، أما الأم فكلمت ابنتها الأخرى لتبلغها، والتي قالت على الفور: أنا جاية حالا.

وأمرها تهدئها: خليكِ مع جوزك، ده تعبان.

فتذكرت ونظرت إليه.

(أحمد) ينظر إلى (إسراء): قولي لها عندنا كشف النهارده على الجرح، هنروح ونرجع عليهم.

فأخبرتها، والأم ترجوها ألا تُرهق زوجها.

فأجابتها (إسراء): هو اللي مصمم والله، وإنتِ عارفاه، مش هيرضى يرجع على هنا، لازم يبجي يطمئن بنفسه.

أما (ظافر)، فذهب ليعلن عن وفاة أخيه إثر الحادث الأليم، فعلم الجميع بالشركة، ولكن الأمور كانت قد استقرت مع العملاء والموظفين، فلن يشكل

الخبر أهمية، ولكن إن حدث هذا وقت وفاة والده، كان سينهار كل شيء.

وعندما علم (كمال)، اتصل بـ (ظافر) وطلب المقابلة.

وهناك في الفيلا..

(كمال) يعزي (ظافر) وإخوته: طبعًا الوقت مش مناسب، بس أنا هبدأ في إجراءات إعلام الوراثة.

(ظافر) وهو يضع ساقًا على ساق: كل ده تحصيل حاصل، ما هو احنا الوراثة وأنا المسئول عن كل شيء.

(كمال): مع الأسف، في ورثة تانيين.

فاعتدل الجميع.

(ظافر): ازاي ده؟!

(كمال): حمزة متزوج ومخلف.

(ناهد): ده كلام فارغ! ده تزوير!

(كمال): أنا شاهد على العقد، وحمزة وفاته بعد والده، يعني الورث لزوجته وابنه، لأن الولد بيحجب الإخوة، لو الوالد كان وفاته بعد حمزة، كان هيبقى له ورث ويؤول إليكم، لكن للأسف، اللي حصل العكس.

(ظافر): خلاص، يبقى الوالد مات بعد حمزة، أصلًا حمزة ميت من أسبوع، والشهادة طالعة واحنا مخبيين.

فقام (كمال): وأنا لا يمكن أشارك في الجريمة دي.

(ظافر): خلاص، غيرك كتير يعملوها، شكرًا لزيارتك يا كمال.

يا ترى، هل سيفذ (ظافر) مخططه؟

وماذا سيحدث لـ (ظلال)؟

وهل سيلتزم (كمال) بالصمت ويتنحى؟

(٢٣)

كَلَّم (ظافر) محامياً آخر ليقوم بالمهمة بدلاً من (كمال).
أما (كمال)، فاتصل على الفور بصديقه (أحمد) ليخبره أنه يريد لقاء (ظلال)
زوجة (حمزة) في أمر خطير، فأخبره أن والد (ظلال) مريض وأن لديه كشف
اليوم، وأنه سيذهب إلى الطبيب ثم يذهب بعدها إلى حماه ليطمئن عليه.
فأخبره (كمال) على الفور: أنا هعدي عليك آخذك للدكتور ونروح نزوره.
فرفض (أحمد) حتى لا يرهقه، ولكن (كمال) صمم على أن يذهب معه،
وبالفعل أخذه إلى الطبيب للاطمئنان على الجرح الذي بدأ يلتئم، وأعطاه بعض
العلاج، ثم ذهب معه إلى (ظلال).
وفي الطريق..

(أحمد) يتحدث إليه: مش عاوز تقول لي في إيه!

(كمال) بتردد: البقاء لله!

(إسراء) و(أحمد) في نفس واحد: في مين؟!

(كمال): حمزة زوج ظلال توفي.

(أحمد) يغمض عينيه: إنا لله وإنا إليه راجعون!

(إسراء) ويعلوها الدهشة: ازاي؟ وامتي؟!

(كمال) بتردد: حادثة، وأعتقد من أسبوع ومخبين، لأن نزول ظافر ومسكه

الشركة فجأة مش طبيعي، بس لسه معلنين الوفاة.

(إسراء) ببكاء: يا حبيبتي يا ظلال، دي تروح فيها لو عرفت، هنقول لها ازاي

دي؟!

(كمال) بتلغثم: المهم اللي جاي، مش اللي فات.

(أحمد) و(إسراء) ينظران إلى بعضهما بعضاً: يعني إيه؟! هو في أكثر من

الموت؟!

(كمال) بتوتر: لما توصلوا هتفهموا كل حاجة.

وبالفعل وصلوا إلى البيت.

لتفتح أم (فاروق): برضه جيت يا ابني وإنّ تعبان، اخس عليك يا إسراء.

فقاطعها (أحمد): معي ضيف.
ففتنحت وقالت: اتفضل يا ابني.
وذهبت (إسراء) لتنادي أختها وتأخذ منها (إسلام) لتلعب معه وتهدده:
حبيب خالتو وحشتني.
فظنرت إليها (ظلال)، لتتذكر (إسراء) مَنْ بالخارج ينتظر: يلا بينا يا ظلال، في
ضيف عاوزك.

(ظلال) بتعجب: ضيف مين؟ حمزة رجع؟
أختها بتأثر: يلا بس وهتعرفي.

(كمال) عندما شاهدها، قام ليمد يده: البقاء لله يا مدام.
فظنرت إلى الجميع بدهشة وهي تستبعد موت (حمزة) وتتلمس الكلمات التي
تنفي هذا.
فأمسكت بها (إسراء): اقعدني حبييتي، وأستاذ كمال عنده كلام مش هيقوله
غير قدامك.

وبالفعل استطرد (كمال): حمزة توفي وأعلنوا وفاته، بس...

فقاطعته: إنت بتقول إيه؟! حمزة مين اللي توفي؟! حمزة مسافر!

(كمال) لتهدئتها: مدام ظلال، تماسكي، الموضوع أكبر من موت حمزة، كمان
أهله رافضين فكرة إنه اتجوز وخلف، ومفكرين إني بكذب عليهم أو لعبة،
لأن كل الشركة ونص الفيلا وحاجات تانية باسم حمزة، ورافضين يحطوك إنت
وابنك في إعلام الوراثة.
وهي مذهولة.

والأم تترحم عليه: أعوذ بالله من دي بشر، ياكلوا مال اليتيم!

(كمال): هما مش مصدقين أصلاً إن حمزة يكون متجوز ومخلف، أنا فاهم
ظافر، ببشك في صوابع إيده، ولازم نتصرف بسرعة ونطلع شهادة وفاة حمزة
اللي اتوفي بعد وفاة والده، ونعمل إعلام الوراثة، يعني لازم توكيل بالقضايا
مدام ظلال تعمله فوراً عشان نلحق قبلهم.

(ظلال) بيبكاء: وأنا مش عاوزة منهم حاجة.

(كمال): لو إنت مش عاوزة، فين حق ابنك، ازاي تتنازلي عنه؟! وهتقولي له

إيه لما يكبر؟! ضيعت حقا!

(أحمد) بتفهم: كمال عنده حق يا ظلال، إنتِ مش حرة نفسك، ده حق ابنك اللي هيطالبك بيه قبل أي حد.

(ظلال) بانهار: يعني أعمل إيه؟! أبوس أيدهم! إنتِ متعرفش اللي حصل لي، دول ناس معندهم مش رحمة، أنا مكنتش أعرف مين ده، بس دلوقت عرفت. وقصت ما حدث لها من (ظافر).

لتحتضنها أمها: ومقلتيش ليه؟

أغمضت (ظلال) عينها: أقول إيه بس، وأنا جيت لقيت بابا طب وقّع من طول، هحملكم همي أكثر ما إنتم!

لتربت الأم على كتف ابنتها: معلش يا ابنتي، كان مستخبي لك الهم ده فين، اترمّتي وعلى إيدك عيل وإنّ لسه مجبتيش عشرين سنة.

(كمال): المههم دلوقت بكرة عملي لي توكيل عشان نلحق نخلص إجراء اتنا بسرعة.

(فاروق): وأنا هاخدها بكرة ونعمل التوكيل ونديهولك.

وأخذ رقم (كمال) وأعطاه رقمه.

وفعلًا، تم عمل التوكيل وأيضا الإجراءات تمّت واتصل (كمال) بـ(ظلال) ليخبرها أنه لا بد أن يذهب معها إلى الفيلا لملاقة (ظافر) والجميع.

وبالفعل، ذهب كل من (ظلال) و(كمال) و(فاروق) إلى الفيلا؟

(كمال): طب اسبقوني على ما أركن.

ودخل (فاروق) و(ظلال) ومعها (إسلام) على كتفها من بوابة الفيلا، ليوقفهما الحارس وأيضا كانت (أشجان) أخت (حمزة) الصغيرة في حديقة الفيلا، فذهبت

تسأل الحارس.

ليُجيبها: عاوزين يدخلوا بالعافية.

(أشجان): إيه الجرابيع دول؟! إنتم مين وعاوزين إيه؟

(فاروق) بعصية: إنتِ اللي مين؟! احنا أصحاب الفيلا دي.

(أشجان) بعصية: إنتِ مجنون!

(فاروق): إنتِ اللي مجنونة وستين مجنونة، يا حرامية!

لتضربه بالقلم، فحاول التعدي عليها، ليقف له الحراس.
(فاروق) بغضب: قسماً بالله لأدفعك تمنه غالي قوي القلم ده.
وأنتي (كمال) الذي تأخر حتى وجد مكاناً ملائماً: في إيه؟!
وطبعاً الجميع يعرفونه.
فقال: خلاص، هما تبعي.

ودخل بهم، كان الجميع مع المحامي الكبير، ليأتي (كمال).
وعندما شاهدتها (ناهد): إنتِ تاني؟! مبتحرميش، مش طردتك مرة!
وقام (ظافر) ينظر إليها بغضب: أنا مش كرشتك من الشقة قبل كده؟! كمان
جاية الفيلا! أما بجاجة بصحيح.
كادت تذهب، ليمسكها (فاروق): ده حقك إنتِ، واللي مش عاجبه هو اللي
يمشي.

(كمال) يُحيي أستاذه المحامي الكبير: أظن حضرتك هتعرف الأوراق دي
صحيحة ولا مزورة.

(ظافر) ينظر: إيه ده؟

فأتاه رد المحامي: مضبوطة وسليمة مية في المية، ده عقد زواج حمزة من ظلال،
وشهادة ميلاد إسلام ابنه، وده إعلام الوراثة، طبعاً من حق مراته وابنه الورث،
لأن الوالد توفي بعد حمزة، والابن بيحجب الأخوة.
ليقف (ظافر) ويأخذ الأوراق: إنتِ واثق إن الأوراق دي سليمة؟
فأكد المحامي ذلك.

همّت (ظلال) بالمضي بعد نظرات (ظافر) غير المصدقة، ليجذبها من يدها،
فنظرت إلى موضع يديه ثم نظرت إليه بتعجب.
ليقول: امشي اطلعي فوق.

فنظرت إليه: أنا مش ممكن أعيش هنا مع ناس بيكرهوني ومش مصدقيني.
لتقوم (ناهد): إنتِ بتقول إيه يا ظافر؟! إنتِ صدقتهم!
(ظافر) بعصبية: خلاص يا ناهد.
وجحظت عيناه فارتعبت.

فاستطرد: الأوراق سليمة، ومش هناكل حق ابن أخوكِ حتى لو أبوكِ كان ظالم

وكتب له كل حاجة هنا.

(ظلال): وأنا مش هقعده هنا.

فهمس بأذنها: وأنا قلت خدي ابنك واطلعي فوق، وأنا مبحبش أكرر كلامي.

(ظلال) بعصبية: وأنا لا يمكن...

فقاطعها بصوت جهوري: خلااااص، يبقى تمشي وتسيبي ابنك، ابن حمزة البنهاوي

لا يمكن يتربى إلا في بيت البنهاوي، زي أبوه، ولو مش عاجبك الباب يفوت جمل.

(ظلال): وأنا لا يمكن أسيبه لكم.

(ظافر): يبقى تسمعي الكلام، خديها يا ناهد.

كاد (كمال) أن يتحدث، فأوقفه بإشارة من يده: انتهى دورك يا متر، وكل واحد

هياخد حقه، أنا مش هاكل حق ابن أخويا الوحيد.

فسكت (كمال)، لأنه يعلم (ظافر) جيداً، فطالما صدق ووعد فسيُنفذ.

أما (فاروق) فتحدث قائلاً: وأنا مش هسيب أختي هنا لكم.

فنظر إليه (ظافر) باحتقار: امشي ياد من هنا.

وأمر الحرس بأخذه إلى الخارج.

و(فاروق) يهدد: والله ما هسيبكم، إما وريتكم إنت وأهلك مبقاش أنا فاروق!

أما (بنان)، عندما سمعت بزواح (حمزة)، ذهبت مسرعة إلى حجرتها: بقي

كده يا حمزة، دي آخرتها، والله لأوريكم كلكم يا اولاد البنهاوي، تاكلونا لحم

وترمونا عظم، زي ما مصيتوا دم أبويا، والآخر صبرت على أمل أتجوز حمزة

وأورث، وفي الآخر تيجي جربوعة من الشارع تاخذ الجمل بما حمل، ماشي، أنا

وإنتم والزمن طويل.

أما (ناهد)، فنزلت إلى أخيها: إيه اللي عملته ده؟! تخلي الجربوعة دي وسطينا!

(ظافر): أmaal أسيبها لوحدها تبهدل كل اللي عملناه في السنين اللي فاتت،

لازم تبقى تحت عيني، ناسية الشركة، عشان حد يضحك عليها ولا تبيعها

بدون علمنا، ده أنا صفيت شركتي وهتنضم للشركة دي لأنهم في الأصل الشركة

نفسها بس فروع منها، والآخر أسيبها لعيل طايش يضحك عليها ويبيعها شقا

عمرنا، ولا لأخوها اللي بيشر بـانجو ده يضيعها.
(ناهد) بتفهم: عندك حق.

وقام (نادر) ليُرَبِّت على كتف (ظافر): معاك حق يا ظافر في كل اللي عملته، ولو احتجت حاجة أنا موجود، يلا يا ناهد عشان ورايا شغل بكرة.
(ناهد): مش عاوز حاجة يا ظافر؟
(ظافر): لا حبييتي، بالسلامة إنت.

ودخل مكتبه، فجلس على كرسيه وأرجع ظهره ورأسه إلى الخلف، وخلل أصابعه في خصلات شعره: أنا إيه اللي بيحصل لي ده؟! ما كنت عايش في ألمانيا ملك، فجأة الدنيا تتهد فوق دماغي كلها!
ليأتية اتصال من (بهاء): تم التحويل يا باشا، عشان تبقي واثق فيا، ومن غير ما آخذ ورق الضد، لأنني واثق فيك، مش زيك.
(ظافر) يضحك: وأنا واثق فيك فوق ما تتصور، ومتأكد من كده، وعشان كده هتلاقي الورق باسمك في خزنه في البنك.

(بهاء) باستغراب: بجد! يعني الورق معايا من الأول! ربنا يديم المعروف بينا يا صاحبي، وعلى فكرة، مراتك كانت بتسأل عن ثروتك، وعرفت إنك بعت كل حاجة، كانت جاية هي وقريبها اللي اسمه...
(ظافر) بسرعة: إلياس.

(بهاء) وقد تذكر: آه، هو ده، واد طري كده.
(ظافر) يضحك: تشربه، لو رفعت طلاق خلص الإجراءات.
(بهاء) بتفهم: أكيد طبعًا.

وأغلق معه الخط، ليرجع بظهره مرة أخرى، ثم استدعى الدادة لتذهب وتنادي (ظلال).

فذهبت إليها الدادة ودقت الباب، لتأذن لها بالدخول.
الدادة: ظافر بيه عاوزك يا ابنتي.

فانتفضت: عاوزني أنا! فين وليه؟!

الدادة: في المكتب تحت، متأخريش.

وتركتها، لتسير (ظلال) ذهابًا وإيابًا في الغرفة وتنظر إلى ابنها النائم: يا ترى

عمك عاوزني في إيه؟!
ونزلت بسرعة، لتدق الباب، فأذن لها بصوته الجهوري: ادخلي.
فدخلت على استحياء خافضة رأسها: أفندم.
فلم يُقِم وجهه عن الأوراق التي أمامه: اقعدي.
فنظرت إليه: أفندم.
فنظر إليها: قلت اقعدي، مبتسمعيش.
فجلست على الفور على أقرب مقعد.
يا ترى، ماذا تخبئ الأيام لـ(ظلال)؟ وكيف ستكون إقامتها في الفيلا؟

(٢٤)

قام (ظافر) بطوله الفارع وعدل من هندامه، واتجه إلى المقعد الذي أمامها، وهي قلبها يكاد ينخلع من بين الضلوع أو يقف تمامًا كلما اقترب منها، جلس في مواجهتها ثم فتح ساقيه، وبحركة فجائية جذب مقعدها وأصبحت ساقاها بين ساقيه، فشهقت كرد فعل لما فعله حتى كادت تفقد النطق وينخلع قلبها.

(ظافر) مهدئًا إياها: متخافيش، طبعًا أنا ماقصدتش اللي حصل في الشقة لأني مكنتش أعرف الحقيقة، وكنت مفكر... وتلعثم: طبعًا إنت فاهمة كلامي.

وهي في نفسها: إنسان متعجرف متكبر، مستكبر يقول لي آسف ويعتذر عن عمله السودا فيا.

فأحس (ظافر) أنها سارحة ولا تعبا بكلامه أو تعيره أدنى اهتمام، فتعصب وخبط على المكتب بيده بقوة: هو أنا مش بأتكلم! لتستفيق وتعود من حديث النفس وتشهق: هااااا آه، معاك فاهمة، خلاص حصل خير.

(ظافر) بضيق: المهم، البيت ده بيتك وبيت ابنك، وهو أمانة في رقبتي، ولو حد بس عمل حاجة تقولي لي فورًا. فأومأت برأسها بتفهم، ثم استطردت: بس أنا مش عاوزة أقعد هنا، رجعي شقتي.

فتعصب (ظافر)، ليجز على أسنانه: وأنا قلت مفيش خروج من باب الفيلا دي إلا على قبرك.

فجحظت عيناها: ازاي يعني؟! وكليتي!

(ظافر) بعدم اهتمام: متلزمينيش.

(ظلال) وكادت تبكي: بس حمزة وعدني إني هكمل تعليمي.

فأغمض عينيه: خلاص سيبيني أفكر في الموضوع.

فاستطردت: أرجوك، متحرمنيش من كليتي.

فالتفت إليها واقترب من أذنها حتى أدخلها قربه: قلت هفكر في الموضوع، متبقيش لحوحة.

فحاولت الابتعاد بإسناد ظهرها على المقعد وهي تومئ برأسها واستطردت: طيب، ممكن طلب بسيط؟ (ظافر) وقد أعيته طلباتها الكثيرة: اتفضلي.

فأجابته: أنا مش معايا ملابس هنا، وكل لبسي سييته في شقتي ساعة... فقطاعها: فاهم، خلاص بكرة ناهد تاخدك وتجييه، أو أنا هاخدك بنفسي أوديك تلمي هدومك وأرجعك تاني، عشان أضمن مش هتروحي هنا ولا هنا. فاغتاظت (ظلال): هو أنا مسجونة ولا إيه؟! إنت هتجسني! فقام (ظافر) بطوله الفارع أمامها، لترفع رأسها عاليًا وهو يجيها: حاجة زي كده.

فقامت أمامه وهي كالعصفور، فهي قصيرة، وكان (حمزة) بالنسبة إليها أطول بعض الشيء، أما هذا فأطول بكثير، فأحست بقزامتها أمامه، ولكنها استجمعت شجاعته وباغتته بردًاها: ليه بقى إن شاء الله تجسني؟! بأي حق تجسوني هنا؟! لا قانون ولا أي حاجة تسمح بكده!

فزل إلى أذنها ليهمس بها: ده قانون ظافر البنهاوي، واللي يقوله يمشي على الكل، من الكبير للصغير، فاهمة! فعقدت يديها ولم تجبه.

فاعتدل بطوله ليقول بصرامة: أنا بقول فاهمة! لتجييه بفرع من حدته: فاهمة فاهمة. وكادت تجري من أمامه، ليجذب ذراعها قبل رحيلها، فنظرت إلى موضع يده، فلم يُبالِ بنظراتها.

واستطرد: بكرة تصحي بدري عشان أوصلك في سكتي وأرجعك قبل ما أروح الشغل.

فنظرت إليه: حاضر، أي أوامر تانية؟ فتركها وأعطاها ظهره وهو يرد دون اهتمام: لا خلاص، لما يبقى في أوامر تانية هبلغك بيها.

وتناولت منه بضيق وهي تنظر إليه، وهو ينظر إلى الجريدة الصباحية، فلاحظت تغير تعبيرات وجهه وهو يقرأ الأخبار، وفجأة انفرط ضاحكًا، فتعجبت من هذا المجنون الذي استطرد: عشان يحرم يقف قصادنا.

وطوى جريدته وقام يعدل من هندامه، وهي تنظر إليه: خلاص سموك أذنت لنا بالرحيل؟

(ظافر) ليزيد من حنقها: يلا كفاية عليك كده عشان متتخيش، مش كنتِ مش عاوزه تاكلي، نفسك اتفتحت دلوقت؟!!

لتنظر إليه باستغراب وتحمل وليدها: يلا يا ابني، ربنا يصبرنا على المجانين دول. وذهبت خلفه إلى السيارة، لتجد مقعدًا في الخلف مخصصًا للطفل، فوضعته وركبت بجانبه.

فاستشاط (ظافر) غضبًا: هو أنا الشوفير بتاع الهانم ولا إيه؟! ما تيجي هنا يا هانم!

فقامت مفزوعة من طريقته: أنا آسفة مأقصدش، بس خوفت إسلام يعيط. وانطلقت إلى المقعد المجاور له في هدوء حتى لا يستشيط من مجادلتها له كعادته.

ذهب بها إلى شقتها وفتح الباب ودخل، فدخلت وراءه ووقفت على الباب تنظر إلى حوائط هذا المنزل الذي كان يعج بالضحكات، إذ أصبح يكسوه الغبار وكأن قاطنوه هجروه منذ زمن بعيد وليست أشهر معدودات، وقد تحولت ضحكاته إلى أنين لفقدان أصحابها.

ليفزعها بصوته: ماتيلا يا هانم، وأنا هفضل مستنيك طول العمر؟! ما تخشي تخلصي، أنا مش فاضي لك، ورايا شغل.

لتنبته وتجري: حاضر حاضر.

فجذبها من ذراعها وهي تمر أمامه، فنظرت إليه: في حاجة؟

فأشار إلى (إسلام): هاتي حمزة الصغير لحد ما تخلصي.

فأعطته إياه، ليضحك (إسلام) لعمه بمجرد أن رآه، فهو يشبه (حمزة)، ولكن الفارق بينهما الطول، فقد شعر (إسلام) أنه بين يدي أبيه فضحك.

وبينما هي تنظر إلى (إسلام) وتسرح، أوقفها من غفلتها: ماتيلا خالصي.

فجرت من أمامه: حاضر هخلص أهو.
ثم جلس (ظافر) وهو ممسك بـ(حمزة) يداعب فيه ويقذفه وهو يضحك بصوت عال، فكانت فرحة بضحكاته؟

ثم استطرد (ظافر): إيه، غاوي لعب يا وريث! إنتَ ياد هتبقى وريث البنهاوي، عارف يعني إيه تورث إمبراطورية البنهاوي بعدي، يعني لازم تبقي قدها وقود، عشان كده لازم تكبر قدام عيني وتتعلم كل حاجة مني عشان متضيعش شقى السنين بتاع جدك وأبوك وعمك، أنا عارف إن أمك هتحاول تقسّيك عليا، بس بعد كده هتفهم بعمل ده كله ليه، مش ممكن أسيبك لأمك تربيك على مزاجها وتطلع واد طري تبوظ وتهد اللي بيناه، حتى لو طلعت بتكرهني ميهمينيش، بس لما هتكبر وتفهم هتشكرني بعد كده.

كانت تسمع كلامه وتقف ناظرةً إليهما وهو يحادثه، و(إسلام) يضحك.
ثم استطرد: إنتَ عارف، لولاك متعرفش كنت عملت إيه في أمك دي، إنتَ اللي وقفت بيني وبينها، أنا كنت ممكن أرميها من البلكونة على الكلام اللي قالتها، لولا نظرتك ليا.

وهي تجحظ عيناها وتعقد ذراعيها: إيه البني آدم ده! عمره ما يكمل كلمتين كويسين على بعض، يبوظهم تاني.

لينظر إليها فجأة فتتلعثم، وهو يباغتها: خلصتي؟
فأجابته بسرعة: خلاص قربت.

فاستغرب: أمال واقفة تعملي إيه؟! أنا مش فاضي لك!
ففزع (إسلام) وكاد يبكي فجرت عليه، ليبعدها عنه: روحي كملي، شوفتي عميلك! خليتي الولد يتفزع.

وأخذ يهدد فيه حتى ضحك مرة أخرى، وذهبت هي تضرب كفاً على كف: عميالي أنا برضه! والله راجل مجنون، أنا عملت إيه في دنيتي عشان يحصلي ده كله!

ثم انتهت مما تفعله وأحضرت شنطة كبيرة، لم تستطع حملها، فهي تكبرها وزناً.
فأخذها منها: خلاص كده خلصتي ولا في حاجة تاني؟
فردت عليه: لأ خلاص، ما تسيبني أنا وابني هنا.

فالتفت إليها: أظن احنا اتكلمنا في الموضوع ده قبل كده، مش عاوزين كلام كثير ورغي في الموضوع ده لأنه منتهي، يلا قدامي.

فأشارت إليه: طب هات إسلام عنك عشان الشنطة ثقيلة.

فرد بحدة: ملكيش دعوة.

وأخذ يتلفت: حطي إيدك في جيبي اليمين وهاتي المفتاح.

فنظرت إليه وفتحت ثغرها: هاااا!

فاستطرد بحدة: يلاااا! إنتِ هتبرقي لي.

فوضعت يدها لتخرج المفاتيح: هي دي؟

فأجاب بالنفي: لا دي بتاعة العربية، خليها معاك، شو في الشمال.

فلم تجد شيئاً، فاستغرب لتتلفت فتجدها على الفوتيه الذي كان جالساً عليه، فتناولتها: يظهر وقعت منك وإنّ قاعد.

فأوماً برأسه: يلا اقفلي وحطيتها في جيبي تاني.

ففعلت ذلك وانطلقت خلفه، لتلتوي ساقها وكادت تقع، ليرمي بالحقيبة من يده ويلقفها بيده، فأصبحت هي على ذراع وابنها على الأخرى، لتشهق من سرعة ما حدث وتخجل، وتخفض عينيها التي ظل ينظر إليها.

ثم أنزلها: إنتِ كويسة؟

فردت بخجل: ااه، آسفة جداً، رجلي اتجزعت.

فنظر إلى قدميها: طيب عارفة تمشي؟

فحاولت المشي، وردت عليه بالإيجاب، فنظر إليها: أمال لو شايلة الشنطة ولا إسلام، يلا يلا!

فاستشاطت منه: يلا!

وتقدمته ونزلت وهي تزيحه من طريقها، ليرتفع حاجبه: لا والله! خدتي حبوب الشجاعة، الله يرحم! لولا دراعي كان زمانك في الجبس دلوقت.

فنظرت إليه: احنا هنمشي ولا لأ؟!

فنزّل وتناول الشنطة التي وقعت من يده: يلا يا هانم.

يا ترى، ماذا سيحدث في هذه العائلة؟

(٢٥)

ركب سيارته وهي بجانبه و(إسلام) في مقعده الخلفي، وهي عاقدة ذراعيها وقد شفتيها تارة وتقضم عليها تارة أخرى، وهو لاحظ ذلك، فأوقف السيارة على جانب الطريق.

لتنظر إليه: إنتِ بتركن هنا ليه؟

نظر إليها وبصوت عال: إنتِ إيه اللي مضايقتك دلوقت ومكشرة وقالبة بوزك شبرين ليه؟!

(ظلال) وقد أخذت حبوب الشجاعه كعادتها: عشان زهقت وقرفت من معاملتك، كل حاجة تسخر مني وتتريق عليا وبتعاملني زي ما أكون أسيرة أو مسجونة عندك، كل خطوة بحساب، ومينفعش أمشي غير بإذنك ومعاك، وكل حاجة أعملها تشخط فيا ومش عاجباك، وتقطمني وأقعد أبرر وأتأسف إني ماقصدش.

وأخذت تبكي: أنا مش طايقة العيشة دي، مش عاوزة فلوسكم دي خلاص، روحي عند أمي، عاوزة أروح لماما، عاوزة أروح لماما.

لينظر إليها: هو أنا واحد بنت أختي من الحضانة وهرجعها لمامتها! ما تكبري شوية وبلاش حركات الأطفال دي، إنتِ بقيتي ست وعندك طفل أهو وكلك أنوثة ما شاء الله، يبقى نكبر ونعقل وبلاش خيابة وعبط. فنظرت إليه والدموع تكسوها: أنا عبيطة.

فقاد دون رد وهي ما زالت تنظر إليه، لتعقد ساعديها مرة أخرى وما زالت الدموع تكسوها، ليصل إلى الفيلا، فنزلت وأخذت ولدها، وحين التفت وجدته أمامها وعلى مقربة كبيرة منها، حمل الشنطة ووضعها بجانبه ليقبل (إسلام) قبل أن يعود إلى العمل، وهي حاولت تنحية وجهها عنه، فمسح بإصبعه الدموع المتساقطة على خديها، فجزعت لفعلته ولم تكن تتوقعها، وهو أيضاً، وكأنه استفاق بعدها، فأبعد يده وتعامل بجديّة: خلاص بقى بطلي عياط، أنا ماشي، عاوزة حاجة؟

فردت عليه بضيق: متشكرة.

ونادى على الحارس ليدخل الحقيبة، ثم دخلت (ظلال) ووجدت (ناهد) و(نادر)، فأخذت (ناهد) (إسلام) منها لتقبله وتهدهده: حبيبي إنت يا ابن أغلى الناس على قلوبنا.

فالجميع لولا (إسلام) الذي يشعرون أنه عوض عن أبيه لكان تعاملهم معها غير ذلك.

(ناهد) موجهة حديثها إلى (ظلال): أمال فين ظافر؟

لترد عليها بسرعة: راح الشغل.

(ناهد) بلطف: طيب تعالي معايا نشترى حاجات ليك عشان مش عاجبني طريقة لبسك.

(ظلال) بضيق: لأ شكرًا، ثم أنا جبت الملابس بتاعتي من شقتي خلاص، وأصلًا ظافر بيه مش هيخليني أخرج، لأنني مسجونة هنا ومبطلعش غير بأوامره.

(ناهد): متخافيش، هو أصلًا اللي كان مديني الفيزا امبارح وقال لي أروح معاك أجيب لك ملابس.

فنظرت إليها: بس أنا لما طلبت منه أجيب هدومي من الشقة مقالش حاجة وخذني جابها لي.

(ناهد) بتعجب: معرفش، يمكن محبش يقول لك لأ عشان متزعليش، يلا بقى غيري الهدوم دي وخذني إسلام غيري له ويلا بينا.

(نادر): طيب أنا هروح عشان تعبان، واستأذنت من الشغل أرتاح، لولا إنت اللي أصريتني أجيبك هنا.

(ناهد) بتفهم: لا يا حبيبي، اطلع ريح في حجرتي على ما نيحي، ونروح سوا بدل ما تتعب وتروح لوحك.

فاستجاب لها وصعد إلى حجرتها، وانطلقت (ظلال) وابنها إلى غرفتهما وبدلت ملابسها هي ووليدها ثم انطلقت على الفور إلى (ناهد).

أما (أشجان) فنائمة بغرفتها، و(بنان) تتابع ما يحدث، وبمجرد خروج الجميع، دخلت (بنان) لتأخذ شاور وخرجت قبل أن تكمل متدثرة بمنشفة تغطي الصدر إلى نصف الفخذ وشعرها مبلل، ثم ذهبت إلى الغرفة التي بها (نادر)، وحينما

دخلت تصنعت المفاجأة، وهو ذهل من منظرها.

(نادر): في إيه يا بنان؟

(بنان) بخضة مصطنعة: إنتَ هنا يا نادر! فكرت مفيش حد في الحجره، أصل كنت باخد شاور والميّه معرفش حصل فيها إيه، فقلت أكمل هنا لأن أشجان نايمة وخفت أصحياها، بس خلاص بقى، أرجع وأمري لله. والتفتت لتفتح الباب، لينطلق إليها ويغلقه: طب هتمشي ليه، ما تدخلي، يعني هتفضلي عليكِ صابون كده!
فتلعثمت: بس...

فباغتها: لا بس ولا حاجة، خشي كملي الشاور بتاعك. وفعلاً، انطلقت إلى الحمام وقد بدأت مخططها، وأنهت حمامها سريعاً وخرجت تنشف شعرها وهي تضع حولها منشفتها كما كانت وتنفض شعرها في الهواء من الماء، وبعد أن مشطت شعرها، كان هو يتفحصها بنظراته، فحاولت أن تستأذن لتخرج.

ليقول لها: ما تخليكِ شوية، مستعجلة ليه؟

(بنان) بخوف: لحسن حد يشوفنا ويفهم غلط.

(نادر) بإطمئنان: محدش هنا، ظافر وظلال وناهد بره.

فجرت على الباب: بس أشجان نايمة، لتصحى تدور عليا وتلاقينا، بعدين ناهد تزعل وتفكر في حاجة بينا.

وجرت وأغلقت الباب خلفها، وهو يتأفف ويخلع قميصه: يخربيت كده! ده أنا اللي عاوز دش متلج بعد النار اللي أنا فيها دي!

ثم ألقى بنفسه على الفراش، وعقد ساعديه خلف رأسه وهو يحملق في السقف ويفكر: بت صاروخ.

حتى غلبه النوم وهو على هذه الحال.

عاد (ظافر) وجلس بمكتبه، وأيضاً (ناهد) و(ظلال).

استطردت (ناهد): طلعي حاجتك وقسيها براحتك بقى وحطيتها في دولابك على ما أشوف ظافر.

وبالفعل، صعدت (ظلال) إلى حجرتها، و(ناهد) ذهبت إلى غرفة (ظافر).

فنظر إليها: إيه، انبسطتوا وعملتوا شوبنج؟
(ناهد) تقبله: ميرسي يا ظافر، آه حبيبي، اشتريت ليا شوية حاجات تجنن
وحاجات لظلال، ربنا يخليك لينا.
ويتلعثم وتردد: بس...

(ظافر) وقد انتبه واعتدل بجلسته: في إيه؟ محتاجة حاجة؟ أوَمري، دي
فلوسك قبل ما تبقى فلوسي، واللي عاوزاه أطليه فوراً يكون بين إيديك.
(ناهد) بسرعة: لا يا حبيبي، خيرك مغرقني، وعارفة كل اللي بتقوله، بس
عاوزة أكلمك في حاجة مهمة.

فاعتدل لها أكثر: طب اقعدني.
فحاولت أن تبدأ الكلام، ولكنه وقف في حلقتها.
فتعصب: في إيه يا ناهد؟ ما تقولي قلقتي، نادر عمك حاجة؟ وأنا أطلع لك
عين أمه.

فالتفتت له: لا لا طبعاً، ده موضوع تاني خالص.

(ظافر) بضيق: طب قولي وخلصيني.

فاستجمعت شجاعتهما: ظلال!

فانتبه لها: مالها؟ فيها حاجة؟

(ناهد) وقد أحست بتخوفه: ومالك اتخضيت كده ليه؟!

(ظافر) بتلعثم: أبداً، بس استغربت في إيه، ما هي كانت كويسة الصبح.

(ناهد) بابتسامة: متقلقش كويسة.

(ظافر) بضيق وبدأ يتأفف: أمال في إيه؟ ما تخلصي، تعبتي أعصابي.

(ناهد) بجدية: لازم تتجوز ظلال، هي عدتها خلصت أعتقد، فين من وفاة

حمزة وفضلت عند والدتها فترة طويلة على ما تعمل إعلام الوراثة وبت هنا،

أعتقد وفت عدتها ومن حقها تتجوز أو قربت تخلص.

فاستفاق من تأثير الصدمة ووقع الخبر عليه: إنت اتجننتي يا ناهد! ازاي تفكري

في حاجة زي كده؟! دي طفلة! مش ملاحظة الفرق بينا في السن وفي كل شيء،

اختلاف بين السما والأرض، أنا عمري ما تخيلت تفكيرك يوصل لكده، أتجوز

مرات حمزة يا ناهد، حمزة! أنام في فرشته ومع مراته! إنت أكيد جرا في مخك

حاجة!

فوقفت (ناهد) أمامه: ده أنا أبقي مجنونة لو مفكرتش في كده، ثم حمزة مات، ودي أرملة، مش مراته، والحي أبقي من الميت، ولما تجيب لنا صايع من الشارع تجوزه وياخد شقى السنين، يبقى إيه الحال؟!

فانتبه (ظافر): تتجوز! ده أنا كنت قتلتها وقتلتها، هي فكرها سايبه!

(ناهد) بتعجب: أمال هتعيش طول العمر أرملة؟! دي ١٩ سنة ولا ٢٠، لسه في أولى جامعة، يا دوب خلصت تيرم واحد وفي أجازة نص السنة أهى.
(ظافر): هي فعلاً كلمتني تروح الجامعة، وقلت لها هفكر، لأنني خايف من الجامعات وحد يلعب في دماغها.

(ناهد) وقد وصلت إلى مرادها: أهوووو شوفت، إنت نفسك فكرت في كده.
(ظافر): ااا، بس أنا فكرت مأوديهاش الجامعة أصلاً.

(ناهد) بتعقل: بص يا ظافر، أقعد حبيبي، احنا مش من حقنا نسجنها ونعمل ده كله، ممكن تطفش وتتجوز وتيجي لنا بجوزها.
فتعصب وقام: ده أنا أقتلها لو عملت كده.

(ناهد): ليه؟! هي مش بتعمل حرام، ثم احنا مالنا، هي كانت مرات أخونا ومات، نحجر عليها ليه، من حقها تتجوز، صغيرة وحلوة ومعها فلوس وألف من يتمانها، صيدة سهلة لأي حد عشان تخرج من السجن اللي فرضته عليها.
(ظافر): يعني أعمل إيه أكثر من اللي بعمله، كل حاجة والمسئوليات كلها فوق دماغي وكمان هعمل مراقبة على الست هانم!

(ناهد) وقد اطمأنت أن لحديثها تأثيراً: هي حتة ورقة هتربطها بيك طول العمر، وكل حاجة تبقى في إيدك، حتى وصاية إسلام، ونضمن متهربش وتتجوز.

(ظافر) بتعجب: ازاي يعني، ما هي هترفض، لو مش عشان أخو جوزها، عشان فرق السن وحاجات كثير بينا مختلفة.

(ناهد): ملكش دعوة، أنا ليا أسلوبي، بس إنت فكر في الموضوع وأنا هكلمها، مش بعد ما أقنعها تقولي لأ.

(ظافر) بتأكيد: عمرها ما هتقتنع، دي مبتقنيش أصلاً.

(ناهد) بثقة: هنشوف.

وانطلقت إلى (ظلال) وهي ترتدي ملابسها، فقرعت الباب واستأذنت ودخلت، لتفزع (ظلال) وتستتر نفسها.

(ناهد): متخافيش، احنا بنات زي بعض، ما شاء الله عليك، له حق حمزة يتدب على بوزه.

فابتسمت (ظلال) وتذكرت (حمزة)، وجلست على طرف فراشها بقميصها وسرحت: حمزة! ده كان حنية الدنيا فيه.

وأغمضت عينيها: ربنا يرحمه ويسامحه على اللي عمله فيا.

فتداركت (ناهد) الحديث: عمل إيه؟! إنت كنتِ تحلمي بالعز ده وعندك طفل جميل زي ده!

فتنهدت (ظلال): وأرملة بطفل وأنا لسه هكمل العشرين، الحمد لله على كل حال.

(ناهد): مش يمكن حمزة كان بوابتك عشان تخشى لعالم أفضل.

(ظلال) وقد فهمت قصدها: الحياة مش كلها فلوس.

(ناهد): طيب شوفي بقى يا ظلال...

يا ترى، ماذا ستقول لها (ناهد)؟ وهل ستفنعها أم ستهرب (ظلال) منهم أم ماذا ستفعل؟

(٢٦)

(ناهد) وقد حاولت استمالة (ظلال) إليها والوثوق بها، فأثرت أن نقص عليها قصتها أملاً في استمالتها وتوثيق علاقتهما وكأنها صديقته وتريد مصلحتها.

فاستطردت قائلة: أنا دلوقت قربت على ٣٧ سنة ونادر ٣٨ سنة، فرق بينا بسيط، صح؟

فأومأت (ظلال) برأسها: فعلاً، إنتم كنتوا زمايل في الكلية ولا قرايب؟ على فكرة حمزة مجابليش سيرة حد غير ظافر ووالده بس، وإن ظافر مهاجر وأخذ والده معاه، وعشان كده بابا وافق، يعني أهلي مفرطوش فيا زي ما إنتم متخيلين، حمزة هو اللي كذب علينا، وأنا أحياناً أقول مش مسامحاه على اللي عمله فيا وكذبه عليا وعليكم، ووصلنا للحال ده، وشوية لما بشوف ظافر وطريقته، أقول معاه حق، لما أخوه كده أmaal والده كان ازاي، وهو لولا بيحبني مكانش عمل كده، بس دماغني هتنفجر من التفكير، مش فاهمة ده كان حب بيننا ولا خاف يخسرني وقال نزوة وأسببها بعد كده، ولا من شاف ولا من دري، هتجنن يا أبله ناهد، هتجنن!

فأخذتها في حضنها وربتت على كتفها: حمزة مش كده أبداً، أكيد حبك وخاف يخسرك، لأن والده لا يمكن كان يوافق، وكان مصمم يجوزه...

ثم تداركت كلامها: المهم، أحكي لك بقى، أنا ونادر...

فانتبهت (ظلال) ومسحت دموعها، فاستطردت (ناهد): احنا كنا زمايل في كلية واحدة، كان سابقني بسنة، وكان والده راجل غلبان، بس صديق والدي جداً من أيام الطفولة، وكان على طول بييجي عندنا هو ونادر ويسهر مع بابا، وهو اللي كان يخرج من أي ضيق فيه، وبابا كان يحبه أكثر من أخ، المهم مش عاوزه أطول عليك، كان نادر بييجي عشان يشرح لي اللي مش فاهماه، مأكذبش عليك حبيته، وارتبطنا ببعض جداً، حتى بعد ما اتخرج بابا اتوسط له واتعين في شركة كويسة، وكان برضه بيفضي نفسه وييجي يشرح لي، وكانت حجة الصراحة.

وضحكت، وأيضاً ابتسمت (ظلال): المهم، اتخرجنا وجه اتقدم لي، طبعاً والدي

لتجيبها: يعني لازم تتجوزي ظافر، مفيش غيره ينفع ياخذ باله منك إنتِ وإسلام ويبقى أب له.

فجحظت عينها: أكيد لأ، ده لو آخر راجل في الدنيا لا يمكن أوافق.
وكان (ظافر) يمر في هذا الوقت لحجرته وسمع كلامها، فذهب إلى حجرته بيدل ثيابه.

أما (ناهد) فاستطردت: شوفي بقى، هي حته ورقة عشان حريرتك إنتِ.
(ظلال) بأسى: يعني ورقة تقييدي هي ورقة حريرتي، طب ازاي؟!
(ناهد) وقد وصلت إلى مرادها: شوفي بقى، إنتِ عاوزة تكلمي تعليمك
وعاوزة تنزلي براحتك بدل حبستك دي.

(ظلال) بضيق: يعني إيه؟! هو مش عاوزني أكمل تعليمي؟
فأجابتها (ناهد): ده في حالة رفضك الجواز منه.

(ظلال) بتأفف: ده حرام وظلم! أنا ممكن أروح عند ماما، لكن أنا اللي
عاوزة إسلام يتربى بين أهل أبوه لأنكم هتبقوا أحسن مني، خصوصاً إن والدي
تعبان وراقد وأمي مش فاضية، فمش هلاقي حد معايا يربيه، فمتستغلوش
ظروفي وتضغطوا عليا.

(ناهد) بضيق: وإنِ هتلاقي أحسن من ظافر، ده بنات البلد يتمنوا نظرة
منه، ده ماسك إمبراطورية البنهاوي كلها، أنا قلت لك اللي عندي، وعقلك في
راسك تعرفي خلاصك، وهسيبك تفكري.

وخرجت وأغلقت الباب على (ظلال)، لتجد حجرة (ظافر) مضاءة، فدخلت
ووجدته يخلع قميصه بضيق ويلقيه على الأرض.

(ناهد): مالك يا ظافر؟ متضايق كده ليه؟
(ظافر) بعصبية: مش عاوزها، قولي لها الهانم اللي بتتشرط علينا إن ظافر
هو اللي مش عاوزك، مش هتتأمر علينا، وهتمشي زي الجزمة زي ما أنا عاوز،
وأوامري هتتنفذ غصب عن عين أبوها.

فحاولت (ناهد) تهدئته: اهدا بس حبيبي، في إيه لده كله؟!
فأوقفها بإشارة من يده: ناهد أنا مش عاوز محايلة عليها، الموضوع منتهي
بالنسبة ليا خلاص، وقولي لها ظافر رفضك.

(ناهد) بغیظ: وبعدين معاكم بقى، هو أنا بدادي في أطفال! الموضوع ده هيتم غصب عنك وعنهما، واللي مش عاجبه يشرب من البحر، أنا قلتها كلمة، مش هتدمروا بلعب العيال ده إمبراطورية البنهاوي.

(ظافر) ولأول مرة (ناهد) يعلو صوتها ويشعر أنها الكبيرة حقًا: يعني إنت مش شوفتي كلامها، أنا سمعته وأنا معدي على فكرة، عاوزاني أقبل بعد الكلام ده؟!

(ناهد) وهي ترقق قلبه: عيلة صغيرة مش فاهمة حاجة، ومع شوية حنية هتبقى زي العجينة في صباكك تشكلها.

(ظافر) وقد شعر أن (ناهد) عاقدة العزم ولن يثنيها كلامه: اعملي اللي عاوزاه، روعي اتجوزيها إنت. وأولاها ظهره.

(ناهد) وهي تغيظه: أبوه، هعمل اللي أنا عاوزاه. التفت لها فأدارت ظهرها له وانصرفت، وذهبت إلى زوجها توقظه من النوم، فجلست على طرف الفراش، ليفزع ويلتفت حوله، ويقول بفزع: ناهد، إنت جيتي؟

فردت بقلق عليه: آه حبيبي جيت، مالك؟ كنت بتحلم حلم وحش ولا إيه؟ فانتبه: لا أبدًا، يلا بينا.

لكنها انتبهت إلى هندامه وقميصه المفتوح: كده تفتح قميصك وتنام قدام التكييف، كده هتاخذ برد!

فنظر إليها: يعني خايفة عليا بجد؟!

فنطرت إليه: أكيد، وإنت عندك شك في كده؟

فحاد ببصره إلى الاتجاه الآخر: فكرت إني بقيت آخر اهتماماتك، كان أبوك وهو عيان، ودلوقت مشاكل البيت هنا، وأنا آخر واحد بتفكري فيه.

(ناهد) بحزن: أنا عارفة حبيبي إني مقصرة، بس فترة وتعدي، وأول أما تستقر الأمور هبقى أنا وإنت بس.

(نادر) في نفسه: يا عالم هتلاقيني ساعتها ولا لأ.

أحيانًا، المرأة تنشغل عن بيتها وزوجها، ولكن حب الأنا للرجل هو الذي يسيطر

عليه دائماً، فإن لم يكن محور اهتمام زوجته يحيد عنها ويبدأ في رحلة بحث عن الاهتمام مع أخرى، فلا تهمل بيتك في سبيل أي شيء، اجعلي له الأولوية دائماً. وارجع إلى مخطط ناهد.

ماذا سيحدث؟ هل ستنفذ (ناهد) كلامها ويستجيب (ظافر) و(ظلال) لها أم سيقيا به عرض الحائط ولن يستجيبا لها؟

(٢٧)

رجعت (ناهد) مع زوجها إلى بيتها.

وكانت تريه ما اشترته: إيه رأيك في ده وده؟ أقيسه؟ تحب تشوفه عليا؟ فأوقفها بإشارة منه: ملوش لزوم، أنا تعبان وداخل أرتاح.

فجرت عليه تجسه: إنت سخن ولا حاجة؟ تكون خدت برد من التكييف! قلت لك متنامش عريان قدامه.

فرد بضيق: خلاص يا ناهد مفيش حاجة، مش عيل صغير أنا، أنا مرهق شوية وعاوز أرتاح.

أحياناً يشعر الرجل في مراحل من العمر بمراهقة متأخرة، فلا يعرف كيف يتحكم بمشاعره كالمرهق، وينسى عشرة عمره وسنينه الماضية، ويضحى بحب عمره مقابل نزوة من الممكن أن تطيح بكل ما هو غالٍ ونفيس.

أما (ظافر)، فكاد يغلي بحجرتة، وكان يسير ذهاباً وإياباً فيها، ثم يجلس، ثم ما يلبث أن ينهض: هي مفكرة نفسها إيه!

وذهب يدق بابها، لتأذن له بالدخول، ووجدها تجهز حقيبتها.

فنظر إلى الحقيبة ثم إليها: بتعملي إيه؟

فنظرت إلى موضع الحقيبة: ماشية، بدل ما بتبيعوا وتشتروا فيا.

فجذبها من يدها بقوة: إنت مفكراها وكالة من غير بواب! ده هموتك إنك تخرجي من هنا، عاوزة تمشي ببقى لوحذك، وتنسي إن ليك ابن.

فنظرت إليه والدموع تتدفق من عينيها من تأثير قبضته وكلامه في آنٍ واحد، فنظر بعيون الصقر إليها: زي ما فهمتي كلامي، مش عاوز توضيح، يا تفضلي هنا

مع ابنك سجينة حبيسة، يا تمشي لوحذك.

فاستطردت: وكليتي؟

(ظافر) بغضب: مفيش كلية.

فنظرت إليه بضيق: يعني هو يا أتجوزك يا تعمل كده؟!

فازداد غضبه: ومين قال لك إني عاوز أتجوزك أصلاً! إنت مين أصلاً عشان أفكر

مجرد تفكير إني أتجوزك، إنتِ مفكرة نفسك حاجة؟! إنتِ بالنسبة ليا مجرد حشرة أفعضها برجلي، لولا إني مراعي إنك كنتِ مرات حمزة ومعرفش جابك منين، ولولا ابن أخويا ده اللي مصبرني عليكِ. فاغتاظت منه أكثر: إيه اللي جابني منين دي! مفكر جابني من الشارع؟! أنا من بيت محترم!

فابتسم بسخرية: آه محترم قلتِ لي يا حلوة! والمحترم بيرموا عيالهم لأي حد كده؟! شوفي يا شاطرة إنتِ مين وبتكلمي مين. فردت بغضب: إنتِ ولا حاجة، مجرد كيس فلوس مليون نافش ريشه لما هيطق. فضربها كفاً أوقعها أرضاً: أنا هوريكِ كيس الفلوس ده هيعمل فيكِ إيه. وانطلق إلى الحرس: محدش يدخل أو يخرج غير بإذني، إنتم فاهمين! ولو حد خرج، وخصوصاً مرات المرحوم حمزة، هقتلكم! فالجميع رد بخوف: حاضر يا فندم، أوامرك، مفيش غلطة هتطلع أو تخرج إلا بإذنك.

فنظر إليهم: أما أشوف، واللي هيخالف أوامري مش هرحمه. أما (ظلال)، فتناولت الهاتف لتكلم (ناهد) بانهيبار: شوفتي يا أبله أخوكِ واللي عمله، ضربني وحابسني وهددني! عاوزاني أتجوزه، ده ميتعاشرش! (ناهد) بتأفف: طب اهدي حبيبتني، هو أصله سمع كلامك وهو معدي وكان شايط، معلش اعذريه، هو مضغوط جدًّا اليومين دول وعليه حمل جبال، الدنيا كلها فوق دماغه بعد ما كان مرتاح من كل ده، فلازم نساعد حبيبتني ومنبقاش عبء عليه، وكله لمصلحة ابنك، فكري فيه، وإنتِ عارفة عمه بيموت فيه ازاي، محدش هيحبه قده.

(ظلال) ببكاء: ده ضربني يا أبله!

(ناهد) وقد هرب منها الكلام: معلش، امسحها فيا واعذريه، واللله ظافر حنين جدًّا، بس عصبي جدًّا ومبيسيطرش على نفسه، وكلامك ضايقه، وأنا قلت لك فكري كويس، لو اتجوزتِ ظافر ده، هيتغير ١٨٠ درجة، صدقيني، وتعامله معاكِ هيتغير، وهتروحي كليتك، وبكرة تقولي ناهد قالت، يلا اغسلي وشك ومتزعليش، وأنا جاية بكرة.

وأغلقت.

لتجد (نادر) يتحول لها: خير، مش هنخلص من مشاكل العيلة دي؟! (ناهد) بحب: هانت يا حبيبي، لو يطاوعوني بس هتنتهي كل مشاكلهم، وأنا عارفة كده كويس ومتأكدة.

في اليوم التالي، نزل (ظافر) للفقور، وجاءت (ظلال) لتفطر هي الأخرى ومعها (إسلام) ليراه عمه قبل أن يذهب إلى عمله، فأخذ منها (إسلام) يداعبه. ودون أن ينظر إليها: جهزي نفسك، عشان يومين كده وهبلغك نروح ثمضي عقود الشراكة في الشركة، بس على ما نجهز كل شيء.

فنزرت إليه: حاضر، أوامرك يا ظافر بيه.

لينظر إليها بغیظ: أكيد طبعاً أوامري، أمال أوامر مين.

ونفض ليذهب، ولكن مال على أذنها: أي تهور مش هتتحمل العواقب.

فنزرت إليه وأخذت ولدها وانطلقت إلى حجرتها، فاتصلت بأخيها.

(فاروق) بلهفة: ظلال، عاملة إيه؟

فردت عليه بأسى: الحمد لله كويسة، المهم إنتَ وماما وبابا؟ معلش مش عارفة آجي الیومين دول.

(فاروق) بتفهم: حابسك برضه؟ تحبي أبلغ البوليس وآجي آخذك؟ أو أجب شوية بلطجية وأجيبك بالقوة؟

فأسرعت (ظلال) خوفاً على أخيها: لأ طبعاً، حابسيني إيه، أنا بس مشغولة شوية، ممكن رقم أستاذ كمال؟ لأنه كان معاك الرقم وأنا موبايلي كان في الشقة وجبته معايا.

(فاروق) بتفهم: فعلاً كنت برن عليكِ مقفول، أنا استغربت لما رنيتي لأني عارف إنك نسيتيه في شقتك.

(ظلال): ما أنا روح الشقة جبته وجبت هدومي وهدوم إسلام.

(فاروق): يعني بتنزلي، مش حابسينك ولا حاجة، وبيعاملوك كويس؟

فأكدت (ظلال) على أخيها: آه يا حبيبي، اطمن وطمن ماما.

وأخذت رقم (كمال) منه، ثم اتصلت على الفور به: أنا آسفة يا أستاذ كمال،

بس إنتَ المحامي بتاعي ومليش غيرك أثق فيه، ظافر قال لي إن في عقد شراكة بيعمله وأنا همضي عليه، وأنا مش فاهمة حاجة وخايفة.
 (كمال) مطمئناً إياها: متقلقيش من حاجة، أنا معاك، ويومها هكون قبلك مستتيك، لأنني المحامي بتاعك وبتاع الشركة، وفعلًا بيتعمل العقد، ومتقلقيش، ظافر في الموضوع ده حقاني ومش هياكل حقك ولا حق ابنك، وأنا متابع، متخافيش وثقي فيا.
 (ظلال): ربنا يخليك، وآسفة ملقيتش غيرك ألجأ له، لأن حمزة الله يرحمه كان بيتق فيك، حتى عرفك إنتَ جوازته ومعرفش أخوه.
 (كمال): وأنا قد الثقة دي، وهكون عند حسن ظنك بيا.
 فاطمأنت لكلامه وأن لها شخصاً أميناً ذا ثقةٍ تعتمد عليه وسط المجهول الذي تعيشه.

أما عند (إسراء)، دخل (أحمد) من عمله ووجدها مهمومة.
 (أحمد) بقلق: مالك؟ الواد جراه حاجة؟
 (إسراء): لأ بخير، أنا بس زعلانة على حال أختي، لا بنشوفها ولا بنعرف أخبارها، كنا بنحسدها ونقول بيضالها في القفص ووقعت واقفة، الحال اتبدلت معها، لسه طفلة ومعها طفل وأرملة، وكمان الله أعلم بيعملوا فيها إيه، ودول واصلين وإيدهم طائلة، احنا مش قدهم.
 (أحمد) يأخذ برأسها: دوام الحال من المحال، والله أعلم، مش يمكن ده الخير لها واحنا مش عارفين، وعسى أن تكرهوا شيئاً، صح ولا لأ؟!
 فنظرت إليه: صح، معاك حق، بس نفسي أشوفها.
 فابتعد ليخلع قميصه: أنا سألت كمال، قال لي عاملين عليها حراسة مشددة ومانعين حد يدخل أو يخرج إلا بإذن ظافر.
 فحزنت، فاستطرد: الواد فين؟
 (إسراء): عند ستته تحت، مش عارفة أعمل منه حاجة، زن زن وصرىخ، ازاي مشوفتوش وإنتَ طالع؟! تكونش سربته! ابني ضينايا!
 فضحك: تلاقيه نايم جوه فمأخذتش بالي.

فاقترب منها لتلاحظ ذلك: إيه في إيه؟!
(أحمد) بابتسامته: مش بتقولي الواد تحت.

فابتعدت: وإيه يعني؟!

(أحمد) وهو يجذبها إليه: تعالي بس، عاوزك في موضوع هالمام للغاية.
فابتسمت: لا يا اخويا، عارفة مواضيعك دي، ألحق أعمل لك الغدا قبل أمك ما
تصوت من ابنك وتطلعاه.

فجذبها (أحمد) مرة أخرى: يا عم غدا مين في الليلة المفترجة دي! الليلة عيد.
(إسراء) وهي تنظر إليه: وعيد مين إن شاء الله اللي على غفلة؟!
(أحمد): تحرير سينا! يلا بقى متضيعيش الوقت.

وفي المساء، حضر (ظافر) واتجه إلى مكتبه بعد أن ألقى التحية على أخته
و(ظلال) التي تجلس معها.

وفي نفسه: لحقت اشتكت لك ومجلس الأمن انعقد! ربنا يستر.

(ناهد) أحست بأخيها: مالك يا ظافر؟ ما تيجي تقعد.

(ظافر) بضيق: ورايا شغل، أنا داخل المكتب.

وانصرف باتجاه المكتب وهي تنادي عليه وكأنه لا يسمع، فأخذت (ظلال) من
يدها، فخافت (ظلال) وتراجعت: في إيه؟!

(ناهد) بغضب: متخافيش، هو بع بع هياكلك! أنا مش فضيالكم طول العمر.
وأخذتها إلى المكتب ودخلت عنوة، ليفزع (ظافر): في إيه يا ناهد؟! حد يخش
بدون استئذان كده!

فأجلستها وجلست أمامها: شوفوا بقى إنتم الاتنين، قسماً بالله، لو ما نفذتوا اللي
هقوله، لهخرج من البيت ده ومش راجعاه تاني، وهيبقى آخر ما بينا وقطيعة
طول العمر.

(ظلال) بطيبتها: متقوليش كده يا أبله، أنا والله بحبك جدًّا!

(ظافر) بضيق وهو يعلم ما ستقوله: خير يا ناهد عاوزة إيه؟

(ناهد) بعد نفس عميق: لازم تتجوزوا.

وقبل أن يعترض أحدهما: مش عشانكم، متبقوش أنايين، عشان البيت ده ميتهدش، والواد اليتيم ده ميفضلش يتيم، ويحس بالأبوة من تاني في حضنك يا ظافر.

(ظافر) بضيق: ما هو في حضني فعلاً، هيروح فين!

(ناهد) بعد مناهدة: متكذبوش على نفسكم، ولو سيطرت دلوقت مش هتسيطر بعدين، وإنتِ كمان، لو تماسكتي دلوقت مش هتكملي طول العمر وحيدة، ولا هتقدي تبعدني عن ابنك.

فشهقت (ظلال): لأ طبعاً، عمري ما أبعد عنه، ده فيها موتي!

(ناهد) وتنفست الصعداء: يبقى متفقين، وأنا مبقولكوش حبوا بعض، دي حاجة على الورق، كإنا بنأسس لمشروع مش أكثر.

(ظافر) بعصبية: بس يا ريت تفهميها كده، وإني مش عاوزها أصلاً.

(ظلال) بضيق: ويا ريت يا أبله تفهميه هو كمان كده، عشان ابني وبس.

فنظر إليها بغیظ، ولاحظت (ناهد) النظرات بينهما، فابتسمت: خلاص، نبقي متفقين، نبعت نجيب المأذون قبل ما ترجعوا في رأيكم، وقبل عقد الشراكة ما تمضوه.

فنظر الاثنان إليها: دلوقت!

ونظر كل منهما إلى الآخر.

(ناهد): طبعاً، عشان نعلن الزواج في حفل الشراكة اللي هيتعمل، وده يقوي مركز الشركة وتبقى دعاية للشركة.

فهل سيوافقانها على هذه السرعة؟

(٢٨)

(ناهد) تنظر إليهما: أمال عاوزيني أستنى لبكرة تغيروا رأيكم! اتصل فوراً بالمأذون.

(ظلال) وقد أحست بالضيق: بس أهلي يا أبله...

(ناهد) باستعجال: ما هما أكيد هيعرفوا، بس بعدين، ما إنت موجودة في وسطينا هنا، على الأقل وجودك هنا مع ظافر محدش يتكلم عليكم.

(ظلال) وتنظر بغضب: بس احنا مش لوحدينا هنا، فيه بنان وأشجان والدادة وحضرتك بتيجي.

(ناهد) بتفهم: أوك، كل ده جميل، بس منضمنش كلام الناس.

(ظلال): خلاص، أرجع بيت أهلي.

فنظر إليها (ظافر) بغضب: قلت مفيش خروج من هنا إلا على قبرك!

فأخفضت رأسها في الأرض وكادت عيناها تدمعان، وأجابت باستسلام: خلاص، اللي عاوزينه اعملوه.

فذهبت (ناهد) إلى أخيها تضغط على ذراعه: اهدا شوية.

فنظر إليها بغیظ: ما أنا هادي أهو، شايفاني بشد في شعري! مش شايفة كلامها اللي مبتفهمش دي.

فنهضت ونظرت إليه: أنا بفهم كويس، إنت بقى اللي مبتفهمش وأنا ني وملتسلط. حاول أن يجتاز (ناهد) ليذهب إليها، لكن (ناهد) حاولت احتجازه وهي تجري

إلى باب المكتب، ثم صاحت في المنتصف: خلاااص بقى! هو أنا بدادي في عيال، جاتكم الهم! اتصل بالمأذون خلصني، لو مشيت من هنا مش هرجع للأبد.

ونظرت إلى (ظلال): وإنت تعالي اقعدي، متخافيش، مش هيعمل لك حاجة، وإنت اقعد واتصل وخلصني.

(ظافر) بزهق: هو إنت على ذمتي، خلصني خلصني! مستعجلة قوي كده ليه، ده لو جوازتك مش هتبقي مسروعة عليها كده!

فنظرت إليه: ماشي أنا هتصل.

واتصلت بالمأذون، فجاء على الفور وسأل (ظلال) عن وليها، فأجابته بأن والدها

لا يتحرك وأنها ثيِّب وليست بكرًا، فهي أرملة.

وكل جلس على جانبي المأذون، فوضع يده بيدها، وأخذ المأذون يتلو كلماته فرددها كل منهما بضيق، حتى إن (ظافر) قبض على يد (ظلال) بقوة وكادت تتأوه من قبضته، وتلفظ كل واحد منهما كلماته بغیظ وضيق، حتى لاحظ المأذون ذلك، فأنتهى وقال: في إيه؟!

فنظر إليه (ظافر): خلص وإنّ ساكت.

فنظر إليه بريبة: أنا خلصت خلاص، امضوا وهات شهودك.

فنادى على حارسين ليوقعا على العقد، ومال عليها المأذون: هما خاطفينك يا بنتي؟

فأجابته: لا يا عم الشيخ.

فنظر إليه (ظافر) وجحظت عيناه: بتقول لها إيه؟

فقام الرجل مفزوعًا: ولا حاجة يا ابني، بارك اللهم لكما، أنا ماشي.

فأوقف (ظافر) الشيخ بإشارة من يده حتى كاد يقع مغشيًا عليه: مش هتاخذ أجرتك؟

فأخذ الرجل أنفاسه: ملوش لزوم يا ابني.

(ظافر) بغضب: يعني إيه؟! هتجبي علينا! خد فلوسك.

فأخذها الرجل وذهب مسرعًا، وكانت (بنان) تنظر من الأعلى: عملتها يا ظلال! والله ما ههنيك، ماشي، سبقتيني بخطوة بس هتشوفي، إما طلعتك من هنا بفضيحة ومطرودة طردة الكلاب مابقاش أنا.

أما (ناهد)، فتنفست الصعداء بعد أن تم العقد وأحست أنها اطمأنت: أنا ماشية، يا ريت متقتلوش بعض.

نظر (ظافر) و(ظلال) إليها، ثم قالت (ظلال): ما تبيتي هنا النهارده.

فضحكت (ناهد): إنتِ فكرتي هيققلك بجد؟! إنتِ عبيطة قوي!

فنظر إليها بغیظ، فاستطردت: تعالي، أنا هوصلك لأوضتك، هعمل فصل للقوات على ما نعلن الزواج يوم حفلة إمضاء عقود الشراكة.

نظر (ظافر) إلى (ناهد): إنتِ مصممة يعني!

(ناهد) باستغراب: أمال، هتفضلوا طول العمر مكتوب كتابكم ولا إيه؟!

فنظرت إليها (ظلال) وتساءلت: أmaal هيحصل إيه؟! مش نفذت اللي عاوزينه خلاص!

(ناهد) مستغربةً تساؤلها: أي اتنين بيكتب كتابهم لازم هيتجوزوا، هو إنت متعرفيش الموضوع ده؟!

وضحكت، فحفظت عينها وانطلقت تجري إلى حجرتها ووراءها (ناهد)، لتجذبها: في إيه؟ مالك؟

فنظرت إليها (ظلال): أنا أبقى في أوضة واحدة مع المتوحش ده! مشوفتيش كان هيعمل فيا إيه!

(ناهد) بتفهم: ما هو إنت برضه هزأتية، وإنت عارفاه، بيتعصب من خياله، وتقولي له متسلط وأناني ومبتفهمش!

(ظلال): ما هو كمان قالي مبفهمش، أنا مش ممكن يتقفل عليا باب مع الوحش ده.

(ناهد): بصوا بقى، أنا زهقت منكم، أنا جوزتكم وخلاص.

(ظلال): أهو إنت قلتها، اتجوزنا، وضمنتوا إني معاكم عشان الورث والولد، سيبوني أربي ابني وخلاص وسطيكم.

(ناهد) بعد مناهدة: ربنا يسهل، أنا ماشية دلوقت، ولو خايفة اقفلي على نفسك.

وبالفعل فعلت ذلك، وأغلقت على نفسها الباب، وعندما سمعت خطواته كاد قلبها ينخلع، ولكنه ابتعد إلى حجرته فتنهدت.

وفي اليوم التالي، قرع باب حجرتها، فنهضت مفزوعة: مين؟!

(ظافر): اجهزي عشان هزوح الشركة نمضي العقود، وفيه مؤتمر صحفي بعده، ولازم الموقعين يحضروا، هنتظرك في السيارة.

فحدثته من خلف الباب: حاضر.

وارتدت ملابسها على عجلة من أمرها واتصلت بـ(كمال)، فطمأنها أنه ينتظرها هناك، وبالفعل تركت (إسلام) للدادة وذهبت مسرعة تركب معه السيارة.

فنظر إليها: كل ده مستني الهانم تنزل!

(ظلال): آسفة، بس ملحقتش أتأخر والله، أول ما قلت لي لبست على طول.

كل ذلك وهو لا ينظر إليها، ليقود بسرعة، فرجعت إلى الخلف بسرعة على المقعد وشهقت من فعلته، ونظرت إليه، لكنه لم يهتم لنظراتها رغم ملاحظته إياها.

وعندما وصلا إلى الشركة، سار هو وهي من خلفه، ورأى (كمال) عند السكرتيرة. ذهبت (ظلال) لتسلم عليه: ازيك يا أستاذ كمال. فمد يده للسلام، ليجد (ظافر) يمسك يدها بيده ويزيحها خلفه ويسلم بالأخرى على (كمال): أهلاً كمال.

فنظرت إلى هذا الضخم الذي يحجبها عن العالم الخارجي، ونظرت إلى أعلى على أكتافه، فلم ترَ من أمامه، ولكنها شعرت بأنه حائض صد، لا تعرف ما الشعور الذي انتابها تحديداً، ولكنها شعرت بالأمان خلفه وأنه يخفيها عن الأعين، لم تعرف تحديداً، ولكن أوقفها هتافه في (كمال): إيه اللي جابك؟! أنا مطلبتكش! (كمال): مدام ظلال اتصلت بيا، متنساش إني المحامي بتاعها كمان.

فنظر إليها: اااه! اتصلت بيك! طب روح، ولما أحتاجك هناديك. (كمال): بس مدام...

فأوقفه بإشارة من يده ومال عليه: سمعت أنا قوت إيه؟ واستقام ووضع يده في جيب بنطاله: إنت مش راجعت العقود وعارفها، ملكش لزوم خلاص.

(كمال): بس في نقطة، إنت خليت ٥١% لك عشان حق التوقيع والإدارة. (ظافر): أمال عاوز مبتدئة تتحكم في الشركة الطويلة العريضة دي وهي متفهمش حاجة؟! ثم أنا عاملها حق التوقيع، يعني معايا في كل شيء، أنا مبيسبش حاجة ورايا يا كمال. وانصرف (كمال).

فدخلت (ظلال) مع (ظافر)، وجلس هو على المكتب وهي جلست على المقعد، والتفت بالمقعد إلى الحائط ثم التفت لها: وريني موبايلك. فأعطته إياه، فأخذه وألقاه في الأرض ودعس عليه بقدمه: ابقني وريني هتتصلي بيه ازاي تاني.

فشهقت لفعلته: إنت عملت إيه يا مجنون؟! ليه كده؟! وأرقام أهلي فيه كلها!

فنهض: أنا هعرفك الجنان اللي على أصوله.

فابتعدت وتراجعت حتى كادت تقع، فسندها بذراعه مقرَّباً إليها إليه حتى كاد يعتصرها، وهي تتاوه: ابعد عني يا ظافر، إنت بتعمل كده ليه؟! وهو ينظر إليها: بقى أنا مجنون!

وهو ينظر إليها ويطيل النظر بعينها، حتى سرح بها وكاد يغرق ببحورها وهمَّ أن يقضم شفيتها، ليوقظه من غفلته قرع السكرتيرة على الباب: فانتبه وتركها وأبعدها عنه.

لتدخل السكرتيرة: المؤتمر الصحفي يا ظافر بيه.

فنظر إليها: ماشي أنا جاي.

ونظر إلى (ظلال): يلا بينا، وافردى وشك، في حاجات بتجبرنا البروتوكولات إننا نعملها حتى لو مش طايقين بعض، لازم الابتسامة وقمة السعادة عشان ده بيأثر على الشركة، لما يشوفوا اتنين مش طايقين بعض هيقولوا هنتعامل معاهم ازاي، والناس تخاف تشتغل معنا ليحصل أي مشاكل، لازم تفهمي الكلام ده كويس، بلاش شغل الأطفال ده وتكبري، بقيتي سيدة أعمال وشريكة في أكبر الشركات بمصر.

فظرت إليه (ظلال): حاضر يا ظافر بيه، وعلى فكرة، أنا فاهمة كويس، المهم إنت تطبق اللي بتقوله.

وانطلقت أمامه، لينظر إليها وهي تسير ويكتم غيظه، ثم وجد الجميع ينظر إليها، فنظر هو إليها مرة أخرى وتقدم بجانبها ومال عليها: اللبس ده متلبسهوش تاني. فنظرت إليه باستغراب: ماله؟ أبله ناهد اللي جابته.

فمال عليها مرة أخرى: بلا ناهد بلا عمران، الكلام اللي قلته يتنفذ.

فنظرت إليه وباستسلام يميل إلى الانهيار: حاضر حاضر حاضر.

فنظر إليها: خلاص افردى وشك، داخلين قاعة المؤتمر.

وبدأ (ظافر) بإلقاء كلمة ترحيب على الحضور وبجانبه (ظلال): طبعًا مهما طال الزمن لازم انضمم الشركة بألمانيا إلى الشركة الأم بمصر، وقد آن الأوان للانضمام، وخصوصًا زواجي أنا ومدام ظلال.

وأحاطها بذراعه وضمها إليه وابتسم ابتسامًا مصطنعة، فنظرت إليه وبادلته

الابتسامة، ثم تطرق إلى مواضيع بالشركة، وبعدها فتح المجال للأسئلة.
(صحفية): يا ترى الزواج ده مصلحة ولا حب من أول نظرة؟
فنظر إلى (ظلال) وابتسم ثم نظر إلى الصحفية: إنت شايقة إيه؟
في حين كانت (ظلال) تستغرب من هذا الكائن المتحول الذي كادت تجزم أنه
حمل وديع وأنها هي مَنْ تجني عليه.

انتهى هذا العرض المسرحي الهزلي الذي يفقهه الجميع، ورجعت معه، ليتوقف
ويتركها بالسيارة برهة ويعود، فنظرت ولم تعقب، وهو انطلق وكان يحمل شيئاً
بيده فألقى به في الخلف ويتحرك، إلى أن وصلوا بالسيارة إلى الفيلا، فانطلقت
مسرعة إلى حجرتها، أما هو فانطلق إلى مكتبه وأمسك بالعلبة وأخذ يفكر، ثم
انطلق إلى حجرتها ليدق بابها.

فتحت له: أفندم، في حاجة؟

فتفتح الباب ودخل وجلس على طرف الفراش، وهي تنظر إليه وتقف مشدوهة
أمام الباب، فنظر إليها: هتفضلي واقفة زي الصنم كده! اقفلي وتعالِي.
فجحظت عينها، ليقوم ويغلق ويشدها من ذراعها ويجلسها بجانبه ويخرج
الموبايل: ده أحدث موديل.

ورن على هاتفه المحمول ليسجل رقمها، ثم رن عليها وسجل رقمه: ده رقمي،
أنا الوحيد اللي تتصلي بيه لو في حاجة، غير كده لأ، وإلا حساي هيبقى عسير.
فألقت به على الفراش: مش عاوزة منك حاجة، خليهولك.

وقامت تنهض، ليقف أمامها فتراجعت حتى وجدت خلفها خزانة الملابس حتى
كادت تفتحها وتدخل بها لتختفي عن عينيه، فوقفت، فوضع يديه على الخزانة
وهي بينهما: نفسي أعرف بتجيبني الشجاعة المؤقتة دي منين وجواك جبانة!
فنزلت من تحت يديه وابتعدت: أنا مش جبانة، وأنا مش عاوزة منك حاجة.
فتعصب: وهو جه خلاص!

فنظرت إليه: وأعمل إيه برقمك وإنّ محيت الكل، حتى أمي!

فنظر إليها: لو على مامتك، أكيد حافظة رقمها، ابقي كلميها.

فنظرت إليه: وأختي وأخويا، إنت مانع حتى أروح أشوفهم أو يجولي هنا.
فاقترب منها: أختك ماشي، لكن أخوك الزبالة ده اللي بيهددي في بيتي، لأ!

وتركها وانصرف، ليجد (بنان) وهي تتصنع الطفولة وترفع صوتها حتى خرجت (ظلال) من حجرتها، وبمجرد خروج (ظلال) أحاطت ذراعها حول (ظافر):
نفسى تخرجنا زي زمان، لما كنا بنخرج كلنا.

فلمح (ظافر) (ظلال)، والتي دخلت وصدقت الباب خلفها.

فأزال يد (بنان) عنه: إنتِ عارفة أنا مشغول، وإنتم مبقيتوش صغيرين عشان أخرجكم، خدي أشجان واخرجوا واتفسحوا مع أصحابكم.

وذهب إلى (ظلال) التي أغلقت حجرتها، فلم تجب.

(ظافر): افتحي بدل ما أكسره.

(ظلال): امشي يا ظافر، أنا نمت خلاص.

(ظافر) بتعجب: وبتكلمي وإنّ نايمة ازاي؟! افتحي بقول لك.

لتفتح له: أفندم يا أستاذ ظافر؟

ليضحك: أستاذ ظافر! ليه؟! جاي أدّيكِ درس عربي! على العموم، أنا جاي أقول لك إن بنان أختي، زي أشجان بالضبط، عشان لو مفكرة حاجة كده ولا كده.

فجلست (ظلال) كالأطفال وأزالت شعرها عن عينيها، ليرجع مرة أخرى، فقالت بغضب: ميهمنيش جاي تقول لي ليه.

فمال بجذعه عليها وهمس في أذنها: أمال أنا شايف غير كده ليه؟!

(ظلال) بغضب: ابقى ركب نظارة عشان تشوف كويس، لا إنتِ ولا أي حد هنا يهمني، وأنا هنا بس عشان ابني، لازم تبقى فاهم كده كويس، وبلاش

الأوهام الي في دماغك دي.

فأتى تليفون لـ(ظافر).

ممن يا ترى؟ وماذا سيقول؟ وما تأثير هذا التليفون على (ظلال)؟

(٢٩)

عندما رن الهاتف، تناولته (ظافر) ليتحدث: مادي، عاش من سمع صوتك.

(مادلين) بلهفة: اشتقتك اكتبيير قلبي، تُقبرني.

(ظافر) بغیظ: ده بأمارة ابن خالتك اللي دايرة معاه.

(مادلين): اشتقتك ظافر، ما بدك ترجع ألمانيا؟

(ظافر): لأ خلاص انسي، عاوزة تيجي هنا، أهلاً وسهلاً، مش عاوزة، أظن إنت عارفة، بهاء ابن خالي وصاحبي والمحامي بتاعي، وعنده كل التفاصيل، عاوزة تخلصي كلميه، ولو على الفلوس متقلقيش، أنا سايب معاه مبلغ محترم هيكفيك وزيادة وهيديهولك.

(مادلين): أنا بحبك يا ظافر، بس إمي ما بدها أسافر، شو بعمل؟

(ظافر): خلاص، خليك جنب أمك عشان تنبسط.

وأغلق الخط وألقى الهاتف على الفراش، فنظرت إليه (ظلال): إنت لسه متجوز! وليه مقولتليش؟

فوقف أمامها: وهيفرق معاك إيه تعرفي ولا متعرفيش؟!

(ظلال): ازاي يعني، ما يمكن تبقى عاوزة ترجع وأما تعرف إنك متجوز مترجعش، وابقى أنا اللي خربت البيت!

(ظافر): متقلقيش، هو مخروب خلقه، مش بسببك ولا حاجة.

(ظلال) بغیظ: هو إيه البرود اللي إنت فيه ده!

فشد على خصرها مقرباً إياها: إنت اتهبلتي! ازاي تكلميني كده!

فتأوهت بين يديه: ابعد عني!

فأخذ باله من قربهما إلى هذا الحد، فتركها وأغمض عينيه وخلل أصابعه في شعره، ثم رفعه إلى أعلى وهي تنظر إليه، فنظر إليها فجأة: إنت عاوزة مني إيه، ليه بتدخلي في اللي ملكيش فيه، إنت مالك أتجوز.. أطلق... ميخصكيش، إنت مجرد جواز على الورق بس مش أكثر، فاهمة ولا مش فاهمة؟!

(ظلال): أنا فاهمة ده كويس، وإنه جواز مصلحة على الورق، بس اسمه

زواج، وفي زوجة موجودة لو بتفكر ترجع مش هترجع بسببي، ومش هسامح نفسي ساعتها.

(ظافر): لا يا ستي مش بسببك خالص، ولا تعرف أصلاً إني اتجوزت، ارتاحتي؟! يا ريت تخليك في حالك بقى.

واقترب منها، فتراجعت في خوف: ولو حاولتي تحشري مناخيرك دي...

وأشار بإصبعه على أنفها ثم أردف: هتشوفي ظافر تاني غير اللي قدامك ده.

(ظلال) في نفسها وهي تنظر إلى إصبعه الموجه لأنفها: هو في أكثر من كده؟! فنظر إليها: في حاجة؟

فتوترت: لا أبداً، هيكون في إيه.

(ظافر) بتوجس: ماشي.

وانطلق للخروج من حجرتها، ثم تذكر شيئاً فرجع: آه، اعملي حسابك، الحفلة بمناسبة التوقيع هتبقى في الفندق، كمان يومين تبقي جاهزة.

فأومات برأسها بتفهم: حاضر.

واتصلت بعدها بـ(ناهد).

(ناهد) بخضة: في إيه يا ظلال؟! ظافر عمل لك حاجة؟ ولا إسلام عيان؟

(ظلال): لا يا أبله، متتخيش، أنا بس ظافر قال لي الحفلة كمان يومين، وأنا مش عارفة أعمل إيه ومطلوب مني إيه وخايفة أسأله.

(ناهد): طيب، أنا بكرة هاجي ونروح نشترى حاجات لزوم الحفلة، متقلقيش. فاطمأنت (ظلال) بعد هذا الحديث ونامت.

وفي اليوم التالي، جاءت (ناهد) إليها وذهبتا إلى التسوق، وانتهزت (بنان) ذلك وذهبت إلى (نادر)، ودقت الباب، فقام من نومه أشعثاً فاتحاً قميصه ويتشاءب.

ففتح وهو يقول: مين؟

ليجد (بنان) تدخل مندفعة: هي ناهد هنا؟ أصلي كنت جنبكم وقلت أعدي عليها.

فأغلق الباب: لأ، هي راحت تعمل شوبنج مع ظلال، هي وراها غير كده.

فشهقت (بنان): يعني مش هنا! أنا آسفة، فكرت إنها هنا، طيب أمشي بقى، أنا بس كنت هدخل الحمام.

(نادر): طب ما تتفضلي وفيها إيه.

(بنان) بدلح: يعني مفيهاش مضايقة لك أو ناهد تيجي تشوفنا؟

(نادر): انسي ناهد طالما فيه شوبنج، خشي خشي ميهمكيش.

فخلعت المعطف وظلت بالتُّوب الحمالات وجيب قصيرة جدًّا ودخلت، ثم خرجت سريعًا تجفف وجهها، لتجده خلفها يحتويها.

فابتعدت (بنان): لأ، إنتَ فهمتني غلط، أنا مش كده خالص!

(نادر) باستغراب: أmaal بتعملي ده كله ليه؟!

فجلست تضع ساقًا على ساق: اقعد يا نادر، إنتَ عاجبك إن الجربوعة دي جت هي وابنها وخذت كل شيء؟

فجلس بجانبها: واحنا هنعمل إيه يعني، دول اتجوزوا خلاص، يعني ركبت ودللت، وناهد بأرميلها الفتات تروح تبضع شوية شوبنج، حتى أبوها كان بيديلها شهرية كانت بتحل عن دماغى، دلوقت يا دوب أما الست هانم تروح تشتري، يديها الفيزا وتشتري معاها، أنا مأنكرش إنه دايماً بيسألها لو عاوزة حاجة، بس طبعًا مش زي ما تبقى فلوسك وحره فيها، هي نفسها بتتكسف وبتجي لي وهي عارفة مرتبي، ده أنا موظف، لما بقيت مخنوق، وهي عمرها ما هتقدر تعيش على قدي، لأنها واخدة على نظام تاني من أيام ما كانت في فيلا أبوها أو حتى هنا معايا، بس أبوها كان منغنها، مأنكرش إني بتضايق وكان نفسي تعيش على قدي، بس هي كده ومش هتتغير، فاستسلمت للموضوع، بس حاليًا بقيت مخنوق بجد.

(بنان) وقد وصلت إلى مرادها وأن المصلحة مشتركة: يبقى نحط إيدنا في إيد بعض عشان نوصل لهدفنا.

(نادر) بتعجب: وإيه هو؟!

(بنان) بخبث: نبوظ الجوازة، ويطردها شر طردة، كده كده خدت النص بتاع حمزة، فنلحق نص ظافر بدل ما تكوُّش عليه هي وابنها، ولما يطلقها أتجوزه أنا، هو مبيخلفش، لما يموت قضاءً وقدرًا أنا هورث، وناهد وأشجان كمان هيورثوا والكل هيتراضى.

فنظر إليها وجحظت عيناه: وده ازاي بقى؟!

(بنان) وهي تتسحب لتقترب منه: هقول لك.

وقصت عليه الخطة التي أحكمتها.

فنهض (نادر): يا نهار إسود! ولو انقلبت الخطة علينا؟!

(بنان) بثقة: متخافش، هو أصلاً مش طايقها، وهي كمان وما هتصدق.

(نادر) بقلق: لا يا اختي.

(بنان): أنا هسيبك فترة تفكر، بس مش كثير، بدل ما يحبها ولا تاكل بعقله

حلاوة، عاوزين في الأول وهما بالشكل ده، أي شيء هيصدقه عليها، إنت

فاهم؟

فانتبه لها: حاضر حاضر، امشي دلوقت لحسن ناهد تيجي، وسيبيني لوحدي

أفكر.

وذهبت (بنان)، وتركت (نادر) في حيرته وتفكيره: معقول أعمل كده! وهل

هيصدقوا بالسهولة دي ولا هينقلب السحر على الساحر؟!

أما (ظلال) و(ناهد) فرجعتا بعد عناء اللف والدوران على ملابس مناسبة تليق

بالحفل، وجدوا (ظافر) بالملكتب، فصعدت (ظلال) إلى حجرتها، أما (ناهد)

دخلت تسلم على أخيها وتستأذنه بالعودة، فأرسل معها السيارة بالسائق

لتوصيلها.

وفي اليوم التالي، أتت (ناهد) ليبدأوا في الاستعداد للحفل جميعاً، كانت (بنان)

ترتدي فستاناً قصيراً عارياً وتطلق شعرها، وكذلك (أشجان)، أما (ناهد)

ففسطانها كان محتشماً بعض الشيء ولكنه ضيق، أما (ظلال) فارتدت فستاناً

أسوداً طويلاً ولكن به فتحة جانبية إلى الركبة، وهو ضيق مطعم بالألماس،

وارتدت حجابها فزاد جمالها وعفتها إطلالة جميلة، وارتدت حذاءً بكعب عالٍ

حتى يعطيها زيادة في الطول بعض الشيء، ولكنها كانت تسير به حذر.

نزل الجميع و(ظافر) منتظر في الهوول بحلته السوداء التي زادته وسامة وكأنه

عريس حقاً في ليلة عرسه، ووجد أخيراً (ظلال) تنزل من الدرج، فنهض مشدوهاً

ونظر إلى (ناهد) عندما رأى تلك الفتحة التي أظهرت بياض ساقها.

(ظافر): إيه ده يا ناهد؟!

فنظرت إليه: في إيه، زي القمر.

فذهب إليها: اطلعي اقلعي الزفت ده!

فجحظت عيناها وتكاد تبكي: والله قلت لأبلة ناهد أنا مش عاوزاه ومكسوفة ورجلي باينة كده، هي اللي صممت.

فجرت (ناهد) إليه وقد سمعت، فهي على مقربة منه، أما (أشجان) و(بنان) كانتا تتناوشان بعيداً.

(ناهد): تقلع إيه؟! إنت مجنون! مفيش وقت، وبعدين فيها إيه، أول مرة تعلق على لبس حد، ما بنان وأشجان خاربينها.

فنظر إلى أخته والشرر يتطاير من عينيه، فحاولت (ناهد) العمل على تهدئته: بص حبيبي، مفيش وقت، ومفيش حاجة جاهزة حالياً تلبسها، وإنتم واجهة الشركة، لازم حاجة مشرفة، احنا من الصبح عشان نوصل لكده، عاوز نهد ده كله ونعمل تاني في خمس دقائق والناس منتظرة، يلا يا ظافر اتأخرنا.

فاستسلم على مضض وأخذها بسيارته، أما (ناهد) ذهبت مع (نادر) والبنات معاً في سيارة خاصة، بهم، وانطلق الجميع إلى الحفل.

نزل (ظافر) من سيارته و(ظلال) أيضاً، فتقدم بجانبها: حطي دراعك في دراعي عشان منظرنا قدام الناس.

فنظرت إليه متفهمة: حاضر.

ومشت مستندةً عليه لأنها لا تستطيع السير بذلك الكعب، فنظر إليها: في إيه؟ محملة عليا كده ليه؟!

فنظرت إليه بكسوف: ما هو الكعب عالي جداً ورفيع.

فنظر إليها: حد قالك تلبسيه؟!

(ظلال) باستسلام: أبلة ناهد.

فنظر إليها: تستاهلي، عشان تمشي وراها، ده منظر تلبسيه!

(ظلال) تبرر له: والله قلت لها ضيق ومفتوح من تحت وأنا مبجش كده، قالت لي لازم تتغيري، إنت بقيتي سيدة أعمال وواجهة لأكبر شركات مصر،

طب أعمل إيه أنا بقى، احترت مع العيلة بتاعتكم دي.

(ظافر) بحزم: خلاص خلصنا، إنت هتعيطي هنا!

وبدأ بالاقتراب من الجميع وهي بيده، وعرف الجميع عليها بأنه زوجته، وتناول الميكروفون ليعلن عن إشهار زواجه بها، ثم جذبها إليه من وسطها وكأنهما أسعد زوجين ليفتح الرقص معها.

ف نظرت إليه: رقص! لا ماتفقناش على كده!

نظر (ظافر) إليها: لازم احنا الي نفتحته وينضموا لينا، وخليك ماشية معايا وأنا هبقى شبه شايلك، بس متدوسيش على رجلي لتخرميها بالكعب ده، ولو معرفتيش حطي أطراف رجلك على رجلي وأنا الي هحركك. فاعتصر وسطها حتى يتحكم بحركتها ولا تقع أو تفعل شيئاً يخرجه، ثم انضم الجميع للرقص.

أما (بنان) و(أشجان) فانسحبتا من هذا الحفل الرسمي إلى الديسكو، أما (ظلال) فجلست على منضدة مفردها في حين أخذ يتنقل بين الجميع، ومن وقت إلى آخر كان يشاهدها، وإذا قدم أحدهم إليها كان يأتي مسرعاً، كان يتناول الخمر مع الحضور، أما هي فتتناول العصائر.

وبعد الانتهاء، ذهبت (ناهد) مع (نادر) إلى بيتها، وأخذ (ظافر) زوجته ومعه زجاجة خمر يتناولها، فوجدته غير متزن: كفاية كده عشان تعرف تسوق، العربية بترقص بينا.

فنظر إليها: ملكيش دعوة.

وعند الوصول كان غير متزن فحاولت إسناده.

ليبعدها عنه: وسعي، إنتِ الي هتسنديني!

فسارت خلفه، وكلما ترنح حاولت أن تجري عليه، فكان يبعدها، إلى أن أوصلته إلى حجرته وألقته على الفراش وخلعت له حذاءه وحاولت أن تدثره وكادت تسير، ليجذبها بقوة إليه، فوقعت عليه فلفها بجانبه على الفراش: رايحة فين؟ مش جوازنا النهارده!

فجحظت عينها: ظافر إنتَ مش في وعيك، وسَّع.

لينظر إليها: بتحبي حمزة!

واقترب منها وهي حاولت أن تعمل على إفاقته، ولكن لم يكن لها سبيل، إذ كيف لهذه العصفورة أن تتغلب على هذا الأسد، فقد أصبحت بعريته ولا نجاة منه.

استيقظ (ظافر) في الصباح ورأسه تؤلمه: أنا شربت كثير قوي.
ثم نظر إلى جانبه، فصعق من تلك المتدثرة بغطائه وناائمةً بجانبه شبه عارية.
وفتحت (ظلال) عينيها لتنظر إليه وتتذكر، فحاولت رفع الغطاء إلى أعلي لتداري
جسدها، وهو كاد يُجن: ازاي ده حصل! طب أنا مكنتش في وعيي، إنت ازاي
تسمحي بكده؟! ولا ما صدقتي!
وهي تبكي وتنظر إليه: إيه ما صدقت دي! أنا حاولت ومقدرتش عليك، أعمل
إيه يعني؟!
فماذا سيحدث؟ هل ستختلف الحياة أم ستزداد تعقيدًا بينهما؟

(٣٠)

فنظر إليها بغيظ: يعني إيه مقدر تيش عليا؟! وحش مفترس! لو مش
ممزاجك يا هانم مكانش حصل.
فبكت: والله أبداً، ولو مش مصدق، شوف الفستان بقى عامل ازاي.
فحاد ببصره: حجج فارغة!
وقام، لتجحظ عيناها وتصرخ وتخبئ عينيها بيديها.
فنظر إليها باستغراب: لا والله! مكسوفة دلوقت!
واقترب منها: واللي حصل بينا ده مفيهوش أي كسوف؟!
ف نظرت إليه: أولاً الدنيا كانت ضلمة، لكن دلوقت شيفاك، وبالشكل ده وخلص
اللي حصل حصل.
فنظر إليها: يعني حصل فعلا.
ف نظرت إليه بغيظ: قوم ادخل الحمام عشان ألبس وأمشي.
فنظر إليها: ما تقومي.
ف نظرت إليه: تصدق إنك مستفز، أقوم ازاي يا بني آدم وأنا كده؟!
فأعطاه الغطاء كاملا: خدي يا اختي، اتلفي بيه وروحي.
فجذبتة بقوة، ليصيح فيها: حاسبي هتقلبيني من على السرير، إيه الغباء ده!
فهمست لنفسها: أنا برضه اللي غبية! إنسان بارد مستفز!
فسمعها: بتقولي إيه يا بنت؟!
(ظلال) بخوف: مبقولش.
ف ضرب كفاً على كف: مبقاش إلا العيال كمان اللي تهزأنا، قومي فزي وخلصي،
مش هستنك اليوم بطوله.
لتلتف بالغطاء وتأخذ ملابسها إلى الحمام وهو يتبعها بناظره، ثم ضرب بيديه
على الفراش: ازاي أنا أعمل كده؟! دي مرات حمزة، مش أخويا ده ابني، منك
لله يا شيخة! هفضل أندم طول عمري على الغلطة دي.
لتخرج وفستانها ممزق، فنظر إليها: إيه اللي عمل في الفستان كده؟!
ف نظرت إليه: تصدق إني مش هرد عليك.

وفتحت الباب وأطلت برأسها نازرةً هنا وهناك، لينظر إليها باستغراب: بتعملي إيه؟

فأشارت إليه: ههششش ليكون حد معدي!
فضرب كفاً على كف: إنتِ ناسية إنك مراقي يا مجنونة، هو أنا جايبك من جامعة الدول!

فأغلقت الباب: والله قول لنفسك، محسني إني فتاة ليل أفقدتك عذريتك. وانطلقت إلى حجرتها مسرعة وتركته.
في هذه اللحظة، كانت (بنان) و(أشجان) تنزلان على الدرج، ثم تذكرت (بنان) زجاجة العطر، فقالت لـ(أشجان): استني هجيب البرفان، نسيته.
وهي تصعد لمحت من بعيد (ظلال) تتسحب بفستانها الممزع من حجرة (ظافر) إلى حجرتها، فانطلقت إلى (أشجان) مرة أخرى تقول: الله الله!
فاستغربت (أشجان): مالك في إيه؟ وفين البرفان؟
(بنان) بضيق: لا برفان إيه بقى وزفت إيه، مرات أخوك يا اختي مبتضيعش وقت، طالعة من أوضة ظافر حالا.
(أشجان) باستغراب: وإيه يعني، مش مراته وأعلنوا زواجهم رسمي، ويمكن كانت عاوزه حاجة.

(بنان) بخبث: عاوزه حاجة! يا طيبة، وخارجة بنفس لبس امبارح بتاع السهرة ومقطع، دي مبتضيعش وقت خالص، وأنا اللي قلت هبله وعبيطة، لازم أتحرك بسرعة قبل ما تاكل دماغه.
فانتبهت (أشجان): هتعملي إيه يعني؟! ما بقت مراته خلاص، هما حرين سوا. فتداركت (بنان) نفسها: هااا! ولا حاجة، على رأيك، ربنا يهني سعيد بسعيدة، احنا مالنا صحيح، يلا بينا.

ولكن (أشجان) اتصلت بـ(ناهد) تخبرها عما حدث وما رأته (بنان) على سبيل المزاح، فأجابت (ناهد) بسرعة: لا ده أنا آجي بقى، وعاملين فيها مغصوبين ومش طايقين بعض، وأنا اللي أتحايل عليهم، والله لأوريهم!
وارتدت ملابسها لتذهب فوراً قبل ذهاب (ظافر) إلى الشركة، ونادت الدادة أن تخبر (ظلال) و(ظافر) بأنها بالهوووول.

ليقول بضيق للدادة: ماشي، قولي لها جاي.

ويستغرب: في إيه على الصبح بدري كده!

وأيضًا (ظلال) استغربت وجودها، ولكنها أجابت الدادة بأنها ستحضر فورًا، وارتدت ملابسها وأطلقت العنان لشعرها المبلل حتى يجف، ونزلت لتتقابل معه على الدرج.

فنظر إليها: إيه الي نزلك بالشكل ده؟!

(ظلال) باستغراب: أبدًا، أبله ناهد بعنت لي أنزل.

(ظافر): وإنتِ مش محجبة، نازلة كده ليه؟

فاستغربت على اعتراضه: هو في حد غيري؟! أنا والدادة وأبله ناهد.

فنظر إليها بضيق: افرضي نادر كان هنا ولا حد من الحرس دخل.

(ظلال) بضيق: أولًا أنا سألت الدادة وقالت لي لوحدها، وحاطة طرحتي لو

حد دخل فجأة أحطها على شعري، ثم شعري مبلول قلت على ما ينشف.

فحاد بنظره عنها وهو يتهكم: آه، مبلول.

ثم نظر إليها: في سيشوار يا هانم، ابقى نشفيه.

(ظلال) بغیظ: حاضر المرة الجاية.

فأفهمها بطريقة أخرى: هو في مرة جاية!

فهمت ما يرمي إليه ونظرت إليه، ليفهم: آه، خلاص فهمت.

ونزل هو وهي لتبارك (ناهد): صباحية مباركة يا عرسان.

لينظر كل منهما إلى الآخر، وينفي أنه قال شيئًا.

لتبدد نظراتهما: مش تقولوا إنكم رسيتموا على أوضتك، أنا كنت ناوية أوضب

لكم أوضة جديدة على ذوقي تليق بالعرسان، وفعلاً بدأت في الديكورات وغرفة

النوم جاية النهارده، وكنت هعملها لكم مفاجأة، بس إنتم استعجلتموا.

لتثبت لهم أنها تعلم كل شيء، وأنه لا شيء يدور من خلفها إلا وتعلمه.

(ظلال) بإحراج: إنتِ فاهمة غلط يا أبله والله.

(ظافر) بغیظ: الموضوع مش كده يا ناهد، وكل واحد زي ما هو في حجرته.

(ناهد): إنتم بتستهبلوا؟! إنتم متجوزين، وفيه خدم وناس هنا عايشة معاكم،

ولازم يبقى الشكل طبيعي، كلمة كده ولا كده تطلع للصحافة يقولوا فيه

خلافات، ولا لازم كل واحد يتسحب ويروح للتاني؟! ونظرت إلى (ظلال) التي نظرت بدورها إلى (ظافر). (ظافر) يشفق عليها: الموضوع مش كده قلت، عاوزه تصدقي صدقي، مش عاوزه إنت حرة، أنا عندي شغل ومش فاضي للتفاهة دي. فنادته (ناهد): والأوضة؟ فرد: اعملي اللي عاوزاه.

فنظرت إليه (ظلال) وهو يسير وجحظت عينها، كيف يوافق على هذا، ثم نظرت إلى (ناهد): لا يا أبله، كله إلا كده، ماتفقناش على كده. (ناهد) باستغراب: واحنا اتفقنا على حاجة أصلاً؟! إنتم مش اتجوزتوا، ده الطبيعي، ولا حلو لما البنات يشوفوكِ خارجة بهدومك مقطعة! (ظلال) وهي تحس بالظلم الواقع عليها: والله مش كده، إنتِ فاهمة غلط. وجلست بجانبها تحكي لها وتبكي، فأخذتها بحضنها: طب اهدي، بس ده الطبيعي حبيبتي، مينفعش نقول اتجوزوا والناس تعرف كل واحد في أوضة، هيتقال ده جواز مصلحة وممكن يحصل خلافات، لكن لو حسوا إنه زواج طبيعي هتفرق. (ظلال) ببكاء: إنتِ متعرفيش عمل معايا إيه، وقال إيه، حسسني إني فتاة ليل مش مراته.

(ناهد) بتفهم: معلش استحمليه، ظافر مش قادر ينسى إنك مرات حمزة، أخوه اللي كان بيعتبره ابنه، ويبقى فجأة مع مراته، مش متقبلها، أنا فاهمة ظافر جدًّا، ده أنا اللي مربياه.

فاستدرت (ظلال) عطف (ناهد): بس بلاش سوا في وضة واحدة دي، أرجوكِ، هعمل أي حاجة تطليبيها، لكن أنا وهو في أوضة أرجوكِ أتوسل إليكِ بلاش! فضحكت (ناهد): يعني إنتِ خايفة! بعد اللي حصل ده كله هيحصل إيه؟! (ظلال) بقلق: معرفش والله مع أخوكِ ده ممكن أي حاجة تحصل، مأسْتبعدش ممكن يخنقني يقتلني يربطني في السرير، لا يا أبله بليز بليز بلاش! (ناهد) بغضب: بطلي لعب العيال ده، ومتحسسسيهوش إنك خايفة منه كده، وتقفى قدامه بثقة.

فنظرت إليها: قدام مين؟ أخوكِ! ده أنا بشوفه قلبي بيقع في ركبتي.

فضحكت (ناهد) على عفويتها وسذاجتها وحاولت طمأنتها: والله ظافر مع إنه يبدو كشري وعنيف وعصبي، بس قلبه مفيش أطيب منه.

(ظلال) وقد استسلمت لقدرها: ربنا يستر.

فأخذتها (ناهد): تعالي بقى أوريك الديكورات اللي عملتها مفاجأة عشان غرفة النوم جاية النهارده.

(ظلال) وتنظر إليها: إنت مصممة برضه!

(ناهد) أمسكت يدها: أكيد، غمضي عينك بقى.

وأخذتها إلى الحجرة: إيه رأيك؟

فتحت (ظلال) عينيها وانبهرت من الديكورات ذات اللمسات الأنثوية الجميلة: الله يا أبله! إنت اللي عملتي كده؟! ذوقك حلو جداً! ده إنت كنت تنفعي

مهندسة ديكور، إنت معاك إيه صحيح؟

(ناهد): حقوق.

فاستغربت (ظلال): وده إيه جابه لده؟!

(ناهد): الديكورات دي هواية من زمان، بحب أصمم حاجات كده على بسيط.

(ظلال) بانبهار: لا بسيط إيه، ده إنت تفتحي مكتب ديكورات مستريح وهتبقى من أكبر بتوع الديكور.

فضحكت (ناهد): المهم عجبك؟

(ظلال) وما زالت علامات الانبهار ترتسم على وجهها: جداً جداً، ده أنا حبيتها حتى لو أخوك فيها.

وضحكت، لتضحك (ناهد): لا اتلمي، إلا ظافر.

ونادت عليهما الدادة: بتاع العفش جه.

(ناهد): أوك دادة، خليههم يطلعوه.

وفرشوا الحجرة وكانت لعروسين حقاً، ونقلت (ظلال) ملابسها وأيضاً ملابس (ظافر) بها، وبها فراش مخصوص لـ (إسلام).

وبعد هذا المجهود، دخلت (ظلال) تاخذ شاور وارتدت قميص نومها وتذكرت السيشوار، فجففت شعرها بدلاً من أن يقول لها أي شيء، وهي لا تريد إغضابه

أو مناقشته، فقد أعيأها التعب.

لتقابله (ناهد) وتأخذه إلى الحجرة وتقول له: اتفضل هنا.
ثم انصرف، ليدخل يجدها بالحجرة و(إسلام) نائم بفراشه، فمال عليه ليقبله،
ثم بدأ في خلع ملابسه، وهي أخرجت له ملابسًا من الخزانة لأنه لا يعلم أين
ملابسه.

فنظر إليها: إنتِ جبتي هدمي كمان!

فأجابته: دي أبله ناهد.

ليقترب منها ويجذبها من ذراعها: يادي أبله ناهد، وإنتِ فين عقلك من ده
كله؟! يكون في علمك، زي ما قلت لك، جوازنا ما زال على الورق، واللي حصل
ده غلطة مش هتتكرر، إنتِ فاهمة!

فردت بتألم فاهمة فاهمة، المهم إنتِ تفتكر كده، سيني بقي.

فتركها بغيظ لأنها تذكره بما حدث، ثم ارتدى بنطال الترينج فقط وذهب لينام.

فأجابته: افتح التكييف، أنا بقفله عشان إسلام، ممكن أعمله على (low).

(ظافر) بتفهم: لا خلاص، أنا هنام كده وخلاص عشان إسلام ميتعفش.

ثم خلعت الروب لتنام وتذثرت بالغطاء، فنظر إليها: هتنامي كده؟

فنظرت إليه: لا هلبس إسدال الصلاة!

وأعطته ظهرها، ليلفها إليه: إنتِ بتتريقي عليا!؛

ونظر بعينها وهي أيضًا، لتخاف أن يحدث شيء ويظهر جنانه مرة أخرى.

فأجابته: ظافر ابعدي عني بليز.

فأدرك الوضع: على فكرة أنا مش عايزك، لازم تفهمي كده.

فردت هي الأخرى: وأنا كمان مش عاوزاك.

ثم أولته ظهرها ونزلت الدموع من عينيها، ليشعر بها.

فسألها: بتعيطي ليه دلوقت؟

فأجابت: مبعيطش.

فأدارها إليه: أمال الدموع دي إيه؟!

فنظرت إليه: إنتِ بتتعامل معايا كده ليه، أنا ليا في الفيلا دي أنا وابني، النص

وفي كل شيء، ومع ذلك بتتعامل أقل واحدة في البيت ده وبتهان ومبتكلمش،

وأي حاجة بقول حاضر حاضر عشان ابني، وأقول مهما كان عمه وأخو حمزة، وعلى فكرة مجابنيش من الشارع، هو اللي بقى يطاردني، ومأنكرش أنا كمان حبيته، ومش ذنبي ولا ذنبه إننا حبيننا بعض، أول حضن حسسني بالأمان كان معاه هو.

فتذكر (حمزة) ووصيته له لـ(إسلام) ولو أمهله العمر لوصاه على (ظلال) وأيضاً أن يرأف بحالها، ليأخذ برأسها فوق صدره العار: خلاص اهدي. فانهارت بالبكاء بين أحضانه حتى استكانت وهدأت ونامت، وهو أيضاً نام واضعاً رأسه على رأسها. لتستيقظ وتتأوه من تأثير ضغط رأسه عليها وتُحرَج من الوضع، وهو أيضاً استيقظ.

ف نظرت إليه: آسفة، راحت عليا نومة!

فأجابها: ولا يهملك، أنا كمان نمت.

وبعد بضعة أيام، كانت (بنان) قد اتفقت مع (نادر) لتنفيذ خطتهما، وجاء (نادر) و(ناهد)، ونزلت (بنان) إلى (ناهد) وأخذت حقيبتها تفتحها: أنا بحب برفانك قوي.

وأخذت تخرج الأشياء لتلتقط البرفان.

(ناهد) باستعجال: طب لمي بقى كل حاجة عشان خارجة، هتيجي يا نادر؟ (نادر): لا مآقدرش على اللف، أنا هقعد مع ظافر في المكتب على ما تيجي. وأعطتها (بنان) الحقيبة وتركت محفظة النقود والفيزا، ثم ذهبت (ناهد). أما (بنان) فأشارت إلى (نادر): هطلع أنفذ، خليك هنا، هوزع الدادة تشتري حاجة وأطلع لظلال.

وبالفعل، أرسلت الدادة إلى مشوار بعيد لتأتي لها ببعض الأشياء، وصعدت مسرعةً إلى (ظلال): الحقيني يا ظلال بطني بتتفرتك!

(ظلال) بخوف: طيب أقول لظافر بيودينا المستشفى.

(بنان): لا، أنا بعت الدادة تجيب علاجي، بس عاوزاك تعملي لي حاجة سخنة.

بفهبّت (ظلال) مسرعة: حاضر حاضر عني، ارتاحي وادفي على ما أعمل.

ونزلت مسرعةً بقميص جل قصير وشعرها، ولم تكن تعلم بوجود (نادر)،

ودخلت مسرعةً إلى المطبخ، لتجد من يحيطها من الخلف بذراعيه، ظنت أنه (ظافر)، ولكنه لن يفعلها، فنظرت ووجدته (نادر): في إيه يا أستاذ نادر؟! إنَّ اتجننت!

في هذه الأثناء، أخبرت (بنان) (ناهد) أنها وجدت محافظتها ويجب عليها العودة لأخذها، أما (نادر) فكان يحاول استمالة (ظلال) إليه: هو في حلاوة بالشكل ده! الواد ظافر ده معندوش نظر، يهمل الحلاوة دي!

وحاول احتضانها، فوضعت يدها على سكين وضربته في يده، فتركها على الفور وذهب خلفها، وقد دخلت (ناهد) في هذه اللحظة و(ظلال) تخرج من المطبخ مسرعة وخلفها (نادر) يخفي يديه، فكان يصيح بها: هو ظافر مش مكفيك ولا إيه؟! جاية تتحرشي بيا! صحيح بتاعة شوارع!

في قدوم (ناهد) وخروج (ظافر) من المكتب على هذا الكلام وصوته العالي، وهي تنظر إلى (نادر) باستغراب والجميع ينظر إليها وهي بقميصها القصير وشعرها وهذا الكلام الغريب الذي يقوله.

فماذا سيحدث؟ هل هذه هي النهاية أم سينقلب السحر على الساحر؟

(٣١)

نظرت (ظلال) إلى (ناهد)، والتي بادرتها بنظرات الاتهام، فكانت مقهورة من تلك النظرة التي لمحتها بعينها، فكيف لها أن تصدق هذا عليها! ولكنها التمسست لها العذر، فهذا زوجها، كيف تصدق عليه هذا وأنها خُدعت فيه كل هذه الأعوام رغم تضحيتها بكل شيء حتى أمومتها من أجله، ولكنها التفتت إلى هذا الذي ينام بجوارها كل يوم ويعلمها جيداً، فهل تحرشت به يوماً ما وهو زوجها حتى تتحرش بغيره، إن كانت تريد رجلاً فمن باب أولى زوجها، فلم تحتل نظرات الاتهام التي يوجهها إليها، لتتساقط العبرات على وجنتيها. تحولت نظرات (ظافر) بين مُصدِّق ومُكذِّب، لا يعلم هل انخدع ببراءتها أم أنها بريئة حقاً، ونظر إليها في هذا الرداء الذي ترتديه وشعرها، فبدأ عليه التصديق لما يقوله (نادر)، ثم نظر إلى وجهها الباي ودموعها، فكذب ما قاله (نادر).

وهي تنظر إلى (نادر) بعيون باكية فتقول: حسبنا الله ونعم الوكيل! وانطلقت تجري إلى حجرتها، ليزيد من كلامه: آه، اعملي فيها بريئة، شوفي مين هيصدقك، خلاص الكل عرفك على حقيقتك.

فوجدت (ناهد) الدماء تسيل منه، ففزعت عليه: إيه ده يا نادر؟! إيدك بتجيب دم!

وجرت تأتي بمطهر وقطن وشاش لتضمد الجرح: إنت حصل لك إيه؟! (نادر) بتلغثم: أبداً يا ناهد، حاجة بسيطة متكبريش الموضوع، ده بجيب معلقة إيدي خبطت في السكينة فاتفحت.

(ناهد) باستغراب: وإنت إيه دخلك المطبخ؟! وفين الدادة؟ (نادر) بضيق: يوووو يا ناهد، هو تحقيق! راحت مطرح ما راحت، همسي وراها مخبر؟! ملقيتهاش قلت أعمل لي قهوة، دخلت لقيت حضرتها جاية من ورايا تدلع عليا، فضحتها عشان تعرفوا حقيقتها، أصلك مخدوعة فيها. (ناهد) بحزن: فعلاً، الي تحسبه موسى يطلع فرعون! وأنا اللي قلت دي ساذجة وطيبة.

(نادر): طيبة! ده إنتِ الي طيبة!

أما (ظافر) فانطلق خلفها عندما جرت من أمامه، ودخل عليها فوجدها تضع ملابسها في الحقيبة والدموع تملأ وجنتيها، ليغلق الباب ويقرب منها ويغلق الحقيبة.

فجذبها من يدها وأجلسها على مقعد وجلس أمامها على المقعد المقابل، وقرب مقعدها بحركة فجائية لتكون بين فخذه وكأنه يقبض عليها: ممكن بقى تهدي وتفهميني، إيه اللي نزلك بالشكل ده؟! وأنا أصلاً منبه عليكِ متنزليش بشعرك، تقومي تنزلي بالشكل ده!

فظنرت إليه بحزن وهي تشهق بالبكاء كالأطفال: يعني إنتَ مصدق عليا الكلام ده؟

فأغمض عينيه لِيُهْدئَ من روعه: أنا لا مصدق ولا مكذب، أنا أحب أسمع من الأطراف كلها، وأنا ليا عقلي اللي أحكم بيه مين الصادق ومين الكاذب. فهضت: خلاص، طالما مش مصدقني لازمته إيه الكلام، أنا ماشية وساييها لكم. فجذبها بقوة لتجلس مرة أخرى، وبصوت قوي: أنا مش هتحايل عليكِ، انطقي، إيه اللي حصل؟ بدل ما هتسوفي وش عمرك ما شوفتيه، أنا مش ناقص دلج الأطفال ده!

فبكت بقهر، ليغمض عينيه ويرفع شعره بيديه: يا ابنتي خلصيني وانطقي، مش فاضي لك طول اليوم! عاوزة تفضلي متهمه كده ومتدافعيش عن نفسك؟! إيه نزلك كده تحت ونادر كان موجود؟

(ظلال): أنا معرفش إنه تحت أصلاً، ولا إن أبله ناهد جت هنا، أنا كنت نائمة جنب إسلام عشان كان تعبان بالليل، وسهرت جنبه لحد ما روحت الأوضة الثانية عشان متقلقش وإنّ نايم، فلما نام محسيتش بنفسي وحت بنان فرعتني إن عندها مخص، فنزلت أعمل لها حاجة سخنة.

(ظافر): وتنزلي إنتِ ليه؟ ما تقول للدادة.

(ظلال): أنا قلت لها أكلّمك ونوديتها المستشفى، قالت لأ، هي قالت للدادة تجبلها العلاج، وطلبت أعملها حاجة سخنة، وأنا كنت نائمة ومش مستوعبة حاجة ومخي مش فيا، فنزلت على المطبخ بالشكل ده، مأخذتش بالي ولا فكرت ألبس، أنا بس قلت لها تنام وتتغطى عشان تدفي وتخليها جنب إسلام.

(ظافر) باستغراب: أمال فين بنان؟
(ظلال) مستنكرة: معرفش، ملقيتهاش، والحمد لله إن إسلام لسه نايم
وماتحركش، كان وقع من على السرير.
فنظر إليها: ونادر، إيه اللي حصل؟
فنظرت إليه: برضه مفكر أنا اللي عملت كده معاه! طب مفكرتش للحظة، لو
أنا عاوزه راجل معملتش معاك كده واحنا بنام جنب بعض ولا عمري قربت
منك، وإنّ عارف كده كويس.

فنظر إليها نظرة خبيثة: ما يمكن مش عاجبك!
فنهضت: خلاص، طالما إنت مصدقه، إيه لازمته كلامي، لا هيقدم ولا هيأخر.
فأجلسها بقوة مكانها: أنا اللي أقرر لما تحكي مش إنت، كملي.
(ظلال) ببكاء: مش قادرة بجد أحكي، أنا جسمي بيرتعش من ساعتها.
فأمسك بيديها المرتعشتين وتفهم حالها: طب اهدي وكملي.
استجمعت (ظلال) شجاعتها: أبدًا، دخلت أعمل حاجة سخنة لقيت حد
بيحضني من ورا، فكرت للحظة إنه إنت، لكن استبعدت الفكرة، فحاولت ألف
أشوف مين لقيت نادر، مبقيتش عارفة أعمل إيه.

(ظافر) وينظر إليها نظرة تؤلمها: وإيه اللي يخليني أصدق روايتك دي.
فنهضت: لو مش مصدق، شوف الجرح بالسكينة اللي عملته فيه لما اتهجم عليا،
وبعد إذنك وسع عشان مش هفضل هنا تاني.

فقام (ظافر) يجز على أسنانه بعد أن تأكد مما حدث: الحيوان القذر بيتهجم
على حرمة بيتي وعلى شرفي بعد كل اللي عملناه معاه!
فوجدت ملامحه تغيرت وكأنه سيصور قتيلاً، فوقفت أمام باب الغرفة حتى لا
يخرج: إنت هتعمل إيه؟ مش هسيبك تخرج في الحالة دي.

فنظر إليها بغضب: ابعدي عني أحسن لك الساعه دي، حسابك بعدين على
اللبس اللي نزلتي بيه.

فوقفت كالتمثال ولم تتحرك: اعمل فيا اللي عاوزه بس مش هسيبك تنزل.

فنظر إليها باستغراب: خايفة عليه ولا إيه؟!

لتنغاضى عن تلميحه: أكيد لأ طبعًا، أنا خايفة على...

ولم تكمل واستطردت: فكر في أختك ناهد، اللي بتحبه لدرجة ضحت بكل شيء وبأمومتها عشانه، دي لو عرفت ممكن يجراها حاجة، أنا مش مشكلة لو فضلت فاكرة عني كده، لأن هي متعرفيش، ومعرفتنا لفترة قليلة، مش هتتصدم فيا قوي، لكن صدمتها في جوزها عمرها ما هتتحملها، من فضلك بلاش عصبية وفكر فينا قبل تهورك ده.

فلم يأخذ بكلامها وأمسكها من ذراعها بقوة لتتألم منه، وأبعدها على طول ذراعه لتقع على الفوتيه، ثم نظر إليها: إنت متقوليش إيه أعمله وإيه ماعملوش، مش حته عيلة هتمشيني، وحسابك لسه بعدين.

لتنظر إليه بعينين باكيتين، فلم يتأثر ببكائها وانطلق، ووجد أخته مع زوجها تضمد آثار السكين، فتأكد من قول زوجته وهم بالذهاب، ولكنه نظر إلى أخته، كيف له أن يفعل بها هذا؟!

فذهب إلى زوجها وأخذه من تلايبه بعيداً عن (ناهد) وهو يجز على أسنانه: إنت يا واطي، بعد اللي عملناه معاك تعمل كده في مراتي وتتعدى على شرفي أنا! كاد (نادر) أن يتفوه: إنت صدقتها...

فلم يمهله: إنت تخرس خالص ومأسمعش نفسك هنا تاني، من سكات تاخذ مراتك وتروحووا بيتكم وماشوفش خلقتك هنا مرة تانية، كفاية إني هسمح لك تاخذها معاك، لو عليا هرجعك حافي زي ما كنت، لكن عشانها هي، خايف من صدمتها فيك بعد اللي عملته معاك يا واطي.

فعلم أن أمره قد كُشف وحاول مللمة ما بقي من كرامته قبل أن يفتضح أمره أمامها: يلا يا ناهد.

(ناهد) باستغراب لموقف أخيها: إنت صدقت الحية دي ولا لعبت عليك وكلت دماغك زي ما عملت مع حمزة! وأنا اللي بقول ظافر واعي وشديد مش هتقدر تبلفه زي حمزة.

فأغمض عينيه حتى لا يتفوه بكلمة: خدي جوزك يا ناهد وامشي الساعة دي. (ناهد) بغضب: أنا فعلاً ماشية، ومش راجعة تاني.

ثم نظر إلى (نادر) الذي أمسك بزوجه وقال: يلا يا ناهد، متكتريش. فاستغربت أن (نادر) لا يُجادل أو يقول أي شيء لـ(ظافر) دفاعاً عن نفسه،

وأخذت زوجها وذهبت إلى بيتها، ولم تفهم شيئاً، كيف لـ(ظافر) أن يقتنع بكلامها هكذا بسهولة ويأتي على (نادر) وكاد يضربه، ولكنها استبعدت فكرة كذب (نادر)، فهي لن تتحمل، فحاولت ألا تسأل، ولكن الفضول اعتصرها، فنظرت إلى زوجها نظرةً محتارة، فحادَ ببصره عنها وتحاشى النظر إليها، لتنام لأول مرة بجانبه وهي تدير ظهرها له ولا تحتضنه، وتخوفات وأفكار تملأ رأسها. فهل ستتحمل كل هذا العناء والشك؟ وإلى متى ستصبر ولا يدفعها الفضول إلى معرفة تفاصيل ما حدث؟

أما عند (ظلال)، فقد ذهب (ظافر) مرة أخرى إلى حجرته يخلع ملابسه، لتقف ويدفعها الفضول لتسأله: عملت إيه؟ فردَّ بغیظ: وإنّ مالك، أعمل اللي أعمله، مش كفاية عملتك السودا ونزلالي بالشكل ده، ما هو ده اللي خلاه يطمع فيك. (ظلال) بضيق من تلميحاته: ما قلت لك كنت نائمة ومش مركزة. فجذبها من ذراعها إليه: نائمة يعني قومتي وفوقتي، مش ضاربة دماغ ولا واحدة مخدر مش حاسة بنفسك، آخر مرة تتكرر، وإلا هعلقك من شعرك ده اللي فرحانة بيه.

(ظلال) وقد تغاضت عن كلامه: المهم، عملت إيه؟ قلت لأبلة ناهد؟ فنظر إليها: يهكم قوي أمرها؟!

(ظلال) بغضب: أكيد طبعاً، وإنّ عندك شك في حبي لأبلة ناهد. فاقترب منها: أبلة ناهد بس.

فلم تفهم قصده وفكرت أنه يلمح إلى (نادر): تقصد إيه بالضبط؟ فابتعد: ولا حاجة.

فأدارته لها: إنت لسه بتشك فيا وإني أنا اللي اتحرشت بنادر؟

فنظر باستغراب إليها: إنت مجنونة يا بت! وأنا لو عندي شك كنت لسه هتبقي واقفة قدامي بحالك كده، ولا كنت عملت فيه كده، ده أنا كنت هنفخه، لولا وجود ناهد، اتحاملت على نفسي إني أشوفه قدامي وأحذره بس إنه يهوب هنا تاني، ولو حاول يضايقك تقولي لي فوراً.

(ظلال) باستغراب: وهو لو مجاش هنا هيضايقني ازاي، وصحيح بالنسبة للكلية...

(ظافر) بضيق: مالها؟ مش جبت لك دكاترة هنا يدوك كورسات وكليتك نظرية مش عملية مش محتاجة تحضري، واتفقنا على كده.

(ظلال) بتفهم وجلست على الفراش عاقدة قدميها كالطفلة التي تستمع لأبيها وهو بجوارها: بس زمايلي كلموني وقالوا لي في دكتورين رخمين قوي وياخدوا الغياب.

فترك كل هذا: نعم يا اختي! زمايل مين دول اللي كلموك؟! مش قلت رقمي وأمك وناهد وخلص، جبتيهم مينين دول؟

(ظلال) تحاول تهدئته: اهدا بس ونتكلم بالعقل.

(ظافر) بغضب: وإنت خليتي فيا عقل! مين دول انطقي؟ وبتكلمي شباب! (ظلال) بسرعة دون تفكير: لا والله دول بنات.

(ظافر) غير مصدق: وجبتيهم مينين دول؟

(ظلال) مفسرة له: فاكرا اليوم اللي وديتني فيه الكلية لما اتحايلت عليك عاوزة أكمل تعليمي.

(ظافر) يتذكر: آه فاكرا، وأخذتك تجيبي الكتب وتعرفي المواد واستنيتك ورجعتك واتفقت مع دكاترة مش معيدين يجولك للبيت وبأضعاف الكورسات اللي بره.

(ظلال) لتذكره هذا الموقف تثني عليه: الله ينور عليك، ساعتها أخذت أرقام بعض صديقاتي، لو في امتحان ولا غياب يكلموني، وفعلاً كلموني.

فأخذ الهاتف من يدها وتفحصه: اتصلي برقم رقم وافتحي الاسبيكر. (ظلال): إنت بتعمل معايا كده ليه؟!

(ظافر) بغضب وبصوت أرفعها: اخلي ونفذي.

لتتصل بالأولى والثانية فتسلم عليهم وتسال عن الأحوال، أما عند الثالثة فقد ظهر صوت رجل، لتفزع وتلقي بالمحمول.

فأعطاها لها: ردي.

فردت: السلام عليكم، مش ده رقم زهرة؟

فرد الرجل: أيوه يا ابنتي، بس نايمة وسابت التليفون في الصالة، أنا والدها، أقول لها مين؟

فتنفست الصعداء: لا يا عمو متقلقهاش، أنا هتصل وقت تاني.
ونظرت إليه: شوفت!
فرد: كملي.

فردت بزهد: باقي واحدة.

فأجاب بصوته الجهوري: اخلصي.

فرنّت على صديقتها، ليظهر صوت شاب يرد عليها: أيوه يا عسل؟ عاوز إيه؟
فردت: مش ده تليفون لمياء؟

فرد الشاب: لمياء وأخو لمياء تحت أمرك يا عسل، يعني مينفعش أخوها؟!
لياخذ (ظافر) الفون: إنت بتستهبل يا روح أمك!
ليرد الشاب: مال صوتك؟!

(ظافر): لا ده إنت بتستظرف بقى وعاوزني أولع في أمك!

فأغلق الشاب الخط: و(ظافر) ألقى بالمحمول: البت دي الغي رقمها وإياك
ترن عليك وتردي.

(ظلال): حاضر حاضر، دي زبالة أصلاً وأخوها أزيل منها.

وضغطت على الرقم: ما تتحدّثي بقى يخربيتك إنت وأخوك في يوم واحد جبتولنا
الكلام، أنا غلطانة إني أصاحب واحدة أخوها زبالة كده!

وأدار هو وجهه وضحك على كلامها وطريققتها وهي تمسك المحمول وتحاول
حذفها، حتى غلبه الضحك ليقهقه بصوت عال، فنظرت إليه وسرحت: شكك
حلو وإنّ بتضحك، أول مرة أشوفك بتضحك معايا.

فرجع إلى تكشيرته، لتنظر إلى محمولها وتعتذر عن كلامها.

فأخذه منها: هاتي الموبايل.

فنظرت بخضة: ليه؟ هتاخده مني؟

فنظر (ظافر) إليها: هحذفها لك بس متخافيش.

وأعطاها إياه.

(ظلال): طب واليومين بتوع الدكاترة اللي بياخدوا الغياب، هتوديني؟

(ظافر) بضيق: حاضر يا ستي هوديكِ الصبح وأرجعك، وبالمرّة لو في أي توقيعات لأوراق في الشركة أخليهم في الأيام دي، بدل ما تنزلي وتخرجي كثير. فاحتضنته كالأطفال: متشكرة، متشكرة قوي. لتدرك ما فعلت وتراجع: أنا آسفة. فنظر إليها: آسفة على إيه يا هبلة! فغضبت من كلمته وأدارت ظهرها كالأطفال. فنظر إليها: طفلة، عمرك ما هتكبري. فهتفت: أنا لستُ بطفلة. فنظر إليها وضحك: وباللغة العربية كمان! والله طفلة. لتجده يهمس في أذنها: طب اديني أمانة إنك ست مش طفلة وأنا أغير وجهة نظري.

فجحظت عينها ونهضت من الفراش: تقصد إيه؟!

فماذا سيحدث يا ترى؟

ومماذا ستفعل (ناهد) مع (نادر)؟ هل سيستمر هذا الوضع أم ستعرف الحقيقة المرّة؟ وما ردُّ فعلها، أَسْتَسَامِح وتغفر أم سيكون لها موقف آخر؟

(٣٢)

انتفضت (ظلال) بعد كلمات (ظافر) الهامسة ونهضت مسرعة مبتعدة عن الفراش، ثم جحظت عيناها: يعني إيه؟ تقصد إيه بكلامك؟
فنهض مقترباً منها: تعالي بس متفهمينش صح، إنتِ خايفة من إيه، أنا هعرفك غلظك بس، مش هعمل لك حاجة.

بينما هي جاحظة العينين بسبب كلامه، ثم أمسكها بطرف أصابعه من ملابسها وأدارها لتصير أمامه مرةً أخرى، وتوجه إليها بسؤال: ده منظر ست؟! فنظرت إلى نفسها بتعجب، لتقول بدهشة: مالي، وست الستات كمان!
فضرب كفاً على كف وقهقهه: مبريلة (KG١) دي!
(ظلال) بضيق: لا بقى إنتِ زودتها قوي، مأسمحلکش تقول كده، أنا بارتاح في القمصان الجل دي، مبحش القمصان الثانية.

فضحك ليستفزها: ما هي الثانية دي بتاعة الستات، لكن دي بتاعة الأطفال.
وفي نفسها تسب فيه: رخم وبارد!
ثم نظرت إليه: وإنتِ إيه فهمك أصلاً في حاجة الستات!
فعقب عليها بنوع من الاستفزاز: الله يرحمك يا مادي، كنت أدخل ألاقي أنثى تحل من على حبل المشنقة وقمصان إيه ودلع إيه، ده كان عليها حته تقبرني...
فنظرت إليه بغیظ: مين مادي دي؟!
(ظافر) باستغراب: مراقي السابقة.

(ظلال) باستغراب: هي ماتت؟
(ظافر) ليغيظها أكثر: تفي من بقك، الجمال والدلال ده عاوزة تموتيه! حرام عليك.

(ظلال) بضيق: مش إنتِ اللي بتقول الله يرحمك!
(ظافر): الرحمة بتجوز على الميت والحي على فكرة.
(ظلال) بغیظ: ولما إنتِ بتحبها قوي كده ومش طايق بُعدها وبتتغزل فيها، طلقتهأ ليه؟

(ظافر) وهو يدير لها ظهره ويبتسم: لا حب إيه، وأنا بتاع الكلام ده.

و(ظلال) في قمة الغيظ منه، لترد: أصلك معندكش قلب ولا بتحس.

فالتفت لها: طب علميني يا صاحبة الإحساس المرهف.

فابتعدت وتراجعت لتلتصق بالحائط، وهو وضع كلتا يديه على الحائط وهي بينهما، لتجيب عليه: وأنا مالي، أعلمك أنا ليه.

فأجابها بهمس في أذنها: مش مراقي ولا أروح لواحدة غريبة تعلمني. فنظرت إليه بضيق: إنت حر.

ليستنشق عبر شعرها ويقترب من شفيتها التي مدتها بسبب ضيقها منه حتى كاد يقضمها، لتغمض عينيها، فتراجع ووقف ينظر إليها لاستفزازها أكثر فأكثر، ففتحت عينيها ونظرت إليه ليزداد غيظها منه وتنزل من بين يديه وتجري تندثر بغطائها.

فيأتي من خلفها يحتضنها، فحظت عيناها ثم أغمضتها كالأطفال بسرعة، وهو شعر بتعيراتها التي لأول مرة يتعامل مع مثلها، فهي حالة فريدة من نوعها بالنسبة إليه يحاول استكشافها، وفي الوقت نفسه يحاول إذابة الجليد بينهما بعد ما حدث بينهما من خلافات، أما هي فقد آثرت النوم دون تفكير فيما يفعله، ولكنها أحست بأنه متعجرف ويتعمد استفزازها ويضيق عليها الخناق، وهي لا تطيق هذا.

استيقظا في الصباح، وارتمى هو ملابسها، وهي أحست بألم في معدتها وميل إلى القيء، فجرت على الحمام تفرغ ما في جوفها، ليأتي مسرعاً لها.

(ظافر): مالك؟ خدتي برد ولا إيه؟ ده أنا مولعتش التكييف حتى.

(ظلال) بتعب بعد أن اقتربت من الفراش: لا أنا حاسة بقالي فترة بالموضوع ده، زي ما حصل في حمل إسلام.

فابتعد عنها: يعني إيه؟ تقصدي إيه؟

(ظلال) بتلقائية: أقصد إني حامل.

فجذبها إليه: حامل! يعني إيه؟ وازاي ومن مين؟!

فنظرت إليه باستغراب: يعني إيه ازاي ومن مين، هي الناس بتحمل ازاي، وأنا متجوزة مين عشان تسألني من مين ولا ناسي.

(ظافر) وقد جن جنونه: إنت مجنونة ولا بتستهيلي؟! أنا مبخلفش، العيل ده

جه ازاي؟! انطقي وإلا هقتلك!

(ظلال) ببكاء: العيل ده ابنك، ولو مش مصدق ابقي اعمل (DNA).

(ظافر) وهو غير مصدق: لا والله! أصلنا في زمن المعجزات، بقدرة قادر واحد مفيش أمل في الإنجاب ويخلف.

(ظلال) تحاول إقناعه: بتحصل كتير، وربنا قادر على كل شيء.

(ظافر) وهو كالمجنون: إنتِ عاوزه تجنيني!

وألقى بها على الفراش: أنا لازم أعرف الكلب اللي خونتيني معاه، ومش بعيد أكون ظلمت نادر كمان، واحدة من الشارع هنتظر منها إيه!

وتركها ومشى، لتجهش بالبكاء من كلماته ولا تدري ماذا تفعل مع هذا الثور الهائج، فالله وحده يعلم أنها مظلومة، وهو القادر على أن يُنجيها مما هي فيه، فأخرجت دفترًا تكتب فيه بعض الكلمات كلما ضاقت بها الحال ذرعًا ولا تجد متنفسًا غير الكتابة، فسطرت هذه الكلمات عليها تجد فيها متنفسها:

كَانَ حُلْمًا صَعَبَ الْمَنَالِ

وَعِنْدَ اقْتِرَابِي مِنْهُ تَلَاشِي

بَلْ بَاتَ يُؤرِّقُنِي

يُطِيحُ بِمِشَاعِرِي

يَسْحَقُنِي

تَتَلَاشِي أَحَاسِيْسِي

أَعْجَزُ عَنِ التَّنَاغُمِ

تَفْتَرُ مِشَاعِرِي تَجَاهَهُ

يَقْسُوا عَلَيَّ

يُعَنِّفُنِي

قَدْ بَتُّ لَا أَحْتَمِلُ

أَعْلَمُ أَنَّكَ تُحِبُّنِي

ولكنني قد دفنتُ حبي معَه.

ثم وضعت الدفتر في المكان المخصص له وذهبت إلى ابنها تراعيه والدموع تنساب منها.

أما هو، بعد أن ذهب إلى العمل أنهى بعض المعاملات ولم يحتمل هذا الشك الذي يعتصره، حتى أنه أمسك بمسدسه وكاد يذهب ليفرغه بها، تلك الخائنة، ولكن كيف تخونه مع هذا الحصار، ومن هو هذا الشخص الذي فضلته عليه، لا بد أن يعرف.

كاد يذهب يعتصرها عصرًا حتى يُخرج الحقيقة منها، ولكنه تراجع وذهب إلى الطبيب حتى يقطع الشك باليقين ولا يظلمها. ذهب يسأل الطبيب عن حالته.

فسأله الطبيب: أين التحاليل؟

فنظر إليه (ظافر): مش عندي، ده كنت في ألمانيا ومراقي اللي تابعت وقالت لي، وأنا مسألتهش ولا جبتها.

الطبيب بتفهم: خلاص، هنعمل حاليًا فحص مبدئي للتأكد من حاجات معينة، وبعد كده هبعثك للمعمل تعمل التحاليل اللازمة.

وبالفعل، أجرى الفحوصات اللازمة، فأكد له الطبيب أنه بخير جنسيًا وجسمانيًا، أما بخصوص العقم أو عدمه فهذا ما ستؤكد التحاليل، واستعجل (ظافر) في إنهاء التحاليل، ليخبره الطبيب أنه سيحاول إعطاء الأوامر للمعمل بإنائها في أسرع وقت، ولكن لا بد من بعض الوقت لإعطاء النتائج، ووعده أنه سيتصل به بمجرد ظهور النتائج.

فاستسلم (ظافر) بعد هذا الحديث، ولكن وافته بادرة أمل أنه ربما يكون قد شُفي أو شيء من هذا القبيل، ولكنه آثر ألا يذهب إلى الفيلا قبل أن يتأكد، كي لا يتهور أو يصنع بها شيئًا، فقد أصبح الأمل قريبًا لأن يُصبح أبًا ولا يريد إضاعته بتهوره وشكه بها.

فذهب إلى البار بعض الشيء، وبعدها سار في الطرقات بسيارته على غير هُدى، حتى استوقفته فتاة ليل، فوقف ليأخذها معه إلى شقة أخيه (حمزة)، فجلس على الفراش ممددًا وهي بجانبه تنظر إليه، وأخرج سيجارًا يدخنه لينفث فيه غضبه.

حاولت الفتاة مجارته في الحديث: إنت شغال إيه؟

فصدها بضيقٍ وبعنف: وإنّ مالك؟
ففزعت منه: خلاص، أنا كنت بفتح مجال يعني، ولا شكلك منهم، ده نفخ ده
ولا إيه؟

فاغتاظ منها: قومي يا بت من هنا، أنا اللي غلطان إني جبت واحدة واطية زيك!
فنظرت إليه: وفلوسي، هو إنت من إياهم!
فضربها كفاً وأخرج مبلغاً كبيراً ورماه بوجهها، فلملمته من الفراش: يا اخويا
يقطعني، لو احتجت أي حاجة كلمني على طول.
فنظر إليها بضيقٍ وبدونية: امشي غوري مش عاوز أشوف وشك.
وألقى بالأشياء التي بجواره على الأرض.
فجرت وهي تقول: حاضر حاضر.

لينظر إلى صورة فرح (ظلال) و(حمزة) المعلقة على الحائط، وكانت هذه أول
مرة يلاحظها.

فحدّث أخاه: ليه يا حمزة عملت فيا كده؟! أنا كان مالي بده كله، كنت عايش
لوحدي ولا حامل هم حد ولا ليا صلة بحد، دبستني في كل ده وخلعت وسببني،
إيه اللي خلاك تعمل كده وتتحدى أبوك وإنّ الوحيد اللي عمرك ما خالفته،
تستاهل قوي تعمل عشانها كده؟!

ثم قاطع تفكيره اتصال من الطبيب: نتايح التحاليل ظهرت، إنت زي الفل
ومفيش أي مانع عن الإنجاب.

فاستغرب وتساءل: يعني ممكن حد لا ينجب ومن غير علاج يخف؟
فأجابه الطبيب: يا ابني إنت مفيكش عيب أصلاً عشان تخف!
فاستغرب (ظافر): ازاي؟! وتحاليل ألمانيا، معقول يغلطوا!
الطبيب: أنا مشوفتهاش عشان أحكم عليها، لكن أنا اللي قدامي تحاليلك دلوقت،
وباتكلم على أساس كده، إنت زي الفل وتقدر تخلف عادي.
فشكره (ظافر) كثيراً وفرح جداً، فأخيراً حلم حياته الذي فقد فيه الأمل
سيتحقق، ولكنه تذكر زوجته السابقة فاتصل بها.
(ظافر): ألو مادي، عاملة إيه؟
(مادلين): تقبرني حياتي.

(ظافر) لإغاظتها: مش تباركي لي يا مادي، هبقى أب.
(مادلين): ظافر! أنا آسفة، والله حبي ليك وخوفي تتركني هو اللي خلاني أعمل
هيك، بليز ظافر.

(ظافر) وكاد يسبها ولكنه أغلق الخط بعد أن تبددت كل شكوكه، ليذهب
إلى زوجته ويحاول معها أن يتجاوزا ما حدث، فالآن سيصبح بينهما طفل يزيد
من الروابط بينهما، ولن ينسى أنها سبب تحقيق حلمه.

أما عند (ظلال)، وجدت اتصالاً من (ناهد) تسألها عما حدث فعلياً، لتنكر
(ظلال) كل ما قاله (نادر)، وزادت أيضاً أنها لا تعلم لماذا قال عنها ذلك.
فسألته (ناهد) بريية: أمال إيه اللي حصل بالضبط.

لتتعلم (ظلال): ولا حاجة يا أبله، إنت عارفاني أنا بحبك قد إيه، ازاي أعمل
كده، والله ما عملت له حاجة من اللي قالها ولا عارفة قال كده ليه.

فأحست (ناهد) بريية، وأن (ظلال) لا تريد قول الحقيقة إشفاقاً عليها حتى لا
تُصدَم بحب عمرها، لذلك استقر عزمها على أن تصارح (نادر)، لأنها لن تعيش
طويلاً في هذا الشك وهذه الكذبة بعد الآن.

وعندما عاد (نادر) من العمل، كانت (ناهد) قد جهزت شنطتها في حجرتها
وانتظرته بالصالة لتحديثه بمجرد دخوله.

(ناهد): إيه اللي حصل بالضبط يوم موضوع ظلال؟

فحاول ادعاء النسيان والهروب: موضوع إيه وظلال مين!

فنزرت إليه ووقفت أمامه: بصلي وكلمني، إنت من يومها بتهرب من نظراتي،
وأنا مبقيتش قادرة أتحمل.

فحاول النظر إليها: آه، أكيد اتصلت بيك ولا أي حد قال لك كلام تاني، اوعي
تصدقهم.

فنزرت إليه بعد أن تأكدت ظنونها، فهي تعرف زوجها تمام المعرفة: يبقى شي
في محله، طلقني يا نادر.

وسقطت على المقعد، ليجلس على ركبتيه أمامها: إنت بتقولي إيه؟! هو اللي بينا
ميغفرليش أي حاجة؟! أنا بحبك، وإنت فاهمة غلط، والله مش اللي في بالك،
هي منها لله، بنان لعبت في دماغِي.

فنظرت إليه وجحظت عيناها: بناااا! مالها بنان؟!
فقص لها ما قالته (بنان) له، لتنظر إليه: وإنت شوفت بنان فين؟ وحصل ده
كله من ورايا!

(نادر) بتلعثم: أبدأ والله، دي كانت معدية جنبنا جت تشوفك، قلت لها مش
هنا، فكلمتني ومشيت على طول.

لتنظر إليه، هل حب عمرها تحول إلى هذه القذارة التي تراها؟!!

لتنهض بقوة عازمة أمرها: ورقتي توصلني على الفيلا.
وأخذت حقيبتها المعبدة مسبقاً، ليترجأها ويحاول إيقافها، ولكنها عزمت أمرها
وذهدت إلى الفيلا.

لتنادي على (بنان)، وحين نزلت إليها ضربتها كفاً: لمي هدومك وامشي من هنا
حالا.

فهمت أن (نادر) قد أفشى سرها، فجرت إلى حجرتها وأخذت حقيبتها ونزلت
بسرعة.

في هذه الأثناء، كان (فاروق) يحاول تجاوز الحراس ليذهب إلى أخته، وكانت
(أشجان) في حديقة الفيلا تقرأ كعادتها، لتجده يتشاحن معهم فذهبت إليه:
إنت تاني يا حيوان! إيه جابك هنا؟ طلوعوا الحيوان ده بره.

وهو يرد عليها: دي فيلا أختي وابنها وعاويزة تخرجيني منها يا حيوانة، أنا جبت
آخري منك إنت وأهلك.

لتأمرهم أن يضربوه ويلقوا به في الخارج، وهنا خرجت (بنان) مسرعة حتى إنها
لم تسمع نداء (أشجان)، وأخذت سيارتها لتخرج مسرعة، ونظرت إلى (فاروق)
الذي يضرب من قبل الحرس وحاولت تذكره، ثم وقفت بعد فترة ورجعت
بسيارتها، فوجدته يسير بجانب سور الفيلا، ثم نادته.

فماذا ستفعل مع (فاروق) يا ترى؟

وهل (ناهد) لن يثنيها شيء عن اتخاذ قرارها؟

وماذا سيحدث حينما يعود (ظافر)؟

وما الجديد المنتظر؟

(٣٣)

ذهب (ظافر) إلى زوجته وهو يغمره الشوق لملاقاتها، ولم يعلم ماذا يفعل بعد تشكيكه في نسب هذا الطفل، وهل ستقبل أن تسامحه على هذا الظن السيئ بها أم لا، ولكنه قرر الذهاب فقط، ولم يخمن ما سيحدث. كان الوقت متأخرًا ويقترب من دنو الفجر والجميع نيام، فذهب إلى حجرته وفتح الضوء، ووجدها نائمة كالملاك وآثار البكاء على وجنتيها، فأغمض عينيه لأنه تسبب في بكاء وحزن هذا الملاك، ووجدها تغلق عينها بشدة من أثر الضوء، فأغلقه من أجلها وأيضًا من أجل (إسلام) الذي بدأ يتململ في فراشه من الضوء. فارتدى بنطاله على عجلة وجاء لينام بجوارها، واحتضنها من الخلف ووضع يده على بطنها بحنان يتحسس وليده القادم الذي بات كالهاجس الذي يراوده في يقظته وأحلامه ويتمنى قدومه اليوم قبل الغد، فها هو حلمه يتحقق على يديها. شعرت به (ظلال)، ولكنها آثرت الصمت، إذ لم تعلم ما يدور بعقله بعد ما قاله وما فعله، ثم استيقظ قبلها وأخذ حمامه وخرج متدثرًا بمنشفته.

وجلس بجوارها: مش هتقومي تفطري جوزك يا كسلانة، ده أنا نايم قرب الفجر وصحيت وإنّ يا خم نوم لسه مصحيتيش، أهلك علموك تسيبي جوزك يفطر لوحده؟!

فتلملت بالفراش وهي غير مستوعبة ما يحدث، ففتحت عينها تتأمله وتضع يدها على جبهته: إنّت كويس يا ظافر؟ فيك حاجة؟

فنهض ليمشط شعره أمام المرأة: أنا زي الفل.

وقهقه: ولا عشان ناكش شعري فكرتيني اجنت.

فضحكت: لا أبدًا، ربنا يهدي! في البيت ده اتعلمت ماستغربش من حاجة خالص تحصل قدامي.

ونهضت لتجده أمامها يضع يده على بطنها ويطمئن على الطفل: البيبي عامل ايه؟ خدي بالك منه.

فنزرت إليه باستغراب: هااااا آه! كويس بخير، أنا داخلة الحمام.

ليجذبها من ذراعها ويضع رأسها بين كفيه: عاوزك النهارده تلبسي أشيك

حاجة عندك، عشان أما أخلص شغل هعدي عليكِ وأخذك أعزمك بره في أفخم الأوتيلات.

فنزرت إليه بصدمة، فهذا ليس (ظافر) الذي تعرفه، ولكنها تعرف تقلباته فلم تعقب.

أومات برأسها وأجابت: حاضر، عاوزني جاهزة الساعة كام؟
فقبلها من جبهتها: أما آجي نبقى نختار سوا اللي هتلبسيه.

فنزرت إليه وانطلقت إلى الحمام، وهو يتبعها بنظراته، ليعلو صوته: فين البنادول يا ظلال؟ لحسن مصدع.

(ظلال) من الداخل: شوفه في الكومودينو اللي جنب السرير.

وحين فتح وجده على دفتري، فأخذته وأغلق، ولكن دفعه الفضول ليفتح مرة أخرى ويجذب إليه الدفتري ويتصفحه، ليجد كلماتها الأخيرة، ليلقي به في الأرض ويدوس عليه بحذائه وينطلق إلى مكتبه ليلملم بعض أشيائه في حقيبتته، فخرجت ووجدت الدفتري مُلقى في الأرض مداسًا عليه بالأقدام وممزع، فجلست على الفراش وأغمضت عينيها: يا ربي! كل ما يتصلح الحال يحصل شيء يبوظ الدنيا، أعمل أنا إيه دلوقت، زمانه شايط وعلى آخره، هو أنا مش عرفاه.

وارتدت ملابسها وذهبت إليه بالمكتب بعد أن أخبرت الدادة تعد طعام الإفطار، ليجدها أمامه: مش هتفطر معايا؟ الفطار جاهز.

فرد دون اهتمام: مش فاضي ورايا شغل، ومليش نفس.

فوقفت أمامه: ظافر متعاقبينش على كلام قولته في لحظة...

فقاطعها: الكلام ده يا هانم بيخرج منه هنا.

وأشار إلى قلبها، فصاحت فيه: إنت بتعمل في غضبك معايا أكثر من كده بكثير وأنا بتحمل، خلاص يعني لما أقول كلمتين من نفسي أتعاقب عليهم طول العمر! احنا بقى في بينا طفل دلوقت.

فهمس بأذنها: مش عايزه طالما منك.

فصاحت فيه: وأنا مش هفرط في حته مني ومنك يا ظافر، إنت فاهم!

فأزاح يدها التي أغلقت بها باب المكتب حتى لا يمر: إنت حرة، بس متجيش على نفسك إنك تتحملي طفل من راجل بتكرهيه قوي كده، حتى هياثر على

نفسية الطفل، يطلع بيكره أبوه عشان أمه بتكره أبوه.

وسار أمامها، لتغتاظ منه وتصيح: إنت متخلف ومش فاهم حاجة!
ليعود إليها ويغلق الباب ويضربها كفاً: صوتك ميعلاش في البيت ده، إنت فاهمة! احنا مش في شارع، ده بيت محترم وفيه خدم وأنا ليا مركزي.
فنظرت إلى الأسفل: أنا آسفة قوي يا ظافر بيه! طب والعزومة أخبارها إيه؟
فنظر إليها: مش فاضي.

فعبقت: طبعاً، أنا أصلاً كنت هقول لك مش هينفع.

فنظر إليها باستفهام، لتفهم مقصده، فردت عليه: أبلة ناهد بايته هنا من امبارح، وفضلت مستنيك لوقت متأخر، بس كانت تعبانة ومرهقة وبتعيط فغلبها النوم، فضلت جنبها لحد ما نامت.

فأجاب باستغراب: ليه؟ فيه إيه حصل؟ الندل اللي اسمه نادر عملها حاجة؟
(ظلال): معرفش، ماتكلمتش معايا في حاجة، أنا كنت بحاول أهديها بس كانت منهارة قوي لدرجة نامت من كتر العياط.

(ظافر) بضيق وعصبية: والله لو عمل حاجة تاني معاها لأطلع روح أمه! أنا هحاول آجي بدري وأشوف في إيه، الواحد هيلحقها منين ولا منين!
ونظر إلى أعلى وإلى (ظلال)، وتركها وسار أمامها. لتنظر إليه بغیظ: يقصدي أنا منين الثانية؟! ليه؟ عملت له إيه إن شاء الله؟ ده هو اللي كل مرة يعمل فيا وأنا بستحمل ومش عارفة هفضل أستحمل لإمتى!

أما (بنان) فعندما شاهدت (فاروق) ويكأنها وجدت ضالتها، فهو لديه الحقد نفسه على هذه العائلة، والمثل يقول: «عدو عدوي صديقي»، فاجتمع الأعداء معاً لمواجهة عدوهم الأوحده.

أخذت تنادي عليه وهو لا يبالي، وآخر المطاف صاح بها: عاوزة إيه مني إنت كمان؟!

فنادته: تعالی بس عاوزاك.

فدخل في السيارة بجانبها: نعم، عاوزة تهزأي فيا شوية إنت كمان زيهم.
(بنان): أهزأ إيه وأنيّل إيه، أنا زبي زيك، ليا تار بايت مع العيلة دي، إنت

مش نفسك تجيب مناخيرهم الأرض زي ما بهدلوك إنت وأختك.
فأحس أنه وجد غايته: ده يوم المني، مفكرين إنهم من طينة غير طينتنا، ونازلين
بهدة فينا ومانعين أختي حتى تيجي تشوف أبوها، وأمي هتجنن وملخومة
بأبويا ولا بتروح ولا بتيجي.

فأحست (بنان) بأنه على الخط نفسه معها ويلعب في اتجاهها ومشحون على
آخره من هذه العائلة ويتمنى أي شيء يفعله ليرد كرامته التي أهدروها.
(بنان) بعد أن سرحت بفكرها، رجعت مرة أخرى: خلاص تمام، أنا معاك
وإيدي في إيدك.

(فاروق) باستغراب: أيوه هنعمل إيه يعني؟
(بنان) بسرعة: هات رقم تليفونك وخذ بتاعي، وهنبقى على تواصل، وأول
أما ألاقي الخطة اللي ترجع لنا كرامتنا هكلمك.
ففعل (فاروق): وأنا معاك يا قشطة في أي حاجة، إلا إنت مش من العيلة دي
برضه؟

(بنان) بضيق: بنت عمهم.
(فاروق) باستغراب: حتى بنت عمهم مش عاتقينا وكرهوها في عيشتها، عالم
زبالة! هما عملوا لك إيه؟

(بنان) بعدم اكتراث: يلا انزل بقى إنت هاتصاحبني؟! متسألش في اللي
ملكش فيه، وأما ألاقي حل هتصل بيك.
فنزل يضرب كفاً على كف: أهى قلبت والعرق بتاعهم نطح عليها أهى، أنا مالي،
المهم أشفي غليلي منهم.

ورجع إلى أمه، لتسأله عن (ظلال) إذا ما كان رآها، وهل هي بخير، ليقاطعها:
لا شوقتها ولا حاجة، ولاد... منعوني أشوفها، والبت أخته شتمتني وبهدلتني
وضربوني وقلوا قمتي.

فحاولت التخفيف عنه: معلش يا حبيبي، أنا لولا بتكلمني وتطمني عليها كنت
اتجننت، وطالما كويسة ومبسوطة خلاص.

(فاروق) بتشكيك: واحنا إيه عرفنا إنها مبسوطة، ما يمكن غاصبينا تقول
كده، إنت عارفة بنتك، عمرها ما هتقول لك حاجة عشان متقلقيش.

أمه: لأ، وإسراء بتكلمها على طول، ولولا إن ابنها لسه صغير وتعبان على طول لما بتطلع بيه في البرد كانت راحت لها، بس هي بتكلمها وتتضمن عليها في التليفون وبتتضمني إنها كويسة ومبسوطة.

(فاروق) بعدم اقتناع: ماشي يا اختي، ما إنتم هبل ومبتشوفوش اللي بشوفه. أمه بقلق: إنت هتقلني ليه عليها، كفاية اللي أنا فيه، وأبوك اللي مبيتحركش ويعييط بسبب حالته دي وصعبان عليه نفسه.

(فاروق): مش الست بتاعة العلاج الطبيعي بتجي له، أمال بتاخذ أجرتها ليه وتيجي الورشة تاخذ الفلوس كل جلسة.

أمه ردت بسرعة: آه يا اخويا بتشتغل معاه، بس مفيش نتيجة يا ابني، لما زهق ويأس.

(فاروق): ربنا كريم، أنا نازل أفتح الورشة، عاوزه حاجة؟
أمه: لا يا ابني، كتر خيرك.

أما (بنان) فقد ذهبت إلى (نادر)، ووجدته نائمًا.

فتح لها بفرع: حد يخبط كده؟! وإيه الشنطة دي؟ ناهد رجعت؟

ونظر خلفها، لتدخل فتلقي بها: ناهد مين وزفت مين، هو أنا بتعامل مع عيال! تروح تخر لناهد على كل حاجة!

(نادر) وقد جلس ووضع رأسه بين كفيه: مقدرتش أستحمل أخبي عليها أكثر من كده.

(بنان) بعصبية مفرطة: تقوم تورطني أنا، بتجيب سيرتي ليه؟! إيه لعب العيال ده!

فنظر إلى الحقيبة: ليه؟ حصل إيه؟ هي ناهد...

(بنان) بغیظ: آه يا فالح طردتني، وجيت أقعد هنا كام يوم على ما أتصرف. فنهض: لا يا ماما تقعدني فين؟! افرضي جت ولا ظافر، أنا ناقص توتر في علاقتي بيها! دي طالبة الطلاق.

(بنان) بضيق: بقى كده بتتخلي عني، أروح في أوتيل لوحدي يعني!

(نادر) بعصبية: أنا مالي أنا، ما تروحي في داهية، كفاية اللي حصل لي من

تحت راسك، سيبيني في حالي بقى ضيعتيني، أنا عارف كان فين عقلي عشان أطاوعك!

فخرجت من عنده لا تدري ماذا تفعل، فهي تخشى أن تطول المدة وتنتهي النقود التي بالفيزا معها، فتذكرت صديقتها (صوفيا) التي تعيش بمفردها، فهي من أم إنجليزية وأب مصري ومتوفيين وهي وحيدة. لتقرع الباب فتفتح (صوفيا).

(بنان) تلقي عليها التحية: هاي صوفي.

فردت (صوفيا): هاي بنان، إنتِ في إيه مالك؟ وإيه باج دي؟

(بنان) وهي تلقي بنفسها في حزن صديقتها: ممكن أقعد عندك كام يوم؟

فنزرت إليها (صوفيا): قوي قوي بيبي، إيه مالك؟

(بنان) بتوتر: ظروف هبقى أحكي لك عليها بعدين.

وفعلًا دخلت عند صديقتها لتجلس معها مؤقتًا إلى أن تجد حلا.

أما في الفيلا، جلست (ناهد) وأتت (أشجان) بضيق: إيه اللي عملتية ده؟! بتطردي بنان ليه؟ بكلهما عشان مرجعتش من امبارح، تقول لي أختك طردتني، وعشان مين، عشان واحدة من الشارع، بقى تفضلي دي على بنت عمك.

ودخل (ظافر) و(أشجان) تصيح في أختها وتطلع إلى غرفتها.

فذهب (ظافر) إلى (ناهد): خير يا ناهد في إيه؟ وأشجان مالها؟ ومين طردتية؟ (ناهد) بضيق: مفيش حاجة.

فجلس ونظر إليها: مفيش حاجة يعني إيه، هو البيت ده ملوش كبير، كل واحد ماشي على مزاجه، في إيه انطقي؟ وسايبة بيتك وجوزك ليه.

لتنظر إليه وبعين باكية: أنا خلاص عاوزه أتطلق.

فنظر إليها: وده من إيه بقى إن شاء الله، فجأة كده صحيتي لقيتي نفسك عاوزه تتطلقي! بقول ليه؟

فقصت له ما قاله وما فعله مع (بنان) ومن أجل ذلك طردتها.

فنهض: ازاي تطرديها؟! إنتم بتتصرفوا بمزاجكم، دي بنت عمنا ولحمنا، نرميها! وأي حاجة في وشنا، نجيبها منين دلوقت!

(ناهد) بضيق: أنا مكنتش طايقاها، يا أنا يا هي في البيت ده.
فهدأها بسبب حالتها، فهو يعلم أنها متماسكة ولكن بداخلها بركاناً، ليأتي له
تليفون من الحرس على بوابة الفيلا أن ابن خاله (بهاء) في الطريق إليهم.
فرد (ظافر): أوك.

ودخل (بهاء) و(ناهد) تقول: المهم دلوقت أنا عاوزة أطلق.
فاستقبله (ظافر) بالأحضان: إيه إنت قلت مينفعش تقعد في ألمانيا وأنا مش
هناك.

(بهاء) بحزن: إنت بتقول فيها يا ابن عمتي، إنت عارف أنا سافرت...
ونظر إلى (ناهد) بألم: وكنت ناوي تبقى هجرة، ولما أبوك بعث لي هتطلع
تكمل دراستك وتبأشر فرع جديد للشركة، قلت فرصة بقي معايا حد وعملت
لك الإجراءات، وكنت معاك بجنب مكنتي اللي فتحته كمحامي دولي، وفي الوقت
نفسه فتحت هنا في القاهرة أكبر مكتب يضم جميع التخصصات في المحاماة كإنه
شركة، وبتابع من هناك مع زمايلي اللي فاتحينه، لأن دايماً كان في جوايا شوق
إني أعاود، وكمان خالك اتصل بيا ووالي لي يا ولد مهتعاودش، لا إنت ولدي ولا
أعرفك لو مجيتش.

(ظافر) بضحك: إنت لسه بتقلب على صعيدي برضه، سنين الغربة منسيتكش
الصعيدي!

فضحك: كل ما أنساه، خالك يكلمني ويفكرني وتحصل لي انتكاسة، ده زي
الجرب ميطلعش من الجثة.

والتفت إلى (ناهد): ازيك يا ناهد، وحشتيني.

(ناهد): ازيك يا بهاء، عامل إيه؟ أنا قلت نسيتنا خلاص.

فنظر إليها مطولاً: أنا أقدر، مانغيرتيش يا ناهد قوي.

فضحكت: لا بقي كده إنت عاوز نظارة.

فتغيرت ملامحه: بس إيه اللي سمعته ده وأنا داخل، الحيوان جوزك قل بأصله
معاك؟ أنا قلت لك قبل ما أسافر وأنا ببارك لك، لو عمل لك حاجة كلميني وأنا
أطلع لك روح أمه، ثم إنت سيباه في شقتك وجاية هنا! نسي أصله، ده احنا لميناه
من الشوارع، عمل إيه قولي لي؟

(ناهد) وعيناها تحجرت بهما الدموع: بليز، بلاش تفتح الموضوع، عاوزه أطلق في هدوء.

فنهض: قوم يا ظافر نشوف الواد ده.

(ظافر): طب ارتاح، إنت جيت امتي؟

(بهاء): لسه واصل من المطار عليكم، قلت أسلم قبل ما أعاود البلد.

(ظافر): طب ارتاح.

فبدأ في المضي: يلا يا ظافر.

(ظافر) ينظر إليها: العرق الصعيدي نطح خلاص، ربنا يستر وميرتكبش جريمة في جوزك.

وذهباً معاً إلى (نادر)، والذي رحب بهما، ولكن (بهاء) أمسكه من تلايبيه:

عملت إيه في ناهد يا جبان خليتها تطلب الطلاق ومش طايقة سيرتك؟

فنظر (نادر) إلى (ظافر): أرجوك يا ظافر كلمها، أنا بحبها والله، أبوس رجلك يا ظافر، غلطة وعمري ما هكررها.

(ظافر) ينظر له من عليائه: وناهد قررت، وإنت عارف لما بتصمم محدش

يقدر يرجعها عن قرارها، وأظن عارف لما اتحدت بابا واتجوزتك ورضخ لها.

(بهاء) يديره له: تطلق وتسيب الشقة دي.

فنظر إليه (نادر): طيب أروح فين؟

(بهاء) بشماتة: للشارع اللي جيت منه يا خاين العيش والملح، احنا هنجيب

المأذون ونروح الفيلا نخلص، تلم هدومك من هنا وإنت ماشي.

وبالفعل فعل ذلك، وكان لديه أمل عند ملاقاتها أن تغير رأيها، فقد ركع أمامها، ولكنها لم تستجب وحدث الطلاق.

وبعد أن ذهب إلى حال سبيله هو والمأذون، طلع (ظافر) إلى زوجته واستأذن

من (بهاء) أن يبدل ثيابه وتركه مع (ناهد).

لينظر إليها (بهاء): راضية ومقتنعة بقرارك؟

(ناهد) تنظر إليه: أكيد، إنت عارف لما باخد قرار عمري ما بندم عليه.

فرد عليها: وقرار زواجك، فاكرة لما جيت لك وقلت لك مقتنعة بيه وقلتي جداً

وبحبه ومش هتجوز غيره، باركت لك وقلت لك بس لو عمل حاجة قولي لي، أنا

كنت جاي أتقدم لك ساعتها، ومن بعدها مقدرتش أقعد في مصر كلها.
(ناهد): أنا كنت عارفة، بس مش ممكن كنت أقعد في الصعيد.
(بهاء) باستغراب: لو قلتي مكناش هنقعد فيها، ده أنا سببت مصر كلها
بسببك، يبقى مش هسيب البلد وأقعد في القاهرة، ثم كان مكتبي في القاهرة
شغال وبقي شركة، مأهملتوش.
(ناهد) بتلتم: معرفش بقى، ونادر كنت بحبه بجد، بس سقط من نظري
لدرجة كرهته ومش طايقة أبص في وشه ولا ندمانة عليه.
(بهاء) بتفهم: أوك ناهد، أشوف وشك بخير.
(ناهد) بقلق: رايح فين؟
فأحس بقلقها عليه.
(بهاء): هعاود البلد، الحاج هيديني كارت أحمر لو اتأخرت، وهخش عليه
بكفني بعد إكده عشان يسامحني.
فضحكت: بغد الشر عليك، طب بيت النهارده، أنا عارفة خالي صعب، بس عشان
الطريق والوقت اتأخر.
(بهاء) يطمئننا: آني واخذ على اكده.
فضحكت: اكده!
(بهاء) يخبط على جبهته: بنسى، أقصد كده! يلا سلام، لتذهب إلى غرفتها
هي الأخرى.
أما (ظافر) فخلع ملابسه، ووجد (ظلال) وشفيتها ممدتين تكسوهما التكمشيرة
المعتادة.
(ظافر): يادي قلبة البوز! بصي، أنا مش ناقص غم على المسا، كفاية اللي لسه
مطلقينها دلوقت.
فنزرت إليه: أبله ناهد اتطلقت؟! ثم هي بتيجي عليا أنا ومليش حق أزعل
وأبقى بتاعة غم!
وتدثرت بغطائها، فنظر إليها وأزال الغطاء: إنتِ عاوزة إيه دلوقتي؟
فماذا سيحدث يا ترى؟

(٣٤)

نزع عنها الغطاء فانكشفت ساقها، فحاولت لملمة نفسها ونظرت إليه بذعر: إنت اللي في إيه، طلقني يا ظافر، أنا مبقيتش مستحمة المعاملة دي، كل الناس تطبطب عليها وتراعي مشاعرها، وأنا الوحيدة اللي تهينها ومبتحرمش مشاعري، وكإني كم مهمل مليش وجود ولا أحاسيس ولا مشاعر.

فجلس بجانبها وجذبها من ذراعها: إنت بتستهيلي! عاوزة تطلقي بعد ما بقى في بطنك حته مني، أسيبك بسهولة كده! ده أنا قلت لك لو عاوزة تمشي امشي وسيبي ابن حمزة، عاوزاني أسيبك بسهولة كده وفي بطنك ابني، إنت بتحملي! وعاوزة تطلقي ليه بقى إن شاء الله، عشان القاسي المتوحش اللي عايشة معاه ومش طيقاه!

وقربها منه: عملت لك إيه عشان تقولي عليا كده؟

فتألمت وتصرخ فيه: أي، دراعي، حرام عليك! متعاقبنيش على كلام قلته ساعة غضب، كنت عاوزني أقول إيه ساعتها وإنت بتشكك في نسب ابنك، أقول بحبه وموت فيه! مأنكرش إني كنت مش طايقاك، ازاي تشك فيا وتظن فيا إني ممكن أعمل كده وأخونك؟! ووصفتني بأبشع الكلام وإني من الشارع.

وبكت فأغمض عينيه وتنفس بضيق: حطي نفسك مكاني، احنا مش في زمن المعجزات عشان تقولي حامل أقول أشكرك يا رب لبيت لي طلبي، في أدلة وبراهين، وعلم وتحاليل قالوا مش ممكن، وفي الآخر طلعت أنا المخدوع والمضحوك عليه، وإن العيب منها وكانت خايفة أسيبها، والله لو كانت قالت ما كان فارق معايا، لأن مكانش في دماغي أكون أب ساعتها والدنيا مكاتتش فارقة معايا، لحد ما دخلتي حياتي وشوفت إسلام وارتبطت بيه، وبقي نفسي يكون لي طفل من صليبي، مش هفرق في المعاملة، الاتنين ولادي، بس نفسي زي أي راجل له بيت وأسرة إنه يبقى ليا ابن، مع إني كنت كارهه يبقى ليا ابن عشان مأكونش نسخة تانية من والدي ويطلع ابني كاره نفسه زيي، بس لما اتعاملت مع إسلام وحببته كان نفسي أشيل ابني كمان زي ما بشيله.

فنظرت إليه بعينين باكيتين: أمال كنت عاوزني أنزله ليه؟

لينهض: عشان ميطلعش بين أم بتكره أبوه وتكتب عنه كده، هترضيه كره!
لتنهض أمامه: ليه بتقول كده؟ مأنكرش أول ما شوفتك والي عملته معايا كان
يفوق الخيال.

فضحك وتذكر وهو يمسكها من ياقتها ويخرجها من شقتها ثم حاول كتم
ضحكته: ما أنا فكرتك بنت من إياهم، أعمل إيه يعني.

فنزرت إليه: لا والله، ده منظر بنت من إياهم؟!

فمال عليها: ده إنت إياهم نفسه.

فأحرجت من كلماته وأخفضت عينها ثم رسمت الجديدة: المهم خليني أكمل،
ولما جيت هنا وتعاملك معايا وعدم موافقتك على جوازنا...

ليقاطعها: نعم نعم! مين اللي قالت لنامد ده لو آخر راجل مش هتجوزه؟!

فتلعثمت: مش من عمالك معايا وقاعد تهني وتمرط فيا، هقولها آه أنا بحبه
جوزهولي غصب عنه، هو أنا كنت شوفت منك حنية عشان أوافق! المهم، ما
علينا، يمكن حصل بيننا حاجات كتير ومشاحنات، لكن حقيقي مبحسش بالأمان
إلا جنبك مع كل عمالك، كفاية يوم موضوع نادر، مع إن نظرات اتهامك
كانت بتقتلني، بس إنت الوحيد اللي صدقتني واقتنعت بكلامي ووقفت جنبي
ودعمتني وساندتني في موضوع كان ممكن يقضي عليا، وحتى شكك في نسب
البيبي، بس كنت بتحاول تصدقني، والدليل على كده إنك روحت عملت تحاليل
وعرفت إني صادقة ومراتك زي ما بتقول هي اللي كانت معيشاك في وهم، وده
كفاية عليا إنك من جواك هنا...

وضربت على قلبه وأكملت: بتبقى مصدقني.

فنظر إليها: أمال ليه كتبتي كده؟ أنا كنت جاي وناوي أبدأ معاك صفحة جديدة،
شوفت كلامك كنت هتجنن، كنت عاوز أدخل لك أخنقك.

لتطلع على قدميه وتحيط ذراعيها حول عنقه: طب والله كان من ورا قلبي،
أنا كنت فرحانة جداً إني شايلة حته منك، وقلت هو ده اللي هيحن قلبك عليا
وهيخلي الأمور تستقر بيننا، أنا تعبت قوي يا ظافر، أنا ملحقتش أعيش لحظات
حلوة، لا مع حمزة ولا معاك، حمزة كان غايب عني، وكان على طول يقول لي
مسافر، واتضح عشان والده ميحسش بحاجة ويعرف، وإنت من ساعة ما جيت

هنا مش طايقني.

فأحاط يديه خلف وسطها بقوة وكأنه يحملها إلى مستواه: ومين قالك إني مش طايقك، مش يمكن تعاملك معايا وكلامك ليا هو اللي بيخليني أظهار بكده. فنظرت إليه: بجد يا ظافر؟

فأغمض عينيه ووضع جبهته على جبهتها وتنهد: يمكن لو التقينا في ظروف غير الظروف أو في حياة ثانية غير دي كان وضعنا بقى مختلف، حتة إنك كنت مرات حمزة كانت عاملة معايا حاجز كبير وسور عالي مش قادر أخطيه، كل ما أحس بمشاعر أو أحاسيس معاك أقول لنفسني دي مرات حمزة أخوك، إنت ناسي ولا إيه، عاوز تخون أخوك.

فنظرت إليه: ليه بتعمل فينا كده؟! أنا دلوقت مراتك إنت، أنا مش عارفة أنا كنت بحب حمزة ولا لأ، أنا فعلاً كنت صغيرة قوي ومشاعري غير مكتملة، وهو أول واحد خبط على باي، وبرغم حنيتة عليا ومكانش بيتأخر عني في أي طلب، زي ما يكون حاسس إن عمره قصير، وبرغم فرق التعامل بينك وبينه معايا، مش عارفة أنا بقبل تعاملك معايا ازاي، وبأسكت وعاوزة بس أبقى جنبك، سمييه ضعف، خضوع، بس أنا بحب أبقى جنبك، حاسة من غيرك هتوه، احنا كلنا هنتوه من غيرك، إنت صمام الامان للبيت ده كله، وإنت اللي هتعلم إسلام وتفهمه وكمان البيبي اللي جاي.

فنظر إليها: هتصدقيني لو قلت لك إني مش عاوز غيرك في حياتي، وإني عاوزك بجد، بس كل ما أقرب لك شبح حمزة يطاردني وأحس إنه يببص لي ويقول لي كده تخون أخوك!

فنظرت إليه: وأنا مش بطالبك بحاجة ولا عاوزة منك أي حاجة غير أبقى جنبك وتبقى جنبي أنا وولادي.

فقبلها بشغف حتى انقطعت أنفاسه وحملها إلى الفراش يستكمل ما بدأ، ثم جلس بعدها على الفراش وأخذ يدخن غليونه، وأرجع رأسه إلى الوراء يسنده، لتجلس متدثرة بالغطاء: مالك يا ظافر؟

(ظافر): معاك بمقدرش أسيطر على نفسي، ماعرفش بتعملي فيا إيه، أول ما شوفتك قلت إيه الطفلة دي، بس إنت الوحيدة اللي بتحركي مشاعري

وتخليني فاقد السيطرة ومبتحكّمش في نفسي.

لتحدثه بضيق: قلت لك مليون مرة، أنا مش طفلة!

فاقترب منها: مش يمكن ده اللي شدني ليك؟ حاجة غريبة مشوفتهاش قبل كده وعاوز أكتشفها.

فأشاحت بوجهها عنه: بس برضه مش طفلة.

ليدير وجهها بأصابعه نحوه: أجمل طفلة شوفتها في حياتي!

(ظلال): طب حيث إنك رايق كده وراضي عني، عاوزة أروح لماما.

فحول وجهه: نعم! أنا مش قلت مفيش خروج من البيت ولا مرواح في أي حته، ده حتى الكلية جبت لك الدكاترة في البيت تدرس لك، أعمل لك إيه تاني؟
مش دي حجتك!

(ظلال) بحزن وألم: طب اهدا بس، أمي متقدرش تيجي وتسيب بابا، وبابا مييتحركش، وأختي ابنها مغلبها وكل شوية تعبان، ولا عارفة تتحرك بسببه، بتتصل بيا وتتظمن وخلص، وأخويا إنت مانعه ييجي هنا.

فنظر إليها بغضب: إلا أخوك ده، لو سمعتك بتجيبني سيرته هقتلهوك.

(ظلال) باستسلام: طيب بلاش أخويا، أنا باتكلم عشان بابا وماما، نفسي أشوفهم بليز ظافر.

(ظافر) بغضب: ما هو أخوك ده السبب إني أمنعك تروحي هناك، خلاص بقى متعكنيش عليا.

(ظلال) وقد قررت تأجيل المحادثة لعصيته التي ازدادت: ظافر متوترنيش وتتعب عليا، يعني مش هامك البيبي لما بتوترني بيتأثر، ولا مش فارق معاك.

فوضع يده على بطنها: ده كان أمنية حياتي البيبي ده الي كان مستحيل تحقيقها، وحصلت على إيدك، إنت شايلة أغلى حاجة في حياتي.

فتصنعت الزعل: وأنا مش فارقة معاك الي كنت السبب إنه ييجي.

فحاول إغاظتها: ما هو بيكي أو بغيرك كان هيجي طالما أنا سليم وزى الفل.

وحاول كتم ضحكته ورسم الجدية، لتجحظ عيناها: بقى كده! خلاص روح شوف غيري تجيب لك طالما إنت كويس كده.

وأدارت جسدها عنه، ليثبتها أمامه: وأنا مش عاوزه غير منك إنت.
فنظرت إليه بغضب: يا سلام بعد إيه! إنت ليه مستفز كده، وسع بقى.
(ظافر) بابتسامه: بحب حركاتك لما بستفرك، بتفكريني بالعيال الصغيرة لما تتقمص.

(ظلال) بغضب أكبر: هيقول لي برضه عيلة صغيرة، والله مستفز فعلا!
فنظر إليها: يعني فعلاً عاوزه البيبي وحابة وجوده؟
(ظلال) نظرت إليه: لسه بتسأل ومش مصدقني؟! أنا فرحت بيه أكثر من
إسلام كمان، عشان حته منك.

ليسألها: ليه؟

فنظرت إليه: هو إيه اللي ليه؟!

(ظافر): ليه فرحانة إنه حته مني.

فترددت: مش عارفة هتصدقني لو قلت لك مش عارفة بجد إحساسي، بس
فرحانة بيه قوي وحابة وجوده ونفسي أشوفه، صحيح عاوزه ولد ولا بنت؟
فنظر إليها: أي حاجة، أنا مكنتش لاقى ظفر عيل، هتبتّر دلوقت! ثم عندنا
إسلام، لو جت بنت، جه ولد، يبقى زيادة الخير خيرين.

فنظرت إليه: بجد مش هتزعل لو بنت؟

فابتسم: إنت هبلة يا بت! هزعل طبعاً.

وقبل أن ترتسم التكبيرة على وجهها: أنا بهزر! هتقلبي بوزك على طول كده،
وأنا بشوف البوز ده كده ببقى عاوز أقطعه.

فضحكت، ليلاحقها: مش هنام بقى ولا إيه، أنا عندي شغل بكرة مش فاضي لك.
(ظلال) نظرت إليه: هو أنا اللي معطلاك، ما تنام وأنا مسكاك!

فغمز لها: حاف كده؟

فجحظت عيناها وأدارت ظهرها له وتدفرت، ليحتضنها من الخلف: في واحدة
مؤدبة تدي ظهرها لجوزها وهو بيكلمها، ده الأدب اللي اتعلمتيه؟!

فردت عليه: آه، أنا مش مؤدبة وأهلي مربونيش، نام بقى.

فهمس لها: ماشي ماشي، بس ابقى افتكريها عشان حسابك تقل معايا، فردت: يا
رب صبرني، معندهوش وسط خالص، يا كده يا كده.

أما (ناهد)، فبعد أن استعادت توازنها وحالتها استقرت بعد موضوع الطلاق، جاء (بهاء) لزيارتهم.

(بهاء): مش عاوزة تيجي تشتغلي معايا في المكتب؟

(ناهد): لا، أنا نسيت القانون، أنا بفكر أفتح مكتب لتصميم الديكورات، ظلال هي اللي بتشجعني على كده ومنبهة بديكوراتي.

(بهاء): بصراحة عندها حق، ذوقك لا يُعلا عليه، وأنا أول زبون، أنا عاوز أغير ديكورات المكتب بتاعي.

ففرحت: بجد! طيب أنا عاوزك معايا ندور على مكان وأعمله ديكورات. فنظر إليها: وتدوري ليه، ما شقتك موجودة.

فنظرت بضيق: مش طايقة أدخلها، هحس بنفسه فيها وهتخنق.

فاقترب منها: لازم تتعودي تنسي وترمي ورا ظهرك ومتفكريش في اللي فات، الشقة هجيب حد يرمي العفش كله وأديهالك فاضية تضبطيها بمعرفتك.

كادت تتحدث فأوقفها بإشارة من يده: ناهد اللي أعرفها هتقدر، اللي دايمًا بتقبل التحدي ولما تصمم على شيء بتنفذه هتقدر.

(ناهد) باستسلام: ميري سي يا بهاء على دعمك ليا، واحد غيرك كان شمت فيا. (بهاء): إنت عبيطة يا بت، حد يشمت في نفسه!

فأخرجت من كلماته، وأحس بذلك فنهض ليقف أمامها: يلا اجهزي، بكرة هشيل كل حاجة وتيجي تستلمي وتتعاملي، أما نشوف بقي.

(ناهد) تقف أمامه: أنا هبهرك.

ليهمس لها: دايمًا مبهور بيك.

فجرت من أمامه، ليضرب كفاً على كف: لسه بتتكسف، مش هتكبر أبدًا. وعلا صوته: هتصل بيك، فنظرت إليه وأومأت برأسها.

لاحظت (ظلال) ذلك وهي تنزل، لتهمس: إش إش، في إيه؟ ووشك احمر ليه كده؟

فنهرتها: بس يا ظلال مفيش حاجة، احنا بنتفق أعمل مكتب ديكورات. ففرحت (ظلال): بجد أخيرًا اقتنعتي بفكرتي.

(ناهد) بثقة: وهنفيها كمان..فدعت لها (ظلال) بالتوفيق.

أما عند (بنان)، فلاحظت دخول شباب وبنات الشقة عند (صوفيا) أحياناً.

فسألتها: مين دول الي بيجو ويخشو الأوضة؟

(صوفيا): دول أصدقائي وبيحتاجوا أوضة فبديها لهم.

فلم تعقب (بنان)، فهي شقة (صوفيا) وهي حرة فيما تفعل.

ولكن ماذا سيوحي لها بأفكار هذا الموضوع؟

(٣٥)

ذهبت (ناهد) إلى شقتها بعد أن اتصل بها (بهاء)، ففوجئت بأنها أصبحت خاوية وليس بها أي شيء.

فنظرت إليه: إنَّ رميتهم فعلاً ولا إليه؟

فنظر إليها: لا يا ستي، جبت واحد تمّن كل حاجة وشالها، واستلمي فلوسك أهّي.

ووضعها بيدها، فنظرت إليه بامتنان: بجد مش عارفة أشكرك ازاي يا بهاء، أنا كنت مضايقة إني دخلها، بس دلوقت مش حاسة بأي حاجة، حاسة إني عاوزة أبدأ من جديد وألاقي ناهد اللي تاهت مني في الزحمة.

فاقترب منها: وأنا جنبك لو احتجتني أدور عليها معاك في الزحمة.

فضحكت وتحركت في الشقة كالفراشة: سييني بقى متعطلنيش، هكلم واحدة صحبتي ليها في الديزاين وبتشتغل في شركة، بس مضايقة من صاحبها، هكلمها وتيجي تشتغل معايا ونضبط الديكورات سوا.

(بهاء) يميل عليها: يعني أطلع أنا منها.

فابتعدت وتصنعت كالأطفال: آه.

فابتسم: وأنا سعيد إنك اتخطيتي اللي كنتي فيه، يمكن خدي وقت شوية بس رجعتي تاني ناهد اللي أعرفها، كلها حيوية وشعلة نشاط.

فأخذت تدفع به إلى الباب: يلا بقى بيتك بيتك متعطلنيش، عشان سها زمانها جاية، أنا اتفقت تقابلني هنا بس لسه هكلمها في التفاصيل وأعرض عليها ونشوف هنعمل إيه.

(بهاء) يقف: يعني مش عاوزاني أعمل لك حاجة كده ولا كده؟ كوباية شاي، فنجان قهوة.

فضحكت: ليه، هتسيب الحمامة وتشتغل فراش عندي!

وضحكت، فغنى لها: علشانك إنَّ أنكوي بالنار وألقح جتتي.

فضحكت عليه: طب يلا يا سي نجيب الريحاني زُق عجلك من هنا.

فانصرف (بهاء)، لتصطدم به (سها) وهو خارج: آه، سو سوري.

(بهاء): آسف والله ماحدثش بالي.

(سها): لا أبداً، أنا اللي آسفة.

(ناهد): ماتيلا يا سي بهاء هويينا.

فنظر إليها: حاضر ماشي أهو.

وجذبت (سها): وإنتِ تعالي.

وأخذتها: شايفة الشقة دي، عاوزاها تنطق من كتر الديكورات اللي تخبل، واللي

يخش يتهبّل عليها ويصمم يشتغل معانا ويبقى زبون عندنا.

فنزّرت إليها: مش فاهمة، عاوزة إيه وشغل إيه؟

فقصت لها ما تريد منها، وفي النهاية سألتها: معايا ولا مش معايا؟

فرحت (سها) وأبدت موافقتها: أكيد طبّعاً معاك، على الأقل أترحم من الرخم

اللي شغاله معاه وفي الرايحة والجاية قارفني.

(ناهد): أوك اتفقنا، يلا بقى نبدأ الشغل واتصلي بالعمال ونضبط، عاوزاها

تخلص في أقل من شهر.

وأصبح العمل على قدم وساق، وأحياناً كان يمر (بهاء)، ولاحظت (ناهد)

إعجاب (سها) به، حتى إنه عندما يأتي ويمشي تحاول (سها) أن تستأذن حتى

يوصلها في طريقه.

ولكن (ناهد) تجذّبها إليها وتقول، لا، أنا محتجك معايا هنا.

حتى لا تتركها معه، ويضحك (بهاء) لإحساسه بغيرتها عليه، حتى إنه لمّح لها

بذلك: إنتِ بتغيري عليا يا ناهد؟

(ناهد) بغيظ: أنا أغير عليك! ليه يعني ومن مين!

(بهاء) ليغيظها: بصراحة البنت مُرّة ويتغار منها.

فجحظت عيناها: بقى كده، طب امشي من هنا وإياك أشوف وشك تاني.

ودفعت به إلى الباب، فضحك وتوقف: طب خلاص خلاص، إنتِ عارفة مفيش

واحدة تملأ عيني...

ويضحك، لتغتاظ أكثر فأكثر: بره يا بهاء ومتجيش هنا تاني.

فمال عليها: لما إنتِ غيرانة عليا قوي كده، مش كفاية بقى مناهدة في بعضنا،

هو لسه في العمر بقية.

(ناهد): اتكلم عن نفسك، إنتِ تلاقيكِ عديت الأربعين، أنا لسه في الثلاثين.
فضحك: لا وإنتِ الصادقة في العشرين، أقول لك، إنتِ لسه ماتولديش أصلاً، يا
حونين إنتِ يا حونين.

فحاولت أن تداري ضحكتها: امشي يا بهاء من هنا.

(بهاء): بس حقيقي ذوقك عالي قوي.

ففرحت، ولكنه لم يمهلهما: وطبعًا سها.

فنظرت إليه: بره يا بهاء.

فمشى يضحك ويضرب كفاً على كف وهي تبدل بقدميها كالأطفال وتسب فيه:
بارد ورخم.

(أشجان) تهاتف (بنان): مش ناوية ترجعي بقي، بقالك كام شهر ومش
عاوزة أقول لحد إنك بتكلميني، بس ظافر بيتصل بيك مبتديش، ولما يقول
لي، بقول له مبتردش عليا زي ما قلتِ، وناهد مش طايقة سيرتك، ما هي البت
ظلال واكله دماغها على الآخر.

(بنان): ماشي سيبهم براحتهم، أنا شوية في الأوتيل وشوية عند صوفيا، لأنها
سافرت فترة فقعدت في الأوتيل ورجعت وهروح معاها تاني.

(أشجان): وهتفضلي كده؟

(بنان): سيبيني براحتي، وأدينا بنتقابل في الديسكو نشوف بعض.

(أشجان): أوكِ براحتك.

(ظلال) تخلع المعطف عن (ظافر) ومحرجة أن تحدثه، وتتلعثم في الحديث:
ظافر...

فنظر إليها: خير، في حاجة؟ مالك؟

(ظلال): نفسي في رنجة.

فمال عليها ووضع أذنه بجانب شفيتها: نعم، سمعيني تاني كده!

فاغتازت (ظلال): بقول لك نفسي في رنجة، فيها إيه دي، ما أنا اتوحمت في
إسلام على فسيخ.

فنظر إليها: إيه شادر السمك الي إنتِ عايشة فيه ده!

(ظلال) بغضب: على فكرة الحامل من حقها تتوحم على أي حاجة، وحمزة
معملش زيك كده لما قلت له.

فأحست أنه غضب من كلماتها، فوضعت يدها على شفثتها.

ونظر إليها: خلاص، قولي للدادة تجيب لك.

وخلع رابطة عنقه وألقاها بضيق، لتأتي من خلفه تحتضنه: آسفة مكانش قصدي
والله!

فأغمض عينيه: خلاص يا ظلال.

فأتت من أمامه: لا إنت زعلان، خلاص مش عاوزه حاجة.

وجلست وعقدت ساعديها، ليأتي بجانبها على طرف الفراش: وعاوزه ابني ولا
بنتي يطلع له رنجاية في وشه!

فنظرت إليه: ما هو أنا اتحرجت أقول للدادة، عشان كده قلت لك، والله ريحتها
في مناخيري ونفسي فيها خالص، أعمل إيه.

فاقترب من أنفها: طب شميميني معاك كده.

فضحكت لحرركاته، ليقوم ويوقفها، فنظرت إليه: في إيه؟!

فقال لها: اقلعي.

فجحظت عيناها: ليه؟!

فابتسم: هنروح نجيب الرنجة وتاكلها بره، أمال هنقلب البيت هنا بالريحة
بتاعتها، يلا بدل ما أرجع في كلامي.

فتحركت وهي تقول: هوا.

وارتدت ملابسها، فنظر إليها: إنت عاملة زي الكرمبة كده ليه؟

فنظرت لنفسها: أنا كرنبة! ده أنا مخلصتش الخامس حتى!

فنظر إليها، لا لازدتي كثير.

وهي تحسست نفسها: لا والله لسه.

وكادت تبكي، فهمس بأذنها: بس قمر برضه.

فنظرت إليه: لا بجد أنا بقيت كرنبة في نظرك؟!

(ظافر): عاوزه الحق ولا ابن عمه؟

(ظلال) بسرعة: الحق طبعا.

(ظافر): تخنتي كثير والكل بدأ يتكلم.

وكادت تبكي: كمان الكل بيتكلم! مين قال عليا كده؟

فنظر إليها: يلا يا هبله قدامي.

وأخذها إلى السوبر ماركت، واشترت الرنجة وأخذت تأكل في السيارة، وقد خرج منها لأنه لم يحتمل الرائحة، ونظر إليها وهي تأكل بنهم وكأنها لن تأكل مرة أخرى، وأعطى لها الكانز حتى لا تموت من الطعام المتلاحق تلو الآخر، حتى انتهت ولا تعلم ما ستفعله ويدها قذرتان.

فنظر إليها وجحظت عيناه: هتعملي إيه، استني.

فوقفت بسرعة: لمي القرف ده كله في الكيس ده بيديك القذرة دي الأول.

وهو يضع منديلًا على أنفه، وأمسك الكيس بطرف إصبعه ليلقي به في سلة المهملات، وأعطى لها مناديل معطرة لتمسح بها إلى أن أصبحت رائحتها نوعًا ما مقبولة، وبعدها وضع معطرًا بالسيارة كي يستطيع دخولها.

ثم جلس بها: أخيرًا استعدت سيارتي من غزو التتار!

ونظر إليها، فنظرت إليه وغضبت: أنا تتار يا ظافر!

فباغتتها: أمال اللي كنت فيه ده كان إيه، ده أنا كنت هولع في السيارة وأشتري غيرها، واحتمال أولع فيها وإنّ جواها.

وضحك، لتنهار بالبكاء: كمان عاوز تولع فيا! روحي يا ظافر، أنا بكرهك بكرهك...

ولم تكمل: الحقني يا ظافر، هرجع!

ليخبط يده على جبهته: يادي القرف، أنا لو واخذ بنت أختي مش هتدوخي كده! استني اوعي تنزلي الرنجة في عربيتي تاني.

وأعطى لها كيسًا لتُفْرِغ ما أكلته وأمسكه بمنديل وأغلق أنفه ورماه في سلة القمامة، ودخل لها: إنت كويسة؟

فأومأت (ظلال) برأسها إيجابًا: الحمد لله.

فنظر إليها: استفدتي إيه من العك اللي كلتيه ورجعتيه؟!

فنظرت إليه: كان نفسي فيه وكلته، ثم البيبي اللي عاوز كده مش أنا.

ونظرت أمامها ووضعت ساقًا على ساق: يلا روحي.

فنظر إليها باستغراب: لا والله! اللي يشوفك دلوقت ميشوفكيش وإنّ بتاكلي في الرنجة زي ما نكون حارمينك من الأكل، ولا وإنّ بترجعها. وانطلق إلى الفيلا، وعندما دخلا حجرتهما أشار إلى الحمام: خشي خدي شاور، والهدوم دي تولعي فيها، ريحة الرنجة فيك، بقيتي رنجاية متحركه ماشية على الأرض.

كادت تفتح فمها، فقاطعها بيده وأشار إلى الحمام، لتأخذ ملابسها وتذهب إلى الحمام وتخرج بفرنس الحمام القصير وتمشط شعرها. أتى يشتم عبرها: أيوه كده، كفارة يا راجل. وحملها إلى الفراش، وهي تصيح: نزلني يا ظافر! ولا حياة لمن تنادي.

أما (بنان) فاتصلت بـ(فاروق)، ليرد عليها: أنا قلت نسيتيني. (بنان): معلش كان في ظروف، عاوزاك ضروري. وقابلته لتشرح له الخطة، وبالفعل قامت بتنفيذها لتستدرج (أشجان) إلى الديسكو، وهناك تضع لها حبوب هلوسة في الشراب، ويأتي (فاروق) ويأخذها هو و(بنان) إلى السيارة و(أشجان) غير مدركة لأفعالها وتشتم (فاروق): إنت يا حيوان مش بتحرم!

وهو يرد: أنا هعرفك الحيوان دلوقت! (بنان) تنهره: سيبها متردش عليها. وأوصلها إلى شقة (صوفيا). (بنان): أنا حاجزة الأوضة ودافعة تمنها. (صوفيا) تجيبها: آه حبيبي طبعًا، أنا مش اديتها لحد النهارده وحاجزها لك. وأدخلت (أشجان)، ودخل (فاروق) ليهتك عرضها على يد ابنه عمها الحاقدة عليهم، والتي تتمنى الانتقام من الجميع ووجدت ضالتها في (فاروق) الناقم عليهم أيضًا، فاجتمع الحقد والكره معًا.

و(صوفيا) بالخارج: بس دي بنت عمك، عملي فيها كده؟! (بنان): ولما طردوني وكلوا حقي مكنتش بنت عمهم! والست ظلال جت

تكوش على كل حاجة، أما نشوف ظافر لما يعرف هيعمل فيها إيه.
أما (أشجان)، استيقظت فوجدت نفسها عارية في الفراش، ونظرت بجوارها
لتجد (فاروق)، فصاحت فيه: إنت ازاي يا حيوان تعمل فيا كده!
فضربها كفًا: أنا حيوان يا حيوانة! إما خليتكم تبوسوا رجلي إنت وأخوك مابقاش
أنا.

فارتدت ملابسها وخرجت مسرعة تستقل تاكسي وتذهب إلى الفيلا باكية،
ليجدها أخوها: كنت فين وإيه اللي عمل فيك كده؟!
لترمي في أحضانه وتنظر إلى (ظلال): أخو الهانم اغتصبني!
فنظر (ظافر) إلى (ظلال) وكادت عيناه تخرجان من مكانهما والشرر يتطاير
منهما.

فماذا سيحدث يا ترى؟ هل سيعصف هذا الموضوع بعلاقة (ظلال) و(ظافر)؟

(٣٦)

نظر (ظافر) إلى (ظلال) شذراً ثم تحدث إلى أخته: ازاي ده حصل؟! فبكت (أشجان): معرفش، أنا كنت في الديسكو وفجأة لقيت نفسي في شقة معرفهاش وجنبه.

ثم دخلت في صدر أخيها: مش فاكدة حاجة ولا رocht ازاي، كإني متخدره. فربت على كتفها: طب اطلي خدي شاور وارتاحي إنت. وذهبت من أمامه مسرعة، وأمسك (ظلال) من ذراعها بقوة: عنوان بيتكم إيه والورشة؟

فنظرت إليه: هتعمل إيه؟

فصرخ بوجهها: ملكيش دعوة، انطقي هاتي العنوان.

فأخبرته وحاولت أن تتحدث: والله فاروق لا يمكن...

فقاطعها: إنتِ تخرسي خالص، حسابك بعدين، تلاقيك متفقه معاه، امشي اطلي فوق وغوري من خلقتي بدل ما أتهور عليك، حسابك بعدين أما أفوق لك. لتصعد مسرعة مبتعدة عن وجهه الذي ازداد احمراراً وكأن العروق ستخرج من مكانها، ثم جلس على أقرب مقعد ووضع يده على وجهه ثم رفع بها شعره بضيق، وضرب ذراع المقعد الذي يجلس عليه عدة مرات، ثم أمسك هاتفه وكلم الحراس، ليأتوا إليه في التو واللحظة.

فينظر إليهم: العنوان ده تروحو فوراً وتجيبيو فاروق حي أو ميت، بالذوق بالعافية تجيبوه في إيدكم، سواء في البيت ولا في الورشة.

فأجابوه: أوامرك يا فندم.

وانطلقوا ووجدوه يضع ساقاً على ساق في الورشة، لأنه يعلم أنهم سيأتوا إليه إن أجلاً أو عاجلاً، لينظروا إليه وبلهجة أمره: يلا معنا.

فنظر دون اهتمام: ورايا شغل.

ليأتي أضخمهم ويجذبه من ياقته: يلا ياد معنا أحسن لك.

فنظر إليه: عندي شغل، روح ولما أفضى آجي لكم.

فتذمر هذا: يظهر إنك مش هتيجي بالذوق.

بشرة خير.

ونظر إلى (ناهد)، فنظرت (ناهد) إلى أخيها: فهمني إيه الموضوع جواز والخميس الجاي بالسرعة دي ومين ده أصلًا؟ لينظر إليها بألم: فاروق أخو ظلال.

فصاحت فيه: ازاي؟!

وكذلك (بهاء) نظر إليه.

(ظافر) بضيق: اقعدوا وأنا أفهمكم.

وقص عليهم ما قالته (أشجان) له.

(ناهد) بغضب: يا نهار مش فايت!

وقام (بهاء) بغضب: وإنّ جاي تديها له بيضة مقشرة! ده لو حدانا بالبلد كان انطخ عيارين، مش نجوزها له، ده فيها تار معيخلصش.

(ظافر) باستسلام: اقعده الله يبارك لك، بلاش عرق الصعايدة ده اللي مش هيجيب همه، وأنا مآقدرش أقتله وأتاويه يعني هغلب وبعدين، أختي تفضل طول العمر حابسة نفسها كده ومش قادرة توري وشها لحد ولا أجوزها يومين وأطلقها وتفضل مرفوعة الراس، ما مليون واحدة بتتطلق وتتجوز.

فاقتنعت (ناهد) بكلام أخيها: صح عندك حق، عين العقل يا ظافر، بس مالي إيدك منه؟

(ظافر) بثقة: ما هو متلقح تحت في أوضة الجينية وعليه حرس، مكانش راضي، ولما اتنفخ استسلم ووافق والفرح الخميس، طبعًا هكتب قبلها عشان ميحيش يوم الفرحة قدام المآذون ويعمل أي حركة، وهيبقى فرح كده صوري، المشكلة عندي هقول عليه إيه، والناس هتسأل ده مين.

فقام (بهاء): وأنا عندي الحل.

فنظر إليه (ظافر) باستفهام.

(بهاء) بدون تفكير: نتجوز أنا وناهد في نفس اليوم.

فنظرت إليه (ناهد): نعم! وأنا مالي؟!

(بهاء): افهمي يا غبية.

فنظرت إليه: أنا مش غبية، ومتقلّش أدبك يا بهاء.

(بهاء) حتى لا يضايقها: ماشي، افهمي يا ذكية، لما يبقى الفرحين سوا الضوء هيبقى متسلط علينا احنا كمان، وبدل ما التساؤلات كتير على فاروق، هتقل شوية، وهنقول إنه أخو مدام (ظافر)، وكان معنا في ألمانيا ولسه راجع، يعني هيروحوا يفتشوا ورانا.

(ظافر) باقتناع: والله فكرة معقولة ومحبوكة، لأني خايف من الإعلام ولا تشويه صورة الشركة.

(ناهد) وهي تنظر إليهما: إنتم خلاص لغيتوني، جوزتوني وأنا قاعدة بدون موافقتي!

(ظافر) ويبدو عليه الإرهاق: شوفو بقى أنا مش فايق لكم، اتعامل يا بهاء، وأنا طالع لأشجان.

وبالفعل، ظل (بهاء) يقنع في (ناهد)، وفي آخر المطاف حدثها بحده: ناهد، إنتِ عاوزاني ولا لأ؟ بتحبيني ولا لأ؟ لو قلت لى، هخرج من حياتك للأبد ومش هتشفو في وشي.

وهَمَّ بالرحيل، لتنادي عليه: يا بهاء أنا متلغبطة وخايفة أخذ قرار غلط. فالتفت لها: ناهد اللي أعرفها عارفة طريقها ومحدداه دايماً، وعارفة الصح من الغلط، فبلاش تتلاعبي بيا، أنا ماشي.

فنادته: بهاء متمشيش وتسييني لوحدي.

فرجع إليها: طالما عاوزاني، بتعاندي ليه؟!

(ناهد) بتلعثم: مش عارفة بقى بس خايفة.

فهمس إليها: تخافي وأنا جنبك، ده أنا أفديك بروحي.

وانتصب أمامها: مش كفاية هاقنع خالك بالجوازة دي لسه، ويقول لى وليه تاخذ مطلقة وإنْتِ ألف واحدة تتمناك ولسه مدخلتش دنيا.

فجحظت عيناها: بقى كده، خلاص بلاها الجوازة دي.

(بهاء) بضيق: مش بقول لك، عشان متفكريش إن الحياة بيس وواقفه عليك، ده أنا هعمل حرب اليومين دول مع خالك، بس هو بيحبك وعارف إني مرايدش غيرك ومهيعترضش.

(ناهد) بضيق: آه، اقلبي صعيدي وقت ما تحب بعد ما حرقت دمي

وكرهتني في الجوازَة أصلاً قبل ما تبدأ.
(بهاء) يجذبها إليه: مش بفهمك عشان لو حد قال قدامك كلمة كده كلمة
كده متاخديش في بالك، المهم أنا عاوزك وإنّ عاوزاني متخليش أي حد يآثر
على علاقتنا مهما كان.
فأخرجت من هذه الوضعية وابتعدت عنه وبخجل: طب روح عشان تلحق
تقول لهم وتقنعهم.
فنظر إليها وقال: حمامة.
وجرى من أمامها لتضحك على فعلته.

أما (ظافر)، فقد ذهب إلى (أشجان) ليخبرها لتنهار وتصيح بأخيها: كمان
عاوزني أتجوز الحيوان ده! طبعاً ما هو أخو الهانم.
فتضايق (ظافر): افهمي يا غبية، أنا بعمل كل ده عشانك، إنت عارفة إني مش
طايقه من الأول، ومانعه يبجي هنا ومانعها تروح هناك بسببه، لكن احنا تحت
رحمته، إنت متعرفيش عملت فيه إيه، ده كل ضرب لما بقى الدم يخرج من كل
حثة في جسمه ومرمي زي الكلب في الجينية، وهيكتب عليك والجواز الخميس،
وأسبوع ولا اتنين ويطلق.

فقاطعته: كمان أسبوع ولا اتنين يفضل معايا وأنا مش طايقة أبص في خلقته!
فقاطعها (ظافر): قسمًا بالله لو قرب لك تاني ما هخلي الدبان الأزرق يعرف
له طريق جره، إنتم هتجوزوا هنا قصاد عيني، وإياه يقرب منك، تنادي عليا
فوراً، احنا بس عشان شكلنا قدام الناس ومحدش يحس بحاجة أو الخدامين
ويتنتور الكلام، وإنّ عارفة مركزي حساس، أنا بعمل ده كله عشانك، عشان
تفضل راسك مرفوعة وماحسش بالكسرة دي في عنيك وترجعي تاني أشجان
اللي أعرفها.

فنظرت إلى أخيها: تفتكر بعد اللي حصل ممكن أرجع أشجان تاني.
فاحتضنها: أكيد حبيبتي، والله بعمل ده كله عشان أرجعك لنفسك تاني
ومتضطريش تفضلي قافلة على نفسك، ناس كثير بتتجوز وتتطلق وتبدأ حياة
جديدة مع شخص جديد.

فنظرت إليه والدموع تتحجر بمقلتيها: بس دي مش جوازة ولا بإرادتي، أنا مغمصوبة على كل ده مع بني آدم بحتقره.

فاحتضنها: هانت، هنستحمل أسبوع أو اتنين بالكثير، أوعدك مش أكثر من كده، ونقول ماتفقوش ولا لسانه طويل وعصبي وماستحملتهوش وينفض الموضوع بسلام، أوعدك، وعمري ما هوعدك إلا وهو في بالوعد، لازم تفهمي كده، إنتِ بنتي مش اختي يا أشجان.

فشددت في احتضانه وهي تبكي: ربنا يخليك ليا ولا يحرمينش منك أبداً، مش عارفة من غيرك كنت هعمل إيه.

فاحتضن رأسها بين كفيه: إنتِ قوية، والموضوع ده هيمر زي أي حاجة وأي ذكرى مؤلمة مرينا بيها، أوعدك بكده.

فنظرت إليه: وأنا واثقة فيك.

وتركها ليذهب إلى غرفته فخلع ملابسه وذهب ليأخذ حمامه، وجلس بحوض الاستحمام فترة علّه يسترخي أو ينزع هذه الأفكار المتلاحقة عليه.

فقلقت عليه (ظلال) وفتحت باب الحمام.

فنهرها: عاوزه إيه؟

فنظرت إليه بخوف: أبداً، قلقت عليك قلت أطمئن.

فصاح بها: اخرجي واقفلي الباب واوعي تعملها تاني.

فخرجت باكياً على فراشها: ليخرج متدثراً بمنشفته حول وسطه.

فأتت إليه من الخلف ووضعت يدها على ظهره وحدثته: والله مظلومة وما ليا ذنب في الموضوع ده يا ظافر.

ليشعر بيدها ويلتف بسرعة نازعاً إياها عنه: إيدك دي متلمسينش، ودموع

التماسيح دي خلاص خدت ترياق منها ومبقتش تأثر فيا، وإيدك دي لو لمستني

تاني هكسرهما لك، مش طابق لمستك حتى ولا قربك مني، إنتِ فاهمة! أكيد إنتِ

اللي مخططة له كل حاجة، ما هو لازم حد من الفيلا يديه تحركاتها، ومين غير

الأخت العقل المدبر.

حاولت إقناعه: والله ما أنا ولا أعرف أصلاً، أنا مش متخيلة إن فاروق يعمل

كده.

فقاطعها: وأهو عمل، والله لولا أشجان كنت قتلتها.

فشهقت (ظلال)، ليستطرد: اعلمي حسابك، فرحهم الخميس الجاي، ولما أفوق من الجوازة الهباب دي أبقى أفوق لك، وهتشوفي أيام سودا معايا.

(ظلال) وهي تتراجع: لو مش مصدقني طلقني.

فاقترب منها: أطلقك! الطلاق ده حاجة مريحة بالنسبة لك، ده أنا هخليك تتمني الموت ومتلاقيهوش مش الطلاق، ودلوقت سيبيني واخفي من وشي.

وجزّ على أسنانه، فجرت متدثرة بغطائها خوفًا منه، لينظر إليها والشرر يخرج من عينيه، ثم نزع منشفته بعصبية وارtedy سرواله وذهب لينام معطيًا ظهره إياها.

وفي الصباح، نزل (ظافر) لتناول الفطور والتقى مع (ناهد) وحدثها عن ترتيبات الفرخ: أنا مفايش دماغ، دي مسؤوليتك، خدي أشجان واختاروا كل اللي عاوزينه، الفيزا معاك، وحاولي تخرجي أختك من اللي هي فيه وهاتي لها كل اللي عاوزاه. (ناهد): متقلقش، أنا اتصلت بسها صحبتي وهنجهز الفيلا للفرخ، وهروح أنا وأشجان نشترى كل المستلزمات للفرخ، وبهاء سافر يكلم خالي، وطبعًا أنا بعد الفرخ هنقل في شقة بهاء، هو مخلصها وجاهزة، لأنه مش هيوافق نقعد هنا، إنّت عارف بهاء وعرق الصعيدي بتاعه، ومراتي تعيش في شقتي.

فتفهم (ظافر) الوضع، لتستطرد: فخد بالك من أشجان.

فنظر إليها: إنّت هتوصيني على بنتي.

(ناهد) بامتنان: أنا عارفة حبيبي، وشكرًا على كل حاجة بتعملها عشاننا، أنا مش عارفة من غيرك كنا هنعمل إيه.

فنظر إليها: وابقي شوفي اللي فوق دي هاتلها حاجة للفرخ، مش عاوزين حد يحس بحاجة، دي أخت العريس.

فتفهمت وأومات برأسها: حاضر.

فماذا سيحدث يا ترى؟ وما خطة (بنان) و(فاروق)؟

(٣٧)

أخذت (ناهد) (أشجان) و(ظلال) لشراء مستلزمات الفرح، ولا واحدة منهما تطيق (ظلال)، وتتعاملان معها بكل تجاهل بعد ما حدث من أخيها، وهي تتحمل كل هذا وتعذرهم، ففعلت (فاروق) شنيعة ولا تغتفر.

ورجع الجميع دون أدنى مظاهر للبهجة، حتى (ناهد) تداري فرحتها من أجل أختها، فهي تشعر بما تعانيه، فهي لا تطيق اسم فاروق إن ذكر أمامها، ولا تعلم ماذا ستقول لأصدقائها إن سألها أحدهم عنه، فلا أحد يعلم هويته، ولكنها ستقول مثلما اقترح (بهاء)، أنه كان يعمل معهم بألمانيا وعاد مؤخرًا.

وجاء يوم الزفاف، فترزنت الفيلا ولبس العروسان أبهى فساتين الزفاف، حتى إن (ناهد) كانت وكأنها عادت شابة من جديد، وكان يبدو عليها الشباب أكثر من أختها التي كساها الحزن، فقد صمّم (بهاء) على أن ترتدي فستان زفاف أبيض وكأنها عروس لأول مرة.

جاء (بهاء) ليأخذ عروسه، ووضعت يدها بيده، وهكذا (فاروق) الذي ارتدى حلة جميلة، ورغم أنه قاتم البشرة فقد كان شعره أسود ناعمًا وبدت عليه الوسامة والأناقة وكأنه سليل العائلات في الحسب والنسب، لكن هذا لم يغير من إحساس (أشجان) بالنفور منه، حتى التمثيل لا تستطيع إجادته وهي تتصنع البسمة في أثناء وضعها يدها بيده.

أما (ظلال) فهي كالمنبوذة وسطهم، فهي تتحمل جراء فعلت أخيها، ولديهم كل الحق، فكيف لهم أن يعاملوها جيدًا وأخوها سبب في تعاسة أختهم، وما فعله ليس هيئًا، فلولا حكمة (ظافر) لقتله، ولكن ماذا سيصنع القتل لأخته غير إلحاق العار وضياع السمعة.

كان الجميع يتصنعون السعادة ويتراقصون ويتمايلون، ولكن ما في القلب يظل في القلب.

انتهى الحفل وأخذ (بهاء) عروسه إلى شقته.

أما (فاروق) فقد كان تحت عين (ظافر)، فأدخله الحجره مع أخته، وهدده بالأذى مرة أخرى وإلا سيقته، فتعهد (فاروق) بهذا وإلا سيناله غضب (ظافر)

وقد جربه مرة ولن يحتمل الأخرى، وخرج (ظافر) لينبه على الحرس بأن يظلوا مستيقظين، وبعدها دخل حجرته ليرتاح.
وجد (ظلال) تتجه إلى الخارج، فسألها أين ستذهب هكذا في هذا الوقت المتأخر.
(ظلال) بقلق: مش عارفة، إسلام عنده مغص، هعمله يانسون وآجي.
فتركها ليخلع ملابسه وينام، فالיום كان شاقاً على الجميع ومرهقاً.

أما عند (بهاء)، فقد شعر بسعادة غامرة وكأن حلم العمر قد تحقق ولم يعد يريد شيئاً آخر من الحياة.

ليجذبها إليه: أنا مش مصدق إنك معايا في بيت واحد، لا وأوضة واحدة ومقفول علينا باب!

(ناهد) بدلع: يا سلام يعني، عاوز تقنعني إن بعد السنين دي كلها لسه بتحبني والغربة مغيرتكش وإن لا بنت كده ولا كده لعبت في دماغك.
فتركها وأدار ظهره لها وهو يخلع معطف البدلة: من ناحية البنات فهن كثيرات.
فأدراته لها بحده: نعم نعم كثيرات، وبتقولها لي باللغة العربية الفصحى، طلقني يا بهاء.

فأخذ يضرب كفاً على كف ويقهقه: يا مجنونة، المهم مين اللي في القلب، كذا بنت حاولت، لكن أنا قافل قلبي عليك واديتك المفتاح، إنت الوحيدة اللي تقدرني تفتحي وتخرجي براحتك، لكن أنا محتفظ بنسخة طبق الأصل لك جوه، حتى لو خرجت هتفضل محفورة جوه.

(ناهد) وهي تبتسم: ياه يا بهاء، بتجيب الكلام الحلو ده مين.

(بهاء) بثقة ويعدل من ياقته: يا بت أنا كلامي حلو على طول، إنت بس اللي مش واخدة بالك.

فضحكت عليه: متغرش قوي كده.

فنظر إليها: لا، أنتغر وأتغر بقى، مش معايا القمر اللي جنني.

(ناهد): يعني بتحبني بجد ومش هتتغير زي...

وقطعت حديثها، فأجلسها على الفراش وجلس بجوارها: أنا مقدر حالتك وعدم ثقتك، بس صوابك مش زي بعضها، واللي فضل وفي لحبك طول العمر ده مع

إن ماتربطناش بأي صلة رسمية لا زواج ولا خطوبة، أكيد مش هيفرط ولا
يخون بعد الزواج، أنا مكتفي بيك عن كل النساء.
وليضحك معها ويخرجها من المود: وميهمنيش بقى كارتة ولا قرعة...
فقاطعته: إيه اللي بتقوله ده، إنت اتجننت، أنا كارتة وقرعة!
فضحك: ويبقى بيتنا مشهور، بيت القرعة وتنوري في الضلعة.
وضحك لتغتاظ أكثر فأكثر وتلقي بفسطانها وتتناول قميص نومها بغضب، لتجده
خلفها يهمس بأذنها: بحبك يا شعنونة.
فأبعدته: وسع كده أنا زعلانة منك.
فجذبها اليه: والله ما ينفع النهارده زعل خالص، إنت عارفة أنا بهزر معاك
عشان نفك التنشنة.
فقاطعته: لا بقى، خليني متنشنة أرحم من الهزار البايخ ده، ومش هنام معاك
هنا.

وجاءت ترحل، فجذبها اليه: يرضيك أبوي يجول مخلفش راجل...

أما عند (فاروق)، فقد خلعت (أشجان) فستانها في الحمام، وهو أيضاً ارتدى
ترنج جديدًا، فظلت بالحمام ولم تخرج.
(فاروق) بضيق: إنت هتفضلي جوه؟! ما تخلصي، عاوز أدخل.
فخرجت مرتدية بيجامة برمودة، ليقترب منها فنهرته: والله لو قربت لهنادي
ظافر.

ليخرج منديلاً من جيبه ويضعه على أنفها فتفقد الوعي، واتصل بـ(بنان):
عملت اللي قلت عليه، المنديل اللي بعته مع الواد في الحفلة شممتها لها ونامت.
(بنان): تمام قوي، أنا منتظراك تحت، شيلها وانزل وادخل غرفة مكتب
(ظافر) اللي على اليمين تحت، واخرج من الباب الخلفي بتاعها على الجنيينة
الخلفية، وهتلاقيني منتظراك وأساعدك نخرجها من مكان سري بين الشجر أنا
عرفاه، وكنت بخرج وأدخل همزاجي منه من غير الحرس ما يشوفوني.
(فاروق): ماشي، أما أشوف آخرتها معاك إيه، لولا اللي عمله معايا عاوز
أحرق قلبه بأي شكل، نافش ريشه وعامل زي الطاووس وكإنه اشترانا، عاوزه

يلف حوالين نفسه.

(بنان): إنْتَ هترغي، اخلص قبل ما تفوق.

(فاروق): حاضر إنْتَ كمان، وأنا ناقصك.

وبالفعل، جاء يخرج وينظر بالخارج، فوجد (ظلال) تدخل حجرتها، فحمد ربه أنها لم تره، فحمل (أشجان) واتجه بها إلى المكتب، إذ وصفته له (بنان) ووصل إليها.

فتلقفته: يلا بسرعة قبل النهار ما يطلع ويشوفونا.

واتجهت به إلى الخارج، حيث كانت سيارتها مصفوفة بجانب السور الخلفي للفيلا، لتأخذه إلى حجرة استأجرتها له في حي ناءٍ أقل من الشعبي، وحجرة لا تصلح للاستخدام الآدمي وبها أثاث مهشم.

فدخل (فاروق) حاملاً زوجته ووضعها على الفراش.

واتجه إلى (بنان): يعني ملقتيش أوضة أحقر من كده!

فنهزته: وأنا فاتحها تكية ولا إيه، أجيب لك منين، فلوسي اللي في الفيزا قربت تخلص، أعمل إيه وأجيب منين، ثم مش إنْتَ عاوز تطلع عينها وتعلمها الأدب. وضحكت: هو في أدب أكثر من كده!

فنظر إليها وضحك: الصراحة لأ.

ثم كشر: بس ما أنا عايش معاها فيها أنا كمان، ده أدب ليا معاها.

(بنان): أهو تأدبوا بعض، أنا مليش دعوة بقى، أنا ساعدتك ومنتجيش سيرتي في حاجة.

(فاروق): عيب عليك، وأنا مش راجل قدامك.

(بنان): ماشي سلام.

وبدأت (أشجان) تتلملم على الفراش.

(بنان) بخوف: لحسن تشوفني، المرة اللي فاتت اتصلت بيها وعملت نفسي معرفش وقلت لها روحتي فين، أنا سيبتك ورقصت رجعت ملقتيكش، قلت زهقتي ومشيتي، وأكني لا شوفت ولا سمعت ودخلت عليها، وحتى سألتها لما حكّت لي متعرفيش الشقة دي فين عشان أطمئن، كنت هسيبها لو عرفتها، قالت إنها من الصدمة خدت تاكسي وبقت بتعيط ومش عارفة فين فأخذتش بالها،

وبرضه قالت لظافر كده لما سألها، يعني أنا في الأمان، اوعى تقل بأصلك بقي
لحسن والله...

(فاروق) وقبل أن تكمل: عيب عليك، وأنا مبتهددش وقلبي ميت، وأنا
مليش دعوة بخلافاتكم، أنا ساعدتك عشان الحرقه واحده من العيلة دي،
وعاوز أحرقهم زي ما حرقوني، لكن تهديد مبجيش بيه يا حلوة.
(بنان) بضيق: أوك، أنا ماشية.

وتركته، لتبدأ (أشجان) في الاستيقاظ، ولا تعلم أين هي وما هذه الخرابه التي
تعيش فيها.

فقامت فرعة: أنا فين وإيه جابني هنا؟!

(فاروق): دي شقتك يا عروسة.

فهرته: إنت اتجننت! أنا هخلي ظافر يسجنك، إنت خطفتني.

فضحك وجلس على مقعد خشب بجانبه: ظافر! هو فين ظافر؟!

وتلفت حوله وأكمل: ولا هيعثر علينا فين! ده احنا في مجاهل أفريقيا، أنا نفسي
مش عارف أنا فين.

(أشجان) محاولة طمأنه نفسها: ظافر هيعرف أنا فين وهيسجنك، هو وعدني
بكده وأنا واثقه فيه.

(فاروق) محاولاً إخافتها: احلمي احلمي يا اختي، هي الأحلام بفلوس، ابقى
قابليني لو حد عرف لك طريق، ثم هو في حد بيخطف مراته حبيبته.

(أشجان) بغضب: حبك برص! متقولش مراقي وحبيبتي يا جربوع إنت.

فقام بسرعة أمامها ولوى ذراعها: بت إنت العجرفة بتاعتكم دي تنسيها أحسن
لك وتقضي أيامك معايا بالذوق بدل ما تبقى عافية.

فبكت ونهرته: ابعد عني يا متوحش سيب دراعي.

(فاروق) وقد تملكه الغضب من سبها له: والله لو ما اتلميتي واتعلمتي
الربايه الصح لأكسر هولك، إنت فاهمة!

وتركها لتقوم مسرعة، إيه القرف اللي منيمني عليه ده، مش ممكن أنام هنا.

(فاروق) بعد اهتمام: خلاص نامي على الأرض.

فنزرت إليه وجحظت عيناها، ليكمل: طب أقول لك حاجة حلوة، نامي واقفة

زي الأحصنة.

وضحك، فنظرت إليه بغيظ: لا ظريف، إنت مستحمل نفسك ازاى كده.

(فاروق) وقد تمادى: فعلاً، كلهم بيقولوا لي إني ظريف.

وهي تغتاظ أكثر فأكثر منه.

(فاروق) بجدية: شوفي يا بنت الناس، أنا لا عاوزك ولا بطيقك أساساً، ومش

هقرب لك أصلاً لأني مش عاوزك، الموضوع معايا أدب وعند وكره مش أكثر،

ويا أنا يا إنتم، فاسمعي الكلام وهاوديني، وأما يجيني مزاج وأحس إني رببتك

وخذت كفايتي ورجعت حقي، هردك لأهلك، غير كده لأ.

فما رد فعل (أشجان)؟

وما رد فعل (ظافر) عندما يعلم بهروب (فاروق)؟ وهل سيحمله على (ظلال)

كعاداته؟

(٣٨)

وقفت (أشجان) أمام (فاروق) بتحدٍّ: شوف يا بابا، مش عشان اتجوزتني مفكر
إني مراتك بقى وهتعيش، لا فوق أنا أشجان البنهاوي، ومسير ظافر يلاقيك ومش
هيرحمك.

فجلس ووضع ساقاً على ساق: موت يا حمار على ما يبجي لك العليق، على ما
أخوك يلاقينا، ده لو لقانا أصلاً، أكون استكفيت منك على الآخر وربيتك، وأظن
مفيش أحسن من كده تربية.

وينظر إلى ذلك المكان الحقير حوله.

(أشجان) بضيق: ومين قال لك إني هعيش هنا!
وهمت بالرحيل.

ليجذبها: لا يا ماما، دخول الحمام مش زي خروجه، وزى ما أخوك حابس أختي
ومانعها حتى تزور أهلها، هكويكم بنفس النار، عشان تحسوا على دمكم شوية.
فواجهته بغضب: إنت بتعلم إني أفضل معاك هنا.

فنظر إليها بتحدٍّ: مش بإرادتك، وريني هتخرجي ازاي، الأوضة أصلاً مفيهاش
شباك، والحمام والمطبخ حديد، وباب الشقة مقفول بالمفتاح، عرفيني بقى
هتخرجي ازاي، هتخفري في الأرض زي فيلم الهروب الكبير بتاع المساجين!
فجلست بغضب وتذكرت أنها على هذا الفراش الحقير، فقامت تنفض الغبار
عنها: وأنا هنام ازاي كده؟!

(فاروق) بعدم اكتراث: وأنا مال أمي، ما تتصرفي، نفضي وروقي شقتك عشان
تعرفي تعيشي فيها.

فجحظت عيناها: أنا! عاوزني أنفض وأروق المكان الحقير ده!

ثم أسرع في الذهاب إلى الحمام، لتجده أقدر من أن يقضي حيوان فيه حاجته،
ولكنها مضطرة، إما هذا أو أن تكون العواقب وخيمة، ولكنها صاحت عندما
دخلت من ذهولها من هذا الحمام الحقير.

فجری عليها: في إيه حصل إيه؟!

فنظرت إليه: عاوزه أعمل حمام.

(فاروق): ما تعملي، وأنا ماسكك ولا هاجي أقعدك!
(أشجان) بقرف: أنا أعمل هنا! مش ممكن!
(فاروق) يتركها: خلاص إنتِ حرة، أكتميها يمكن تموتي وأخلص منك.
فأغلقت خلفه الباب: حقير وبيئة قوي.

وحاولت سد أنفها بيدها وفعلتها مضطرة وألقت بعبوة المنظف في الحمام
وشدت السيفون حتى ينظف بعض الشيء، وخرجت لتذهب إلى المطبخ عليها
تجد ما تسد به رمقها، فهي لم تأكل في الآونة الأخيرة.
وعندما دخلت، وجدت فأراً يدخل خلف الخزانة، فقفزت على المنضدة
الموضوعة بالمطبخ وصاحت برعب، فلم يُعطِ لها اهتماماً وتذكر أنها مثل المرة
السابقة، ولكن حينما لم ينقطع الصياح ذهب إليها وجدها فوق المنضدة وتشير
برعب خلف الخزانة.

وهو لا يعلم: في إيه؟ ما تنطقي اتخرستي!
فحاولت استجماع شجاعتها لتقول له عما رأته، ليسخر منها: عشان فار! أمال لو
أسد كنتِ قطعتي الخلف! روجي يا شيخة كده.
لتنادي عليه: أبوس إيدك خرجني من هنا.
فنظر إليها: ده بعيد عن حواجبك.
ويضحك.

(أشجان) برعب كاد يوقف قلبها: طب موته، أنا مش هقدر أقعد هنا.
فأحضر حديدة ملقاة في الأرض كالسيخ وحاول تحريك الخزانة، ليجده ويغرس
به السيخ، فصاح الفأر من الألم ومات.
فنظر إليها: خلاص ارتحتِ؟! أما نشوف الليلة دي هتخلص ولا لسه لها بقية، أنا
مطبق حرام عليكِ وبسقط.

فنظرت إليه: طب ارميه بره وشوف في تاني كده ووديني الأوضة.
فأخذ يحرك السيخ ويضرب هنا وهنا وينظر إليها: خلاص ارتحتِ واطمنتِ،
انزلي بقى عاوز أنا.
(أشجان): لا مش هنزل.
(فاروق): خلاص خليكِ عندك.

وأدار ظهره لتلقي بنفسها عليه، كاد يقع وهي تتعلق به، لكنه أخذ يسب: يا بنت المجنونة، إيه اللي عملتية ده! وهي لم تُعَرِّ كلامه أي اهتمام: يلا بسرعة اخرج من هنا. وهو كاد يختنق: طب زوري هتخنقيني. وأوصلها إلى الفراش لتقف فوقه. (فاروق) بضيق: وسعي بقى عاوز أنام شوية. (أشجان) تنظر إليه بغیظ: وأنا أنام فين؟ (فاروق) والغضب يعتريه: يا غلب أمي، أنا اللي جبتة لنفسي، المفروض أخطفك بالدادة بتاعتك، ما هو أنا مش هشتغل لك دادة. وأمسكها من ذراعها وأسقطها على الفراش: شو في بقى، يا تتخمدى من غير نفس يا هقتلك النهارده وأخلص منك. (أشجان) بضيق: طالما تاعباك كده ما تروِّحني يا أخي. (فاروق) بتحدُّ: لما يجيني مزاج. وصاح بها: اتخمدى بقى. لتنام في سكون تام وهي تدير عينيها بالمكان، وهو ينام بجوارها دون حراك من الإرهاق.

أما عند (ظافر)، استيقظ ليدق الباب على أخته فلم يجدهما، ليصبح: أشجان، فاروق! ويقف في الردهة كالمجنون ويذهب إلى زوجته، ليجذبها من ذراعها: هربتهم فين انطقي؟! وهي لا تعلم شيئاً: هما مين اللي هربتهم؟! وفي إيه مش فاهمة؟! (ظافر) بغضب: آه، العبيهم عليا، الشويتين بتوعك دول مش هيخيلوا عليا، هربتي أخوك فين هو واختي؟ (ظلال) بعدم إدراك: هربتهم ازاى يعني، أنا مشوفتهمش من ساعة الفرح. (ظافر) وينظر إليها: ده بأمارة اليانسون اللي طلعتي تعمليه حجة عشان تروحي تساعديه، ما هو مش هيخرج من هنا إلا بمساعدة حد عارف الفيلا.

واتصل بالحرس: أنا مش قلت يا بهاييم محدش يخرج ولا يطلع إلا بإذني.
فرد أحدهم: محدش خرج، واحنا صاحيين منمنناش.

فألقي بالمحمول على الفراش، وجذبها: محدش خرج من الباب، خرجتهم ازاي
وفين؟

(ظلال) ببكاء: والله ما خرجتهم ولا شوفتهم ولا أعرف عنهم حاجة، ما يمكن
هما اللي هربوا.

(ظافر) بغضب أكبر: لا والله! أشجان اللي مش طايقاه، ولو طالت تقتله
هتقتله، هي اللي هتهرب معاه، شوفي حاجة تتصدق.

فنظرت إليه: والله ما أعرف حاجة، أنا بريئة، منك لله يا فاروق!
وخرج وتركها ليذهب يتفقد الحديقة، أما هي فاتصلت بوالدتها: فاروق فين
يا ماما.

أمها وهي لا تعلم شيئاً: والله ما أعرف، من ساعة ما بعّت المفاتيح مع الصبي
بتاعه واتصل قال لي مسافر يومين معرفش عنه حاجة.

(ظلال) ببكاء: فاروق ناوي على خراب بيتي وهدم البيت ده وانهاره كله.
فاستغربت الأم حديثها: وفاروق ماله ومالكم؟!

فقصت لها ما حدث وما فعله بـ(أشجان)، فصدّمت المرأة: اخس عليك يا
فاروق، إنّ تعمل كده يا ابن بطني، دي تربيتي!

فحاولت (ظلال) تهدئتها: أرجوك يا ماما، لو اتصل اعرفي الرقم وهاتيه وأنا
أكلمه.

أمها: حاضر يا ابنتي، لو اتصل بالأرضي هشوف الإظهار وأجيبهولك، لأني مش
كاتباه، هو اللي بيتصل وكل شوية تبوظ الشريحة ويحيب غيرها فبطلت أكتبه.

كان (ظافر) قادمًا إليها بعد تفقد الحديقة وتطرق إلى سمعه بعض الكلمات مع
والدتها، أحس بعدها بأنها مظلومة في هذا، ولكنه لم يُعفِها من المسؤولية، فهو

أخوها ولا يعرف إذا ما كانت محادثتها لأمها جزءًا من التمثيلية أم حقيقة.

دخل وجلس على المقعد ووضع رأسه بين راحتي كفيه، فأحست بالأم من أجله
وأّت إليه وجلست على الأرض أمامه: لقيتهم؟

فنظر إليها: فص ملح وداب، مش عارف أعمل إيه، حاسس إن الأرض بتنهار من

تحتي، أول مرة مبقاش صادق في تنفيذ وعدي لها، يا ترى عمل فيها إيه ولا بتقول عليا إيه.

فوضعت يدها على وجهه: إنتَ حاولت تعمل اللي عليك ككبير عيلة وحاولت تصلح اللي انكسر قدر المستطاع، متحملش نفسك فوق طاقتها وإن شاء الله هنلاقهم، وأنا واثقة إن فاروق عمره ما هيئذيها، والله ما كان كده، أنا مش عارفة إيه جرا له، مكانش أناني وكان بيخاف علينا، اللي فيه ده حالة مش طبيعية والله، وأول ما أعرف تليفونه هكلمه وأحاول يرجعها في هدوء. ليغضب: وعلى ما تعرفي أقعد حاطت إيدي على خدي زي النسوان وإنتِ اللي هتحلي مشاكلتي!

وألقى بالمنضدة التي أمامه بقدمه وخرج وذهب إلى (بهاء).
ليدق الباب.

(ناهد) تتلملم وتستيقظ لتداعب (بهاء): شوف مين الغلس اللي بيصحينا دلوقت.

(بهاء): سيبك منه.

(ناهد): لا بجد روح شوف مين ليكون في حاجة.

فقام ليري من بالباب.

(بهاء) بصدمة: في إيه يا عم، وحشناك للدرجة دي.

فجلس حزيناً واضعاً رأسه بين كفيه، لينظر إليه (بهاء): إيه يا عم، زرعتها كرنب طلعت فاصوليا.

فنظر إليه: اقعد ومتجيبش سيرة لناهد، أنا ترددت إني آجي، بس بتخنق وملقيتش غيرك أحكي له.

فجلس (بهاء) منتبهاً: في إيه قلقنتني؟

فقص عليه ما حدث.

(بهاء): يا نهار اسوح! وده حصل ازاى، والحراسة اللي موجودة، ده إنتَ منبه عليهم.

(ظافر) بثقة: أكيد خرجوا من الخلف.

(بهاء): وهو هيعرف مينين مداخل ومخارج الفيلا، ده كان محبوس جوه،

وهي تخطى الحراسة الي موجودة ازاي، إلا لو حد من جوه الفيلا يعرف
مداخلها ومخارجها ساعده.
(ظافر): صح، إنت كده أكدت ظنوني.
وهب واقفاً وإسرع إلى الباب.
و(بهاء) يناديه ولا مجيب ويضرب كفاً على كف.
فذهب إلى (ناهد) التي خرجت من الحمام تسأل عن القادم إليهم.
(بهاء) بتمويه: ده ظافر بايننا وحشناه.
فاتجهت لتذهب إليه ليجذبها (بهاء): راحة فين ده مشي.
فظفرت إليه باستغراب: هو جه في إيه ومشي في إيه؟ في إيه يا بهاء؟
ليموه (بهاء): مفيش.
وقربها منه: هو اللي بيخرج من الحمام بيحلو كده!
...و

أما (ظافر)، فقد ذهب إلى زوجته وصاح: ظللاااااااا!
ففزعت من صوته وفتح هو الباب عليها: أخوكٍ مخرجش إلا بمساعدتك، هو
هيخرج من ورا ازاي إلا لو حد عرفه.
(ظلال): والمفروض أنا اللي عارفة مداخل ومخارج الفيلا، أصلي مقطعة
الخروج قوي، ده أنا مخرجش إلا في إيدك وبارجع في غيدك، وحتى الجنينة
مانعني من الخروج عشان الحرس ميشوفونيش، وحتىي البلكونة بتطلع على
الجنينة من الأمام مش الخلف، يبقى هعرف المخرج الخلفي منين، أنا اكتفيت
منك ومن شكك، طلقني يا ظافر وسييني في حالي أربي عيالي.
وتناولت الحقيبة على الفراش لتخرج ملابسها باكية تضعها بها، ليجذبها إليه:
قلت لك مفيش خروج من هنا، ومفيش طلاق، إنت فاهمة!
فجلست (ظلال) باكية: لا مش فاهمة، أنا تعبت، واعمل اللي تعمله.
فنظر إليها نظرة أربعتها: ظلال، متحملنيش فوق طاقتي، كفاية الي فيا.
(ظلال): وأنا كمان فيا الي فيا مكفيني.
لتألم بعض الشيء وتمسك بطنها، فخاف عليها: في إيه تعبانة؟

فتألمت: شوية.

(ظافر) وكاد يحملها: طب يلا للدكتور.

فأبعدته: لا مفيش داعي، أنا هبقى كويسة.

(ظافر) وينظر إليها: طب لو زاد قولي لي وآخدك للدكتور.

وجلس بجوارها مسلطاً نظره أمامه ولا ينظر إليها: ساعديني يا ظلال وأقفي جنبني لحد ما نعدي الموضوع ده.

فأغمضت عينيها: ما أنا جنبك على طول، لكن عمري ما لقيتك جنبني، أنا هعمل بأصلي وأفضل لحد المحنة دي ما تمر، وهقف جنبك وأساعدك عشان نرجع أشجان، لأنها زي أختي ومارضاش لها اللي حصل.

ليضع رأسه على صدرها كالطفل، ففوجئت بما فعل ولم تحرك ساكنًا.

ظلت الحال هكذا، (أشجان) تعاني مع (فاروق) وتحاول التأقلم ولا تستطيع، فينهرها ويسد عليها كل السبل.

أما (بنان) فهي ما زالت عند (صوفيا) التي يأتي إليها يوميًا أشكال وألوان، وفي يوم جاء شاب ونظر إلى (بنان)، وحين تسألها (بنان) عنه أجابت أنه ابن عمتها، ولكن (بنان) لم ترتح لنظرات ذلك الشاب، والذي حدث (صوفيا) أنه يريد هذه الفتاة، قاصدًا (بنان).

فأجابته (صوفيا): تدفع كام؟

(مهران): ١٠٠٠ جنيه.

(صوفيا): نوووو، ده إيچار حجرة ١٠٠٠، ودي حاجة جديد مش أقل من ٥ آلاف.

فأجابها: هما ٣ بس.

(صوفيا): ٤ آلاف وإلا خلاص.

فوافق، ففعلت (صوفيا) مع (بنان) مثلما فعلت مع ابنة عمها، ووضعت لها شيئًا من المخدرات، فلم تدر بحالها، لتستيقظ بنفس حال ابنة عمها، عارية بجانب (مهران).

فصعقت وتدثرت: إنت إيه اللي عملته يا حيوان؟!

فَضْرِبْهَا كَفًّا: مِين الِلي حيوان يا بت، ده أَنَا أَشْتَرِكِ بفلوسي.
وخرجت من الغرفة باكية، فدخلت على (صوفيا): أَنَا صاحبتك تعملي فيا كده!
فردت عليها: حبيبي الدنيا مصالح، وإنت خلصت فلوسك وععيش معايا وَأنا
ساكت، وإنت أَصلاً عملت كده في بنت عمك الِلي لحمك ودمك وهانت عليك.
فحقاً، افعل ما شئت فكما تدين تدان، وإن أمهلك الله فسحة من الوقت علك
تتوب، ولكن كما تدين تدان، وما ستفعله بأحد سَيُفَعَلْ بك ويعود إليك من
جديد.

فماذا ستفعل (بنان)؟

على الأقل قد عالج (ظافر) موضوع أخته، فكيف ستعالج (بنان) الوضع؟
وهل ستعود (أشجان)؟

(٣٩)

ظلت (بنان) واجمةً أمام صديقة عمرها، إذ لم تتخيل للحظة أنها ستفعل بها هذا، ولكن لم لا وقد فعلته بابنة عمها، كما قالت صديقتها التي من لحمها ودمها، كل ذلك ولم تأخذها بها شفقة ولا رحمة.

وانطلقت تجري من أمامها وخرجت تجول بالشوارع لا تعرف إلى أين تذهب، إلى أن أدماها التعب والإرهاق وهي تجول وتجول بالشوارع وتتعرض للمعاكسات والتحرشات وتجري من هذا وذاك، وفي آخر المطاف وجدت قدميها تعودان بها إلى الطريق نفسه، لتذهب إلى صديقتها باكية.

(بنان): حرام عليك، ليه تعملي فيا كده؟!

وصديقتها ترد: وفيها إيه يعني، إنت ليك جسم جميل وشعر جميل وألف يتمنوا يتموا تحت رجلك، ليه متمشغليش جمالك وتكسبي منه؟! فحظت عينها: إنت بتقولي إيه! عاوزاني أتحول لفتاة ليل لكل من هب ودب! لتنظر إليها (صوفيا): أmaal عملوا الوسائل الحديثة ليه، هو احنا هننزل ندور بنفسنا.

فاستغربت (بنان): مش فاهمة، تقصدي إيه؟

(صوفيا): في انستجرام دلوقت، بتنزلي صور ملفنة وفي ناس بتبعن الرقم، وغيره وغيره.

فنظرت إليها (بنان) بغضب: إنت أكيد اتجننتي، أنا لا يمكن أعمل كده، أنا معايا تجارة بيزنس وهنزل أدور على شغل، وأظن اللي خدتيه كفاية إني أقعد هنا ومتطالبنيش بفلوس حاليًا.

(صوفيا) بعد اكتراث: براحتك، إنت غاوي تعب.

ودخلت (بنان) الحمام لتغتسل من همومها التي جلبتها لنفسها.

أما عم (سعيد) فقد خرج ليضع القمامة أمام شقته حتى يأخذها عامل القمامة صباحًا، وهو يقطن أسفل (صوفيا)، فوجد المترنحين يستندان كل منهما على الآخر ويصعدان إلى شقة (صوفيا)، فأغلق الباب بعنف وأخذ يسب ويلعن في هذه الفتاة التي تعد وصمة عار في المنطقة.

رأته (حورية) زوجته فتعجبت لحاله: مالك يا حاج؟

فرد بعصية: البنت دي مش هتجيبها البر.

(حورية) بتعجب: هي مين دي؟!

(سعيد) بضيق: البت اللي ساكنة فوقنا وكل شوية شباب داخل وشباب خارج، وخلت سمعة العمارة في الوحل.

(حورية) بتوتر: واحنا مالنا يا حاج، ربنا حلیم ستار على عبيده، واحنا عندنا ولايا ربنا يستر عليهم، ملناش دعوة بيها، أدينا عايشين زي بقية السكان، ما إنت اتصلت بالمالك ونفض لك لأنه مسافر ومش هنا، وقال لك ممعش فلوس وهي وخداها تمليك، ميقدرش يخرجها، وقال لك لو معاك إنت فلوس اعرض عليها واشتري.

فتعصب عليها (سعيد): هو أنا حيلتي حاجة، ده الشقة دي اللي ساترانا وإيجار قديم، أروح أجيب لها ربع مليون ولا نص مليون منين، ده لو عصفروني ما هنزل ألف جنيه، ده الغلاء اللي فيه البلد خلا الناس هتاكل بعضها على القرش، هو المرتب بيكفي دلوقت، قال أشتريها منها قال!

(حورية) باستسلام: خلاص يبقى نسكت ونلم نفسنا ونعيش زي اللي عايشين، ثم إنت عارف أمها خوجاية، يعني الكلام ده عادي بالنسبة لها، وكمان ممكن معاها الجنسية وتشحططنا في السفارات، اتلم يا راجل واعقل وخلينا نربي عيالنا.

أما (بنان)، فقد خرجت من الحمام على حجرتها ولم تسأل عن الجالسين مع (صوفيا)، وأخذت تبحث عن وظائف خالية، حتى وجدت ضالتها وعقدت العزم على الذهاب باكراً إلى شركة (السيوفي) لتقدم السيرة الذاتية (C.V.)، وبالفعل ارتدت أبهى ما لديها وذهبت إلى هناك، لتتقدم إلى المختص ولمح اسمها (بنان البنهاوي)، فسألها هل تعرف (ظافر البنهاوي) من قريب أو بعيد، فأجابت أنها ابنة عمه، فاستأذن ليذهب إلى (ماجد السيوفي) صاحب الشركة ويحدثه عنها.

انتزها (ماجد) فرصة ليضرب (ظافر) في مقتل، فحدث الموظف أن يأتي بها

فوراً إليه، فدخلت على (ماجد) ليتفحصها من فوقها إلى تحتها وهو يضع قلمه في فمه وينظر إليها بجراءة، وهي توترت من نظراته، ثم نحى القلم جانباً ووقف ليقترّب منها: قلتي لي تقريبي إيه لظافر؟ فحاولت الابتعاد عنه قليلاً وأجابت أنها ابنة عمه. ليباغتها: وماشغلتيش هناك ليه في الإمبراطورية بتاعتكم؟ فأجابته: أنا على خلاف معاهم.

ففرح بهذا الرد وأجاب بسرعة: خلاص، إنتِ معانا من اليوم واتعينتي في شركة السيوفي.

فشكرته بامتنان وأنهت أوراقها لتستلم عملها، ولكن نظراته لم تُرحها، ولكنه كان أهون عليها مما اقترحه (صوفيا) عليها، فأثرت أن تتحمل تلك النظرات المرئية على تلك الأفعال الشنيعة التي تطلبها منها صديقتها. وبالفعل، أكملت عملها عند (السيوفي) مع التحرشات التي تحدث منه وهي كارهة لهذه الأفعال الصادرة منه، حتى طلب منها بعد فترة أن تحضر إلى الفيلا لاستكمال بعض الأعمال، وفي تفكيره أن يصور لها فيديو ويضرب به إمبراطورية (البنهاوي) في مقتل.

ولكنها ارتابت في ذلك واعترضت قائلة: طب ما نكملها هنا في الشركة، وأنا مع حضرتك للوقت اللي عاوزه، ومعانا الموظفين كمان لو تحب يفضلوا لو مطلوب منهم حاجة.

فاعترض وبشدة: لا مش هينفع هنا.

واحتد عليها: واللي أقول لك عليه تنفيذه، مش بنهرج هنا ده شغل.

فلم تعقب ولم تعترض، وانصرفت.

فهل ستفعل ما يقول أم ماذا؟

أما عند (ظلال)، فهي دائماً الاتصال بأمرها وتساءلها هل اتصل (فاروق). فتجيبها أمها: أبداً يا ابنتي.

فتسألها (ظلال): أmaal بتصرفي منين والورشة مقفولة؟

فتجيبها الأم: والله أحمد جوز أختك كتر خير، راجل بصحيح، مبيسيش حاجة

وراه، وكل يومين هنا ويسأل عن طلباتي، ما إنتِ عارفة أختك، ابنها عيان على طول ومبتزلش، ولو جت تسيبه عند حماتها شوية وتيجي تشقر علينا، لكن أحمد الله يبارك له يطلع من الشغل علينا، وعاوذة حاجة يا عمتي، وألاقيه جايب لحمة وفراخ وخضار ويسيب فلوس للعلاج، والله وشي منه بقى في التراب يا ابنتي.

(ظلال) بغضب: وليه مبتقوليش كنت بعث لك.

أما بحدة: الله الغني، كفاية عمایل جوزك.

(ظلال) وكادت تبكي: يا ماما متقوليش كده، إنتِ ناسية إنها فلوسي وفلوس ابني، يعني تاخدي من جوز بنتك وهي مبتشغلش وتكرهي تاخدي مني أنا بنتك، والله حرام عليكم، أنا هالحقها منين ولا منين، ولا عمایل ابنك اللي كرهت الناس فيا.

فطبيت خاطرها الأم: معلش يا ابنتي، يقطعني والله ما أقصد.

وتذكرت (ظلال): صحيح، مش رقم (فاروق) مع إسرائ؟

والدها تذكر: متهيأ لي آه، حتى لما قلت لها قالت بتتصل ومقفول.

(ظلال) بسرعة: طب اقفلي وهسألها عليه وأفضل وراه لما يرد.

وبالفعل، اتصلت سلمت على أختها وشكرتها على ما فعله (أحمد).

(إسرائ) أجابتها: والله ما أعرف، هو بيتأخر فعلاً ويقول شغل، بس مقالش إنه بيروح لماما، وشكله محلفها متقولش بس وقعت بلسانها معاك، والله أحمد ده كل يوم بيكبر في عنيا جداً وبستحقر نفسي على اللي عملته فيه، حساه ملاك ماشي على الأرض، مبقاش في منه بالأصالة والرجولة والشهامة دي، ربنا يبارك لي فيه يا رب.

فأشادت به (ظلال) وشكرت فيه ودعت له واستطردت: المهم، معاك رقم فاروق؟

(إسرائ) أجابت: آه، المعفن وعملته السودا، والله محرجة أكلمك من ساعة ما عرفت، وبتصل بيه مقفول، الواد ده اتهبلا ولا جرا له إيه! ده فاروق أخونا اللي كله رجولة وشهامة وكان بيدافع عن بنات الحتة لو حد عاكسهم، وفي الآخر يغتصب ويعمل كده!

(ظلال) وهي لا تدري ماذا دهاه: والله ما صدقت إنه يعمل كده، حسيتهم بيتكلموا عن شخص تاني غير فاروق اللي اتربينا معاه وكان يخاف علينا من النسمة الطائرة، بس أقول إيه، الكره والحقده يعمل أكثر من كده، معاملة ظافر مكانتش كويسة معاه ووصلته لكده، وفكر إنه بكده بيحب حقي وبيقوي دراعه، بس جاب نتيجة عكسية معايا والكل بيكرهني ويشك فيا حتى جوزي، لأن شوية يصدق وشوية يشك، وأهي عيشة والسلام، المهم أصلح اللي انكسر وأرجعها البيت تاني ويطلقها، وبعد كده اللي عاوزه ربنا هيكون. (إسراء) تطمئننا: إن شاء الله خير حبيبتي، وخدي الرقم أهو، يمكن يفتحه ويرد.

وبالفعل أخذته واستمرت في المحاولة مرة وراء الأخرى. ولكن (ظافر) كان قد استمع إلى مكالمتها مع والدتها، فأرسل ظرفاً فيه مبلغاً كبيراً من المال مع أحد الموظفين، ليضعه بيد الأم ولا يقول شيئاً لها، فنادت عليه ولكنه انطلق بسرعة البرق.

وحين فتحت الظرف وجدت مبلغاً كبيراً من المال كاد يغمى عليها من حجم المبلغ، واتصلت بـ(أحمد) تسأله فأجابها بالنفي، واتصلت بـ(ظلال) فهي لا تعلم شيئاً عنه.

وعندما أتى (ظافر) سأله (ظلال): إنتِ بعت فلوس لماما؟
ليجيبها: وإنتِ مالك!

فأجابته: يعني إنتِ إلى بعت.

ليرد عليها: يهكم في حاجة أنا ولا غيري؟! هي مش فلوسك وفلوس ابنك ودي أمك.

فنظرت إليه بامتنان: أنا متشكرة جداً يا ظافر.

(ظافر) بعدم اكتراث: متشكرنيش، دي فلوسك إنتِ وابنك.

فنظرت إليه: ظافر متعاملنيش كده، ومش كل كلمة أقولها تحاسبني عليها، أنا ماقصدتش وإنتِ عارف، أنا مسلمك كل حاجة وواثقة فيك وفلوسي وفلوسك واحد، بس كنت بطمئنها بس.

فنظر إليها بضيق: خلاص يا ظلال، أنا متنرفز أصلاً لأنني مش قادر أوصل لأشجان

إلى الآن، ومعرفش أخوكِ بيعمل فيها إيه وبتقول عليا إيه دلوقت، إني نسيتهها
ومش سائل فيها ونقضت عهدي لها، أنا تعبان يا ظلال ومخنوق.
(ظلال) تحاول تهدئته وتأخذ برأسه في صدرها: معلش حبيبي، هانت
وهنوصل لهم إن شاء الله، ومتقلقش أنا عارفة فاروق عمره ما هيئذيها، دي
مش طبيعته صدقني.
(ظافر) باستسلام بعد جبروته: ربنا يستر، أنا مسبتش مكان إلا قصدته وبعث
ناس تبحث فيه، زي ما أكون بدور على إبرة في كوم قش.
(ظلال) تطمئننه: إن شاء الله خير.

أما (فاروق)، فهو ما زال يعاند مع (أشجان) ويعلمها الأدب على أصوله، وأن
تكس شقتها وتغسل الأطباق وتنظف الحمام وتعد الطعام الذي لا يشبع أحدًا
ولكن مقدرته هكذا فقد أوشكت نقوده على النفاد، وهي تصنع هذا مكرهة
ومماثلة ولكنها مضطره، وهو يخرج بعض الأحيان ليشغل في عمل يومي
يتكسب أي نقود ليأتي بالطعام.
لتنهره (أشجان): أنا قرفت وطهقت من العيشة دي، رجعني بقى الفيلا
وظلقني حرام عليك.
وهو يجلس متعبًا بعد عناء يوم شاق: روجي هاتي مية مِلح أحط فيها رجلي.
وهي تقف واضحة يدها بوسطها: مش رايحة، دي حاجة تقرف.
فنهراها: غوري يا بت بدل ما أطرشك.
فجرت تحضر له الماء بالملح، فأمرها أن تغسل قدمه، ففعلتها كارهة وهي تدعو
عليه، وهو يسب فيها، إلى أن حدث وفتح تليفونه.
فماذا سيحدث يا ترى؟
وماذا ستفعل (بنان) أيضًا؟

(٤٠)

عندما فُتِحَ هاتف (فاروق)، جاءت رسالة إلى (ظلال) بأن الهاتف قد فتح، فجرت لتتصل بـ(فاروق)، والذي فوجئ باتصالها، ومن ارتبأكه فتح الخط وتحدث إليها.

(فاروق): أيوه يا ظلال، في حاجة؟

فباغتته: اخس عليك يا أخويا يا ابن أمي وأبويا تعمل فيا كده؟! أنا لغاية دلوقت مش مصدقة إن اللي حصل ده كله من أخويا فاروق، أبو المجدعة والشهامة، اللي كانت أي بنت في الحنة تتحامي فيه من الشباب البايط، وييجي لنا كل يوم متخانق عشان بيدافع عن عرض بنت، حصل إيه؟! أكيد في حاجة غلط فهمني! تعمل فيا أنا كده! بعد ما الناس كانت بتحبني بقت تكرهني ومش طايقاني، حتى أبله ناهد اللي كنت بحبها زي أمي مش زي أختي الكبيرة بقت مش طايقة تبص في خلقتي، ولا (ظافر) بعد ما كان اتعدل معايا، بسبب عملتك بقى شك وتعامل زبالة، ليه عملت فيا كده حرام عليك، مش مسامحك أبداً!

فتأثر من كلامها: خلاص يا ظلال بقى، متتعبنيش أكثر ما أنا تعبان.

ليدخل (ظافر) ويتناول الهاتف: إنتَ ياد لو مجيبتهاش وجيت تطلق قسماً بالله لأجيبك متكفف، والمرة دي مش هتخرج من تحت إيدي سليم لو مبقيتش مطلقه هخليها أرملة.

فقاطعه (فاروق): شوف يا كابتن، أنا مبتهدش وأعلى ما في خيلك اركبه.

لتأخذ (ظلال) الهاتف بسرعة وتومئ برأسها لـ(ظافر) أن يثق بها، فتركه لها. وحدثت (فاروق): سيبك منه يا فاروق، أنا أختك ظلال اللي بكلمك دلوقت، اللي اترينا سوا، وعمر ما اترينا على كده، لا أنا ولا إسرائ ولا إنتَ، وإنتَ أولنا، وكنت تخاف علينا وتعرفنا الصح من الغلط، وكنا نلجأ لك بدل بابا عشان بابا كان شديد وتوعينا وتنصحننا، فين فاروق؟! ده أنا حاسة بكلم حد غريب عني! فتراجع مرة أخرى عن غضبه: إنتَ عاوزه إيه يا ظلال؟! أنا عملت كده عشانك وعشاني، مشوفتيش تعاملهم معنا زي ما نكون حشرات بالنسبة لهم، كان لازم يتربوا ويفهموا.

فقاطعته: مش كده يا حبيبي، لو عاوز نعلمهم يبقى بأسلوبنا اللي اتربينا عليه، ده اللي هيجبرهم، مش نداوي الغلط بغلط أكبر.

فقاطعها: وأمك وأبوكِ اللي حارمك منهم زي ما يكون عار.

فاستطردت: أنا عارفة إن مسيره هيلين ويوديني بنفسه لهم، لكن كل حاجة لازم تاخذ وقتها، لكن اللي عملته دمر حياتنا كلها.

(فاروق) باستسلام: عاوزه مني إيه يا ظلال؟

(ظلال) وقد أحست بلين من أخيها: ترجع يا حبيبي وتجييها، وأوعدك محدش هيقرب لك.

ونظرت إلى (ظافر) حتى يعطيها وعده، فأشاح بنظره عنها ولوح بيده بعدم اكتراث، ولكن (فاروق) أعطاهها وعدًا بأنه سيفكر بالأمر، فقط تعطيه مهلة للتفكير بعض الوقت.

(ظلال) لم تحب الضغط عليه، فأجابت بالموافقة وأغلقت مع أخيها.

ليتلقفها (ظافر): قالك إيه؟

(ظلال) باستسلام: قال هيفكر.

فاستشاط (ظافر): نعم بروح أمه! تحت رحمته احنا! هاتي الرقم ده يمكن أعرف منين المكاملة ويحددوا المكان.

فامتنعت (ظلال): مش هديهولك، وعلى جثتي.

وحاولت مسح الرقم، لكنه حاول أخذه منها وهو يحيطها من الخلف، فأبعدت يدها وحذفت الرقم، حتى تألمت بعض الشيء فتأوهت.

فانزعج (ظافر): مالك فيك إيه؟

(ظلال) بتعب: مفيش، شوية تعب بس بسيط.

فقاطعها: يلا البسي، إنتِ اليومين دول كل شوية تعب، وأنا مش متطمئن.

وفعلًا، ارتدت ملابسها ونزلت، لتجد (ناهد) و(بهاء) يدخلان من الباب. (ناهد) بفرح: عندي خبر بمليون جنيه.

(ظافر) بعدم اهتمام: خير.

(ناهد) بفرحة عارمة: أنا حامل!

ففرح (ظافر) واحتضنها: بجد! ألف مبروك حبيبتني.

وجاءت (ظلال) تبارك وتحتضنها، فابتعدت (ناهد) عنها وأشاحت بوجهها،
فلاحظ (ظافر) فنادى (ظلال): يلا يا ظلال.

(ناهد) بقلق: رايح فين؟

فنظر إليها: هتكشف عشان الحمل تاعبها.

(ناهد) بتفهم: أها.

وأيضاً بارك لـ (بهاء) وهرج معه أنهما سيكونان أبوان أخيراً.

وأخذ (ظلال) إلى الطيبة لتكشف عليها.

فنهرتها: إنت متوترة وعندك ضغط نفسي، وده غلط على البيبي، المفروض تبقي

ريلاكس شوية وإلا ممكن تولدي قبل معادك، أنا حذرتك وإنت حرة.

(ظلال): يعني أعمل إيه، مش بإيدي.

ليعيدها (ظافر) إلى الفيلا ويحاول التقرب إليها.

لتبعده عنها: قلت لك أنا هنا بس لحد لما أحل لك مشكلة فاروق، وقربت تتحل

وبعدها نشوف.

(ظافر) بعدم فهم: تقصدي إيه؟

(ظلال) حاولت إغلاق الموضوع: مفيش، لما يبجي وقته نتكلم، أنا تعبانة

دلوقت.

وأدارت ظهرها له ونامت، فلم يضغط عليها بسبب كلام الطيبة حتى لا تتوتر.

أما (بنان) فقد أخذت تفكر بالأمر ملياً وتحسبها جيداً، فهي تعلم نية (ماجد)

جيداً وتفهم نظراته، ولكن ماذا ستكسب، سيفعل فعلته ويرميها كأى واحدة

قبلها، فلن تستفيد منه شيئاً، فإن كان الوضع هكذا فلتفعلها بطريقة صديقتها

وتكتسب أكثر فأكثر وهي جالسه بيتها.

فتحدثت إلى صديقتها عن مخاوفها وظنونها في صاحب الشركة، وأنها توافق على

رأيها الذي أشارت به عليها أولاً.

ففرحت (صوفيا) لذلك وقالت لها: بس أنا مسافرة فترة بره وهرجع، وطالما

هتشتغلي معايا خليك هنا، بس متعمليش حاجة إلا لما أرجع، وإلا ممكن حد

يبلغ عنك ولا أي حاجة تحصل وأنا مش موجود، أوك حبيبي.

فوافقتها (بنان) وطلبت منها مبلغاً إلى حين عودتها، فأعطتها المبلغ. أما (ماجد) فقد جهز كاميراته في الفيلا على أمل أن تحضر إليه، ولكنها لم تأت، فاستشاط غضباً، فقد اتفق مع المونتاج و جهز الكاميرات على أن يخرج الفيديو وهي فقط به ويمحو الجزء الذي يظهر فيه ويضعه على وسائل التواصل وتصبح فضيحة لـ (لبنهاوي)، ولكن كل هذا أصبح سراً. فأراد أن ينتقم من (بنان)، فزرع شخصاً يراقب مسكنها الذي تركت عنوانه بالشركة ويحضر له أخبارها ويسأل الجيران عنها، فجاء له هذا الشخص بكل ما عرفه عنها وعن صديقتها وما يقال. ففرح (ماجد) بكم المعلومات هذه، وازدادت دهشته: أmaal عاملة لي شريفة ولا عشان ده مش بفلوس، ماشي يا بنان. ولكن الشخص استطرد: بس موقفين النشاط تقريباً على ما صحبتها ترجع لأن هي اللي صاحبة الشقة، وبت مخلطة نص خوفاية ونص مصري. فنظر إليه (ماجد): خلاص تفضل مراقب وأول ما ترجع البت دي تكلمني وتعرفني لما يبدأوا نشاطهم. فأجابه الشخص: أوامرك يا باشا، بالإذن أنا بقى. فأشار إليه (ماجد): يلا بالسلامة.

أما (فاروق) فقد أخذ يفكر في كلام (ظلال) ملياً وأعطى الطعام إلى زوجته (أشجان): يا ما جاب الغراب لأمه. (فاروق) بغضب: احمدي ربك، غيرك مش لاقى اللقمة دي ولا حتى حاف. (أشجان): هحمده وأشكره وأسجد له ركعتين شكر كمان بس لما أخلص منك. فجذبها إليه: للدرجة دي مش طايقاني. فنظرت إليه: جداً جداً، أنا مكرهتش في حياتي حد زيك، إنت دمرت حياتي. ليرد عليها: تصدقي بالله، شعور متبادل، مكرهتش حد زي ما كرهت عيلتكم وإنت أولهم. (أشجان) وقد فُتِح لها المجال: طب ما ترجعني الفيلا وتطلقني يا أخي. فنظر إليها وتركها: قريب قوي متقلقيش، وإنت فاكرة إني حاب العيشة معاك

قوي وإنّ مسيبياني شغلي وحتتي وأمي وأبويا، أنا بس كنت حابب أربيك، بس كانت تربية متبادلة ليا وليك.

وتركها لينام وهي تنظر إليه بحقد وغل وكره.

ليتصل بعد ذلك (فاروق) بأخته: أنا جاي أنا وأشجان، بس والله لو جوزك عمل حاجة مش عارف هعمل إيه تاني.

فأجابته: متخافش بس تعالى وهاتها.

وأخبرت (ظافر) أن يأتي بالمأذون ويُنهى الموضوع بسلام دون أي خسائر، فأحضر المأذون وظل منتظرًا، إلى أن قدّم (فاروق) و(أشجان) التي انطلقت باكية بحضن أخيها بمجرد رؤيته، فهدأها وأجلسها ثم أخذ بتلايب (فاروق): أما إنّ لك حساب تاني بس نخلص.

فأزاحه (فاروق): أنا لا خايف منك ولا من سلطتك، وأختك أساسًا متلزمينش، وأنا طول ما هي في بيتي مقربتلهاش، أنا حبيت أعرفك إن زي ما تحت إيدك أختي فأنا كمان كان تحت إيدي أختك وممكن أعمل فيها ألغن ألف مرة من اللي عملتوه في أختي، لكن ولا حياة لمن تنادي ولا بتتعضوا.

فقاطععه (ظافر): يلا ياد وبلاش كلام فارغ مش حملة.

ثم قاطعه (فاروق): والنفقة والمؤخر.

(ظافر) بتأكيد: هنبريك من كل حاجة، والورقة أهي جاهزة، احنا مش عاوزين فضايح ولا صلة بيبك بعد كده، مش عاوزين حاجة تربطنا بيبك خالص. وأنهى المأذون الإجراءات ووقع الجميع والشهود.

لتتحدث (ظلال): استنى يا شيخ مأذون عشان تطلقني أنا كمان.

ليجذبها (ظافر) بعيدًا: إنّ عبيطة ولا بتستعبطي، قلت لك طلاق مبطلقش، ظلال متطلعيش جناني عليك وتثيري غضبي، كفاية الحالة اللي أنا فيها، مش ناقصك كمان.

(ظلال) بضيق: خلاص، لو مش هتطلق إنّ حر، أنا هرجع مع أخويا مش هعيش هنا تاني.

ليجز على أسنانه وتجحظ عيناه وينظر إليها نظرة أرعبتها: امشي اطلعي فوق أحسن لك، بدل ما أشيلك وأطلعك بنفسي.

فخافت من تهديداته وانطلقت مسرعة كالأطفال تتحدث بكلام مبهم وهو يتبعها بنظراته وهي صاعدة إلى أعلى.

وذهب (فاروق) وأيضاً (بهاء)، وكذلك سعدت (أشجان) مع (ناهد) إلى غرفتها لتستعيد حياتها مرة أخرى، ولكن هل حقاً ستستعيدها أم هناك شرخ بل صدع حدث بها؟

أما (ظافر) فخرج ليهدئ من حاله قبل أن يذهب إلى (ظلال) ويحدث تصادم بينهما، وفي أثناء خروجه نبه على الحرس: مفيش ثملة تدخل ولا تخرج من الفيلا، ولو المدام حاولت تخرج تمنعوها، وإياكم حد يقرب لها، هقتله. فتفهموا الأمر.

وانطلق غاضباً، وبعد فترة وجدت (ظلال) هاتف الفيلا الذي بالردمة يرن، فخرجت لتتحدث: مين معايا؟

الموظف: دي فيلا البنهاوي؟ هنا مستشفى... في حادث وقع لظافر البنهاوي وبعثوا لي التليفون ده أبلغ أهله.

(ظلال) بوجع في قلبها وتذكرت حادث (حمزة): وهو عامل إيه؟ ليجيها الموظف: مع الأسف...

ولم يكمل، فقد وقعت مغشياً عليها، ليشعر الموظف بذلك ويتحدث: يا مدام، يا مدام...

وخرجت (ناهد) و(أشجان) ليجدانها واقعة مغشياً عليها، فجرّتا عليها لإفاتها. (ناهد) بعد أن أفاقت (ظلال): في إيه؟

(ظلال) والدموع تسيل: ظافر عمل حادثة.

وأخذت تبكي، (ناهد): أنا هتصل بهاء يرجع بسرعة، زمانه لسه موصلش البيت.

فماذا سيحدث لـ(ظافر)؟ هل نهايته مثل أخيه أم...؟

وماذا سيفعل (ماجد) مع (بنان)؟

وما الحياة التي تنتظر (أشجان)؟

وأيضاً، هل حياة (فاروق) ستختلف؟

(٤١)

هاتف (ناهد) زوجها وقصت عليه ما حدث وطلبت منه أن يسرع في القدوم، فأدار سيارته على الفور وغير اتجاهه إلى الفيلا، فقد طلبت منه (ناهد) أن تبيت هذه الليلة مع أختها، فوافق على الفور مقدرًا الظروف، ولكنه انصرف لأنه لا يستطيع النوم إلا بفراشه، وكان سيأتي لاصطحاب زوجته إلى شقتيهما في الغد، ولكن هذه الحادثة التي لا يعرف أحد نتائجها قلبت الموازين، فذهب في لمح البصر إلى الفيلا واصطحبهم إلى المستشفى الذي تحدثت عنه (ظلال).

وحينما وصلوا، تركتهم (ظلال) على الفور ودخلت إلى الاستقبال تسأل عن زوجها بلهفة، فهي لن تتحمل فقد زوج مرة أخرى وتربية الأطفال وحدها، هذا فوق احتمالها.

وجدت الموظف الذي هاتفها، فعرفها من صوتها.

الموظف بثقة: إنتِ كلمتك على التليفون وبعد كده ملقتكيش؟

(ظلال) بتأكيد: وإنّ قلت لي مع الأسف وأنا ماستحملتش وأغمى عليا.

فتأسف لها: معلش والله مش قصدي أخضك، أنا كنت هقول لك مع الأسف معنديش فكرة، طلبوا مني بس أكلمك وأعرفك المكان، لكن تفاصيل المريض مكنتش أعرفها.

فتحدثت (ظلال) بلهفة: طيب هو عامل إيه؟

الموظف مطمئنًا لها: هو بخير، شرح في الساق الشمال واتعمل له جبيرة لمدة أسبوع، شوية رضوض وكدمات بسيطة، أنا سألت والله مخصوص عشانك وكنت هتصل تاني بيك.

(ظلال) بامتنان: متشكرة جدًّا، طب هو فين؟

الموظف بسرعة لأنه يرى لهفتها: في الدور الثالث غرفه ٣٠٠. فجرت بسرعة.

وقدم الجميع بعدما وجد (بهاء) مكانًا للرّكن، واصطحبهم إلى الداخل ليسأل الموظف نفسه ويجيب الأسئلة نفسها.

وفي هذا الوقت، كانت (ظلال) قد اتجهت إلى غرفة زوجها النائم من تأثير المسكن، فوجدت به بعض الكدمات، فتتحسسها بحزن وألم وتبكي، ثم جلست بجانبه ممسكةً يده وقربتها من شفيتها واضعةً رأسها على صدره وهي تبكي: عاوز تسييني لوحدي إنتَ كمان! طب والعيال دي مين هيربيها، أنا مش هقدر لوحدي.

ليحس بها ويضغط على يديها، فأحست بأنه مستيقظ، فنهضت بسرعة ووقفت، ليجذب يدها فوقعت بجانبه مرة أخرى: لما إنتَ خايقة عليا كده وعاوزاني جنبك، أمال بتطلي الطلاق ليه؟!

فحاولت النهوض ولكنه أحكم سيطرته عليها بحيث لا تستطيع النهوض والابتعاد عنه.

فتلعثمت: أنا لا عاوزاك ولا حاجة ومصرة على الطلاق على فكرة.

فهمس بأذنها وحاول مسح دموعها: أمال الدموع دي كلها إيه، شفقة! فتوترت وحاولت مسحها بشدة: آه شفقة.

ودخل الجميع وهو يبتسم ابتسامة ساخرة من حركاتها.

(بهاء) بضحك: كفارة يا راجل خضيتنا، ده أنا قلت هاجي ألاقيك متشفش وأشيلك في أوفة بودنين.

فنظرت إليه (ظلال)، وبسرعة وهي غير مدركة أو واعية وبدون تفكير وبحدة شديدة: بعد الشر عليه.

حتى إن الجميع لاحظها، و(ظافر) ابتسم من رد فعلها الذي أخرجها ولم تستطع تبريره، ولكنها استطردت: ربنا يخليه لعياله.

فهمس إليها (ظافر): عياله بس!

فنظرت إليه: آه، عياله بس.

(بهاء) لاحظ ذلك: خلاص بقى، أطلع أنا منها، في وحوش هياكلوني، يا بختك يا عم.

ونظر إلى (ناهد): بتحييني أهدي؟

فضحكت: والله إنتَ رايق، احنا في إيه ولا في إيه إنتَ كمان.

فنظر إلى (ظافر): أهو يا عم شوفت، أنا شكلي ادبست دبوس عظيم في الجوازة

دي.

(ناهد) بضيق: وبعدين معاك بقى! خلاص نفضها سيرة لو مش عاجبك.
فضرب كفاً على كف: يا لهوي على الستات وسنينها، صحيح «يَكْفُرْنَ الْعَشِيرَ»
زي ما قال رسولنا الكريم، ينسوا في ثانية أي حاجة حلوة ويقولوا اللي ما شوفت
معاه يوم حلو.

ونظر إليها نسيته الجرائطة اللي جبتها لك؟!
فضحكت: اسمها جرائطة! الكلمة دي انقرضت من أيام الهكسوس، اسمه آيس
كريم يا حبيبي.

(بهاء) بضحك: أهو اعترفتي إني جيبت لك.
(ناهد) لتخرج من كل هذا: آه يا حبيبي، ربنا يخليك ليا، نشوف بقى الراجل
التعبان اللي تعبناه أكثر.

(بهاء) بجدية: آه صحيح، فين الدكاتره نعرف منهم هتخرج امتي ولا إيه
حالتك بالضبط.

(ظافر) مطمئناً إياه: لا شرح بسيط في الساق واتعمل اللازم، لما الكدمات
دي هتخف مع الكمادات والمرهم، عشان كده قلت له هخرج معاكم وأكمل
علاج بالبيت، وعشان الخبر ميتنتورث، إنت عارف مركزي حساس ووضوح
الشركة ممكن يهتز.

(بهاء) بتفهم: خلاص أنا هعمل الإجراءات اللازمة وهنخرج، بس مفيش
خسائر أو بوليس أو أي حاجة؟

(ظافر) مطمئناً إياه: لا الطريق كان فاضي، العربية اللي اختل توازنها فجأة
واتصدمت في الحاجز الجانبي.

(بهاء): طيب الحمد لله إنه ستر.

(ظافر) موضحاً: وحتى البوليس لما جه اتلمت، لأن مفيش أطراف أصلاً في
الموضوع، خدوا إفادتي وعينوا المكان وخلاص ولمينا الموضوع.

(بهاء): تمام قوي، أنا هخلص الإجراءات حالاً ونخرج.

(وظلال) حاولت النظر إليه، فوجدته مُسلِّطاً نظره عليها، فحادت بنظرها مرة
أخرى، أما (أشجان) فهي في جانب الحجرة معزولة وحدها.

ليلاحظها (ظافر): إيه يا شيجو، مفيش الحمد لله على السلامة؟

فنظرت إليه: آه طبعًا حبيبي الحمد لله على سلامتكم.

ليأتي (بهاء): في سيارة مجهزة هتنقلك حالًا واحنا وراك.

فقالت (ظلال): لا، أنا هركب معاه.

(بهاء) لم يعترض: خلاص أوك، هقول لهم المدام هتروح معاه.

فنظر إليها (ظافر): لا روحي معاهم عشان تبقي مرتاحة عشان بطنك.

فنظرت إليه: لا أنا جاية معاك.

فلم يستطع جدالها، فهو مرهق من أثر الاصطدام وتحت تأثير المسكنات.

وبالفعل، ركبت معه سيارة الإسعاف إلى المنزل، وأجلسوه على كرسي متحرك

وأدخلوه الفيلا، وهموا بحمله للصعود إلى أعلى فأوقفهم بإشارة من يده: أنا

مش عاجز للدرجة دي، هاتي يا أشجان من حجرة بابا العكاز بتاعه.

فجرت وأنت به على الفور، ولكن (ناهد) نهرته: إنت في شرخ في رجلك

ومينفعش تحمل عليها لمدة أسبوع، دي أوامر الدكتور، هو عند في كل حاجة!

(ظافر) بعصبية: الدكتور مش هيحس بيا أكثر مني، وأنا مش عاجز ومبجش

الإحساس بالعجز، أنا هسند على العكاز وأطلع.

وجاء يسند، كان صعبًا عليه ولكنه عاند، فجاءه (بهاء): طب اسند عليا وأهو

نتعكز على بعض.

فنظر إليه: هتقدر؟

(بهاء) بطريقته المرحة: دوس يا مان ميهمكش أنا ركبي حديد، بس متدوش

قوي، أختك اللي هتضيع وتلطم.

فنظر إليه: ده إنت طلعت عاااار! ودوس وركبي حديد.

(بهاء) بحدة: لا معلش بقى، ده المزز بتترمي عليا.

فنظرت إليه (ناهد): اللي خدته القرعة، قال مُزَز قال!

فنظر إلى (ظافر): شايف! دايماً مكسرة مقاديفي، تقولش وخداني تخليص حق،

آه مُزَز، مبتشوفيش في المكتب لما بتيجي.

فضحكت (ناهد): شوية المحاميات السكة اللي عندك دول مُزَز! لو على دول

أسيبك وسطيهم وأنا مطمئة.

(بهاء): ماشي، خليك كده مطمئة لحد ما واحدة تلتشني منك.

وصرخ: أي، ما بالراحة يا عم وإنت بتسند.

فنظر إليه (ظافر): تصدق أنا غلطان إني اتسندت على حيطه ماييلة، ما تنشف ياد.

(بهاء) نظر إليه: إنت بتقول لي أنا أنشف! طب قسماً بالله لهشيلك، وهي ضربت في دماغي ودي أنشف من الزلط.

وحمله والجميع يضحك عليهما، و(ظافر) خائف أن يوقعه فنهزه: نزلني ياد. و(بهاء) مُصر على موقفه، حتى صعدا إلى أعلى ودخلا حجرته، فاستلقى (ظافر) على الفراش وودعه الجميع متمنين له الشفاء.

و(ناهد) ذهبت مع (بهاء) حتى ترتاح بعد هذا اليوم الطويل، وستعود بعد ذلك لتطمئن على أخيها.

و(أشجان) ذهبت إلى حجرتها.

أما (ظلال) فأحضرت له الملابس وحاولت أن تساعد في ارتدائها، وهو ينظر إليها حتى انتهت، وانتبه إلى أنها تسير بعيداً عنه: رايحة فين؟

(ظلال): هنام هنا على الكنبه أو أروح حجره تانية عشان تبقى براحتك لحد ما تقوم بالسلامة، وبعدها إما تطلقني أو هروح عند ماما.

فرفض نومها على الكنبه وأمرها أن تأتي بجانبه على الفراش، ولكنها رفضت وهمت بالخروج، ولكنه تناول عكازه، فوجده أمامها: إنتِ مفكرة إني عاجز ومش هقدر أوقفك!

(ظلال) تنظر إليه: بالعكس، أنا عارفة إن مفيش حاجة متقدرش عليها، بس أنا اكتفيت من البيت ده كله وكرهت أعيش فيه تاني، مشوفتش يوم حلو فيه من ساعة ما جيت.

فجذبها إليه ووضع جبهته على جبهتها: أنا آسف يا ظلال، أنا عارف إنك اتحملتيني كثير في لحظات غضبي وشكي، وعارف إنك اتحملتي فوق طاقتك، بس أنا بقولها لك ولأول مرة أعتذر في حياتي لحد، وبقولها لك إنتِ، أنا آسف وهعووضك.

حاولت الابتعاد عنه وهي تبكي ولكنه أحكم سيطرته عليها.

فنتهدت بحزن: ويفيد بيايه الأسف حالياً بعد ما دمرتني، أنا في العشرين بقيت زي العجوزة اللي في الستين من كتر الحمول اللي شايلها، غير ولادي إسلام والبنت إلى قربت تيجي، أنا تعبت حقيقي تعبت.

(ظافر) يمسخ دموعها: وأنا بحبك يا ظلال.

فنظرت إليه: وكده الحب في نظرك؟! أمال لو بتكرهني هتعمل فيا إيه!

فنظر إليها: خلاص بقى، المسامح كريم، وخليك كريمة معايا للنهاية، وصدقيني أنا اتغيرت على يدك، وإنّ يا حتة طفلة علمتي ظافر البنهاوي حاجات كتير.

فضربته بصدرة: برضه بتقول طفلة لسه!

فتألم: أي!

فخشيت عليه: أنا آسفة والله مش قصدي.

فابتسم: خفتِ عليا!

نظرت إليه بغضب: والله إنّت رخم، ووسع بقى.

ليجذبها إليه مرة أخرى ويقبلها بشغف، لتبتعد بعدها بخجل، فحاول الرجوع إلى الفراش وأتت لتسنده وهي قصيرة عنه كثيراً.

فضحك: إنّت اللي هتسنديني! روعي بدل ما تولدي فيها وأحتاس بيك في حالتي دي ونحتاج اللي يشيلنا احنا الاتنين.

(ظلال) بعند: لا متخافش عليا، اسند وميهمكش.

فحاول دون أن يستند كثيراً فتألمت، فنظر إليها: ده أنا لسه بريح عليك بس، وعملاي فيها شجيع السيماسند الكتف ده زاد والكتف ده مية.

فضحكت عليه: أنا مقولتش كده على فكرة، ثم إنّت ثقيل، أعمل إيه يعني.

فنظر إليها: خلاص يا قمر، لو عاوزاني أنا اللي أشيلك، أشيل ولا يهملك.

فضحكت عليه: اتكلم على قدك.

فنظر إليها بتحدُّ: متخلهاش تطق في دماغى.

فجرت بسرعة إلى الفراش قبل أن يُنفذ ما قال، ليأتي متمهلاً وينام بجوارها محتضنها ويضع يده على بطنها: بنوتي عاملة إيه النهارده؟

فنظرت إليه بحب: بتسلم على باباها وبتقول له الحمد لله على السلامة يا دادى.

فوضع رأسها بصدرة: ربنا يخليكم ليا.

أما (فاروق) فقد كان يجلس بورشته، ليجد (سماح) تسير في الشارع وأحد الشباب يحاول مضايقتها.

فأتى (فاروق) على الفور: ما جرا إيه يا ياسر، راعي إنها بنت حتتك يا أخي. وجذب (سماح) خلفه لأن (ياسر) كان يحاول التحرش بها.

لتدعي لـ(فاروق): ربنا يخليك يا سي فاروق ويكرمك، هو عشان أرملة ومليش راجل ينهشوا في لحمي، ده أنا بجري على بنتي وأمي بتلطم في البيوت، أمسح ولا أكنس سلم عشان ملايم أسد جوع بنتي وأمي بيهم، وآخرتها كده.

(فاروق) بتفهم: خلاص يا سماح، توكلي على الله إنت، ربنا يسترها معاك. (ياسر) بضيق: وإنت بقى عامل حامي الحما بسلامته وإنت عارف بتروح فين وتيجي منين، ما هي بتمشي من الصبح لليل، محدش يعرف لها طريق.

(فاروق) بحدة: يا أخي حرام عليك، ده إنت عندك ولايا، واللي بيقول كلمة بتترد له عشرة، ارحم والست دي تلزمني بقى، ومن النهارده تخصني، وهتجوزها واللي عنده كلمة يلماها. (ياسر) بغضب: خلاص أشربها، ربنا يهني سعيد بسعيدة.

وذهب إلى والدته: أمه أنا عاوز أتجوز سماح.

أم (فاروق): سماح مين الأرملة.

فالكثير من الناس يظنون أن الأرملة أو المطلقة أخذت حظها من الدنيا، ويجب عليها أن تظل هكذا طيلة عمرها ويحرمون ما أحل الله.

ولكن (فاروق) أجابها: آه الأرملة هي سبة إنها أرملة ما أنا مطلق على الأقل أكفر عن اللي عملته وأكفل بنتها اليتيمة، يمكن ربنا يرضى عني ويغفر لي اللي عملته، كان وزه شيطان والملعونة قريبتهم.

أم (فاروق): بس يا ابني، إنت الجوازة دي اتحسبت عليك أونطة ده، إنت لسه ملحققتش تدخل دنيا ولا معاك عيل ولا تيل.

(فاروق): يا أمه هي ذنبها إن حوزها مات وكمان جابت بت، بس بت جدعة وميت راجل، وأنا بصراحة حاسس إن دي اللي هتتحملني وتصوني في عرضي

وشرفي.

أم (فاروق): خلاص يا ابني، اعمل اللي عاوزه، أنا تعبت من الكلام ومليش طاقة. فهل ستتركه والدته يتزوجها؟ وهل ستوافق سماح؟
وأيضاً، ماذا سيحدث لـ(بنان) حينما تأتي صديقتها من السفر وما سيحدث لـ(أشجان)؟

(٤٢)

أما الأم فجزت على ابنتها (إسراء) تهاتفها: شوفتي أخوك وعمايه، عاوز يجوز البت سماح الأرملة وعندها بت ويصرف عليها هي وبنتها وأمها، كلميه يا ابنتي أنا غلب غلبي فيه.

(إسراء) بتفهم: يا ماما سيبه براحتة، هو راجل مش عيل صغير هتضريبه وتقولي له كخ كده وهيسمع الكلام، وسماح بنت غلبانة وهتصونه. الأم بضيق: خلاص يا اختي، يعني أنا اللي بقيت مكروهة، ما إنتِ مكنتيش عاوزة أحمد وأبوكِ عصبك، ودلوقتِ عرفتي إن أبوكِ كان صح وإنِتي اللي كان مخك جزمة.

(إسراء) بتأكد: فعلاً معاكِ حق، بس الوضع هنا مختلف، أحمد فعلاً ميتعيش وأنا اللي مخي مكانش صح، لكن فاروق ربنا هيكرمه باللي هيعمله. فانزعجت الأم من حديثها: خلاص اقفلي، جاتكم القرف تجيبوا الهم والمرض. وأغلقت (إسراء)، لتجد من يحتويها ويحيطها بذراعيه من الخلف ويهمس بأذنها: في إيه؟ كنتِ بتنمّي عليا مع مين؟ سمعت اسمي.

فاتجهت إليه ووضعت ذراعيها حول عنقه: أبداً يا حبيبي، دي ماما. وقصت عليه ما حدث، فأيدها (أحمد) بردها على والدتها: فعلاً ده أحسن اختيار، وأول مرة فاروق ياخذ قرار صح بعد عملته السودا، وأنا كمان خدت القرار الصح لما أصريت عليكِ.

فنظرت إليه: ده أنا اللي ربنا بيحبني إنه أنعم عليا بزواج مثلك، ربنا يخليك ليا حبيبي ولا يحرمينش منك.

واستمعت لبكاء ابنها، فنظر إليه: الواد ده طالع غلس لأبوه.

فنهزته: متقولش على أبوه غلس، ده سيد الناس كلها.

فنظر إلى ولده: طب والله غلس وبيصحى في مواقف مينفعش يصحى فيها.

أما (فاروق)، فجاء إلى والدته: مش هتيجي معايا يا أمه؟

فنظرت إليه وحادت ببصرها عنه: اعمل اللي عاوزه بعيد عني، ده إنتِ ألف

من تتمناك.

فنظر إليها: وأنا عاوز سماح بس من الألف دول.

فنظرت إليه: ما هي كانت قدامك وهي بكر، جاي لما اترملت وخلفت وتقول عاوزها.

(فاروق): أهو ربنا حلاًها في عيني عشان اترملت وخلفت.

وقبل يد والدته: يرضيك أروح لوحدي زي المقطوع من شجرة!

فأخذته في حضنها: يا كبدي يا ابني، إخس عليك تقول كده وأنا عايشة على وش الدنيا.

فاحتضنها: طب يلا قومي البسي يا ست الحبايب، هي القعدة تحلا إلا بيك.

ونفضت ترتدي ثيابها على مضض من أجله هو فقط، وذهباً معاً إلى بيت (سماح)، وهو شقة والدتها التي تعيش فيها معها.

وتحدث (فاروق) إلى والدتها: شوفي يا حاجة، أنا راجل دغري وداخل البيت من بابيه وطالب إيد سماح.

ونظر إلى (سماح): شوفي يا بنت الناس، بنتك هي بنتي وفي عنيا وطلباتها أوامر. فنظرت إليه (سماح) بامتنان: تسلم يا سي فاروق، وأنا مش هلاقي زيك أبداً، رجولة ومجدعة، لكن إنت شايف أمي عاجزة ومش بعد العمر ده هسيبها لوحدها متلاقيش اللي يخدمها، أنا كنت أيام المرحوم قاعدة برضه معاها وده كان شرطي.

فمصصت الأم شفيتها: وإنت بتشرطي على ابني كمان، رضينا بالهم...

فقاطعها (فاروق): وأنا أمك هي أمي، واللي مآرضاهوش على أمي مآرضاهوش على أمك، ولو أمي نفس حالة أمك...

ونظر إلى والدته: بعد الشر عليك طبعاً يا ست الكل، كنت برضه هشرط عليك نقعد مع أمي، وأنا قابل شرطك يا سماح، وهجيب لك أوضة نوم جديدة، وشوية لما ربنا يفرجها هستلقت أنتريه وأجيبه.

فنظرت إليه (سماح) بتفهم: وأنا مش طالبة منك حاجة، لو هعيش معاك على حصيرة مش هقول لأ، المهم لا في يوم تهيني ولا تهين أمي ولا بنتي.

(فبعض أنصاف الرجال يظن أن الرجولة لن تكتمل إلا بإهانتته زوجته وضربها،

ولا يعرف أن كرامتها من كرامته، وقد قال رسولنا الكريم (صلى الله عليه وسلم): «اسْتَوْصُوا بِالنِّسَاءِ خَيْرًا»، وأيضًا قال: «رِفْقًا بِالْقَوَارِيرِ»، وعندما قال الله تعالى: «وَأَضْرِبُوهُنَّ»، جعلها المرحلة الأخيرة بعد العظة والهجر في المضاجع، وليس ضربًا مُبرِّحًا كما يفعل البعض ممن يعتبرونه من علامات الذكورة، ويكون ذلك عند نشوز المرأة فقط وليس بغرض الإهانة، إلا أنهم ينسون قوله تعالى: «وَعَاشِرُوهُنَّ بِالْمَعْرُوفِ».

رفع (فاروق) يده: حد الله لو عملت كده! إنتِ مش شايفاني راجل قدامك عشان أهين حريمي، طول ما إنتِ صاينة بيتك هتتشالي فوق الراس، وأمي دي تبقى أمك، لو احتاجت منك حاجة متتأخريش عنها.

فنظرت (سماح) إلى والدته: من غير ما تقول يا سي فاروق، دي فوق راسي وزي أمي، إنتِ هتوصيني على أمي.

فنظر إليها (فاروق): استبيننا، نقرأ الفاتحة، وبكرة آخذك نجيب حتتين صيغة لزوم شبكتك يا عروسة.

فزرطت (سماح) ونظرت إليها أمه: عشنا وشوفنا العروسة اللي تزرط. فنظرت إليها (سماح): ما أنا لو ليا أخت كان زمانها فرحت لي وزرطت، لكن ملناش حد.

ثم استأذن (فاروق) وودعته (سماح) وهي تطير من الفرحة، أخيرًا ستحتمي برجل يريحها من مآسي الحياة التي مرت بها بعد وفاة زوجها ومن تحرشات كل من هبَّ ودب، وأخيرًا ابتسمت لها الحياة.

ورغم أن (فاروق) فعل هذا تكفيرًا لذنبه وفعلاً للخير، فقد أحس بالسعادة وأن (سماح) كانت اختيارًا موفقًا، وهي من ستراعيه وتصونه وتعيش معه على الحلوة والمرّة قانعة لا تتبتر على العيش معه.

وعلمت (ظلال) بذلك وقالت لزوجها، فأسكتها: لو سمحتِ يا ظلال متجبّيش سيرته قدامي عشان بتعفرت.

وسمعتهما (أشجان) وهي تسير بالردهة، فحمدت ربها أنه خرج من حياتها نهائيًا ولن يعود مرة أخرى، فهي لم تكره بحياتها أحدًا مثلما كرهته، فقد دمّر حياتها وأفقدتها عذريتها ولم يكتفِ بهذا، إذ أهانها وأذلها مرارًا وتكرارًا،

وأسكنها ذلك المسكن اللعين الذي لا يقوى على المكوث به أيُّ من البشر لمدة دقيقة واحدة وليس أيامًا عديدة كما قضت هي معه في ذلك السجن والمحبس اللعين، فقد آن الأوان أن تتخلص منه إلى الأبد دون خوف مو عودته ثانية، وأن تستعيد حياتها، فقد كانت قابضة بغرفتها تخشى الخروج وتخاف أن تراه مرة أخرى، أما الآن فقد تحررت من عبوديته لتمارس حياتها المعتادة. ولكن، هل حقًا ستعود إلى حياتها المعتادة أم ستتغير؟

أما (بنان)، فقد عادت صديقتها من السفر وما زالت المراقبة مستمرة من طرف (ماجد)، وأخبره المراقب أن صديقتها عادت واستأنفت نشاطها، فأخبره أن يظل مستمرًا في المراقبة وحينما يأتي أي شاب غريب إلى البيت يخبره على الفور. وبالفعل، جاء أحد الشباب، و(بنان) جالسة أمامه شبه عارية بقميص نوم شفاف، وتمدد ساقها على الأريكة وتتنفس دخان الشيعة وتتفاوض معه في السعر، والشاب يتلذذ بالنظر إلى جسدها ويقر أنه سيدفع ما تطلبه منه، فأمرته أن يدفع عشرة آلاف جنيه، ولكنه تفاوض إلى أن وصلا إلى ستة آلاف جنيه. وتدخلت صديقتها: أنت ٥ آلاف وأنا ألف إيجار غرفة. فنظرت إليها (بنان): أوك.

وأخذته إلى الغرفة التي شهدت اغتصاب ابنة عمها واغتصابها، لتصبح مهنتها التي تمتهنها.

أما (ماجد) فقد أبلغ شرطة الآداب عن أعمال منافية للآداب في تلك الشقة، لتأتي مباحث الآداب وتهجم على الشقة وتأخذ الجميع متدثرين بمحرمة، و(بنان) يمسك بها أحد العساكر، ولكن يشاهدها (هاني)، فقد انتقل إلى الآداب، وقد شبَّه عليها واقترب منها: أنا شوفتك قبل كده فين؟ إنت مسجلة آداب؟ فقد شاهدها وقت وفاة عمها وحادث (حمزة) بالمستشفى.

وهي عرفته فقالت له: أنا بنان البنهاوي بنت عم ظافر.

ليصعق مما سمع، فكيف سيقول هذا لصديق عمره، وتناول هاتفه ليهاتف (ظافر)، ولكن (بنان) أغفلت العسكري وانطلقت بالشارع، فارتطمت بسيارة وقذفتها عاليًا إلى قارعة الطريق وهي عارية!

فجرى (هاني) عليها يغطيها بمحرمتها وصاح فيهم: اتصلوا بالإسعاف فوراً.
ثم اتصل بـ(ظافر): حصلني فوراً على مستشفى...

(ظافر) بفزع: خير في إيه؟

فأخبره أن (بنان) حدثت لها حادثة، فارتدى ملبسه على الفور، ولكن (ظلال) بعدما سمعت المكالمة صممت أن تأتي معه، فحاول إثناءها عن هذا، فهي حامل وعلى وشك الولادة، ولكنها أصرت على أن تأتي معه.

وبالفعل، ذهبوا إلى المستشفى، وتلقفهم (هاني)، ليأخذ (ظافر) بعيداً ويقصّ عليه ما حدث، فصعق مما سمع وترجأ (هاني) ألا يخبر أحداً بذلك، وخصوصاً الإعلام، فإذا عرفوا ستكون القضية.

فتفهم (هاني) الموقف: عشان كده جبتها هنا على مسؤوليتي، واتصلت بيك فوراً نلم الموضوع.

فشكره ودخل هو و(ظلال) عليها، فوجدها شبه مهشمة ولا تقوى على الحركة والجراح في جميع جسدها، لتنظر إليهم وبصوت واهن يكاد يخرج مع حشرة خروج الروح من الجسد: سامحوني كلكم، سامحيني يا ظلال، أنا اللي قلت لنادر يعمل معاك كده.

فنظرت (ظلال) إلى (ظافر)، فهو يعلم ولكن (ظلال) لم تكن تعلم هذا.

أكملت (بنان): وقولوا لأشجان تسامحني، أنا اللي خليت فاروق يعمل فيها كده.

فنظر (ظافر) و(ظلال) إلى بعضهما بعضاً ثم إليها، والتي أسلمت الروح إلى بارئها.

لتصرخ (ظلال) ويظن (ظافر) أنها تصرخ من أجل (بنان) ويحاول تهدئتها، لكنها قالت له: أنا بولد!

فتحرك في جميع الاتجاهات: طب أعمل إيه؟ نامي جنب بنان طيب.
فصرخت به: لأ طبعاً.

فنظر إليها: طب أنزلها على الأرض وتنامي مكانها؟

(ظلال) ترفض: لأ طبعاً، أنا هنام على الأرض هنا.

(ظافر) يرفض: لأ طبعاً.

وحملها وخرج بها، لتقول له: القرن طش!
و(ظافر) غير مستوعب: نعم! يعني إيه؟ دي لغة ثانية!
(ظلال) بعدم فهم: معرفش، هما بيقولوا كده، تلاقي كل الدكاترة والممرضات
جم.

فأوقف إحدى الممرضات وهو يحمل زوجته وقال لها: القرن طش.
فأشارت إليه بأن يدخلها غرفة العمليات بسرعة وستحضر لهم الطبيب فوراً.
وبالفعل، ذهب ووضع زوجته وحاول أن يُنادي أي طبيب ليولد زوجته حينما
تأخرت الممرضة، ليجذب أحد الأطباء ويدخله إلى زوجته ليولدها، فأقسم له
الطبيب أنه طبيب عظام وليس نساء وتوليد، لكنه (ظافر) رفض أن يخرجها
وأمره أن يولدها فهو لا يحتمل صراخها.
حاول الطبيب أن يستذكر ما درسه في قسم النساء ووقف يفكر، و(ظافر)
ينهره: إنت لسه هتفكر!

ليجدا الطفلة تنطلق و(ظلال) تصرخ بأعلى صوتها، فاستلمها الطبيب وأنهى
الولادة، وفتح أخيراً (ظافر) للممرضات والأطباء التي تدق باب الغرفة وهو
حمل ابنته ودثرها بمحرمة.

لتتلقفها منه إحدى الممرضات، ففعلت لها اللازم وهو اعترض بشدة واحتضنها
وخشي أن يعطيها للممرضة، وهي طمأنته، فنظر إلى (ظلال)، لتومئ برأسها
مطمئنة إياه أن يترك الفتاة معها لتحممها وتزنها وتفعل لها اللازم، فأعطاها
إياها ورجع إلى (ظلال) يقبلها: الحمد لله على سلامتك.

فابتسمت له: تسلم لي حبيبي، ربنا يخليك لينا.
فقد شاهدت حبه لهم وخوفه عليهم، واتصل بإخوته ليعرفهم، وخرج لـ(هاني)
حتى يخفي الموضوع، فقد ماتت (بنان) بعارها ويجب سترها.
تفهم (هاني) الأمر وحاول ملمة الموضوع وجعلها مجهولة الهوية وماتت، فلا
شيء ينفع إن سجلوا لها قضية وهي متوفاة.
وجاءت (ناهد) لتبارك وعلمت خبر وفاة (بنان)، فترحمت عليها، فلا مجال
لشماتة أو غير ذلك.

وصدمت (أشجان) عندما علمت أن (بنان) السبب فيما حدث لها، وأيضاً حينما

علمت نهايتها، ولكن لا شيء يمحو أن (فاروق) أخو (ظلال) هو الأداة التي
ذبحتها بها (بنان)، وذلك لم يعفيه من شيء ولم يغير طريقته مع (ظلال).
أما (ناهد) فتفهمت الموقف، وذهبت لتري ابنة أخيها بفرحة عارمة، و(ظافر)
شاهدها وعيونه تتلألأ من الفرحة، لياخذ (ناهد) جانباً ويتحدث معها بأنه يريد
عمل مفاجأة لزوجته بعد عنائها معه.

فما هي المفاجأة يا ترى؟

وهل ستظل (أشجان) هكذا أم ماذا يخبئ لها القدر؟

(٤٣)

عادت (ظلال) بابنتها إلى الفيلا وسط عيني (ظافر) اللتين تحتويانهما، فأخيراً مَنْ الله عليه بطفل، ومن هذه المخلوقة التي لم يحب في الكون أحداً مثلما أحبها، رغم أنه كان يكابر ولم يفصح لها عن حبه إلا بعد عناء مرير. وأيضاً (ظلال) كانت تنظر إليه وتتأمل نظرات الفرح والاحتواء وتشعر أن الحياة تتراقص أمام عينيها، فها هو حبيبها يبادلها الشعور نفسه ويجتمعان على حب هذه المخلوقة الصغيرة التي جمعت بينهما وكانت سبباً في توطيد علاقتهما.

كان خائفاً عليهما، حتى إنه أراد أن يحملهما معاً، ولكن (ظلال) رفضت وقالت له أنها بخير وتستطيع السير.

وظلت الحياة هكذا فترة إلى أن استردت (ظلال) صحتها وعافيتها. وكان (ظافر) قد تحدث إلى (ناهد) عن المفاجأة التي يريد أن يصنعها لـ(ظلال) بعد أن استردت عافيتها هي وابنته، والتي ظلت بالحضانه فترة لأنها وُلدت مبكراً.

بدأت بالفعل (ناهد) في التجهيز للحفل، أما (أشجان) فقد ارتدت الحجاب ولكن تعاملها مع (ظلال) ظل كما هو ولم تغفر لها خطيئة أخيها.

أما (فاروق) فقد تزوج دون أي احتفال، فهو مطلق وهي أرملة، فقط بعض الجيران لإلباسهما الشبكة وكتب الكتاب في حضور أمه و(إسراء) و(أحمد)، ولكن في عدم حضور (ظلال) لأنها كانت تلد وأيضاً لم يسمح (ظافر) بهذا. كانت (سماح) نعمَ الزوجة، وقد أحسن الاختيار وشعر أن الله يعوضه بهذه الزوجة التي تعين زوجها ولا تشتكي ضيق الرزق، بل تحاول تدبر أمورها كأبي سيدة أصيلة ولا تشتكي من والدته التي تُسمِعها الكثير، حتى لا تنغص على زوجها حياته، وهو يعلم ويقدر لها صنيعها، ويحاول تطيب خاطرها ويحدثها أنها كأمها ولا تؤاخذها بما تقول.

وهي راضية قانعة، فلم تحلم بمثله أبداً، وهكذا أرضاها الله بعد شقائها وضيق

عيشها.

أما (ظافر)، فنأدى على (ظلال) لترتدي ثيابها وتحضر أطفالها، فأندهشت من قوله وسألته أين سيذهبون، فقال لها إنها مفاجأة.

وبالفعل، أخذها بالسيارة مع إسلام وأسيل، وفي أثناء سيرهما جحظت عيناها ونظرت إليه: ظافر، إنت رايح...

فقاطعها وأوماً برأسه: أيوه يا عيون ظافر.

فتهللت أساريرها: ميرسي يا حبيبي، ربنا ما يحرمني منك أبداً.

وأوقفها أمام بيت والدتها لتأخذ ابنتها على عجل وتترك له (إسلام) يأتي به، ودقت على أمها الباب، وعندما شاهدتها بكت الاثنتان معاً واحتضنا بعضهما بعضاً، ودخلت مسرعة إلى أبيها بعد أن سلمت (أسيل) لأمها لتحتضنها.

فأسرعت الأم وراءها بخوف: إيه جابك؟ اتخانقني مع زوجك؟

لتجد من يدق الجرس، فأشارت (ظلال) على الباب: افتحي لظافر يا ماما، معاه إسلام جايبه.

فجحظت عينا الأم: ظافر بيه جاي هنا!

وجرت الأم لتفتح له فاحتضنت (إسلام) وأذنت لـ(ظافر) بالدخول وهي تتلعثم: اتفضل يا ابني، يوه يا بيه.

فهدأها: قولي يا ابني يا أمي، أنا زي ابنك ولا إيه؟

ففرحت السيدة: أه طبعاً، وأنا أطول يا ابني، اتفضل.

ووجدت (ظلال) أباهاً يبدأ الحركة ويجلس بنفسه ويتحرك بعكاز ويذهب إلى الحمام، ففرحت لأنه بدأ الحركة.

وجاءت الأم: البركة في جوزك، بعث له ممرضة كويسة بقت تعمل له علاج طبيعي، ولما بدأ شوية يستجيب بقى بيعت له العربية تاخده المركز، بس على مستوى، وهو اللي خلاه يتحرك كده.

فنظرت (ظلال) إلى (ظافر): ومقولتليش ليه؟

الأم: والله جوزك اللي بعث مع السواق مأجيبش سيرة لحد.

وانتهت الزياره وأخذها (ظافر) إلى الفيلا وهي ممتنة له لما فعل لأبيها وأيضاً

لهذه المفاجأة، وبدأت (ناهد) في تجهيز المفاجأة وعمل اللازم لإقامة الحفلة واختيار الملابس كمفاجأة.

وجاء يوم الحفل، لترتدي (ظلال) فستاناً أبيضاً ضيقاً رقيقاً وكأنها عروس ليلة زفافها، لتسأل (ناهد): لماذا الأبيض؟

فقالت لها إنه هكذا أمر (ظافر) حتى يليق مع بدلته، فلم تعقب.

وارتدي الجميع فستاناً موحد اللون، (أشجان) على مضض سمعت كلام (ناهد)، وكذلك (إسراء) أتت (ناهد) لها بالموديل نفسه، فالجميع مشترك بالمفاجأة، وجاء والد (ظلال) الذي بدأ يتحرك بعكاز بعض الشيء، وأيضاً والدتها. و(ظلال) لم تعلم شيئاً وكأنها حفلة عادية تابعه للشركة، وعندما نزلت من الأعلى بعد أن ظلت معها الكوافيرة فترة.

فوجدت الجميع بانتظارها في الأسفل، (ناهد) و(أشجان) و(إسراء) بلون بينك موحد الشكل، فاستغربت لماذا هم هكذا وكأنهن وصيفات العروس. فتقدمتهن لتخرج، وبمجرد خروجها أتى (ظافر) فتأبطه وانطلقت موسيقى العرس، فنظرت إليه بخجل وكأنها تقول: ماذا فعلت؟ أبعث أن أنجبنا صنعت لي فرحاً.

فكان كأنه يرد بعينيه المليئتين بالشوق: هذا أقل شيء أعرب به عن حبي بعد معاناتك معي.

ثم حملها وبدأ بالرقصة، وهي في خجل من الجميع، والكل حياً العروسين وفرحوا من أجلهما.

أما (فاروق) فلم يأت لأنه لم يُدع إلى هذا الحفل.

وفي مكان آخر، تحدث (مازن) مع أبيه ووالدته.

الأب، وهو سيادة الوزير: يلا يا عنايات هنتأخر على الحفلة، وإنّ عارفة ظافر بيساندي ازاى.

ثم تحدث لـ(مازن): والله كان نفسي أجوزك أخته، بس مطلقة، وإنّ أول فرحتنا ومينفعش.

(مازن): اخلعتني من دماغك إنت وماما اللي هرياني عرايس، أنا مش بتاع جواز.

فتعصبت الأم: لامتى يعني هتفضل كده، عديت التلاتين ولسه مش عاوز تتجوز.
(يسري السلحدار) الأب: يلا دلوقت، الحفلة بدأت.
وانطلق الجميع إلى الحفل، وسلمت الأم والأب على (ناهد) و(ظافر)، في حين
وقف (مازن) بركن يشرب كأسًا من العصير، فمرت (أشجان) بجانبه وهي
تنظر إلى الخلف، فاصطدمت به ووقع العصير على بدلته وقميصه.
فزفر بضيق: إنتِ إيه اللي عملتيه ده! عامية مش شايقة، طالقينك على الناس
كده.

وهو يحاول تنظيف ملابسه ولم ينظر إليها، لتتحدث إليه: أنا آسفة والله
ماقصدش.

فنظر إليها وسرح وتفوه بهدوء: لا أبدًا ولا يهملك.

(أشجان): طيب هات الجاكيث وأنا هنظفه بسرعة.

فخلعه بسرعة وأعطاه لها، وقبل أن تلتفت جذبها إليه: إنتِ رايحة بيه فين؟

(أشجان) باستغراب: هنظفه، متخافش مش هسرقه.

(مازن) بابتسامة: لا معلش، رجلي على رجلك، محدش مضمون اليومين دول.

(أشجان): ليه؟! هطمع فيه ألبسه مثلاً!

هرش برأسه: مش القصد، بس آجي معاكِ أضمن يعني، هقف بالقميص عامل

زي اللي بوقع على نفسي ولا بريِّل كده!

فضحكت: آه صح، طيب تعالى معايا جوه الفيلا.

فانطلق معها إلى الداخل، وفي أثناء سيرهما: بس إنتِ واخدة على الفيلا زي ما

تكوني من أهلها، إنتِ شغالة هنا ولا قريبتهم؟

فنظرت إليه: أنا أخت ظافر البنهاوي.

(مازن) بتلقائية: هو إنتِ!

فنظرت إليه: هو أنا إيه؟!!

فحاول التومية: لا أبدًا، ولا حاجة.

وأجلسته وكادت تذهب، فجذبها من يدها: رايحة فين؟

(أشجان) بضيق: والله هديها للدادة تنظفها، ولا تحب تدخل المطبخ معايا.

(مازن) بابتسامة: أحب قوي.

(أشجان) تزفر بضيق: لو تحب أجيب لك جاكيت من عند ظافر لو مش واثق فيا وخايف آخده ليا يمكن هيدفيني ولا حاجة، أجيب لك عادي.
(مازن) بثقة: لأ، ولا يهمني، عندي منه دسطة أصفر وأحمر وأخضر وبينك...
(أشجان) باستغراب: إيه الألوان العجيبة والغريبة دي!
(مازن) ليؤكد لها: وعشان أكّد لك، خدي القميص كمان، يلا يا ستي شوفتي بقى أنا واثق فيك ازاي.

وألقيه عليها لتسهّل من فعلته: وإنّ هتقعد طرزان كده؟!
(مازن): لأ طبعًا، ما أنا لابس الكرافات أهو.
فضحك (أشجان): لا بجد سترت نفسك!
وانطلقت إلى الدادة بهما، فنظفتها وذهبت إليه، لتقول له: هطلع أجيب لك حاجة من فوق بدل ما تبرد.

فجذبها لتجلس بجانبه، ففزعت من فعلته، وهو يرد: أنا واخذ على كده، إنّ مشتركة في نادي الصيد؟ أحب أشوفك هناك.
(أشجان): كنت مشتركة أيام ثانوي وبتطلع في المسابقات، وكنت إنّ بتكسبها مع الفريق بتاعك.

(مازن): يعني شوفتيني قبل كده وتعرفيني، بس ازاي ماخذتش بالي!
(أشجان): عشان كنت طفلة في ثانوي بضررتين طوال، كنت دايماً يوم الصيد بعمل الضفرتين دول، ومرة أخذت مني الصيد بتاعي، ولما روحت لك قلت لي امشي يا شاطرة بعيد، ومن ساعتها ماشرتكتش تاني وسببتها لك.

(مازن) بابتسامة: قولي والله العظيم! ده أنا حمار وستين حمار!
فابتسمت وابتعدت عنه لتقوم، فجذبها مرة أخرى لتجلس بجانبه: طب إيه رأيك تبقي معايا؟

فنظرت إليه: نعم!
(مازن): ماقدش والله، أقصد ضمن فريقتي، أنتظرك بكرة ١٢ الظهر في النادي.

(أشجان) أخذت برهة ثم أجابت: هفكر.
فتناول هاتفها ورن على هاتفه ورن عليها: ده رقمي هستناك، بس ممكن أسأل

سؤال لو ميايقيكيش، إنتِ لسه صغيرة على الزواج والطلاق، ممكن أعرف السبب؟

فوجدت نفسها تقص عليه كل ما حدث.

(مازن) بضيق: معقول في ناس الحقد والشر فيهم للدرجة دي! ومن لحمك ودمك بعد ثققتك فيها تعمل كده.

(أشجان): أهي ماتت وخذت جزاءها.

وأنتِ الدادة بالملايس ليرتديها.

كاد الحفل ينتهي و(ظلال) و(ظافر) والأهل في منتهى السعادة، فحمل (ظافر) عروسه إلى حجرتهما وودع الجميع، و(ظلال) خجلة مما يفعل.

وفي اليوم التالي، ذهبت (أشجان) إلى النادي، وتوالت اللقاءات حتى يوم المسابقة، وعند فوزهما احتضنا بعضها من الفرحة عند الإعلان بالفوز، ليتم التقاط الصور وفبركة الأخبار الصحفية.

ورأى (ظافر) ذلك فاستدعاها، فاتصلت بـ(مازن): شوفت الصور والكلام؟! (هل هي بداية حياة أم مجرد علاقة عابرة لابن الوزير)، وحاجات كتير، وظافر باعت لي أنزل له.

(مازن) يهدئها: انزلي وأنا قدام فيلتكم وداخل أهو.

ودخل ليقابل (ظافر) هو و(أشجان).

فتلقفهما: ممكن أعرف إيه ده وأفهمه؟! لو مش هامك سمعتك خافي علينا.

فاستوقفه (مازن): احنا معملاش حاجة غلط، وكنا وسط الناس، مجرد فرحة فوز وكان حزن بريء، وأنا مش جاي عشان أبرر، أنا بحب أشجان وعاوز أتجوزها.

فصدم (ظافر): بس هي مطلقة.

(مازن) بتأكيد: أنا عارف كل شيء عنها ومُصر على الزواج.

فأومأت برأسها: أنا قلت له على كل حاجة.

(ظافر): ووالدك ووالدتك هيوافقوا؟

(مازن) بكل ثقة: أولاً أنا اللي هتجوز وده قراري.

فتفهم (ظافر) وأعرب عن مباركته للزيجة، ولكن يجب موافقة الأهل.

